

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ
ҲУЗУРИДАГИ ҚАТАГОН ҚУРБОНЛАРИ ХОТИРАСИ
ДАВЛАТ МУЗЕЙИ
“ШАҲИДЛАР ХОТИРАСИ” ЖАМОАТ ФОНДИ**

**МУНАВВАР ҚОРИ
АБДУРАШИДХОНОВ ТУРКИСТОН
ТАРАҚҚИЙПАРVARЛАРИНИНГ
САРДОРИ**

*“Мунаввар қори Абдурашидхоновнинг илмий-педагогик мероси
ҳамда Ўзбекистонда таълим тизимини янгилаш ва
ривожлантириши муаммолари” мавзуидаги Республика илмий-
амалий анжумани материаллари,
2018 йил 26 апрель*

**Тошкент
“MUMTOZ SO‘Z”
2018**

УЎК: 821.512.133

КБК 82.3(5Ў)

Туркистон ўлкаси XIX аср охири – XX аср бошларида мустамлакачилик сиёсати оқибатида сиёсий, маданий, иқтиисодий таназзулга юз тутди. Ана шундай шароитда вужудга келган жадидчиллик ҳаракатининг етакчиларидан бўлган Мунаввар қори Абдурашидхонов ўз вақтида нафақат Тошкентда, балки бутун Туркистонда халиқ маорифини тараққий эттиришида катта ютуқларни қўлга киритди. Мунаввар қори томонидан илгари сурʼиган илгор гоялар, илмий-педагогик қарашлар минг йишик ўзбек таълим-тарбия услубияти анъаналарини тиклашга хизмат қўйди ва бу ютуқларни чуқур илмий ўрганиш, шубҳасиз, бугунги кунда мамлакатимизда амалга оширилаётган таълим тизимидағи ислоҳотларда муҳим аҳамиятга молик ҳисобланади.

Мазкур тўпламга киритилган мақолаларда XX аср бошларида яратилган янги усул мактаблари, дарслклари ва ўқув қўйлганмаларининг янги ўзбек зиёлилари авлодининг шаклланишида М.Абдурашидхоновнинг роли, унинг Туркистонда миллий олий таълим тизимини барпо этиши, туркистонлик ёшлиларни олий таълим олиш учун Марказий Россия ва Европа мамлакатларига юбориш орқали олий маълумотли миллий кадрлар авлодини яратишдаги хизматлари, шунингдек, унинг “Турон” театри ва “Нашири маориф” жамиятидағи маърифатпарварлик фаoliyati ҳамда адабий-публицистик асарларидаги меҳнатсеварлик, инсонпарварлик, ватаннапарварлик, фидойиллик гояларининг ҳозирги вақтдаги аҳамиятини ўрганиш назарда тутилган.

Китоб Ўзбекистон тарихининг ўта мураккаб ва зиддииятли даврини тарихчи, сиёсатшунос, адабиётшунос, файласуф ва бошқа соҳа мутахассислари томонидан олиб борилаётган тадқиқотларни тўлдиради ва тарихан тўғри хуносаларга келишига кўмак беради.

Таҳрир хайъати:

Наим КАРИМОВ, Рустам ШАМСУТДИНОВ,
Мурод ЗИКРУЛЛАЕВ, Баҳром ИРЗАЕВ, Абдували ЙЎЛДАШЕВ

Масъул мухаррир:
Бахтиёр ҲАСАНОВ,
тарих фанлари доктори

Такризчи:
Сайдакбар АГЗАМХОДЖАЕВ

ISBN 978-9943-4718-9-2

© “MUMTOZ SO‘Z”, 2018

**МУНАВVAR ҚОРИ АБДУРАШИДХОНОВ
МИЛЛИЙ МУСТАҚИЛЛИК УЧУН КУРАШ
ЙЎЛБОШЧИСИ СИФАТИДА**

1919 йилдаги январь воқеаси даврида Эски Жўвадаги босманинг иккинчи қаватида ёшларнинг бирлашган иигилиши бўлди.

Бу иигилишида Саъдула¹ Мунаввар қори билан ўтишиб сўрашади-да: “Мен эсерман, Ватан учун хизматга доимо тайёрман”, – деб айтади. Бу ерда Акмал Икромов раҳбарлигидаги “Изчилар” музика оркестри ҳам бор эди. Музикачилар унинг бошқарувида “Яшасин Мунаввар қори! Яшасин миллат!!” деб ашула айтади.

Тошкентда уни билмайдиган одам йўқ. У жадидларнинг булоқ кишиларидан бири, “Шўрои Исломия”нинг асосий ташкилотчиси бўлган”.

Тангрикули Мақсудов. Тергов пайтида берган кўрсатмасидан.

Узоқ асрлар мобайнида миллий озодлик учун курашган қайси бир халқ тарихини варакламанг, унинг зобит давлатга қарши исён, галаён, кўзголон ёрдамида курашиб келганлигини кўрамиз. XIX аср охири – XX аср бошларида Туркистон аҳолиси ҳам мустақиллик учун курашнинг шундай усулидан фойдаланиши мумкин эди. Аммо тарих бу усульнинг самара бермаслигини, аксинча, исён ёки кўзголон кўтарган омманинг зобит давлат томонидан қаттиқ жазоланиши муқааррарлигини кўрсатди. Шу даврда Туркистонда вужудга келган жадидчилик ҳаракати раҳбарлари бу аччиқ ҳақиқатни яхши билганлар. Шунинг учун улар ҳали ижтимоий онги мудраб ётган, кадди мустамлакачилик зулми остида эзилган ва пароканда ҳолда яшаб келаётган аҳолини, аввало, маърифат булоқларидан баҳраманд этиб, миллатини муайян уруғ, ватанини муайян кишлек ёки шаҳардан иборат деб келаётган аҳолини бирлаштириб, уни Ватан, эрк ва ҳуррият сингари қадриятларни эъзозловчи халқ

¹ Саъдула – Саъдула Турсунхўжаев (1891-1937) XX асрнинг биринчи чорагидаги таникли давлат ва жамоат арбоби.

даражасига кўтариш лозимлигини яхши билганлар. Шу нарса уларни янги тарихий давр бошларида мактаб ва маориф тизимини ислоҳ қилиб, янги усул мактабларини очишга, миллий матбуот, адабиёт ва театрни яратишга давват этди. Улар шу йўл билан Туркистон аҳолисини маърифатлаштириб, жаҳондаги илғор халклар даражасига олиб чиқини ўз олдиларига асосий мақсад қилиб қўйдилар.

Шу тарихий миссиянинг бошида Тошкент жадидлари раҳбари Мунаввар кори Абдурашидхонов турди. У Тошкентда дастлабки жадид мактаби ва жадид газетасини ташкил этибгина, жадид театри пардасини илк бор очибгина қолмай, 1913 йилда Туркистондаги дастлабки маърифий ташкилотлардан бири “Турон” жамиятига, 1917 йилда эса “Турон” заминида “Шўрои Исломия” жамиятига тамал тошини қўйди. Кўп ўтмай, тарихий давр тақозоси билан унинг бевосита иштирокида “Турк адам марказият” партияси ҳамда “Иттиҳод ва тараққий” ташкилоти тузилди. Мунаввар кори Абдурашидхонов берган маълумотга қараганда, 1919 йили Тошкентнинг Қашқар маҳалласига яқин боғларнинг бирида “Иттиҳод ва тараққий”нинг Умумтуркистон курултойи ўтказилиб, унда “Миллий иттиҳод” ташкилотига пойdevor қўйилди.

Мустамлакачилик сиёсати гуллари чаман бўлиб очилган Туркистонда миллий ташкилотларни тузиш осон кечмаган. 1917 йил февралидан кейин ҳокимият тепасига келган большевиклар чор охранкасининг кузатувчилик, тазиқчилик ва таҳдидчилик ишларини давом эттириб, шу ташкилот аъзоларининг ҳар бир хатти-ҳаракатини кузатибгина қолмай, Мунаввар кори ва у раҳбарлик қилган миллий ташкилотларга қарши маълумот тўплаш ва курашицда улардан усталик билан фойдаландилар. Ўзлари ва оила аъзолари ҳаёти хавф остида қолган миллий иттиҳодчилар ГПУ-ОГПУ органлари билан муросада яшашга мажбур бўлдилар. Мунаввар кори айрим миллий иттиҳодчиларнинг ГПУ-ОГПУ органлари тўмонидан ёлланганини уларнинг ўзларидан эшитгани учун маълум вақт уларни дезинформация - ногўғри маълумотлар билан таъминлаб турди. Аммо Февраль инқилобидан кейин ҳокимиятни кўлга олиш мақсадида тузилган “Шўрои Исломия”дан “Шўрои Уламо” жамияти ажralиб чиққач, “Уламо” хурриятга эришиш йўлида ҳаракат қилишдан кўра Мунаввар кори ва унинг маслақдошларига қарши курашга зўр берди. Идораси Эски шаҳар-

да жойлашган “Шўрои Исломия” ҳатто “Уламо” тазиқидан қочиб, Янги шаҳардаги Дума биносига кўчиб боришга мажбур бўлди. Ҳозир дин ва дин арбобларига катта эътибор берилаётган вақтда айrim тарихчилар “Шўрои Уламо”нинг “Шўрои Исломия” ва унинг раҳбарига қарши олиб борган курашини совет даври тарихчиларининг уйдирмаси сифатида талқин қилмоқдаларки, бу – тўғри эмас.

Мунаввар қори “Хотиралар”идан маълум бўлишича, “Уламо” жамияти таҳминан 1919 йилда Нуриддинбек Худоёров билан Гози Олим Юнусовни Туркияга юбормокчи бўлган. Бу хабарни эшитган Мунаввар қори “Шўрои Исломия”нинг бир неча аъзолари иштирокида мажлис ўтказиб, Англияning Туркистонга кўз тикаётгани, “Уламо” жамиятида эса Англияга яқинлашиш истаги уйгона бошлаганини, агар Туркистон Англия тузогига илинса, ундан кутулиш мумкин эмаслигини айтади. Шу мажлисдан кейин “Шўрои Исломия”нинг икки аъзоси – Садриддинхон билан Сайдносир Миржалилов “Уламо” вакилларига қарши ишлаш учун Туркияга юборилади. Бу ҳар икки жамият вакилларининг Истанбулга бориши Туркиядаги иттиходчилар ҳукумати ийқилиб, бошлиқлари ҳар томонга қоча бошлаган ва Истанбул Европа давлатлари томонидан ишғол этилган даврга тўғри келади. Хуллас, “шўрои ислом”-чиларнинг ҳам, “Уламо” вакилларининг ҳам сафарлари натижасиз тугайди. Аммо орадан кўп ўтмай, “Шўрои Исломия” Тошкентдан Убайдулла Хўжаев билан Сайдносир Миржалиловни, Самарқанддан эса Маҳмудхўжа Беҳбудий билан Мардонкул Шоҳмуҳаммадзода ва Муҳаммадкул Ўринбой ўғлини Туркияга юборади. Лекин бу делегация Беҳбудий бошлиқ гуруҳнинг Қаршида амир одамлари томонидан ушланиб, қатл этилиши сабаб Туркияга бора олмайди.

Бу икки воқеа ўзбек зиёллиарининг XX аср бошларида мустақиллик йўлида олиб борган курашларида Туркияга маънавий ва амалий мадад бера олувчи бирдан-бир давлат сифатида кўз тикканларини кўрсатади.

Илмий адабиётда атоқли маърифатпарварнинг сиёsat саҳнисига чиқиб, 1917-1929 йилларда “Иттиҳоди тараққий” (1917-1920), “Шўрои Исломия” (1917-1918), “Миллий иттиҳод” (1921-1925), “Миллий истиқлол” (1926-1929) сиёсий-ижтимоий ташкилотларига раҳбарлик қилгани қайд этиб келинади. Шу ўн йилдан зиёдроқ вақт мобайнида Туркистоннинг ижтимоий-сиёсий ҳаётида қандай

вокеалар рўй берган бўлса, Мунаввар кори шу воеаларнинг мөҳиятига қараб истиқлол учун кураш тактикасини ўзгартириб, янгилаб келди. 1918 йил февралида Туркистон Мухторияти большевиклар томонидан зўравонлик йўли билан тугатилган бўлса-да, шу йили совет давлатининг ахволи мушкуллашган, ҳатто Туркия Озарбайжонга бостириб кириб, Боку шаҳрини эгаллаган эди. Музaffer турк кўшиналарнинг Ўрта Осиёга келиб, миллий истиқлолчиларнинг Туркистонни большевиклар чангалидан куткариб олишига ёрдам бериши эҳтимолдан холи эмас эди. Тарихий вазиятнинг истиқлолчилик харакатини давом эттириш учун қулай эканлигини сезган Мунаввар кори “Иттиҳоди тараққий” ташкилотини шакллантиришга катта зътибор берди. Унинг ГПУ Ўрта Осиё бўлими бошлиги Бельский талаби билан ёзилган хотираларида шу ташкилотнинг тузилишига доир бундай маълумот берилган:

“Иттифоқи тараққийпарварон” жамияти. Бу жамиятнинг Февраль инқилоби даврида “Уламо” ғалабасидан сўнгра тараққийпарварларни бирлаштириш мақсади или тузилғонлиги ва уларга бош мақсад қилиб ерлик халқни “жаҳолат ва асоратдан кутқармоқ” жумласини олғонлигини, турклар томонидан Боку олинғоч, “парварон” сўзи ташланиб, жамиятнинг исми “Иттиҳоди тараққий” бўлиб кетганини, 19-йил январь воеаларидан сўнгра кераксиз топилиб, мутавваккил торқолишғонлиги ва бу миёнада ишлағон ишларни қисқача ёзмоқ или баробар уставдан баъзи хотирада қолғон моддаларни ҳам ёзib берғон эдим”.¹

Мунаввар кори шу сўзлардан кейин жамият муассисларидан 2 таси тошкентлик, 2 таси самарқандлик, 2 таси турк, қолган 2 таси эса қозоқ ва туркман бўлганини айтган. Яна унинг маълумот беришича, жамиятнинг “Маркази умумия” ва “Ҳайъати марказия” деган шўйбалари бўлиб, уларнинг биринччиси Тошкентда, иккинччиси вилоят марказларида фаолият кўрсатган; ўз навбатида уларнинг шаҳар ва қишлоқларда шўйба-ю шўйбачалари бўлган. “Иттиҳоди тараққий” яширин жамият бўлгани учун аъзолари жамият раисидан бошқа ходимларни шахсан билишмаган. Мунаввар кори жамиятнинг Тошкент, Беҳбудий – Самарқанд, Мирзоҳид – Фаргона, Хон Явмудский – Туркманистон, қозоқ мухаррири эса Еттисув бўлимларига раҳбарлик қилишган.

¹ Абдурашидхонов М. Танланган асарлар. – Т.: Маънавият, 2003. – Б. 210-211.

Шу вақтда Россияда большевиклар ҳукуматини ағдариб, меньшевиклар ҳукуматини ўрнатиш учун “оклар” ҳаракати бошланган эди. Туркистоннинг икки ўт ўртасида қолганини кўрган Англия эса тарих берган имкониятдан фойдаланиб, Марказий Осиёни ҳам згаллаш режасини ишлаб чиқаётган эди. Шундай мураккаб шароитда “Иттиҳоди тараққий” олдида турган вазифа, Мунаввар кори асл мақсадини яшириш истагида ёзганидек, “Туркистонга шўролар томонидан берилган мухториятни кенгайтириш ва идораларни ерлаштира бориш” эмас, балки большевиклар чангалидан чиқиш учун, истиқлол учун курашни ташкил этиш эди.

1919 йил январида Осипов кўзғолонининг бостирилиши большевикларнинг Туркистондаги ягона бирлашган сиёсий-ижтимоий куч эканлигини кўрсатди ва улар мавқеи бир неча бор кўтарилид. Бу ҳол атрофига кенг халқ оммасини бирлаштира олмаган “Иттиҳоди тараққий” жамиятининг таркалиб кетишига сабаб бўлди.

“Иттиҳоди тараққий” ва ўша кезларда Мунаввар қори раҳбарлигида тузилган “Бирлик” жамиятлари таркалғоч, – деб ёзади Мунаввар қори, – биздан айрим қолғон тўда бошлиқлари биз 8-курултойда “Миллий группа” тузиб, Казаковлар ила курашиб турғон чоқларимизда бизга билдирамасдан “Миллий иттиҳод” жамиятини тузилганлар¹.

Мунаввар қорининг маълумот беришича, “Миллий иттиҳод”-нинг ўз дастур ул-амали бўлмай, жамият “Иттиҳоди тараққий”нинг дастури асосида тузилган низомнома бўйича иш юритган.

Мунаввар қори Бельскийнинг талаби билан “Хотиралар”ида “Миллий иттиҳод” ташкилоти тўғрисида маълумот берар экан, бу ташкилотнинг совет давлатини ағдариб, миллий ўзбек давлатини куриш мақсадини яширмасдан ва турли масалалар билан Бельскийни чалғитмасдан бошқа иложи йўқ эди. Шунинг учун ҳам биз унинг барча сўзларини ҳақиқат сифатида қабул килмаслигимиз лозим. “Асосий мақсадимиз, – деб ёзган эди у “Миллий иттиҳод” ташкилотининг мақсадини назарда тутиб, – миллий истиқлолига эришмок учун ишни муташаккил тарзда олиб бориш мақсадимизда бор эди. Большевиклар эзилганларни озод қилиш учун империализмга қарши курашни шиор қилиб олғон эдилар. Биз шундан келиб чиккан ҳолда шўро ҳукумати билан бирға бўлғондағина ўз мақсадимизга эришамиз, деб ўйлардик. Щул сабабли ёшларимизни

¹ Кўрсатилган манба. – Б. 216.

фақат шўро ҳукумати идораларида қатнаштириш йўли орқали уларни давлатни бошқаришга ўргатмакчи бўлдик. Шунинг учун ёшларимизни иложи борича кўпроқ давлат идоралариға жалб қилмоқчи бўлдик. Биз ана шу йўл билан асл мақсадимиз – миллий истиқлолни кўлға киритиш мумкин, деб ҳисоблардик. Бу шўро ҳукумати билан муроса қилиш тактикаси эди”.²

Чиндан ҳам, “Миллий иттиҳод”нинг ўз мақсадига эришиш учун танлаган асосий йўли ўз аъзоларини давлат идораларга жойлаштириш бўлган. Аммо бу – шўро давлати билан муроса қилиш ёки аъзоларини фаол меҳнатга жалб этиш эмас, балки давлат идораларида эгаллаган лавозимларидан ташкилот фойдасига ишлаш, шундай йўл билан яқин келажакда давлатнинг барча муҳим соҳаларини ўз аъзолари билан тўлдириши ва “осуда” инқилоб йўли билан мустақилликка эришиш эди. Буни, шубҳасиз, ГПУ-ОГПУ ходимлари яхши билишган ва миллий иттиҳодчилар бўйнига тушажак арқони узун ташлаб қўйишган.

“Хотиралар”дан маълум бўлишича, 20-йилларнинг бошларида у ёки бу идорани ташкилотнинг таъсир доирасига олиш анча осон кечган. “Айниқса, – деб ёзган у, – маориф, адабиёт, матбуот-мафкурани шакллантириш, кадрлар тайёрлаш соҳасида у (хатто бўлажак ходимларни, миллатчи арбобларни етиштириш учун) мактабларда маҳсус бойскаут ўтрядлари¹ – тўдалар ташкил қилинди. Ташкилот ўз манфаати учун шўро ҳукуматининг мазлумларни озод қилиш, империализмга қарши кураш каби хитобномаларни ҳаётга тадбиқ этишдаги амалий фаолиятидан кенг фойдаланар эди. Ташкилот манфаати бор жойда ҳамкорлик қилинарди (кадрлар тайёрлаш ва бошқалар). Шул билан бирга ташкилот шўро ҳукуматига [қарши] маҳфий кураш олиб бориб, айниқса, Фарғона, Самарканд, Бухорода “босмачилик”нинг ривожланиши ва кучайишига таъсир кўрсатарди”.²

“Хотиралар”нинг шу вақтгача эълон қилинган қисми билан танишган киши, муаллифнинг ўзининг ҳам, “Иттиҳоди тараққий”, “Иттиҳоди миллий” (“Миллий иттиҳод”) ташқилотларининг ҳам шўроларга қарши олиб борган фаолиятини яшириши ва ГПУ-ОГПУ

² Кўрсатилган манба. – Б. 228.

¹ Бойскаут ўтрядлари – ўтган асрнинг 20-йилларидағи ўқувчи болаларнинг ярим ҳарбийлашган отрядлари.

² Ўша жойда.

раҳбарларини чалғитишга уринганини, айни пайтда шу ташкилотлар фаолияти билан боғлик айрим маҳфий ишларни ошкор килганини кўриб, хайраттга тушиши мумкин. Масалан, у юқорида келтирилган парчада “Миллий иттиҳод” ташкилотининг Фаргона, Самарқанд ва Бухорода “босмачилик”нинг “ривожланиши ва кучайиши”га таъсир кўрсатганини очиқ айтган. Агар шу сўзлар билан бошланган лавҳанинг давомини ўқисак: “миллатчилик фаолиятини бошкариш ишлари 1923 йилғача Али Расулов, Сайдносир ва Шомансуровлардан иборат “тройка” кўлида эди”, “Салимхон ва Азиззоданинг “Миллий истиқлол” “тройка”си” сингари иборалардаги “тройка” сўзи ҳар кандай кишини ҳам ўйлантириб қўяди. Шу сўзининг ўзиёқ Мунаввар қори тузган ёки фаолиятида қатнашган ташкилотларнинг яширин равища аксилини-килобий ва аксишшўровий ишларни олиб боргани ҳақида муайян тасаввур уйғотади. Аммо Мунаввар қори ҳам, ташкилотнинг бошқа фаоллари ҳам қанчалик яширин ҳаракат қилган бўлмасинлар (ташкилотта аъзо бўлиб киришда Куръон ва тўппонча билан қасам ичиш, ўзи аъзоси бўлган уч киши (“тройка”)дан бошқа аъзоларни билмаслик, пароль ёрдамида бошқа аъзолар билан алоқада бўлиш каби), ГПУ-ОГПУ органлари уларни ўз айғоқчилари билан шу кадар чирмаб ташлаган ва уларнинг ҳар бир қадамидан хабардор эдиларки, “Хотиралар”да юқоридагидек “сирли” маълумотларни яширишга ҳожат йўқ эди.

Мунаввар қори раҳбарлигидаги “Миллий иттиҳод” ва “Миллий иттиҳод” ташкилотлари аъзоларининг тергов “иш”и билан танишган киши вилоятларда шу ташкилотларга аъзо бўлган кишиларга маҳсус ракам (номер)лар ва лақаблар берилганини кўради. Масалан, ташкилотнинг Наманган бўлими Абдулла ҳожига 116-А раками ва “Мулла Зариф” лақабини, Мунижон Ҳакимовга эса 117-М раками ва “Нурмат” лақабини берган. Бу ракамлардаги ҳарфлар ташкилот аъзоси асл номининг бош ҳарфини англаттан. Бундай конспирация унсурлари ташкилот раҳбарларининг, жумладан, Мунаввар қорининг автономия ва бошқа масалаларни ўрганиш учун Финляндияга ёки Россиянинг бошқа шахарларига борганида яширин сиёсий кураш йўллари ва усуларини пухта ўрганганидан шаҳодат беради.

Мунаввар қорининг 1930 йил 2 июлда берган кўрсатмасига караганда, “Миллий иттиҳод” ташкилоти қошида ҳарбий гурӯҳ

бўлган ва бу гурух ташкилотни “босмачилар” билан, шахсан, Раҳмонқул қўрбоши билан боғлаб турган.

СССР парчаланиб, Ўзбекистон мустақилликка эришганидан сўнг “босмачилик ҳаракати”га бўлган муносабат бир неча марта қарама-қарши томонларга ўзгарди. Агар бу ҳаракат Туркистон Мухториятининг совет давлати томонидан қонга ботирилганига жавоб тарзида бошланганини эътиборга олсак, уни истиқлолчилик ҳаракати сифатида талкин килиш тўғри бўлади. Лекин кейинчалик бу ҳаракат айrim қўрбошиларнинг халқ ва ватан манфаатини унтутиб, шахсий манфаати ва нафсониятини кондириш йўлидан кетганилиги, шунингдек, “босмачилар” либосида қишлоқларга бостириб кириб, аҳолини талаган, аёлларни зўрлаган кизил аскарларнинг ҳатти-ҳаракатлари билан бадном этилдики, ҳатто тарихчи олимлар ҳам бу ҳаракат ташаббускорлари орасида Мадаминбекдек ватан-парвар ва миллиатпарвар халқ лашкарбошилари бўлганлигини эътиборга олмадилар. Совет давлатининг собик “босмачилар”га афв эълон қилиб, куролларини ташлаганларидан кейин уларни юзсизларча кириб ташлагани эса тамомила унутилди.

Тарих фактлари шундан далолат берадики, Мунаввар қори раҳбарлик қилган сиёсий ташкилотлар Фаргона водийсидаги айrim қўрбошилар ва улар раҳбарлик қилган гурухлар билан якин алоқада бўлган. Тарих фанлари доктори Қахрамон Ражабов “Жадид ва уламолар – совет ҳокимиятига қарши қуролли курашнинг ғоявий асосчилари ва ташкилотчилари” деган мақолосида шу масалага доир бундай маълумотни берган: “Туркистон Мухторияти хукуматининг халқ маорифи вазири, Намангандаги “Шўрои Исломия” ташкилотининг раҳбари Носирхон Тўра Сайд Камолхон Тўра ўғли (1874, Наманган – 1930, Тошкент), хукумат ғазначиси Сайдносир Миржалилов (1884, Туркистон – 1937, Тошкент), озиқ-овқат вазири Обиджон Маҳмудов (1871, Марғилон – 1936, Кўқон)... ва Садриддинхон муфтий (Садриддинхон Шарифхўжаев, 1878, Тошкент – 1946, Қандахор)лар совет тарихида “босмачилар” деб қораланган миллий-озодлик қўзғолончилари билан алоқа ўрнатишиди. Улар Фаргона водийсидаги аҳоли орасида ва қўрбошилардан Шермуҳаммадбек, Раҳмонқул ва Парпи қўрбошининг йигитлари ичida бўлиб, уларни совет ҳокимиятига қарши курашга сафарбар қилишда муҳим ишларни амалга оширилар”.¹

¹ Туркистон жадидчилиги – миллий уйғониш даври тарихи (XIX аср охири – XX аср бошлари). – Наманган, 2012. – Б. 302-303.

Муаллиф шу сўзлардан кейин китобхонларга қўйидаги манба билан танишишни тавсия килган: “Фарғона ВДА², 435-фонд, 1-рўйхат, 201-иш, 2-варақ”.

“Миллий иттиҳод” ташкилотининг Фарғона водийсидаги “босмачилар” гуруҳига маҳсус топшириқ билан юборилган аъзоларидан бири Обид Сайдовдир. У 1929 йили “қосимовчилар” устидан ўтказилган суд жараёнида сўзга чиқиб, “босмачилар” ўртасида фаолият олиб борган юртдошлари ҳақида мукаммал маълумот берган. ГПУ айғоқчиси бўлмиш бу кимса ўша йил 27 ноябрда берган кўрсатмасида “босмачилар” қароргоҳига илк маротаба берган кунини эслаб, бундай деган:

“...Белгиланган жойда Истроилов билан учрашгач, Пискентга йўл олдик. Пискентда тунаб (кимнинг уйидалигини билмайман), эрталаб йўлга чиқдик. Мурот-Алининг Жаркишлогидан ўтиб, токка кўтарилидик. Панзор қишлоғида босмачилар билан илк бор учрашдик. У ерда Раҳмонулнинг укаси Турсунбой қўрбоши қўмондонлик қилган 200 кишидан иборат шайка бор экан. Менда шахсан шу қўрбошига берадиган ҳеч қандай топшириқ бўлмаган, аммо Истроилов у билан алоқа қандайдир музокарани олиб борди. Биз шу шайка жойлашган ерда тунаб, сўнг бир неча йигитлар ҳамроҳлигида йўлда давом этдик. Пайшанбе томонга қараб юрдик. Ўша ерга кетишда Истроиловга кувиб етаман деб уни отдан йикитиб юбордим...

...Кейинги кун эрталаб биз Раҳмонул қўмондонлик қилган босмачилар манзилига етиб бордик. Раҳмонкул Истроиловдан Толибжон Мусабоевнинг сиҳат-сломатлигини сўради. Истроилов унга зарур маълумотларни бериб: “Ҳамма қаҳрамонни дуо қилмоқда”, деди (Раҳмонкулни назарда тутиб). Кейин у яқинда Исфандиёрнинг Тошкентта келишини айтди. Исфандиёров МК³ билан қўрбошилар ўртасида алоқачи бўлиб, босмачиларга куроляроғ етказиб тураркан. Истроиловнинг сўзига қараганда, Исфандиёров шу кунларда бир-икки киши билан бирга қурол олиб келаркан. Шундан кейин Истроилов совға-салом олиб, қаергадир кетди. Маълум бўлинича, Истроилов Тангрикулхўжа билан Усмонхўжани олиб келиш учун Тошкентта жўнаган экан, кўп

² ВДА – вилоят давлат архиви.

³ МК – Марказий Комитет. “Миллий иттиҳод” ташкилотининг марказий органи

ўтмай, улар Раҳмонқулнинг қароргоҳига келиб, бизга қўшилишди, кутилмаганда қаердандир Садриддинхон ҳам етиб келди.

Садриддинхон Тангириулхўжадан Тошкентда большевикларнинг XII қурултойи ўтаётганини эшишиб, Раҳмонқулга Фарғона вилоятида мухториятни тузишни талаб қилиб, қурултойга ультиматум юборғани тақлиф этди. Садриддинхон айтиб турди, “коммунист” Усмонхўжа Тўхтахўжаев эса шу ультиматумни ёзди. Шу пайт Исфандиёров МК номидан Раҳмонқулнинг болаларига бир хуржун совғалар билан қурол-яроғларни олиб келди. Қурол-яроғ Раҳмонқулнинг пулига сотиб олинган эди.

Ёзилган ультиматумни почта орқали партия қурултойига юбориш Исфандиёровнинг зиммасига юкланди.

Орадан бир неча кун ўтгач, Раҳмонқул Тангириулхўжа ва Усмонхўжани олиб, йигитлари билан Чафтонга бормоқчи бўлиб турганида, кутилмаганда Ислом кўрбоши (қўқонлик бандит)дан чопар келиб қолиши бизни йўлдан тўхтатиб қўйди: бу чопар большевиклар, шу жумладан, ўр. Зиновьев билан музокаралар белгилангани ҳақидаги хабарни олиб келган эди. Ислом кўрбоши [Раҳмонқулдан] ўз вакилларини юборишни сўрапти. Делегатларни юбориш ҳақидаги буйруқ аслида Кўршермат номидан келган экан. Мен, Садриддинхон, Раҳмонқулнинг акаси Мухаммад Содик Холов ва отрядлардан бирининг бошлиғи понсадбоши Сулаймонқул вакиллар этиб тайинландик.

Биз йўлга чиқиб, Кўқон орқали кўрбоши Ислом бойваччанинг Қорадарё яхинидаги қароргоҳига бордик. Садриддинхон Ислом бойвачча билан бошқа хонада музокара олиб борди...”

Обид Саидовнинг шу кўрсатмаси билан танишган киши Мунаввар кори раҳбарлик қилган “Миллий иттиҳод” ташкилотининг “босмачилар” билан алока ўрнатганлиги ва имкон даражасида уларнинг хатти-ҳаракатларини муайян ўзанга буришга ҳаракат қилганларига ишонч ҳосил қиласди.

Обид Саидовнинг кўрсатмасидан яна шу нарса маълум бўладики, Раҳмонқул кўрбоши сингари “босмачилик ҳаракати” раҳбарлари Туркистон ҳукуматидаги айрим шахслар ва ташкилот МК ёрдамида қурол-яроғ сотиб олишган ва маҳаллий ҳокимият томонидан қўллаб-куvvatланган. О.Саидовнинг айтишича, айрим маҳаллий раҳбарлар томонидан қўллаб-куvvatланган Кўршермат

ҳатто бояги большевиклар билан музокарада қатнашишни ҳам ўзига эп кўрмаган.

Шу ўринда айтиш керакки, “Миллий иттиход” ташкилоти аъзоси Обид Саидовнинг “косимовчилар” устидан бўлиб ўтган судда хоинлик қилиб, “босмачилар” билан ҳамкорлик қилган “миллий иттиходчилар”ни фош этиб чикиши ва ГПУга уларнинг номмабон рўйхатини бериши Туркистон зиёлиларини ларзага келтирган.

“Миллий иттиход”нинг кўзга кўринган аъзоларидан бири Салимхон Тиллахонов 1930 йил июнида бўлиб ўтган терговда Турор Рискуловнинг Туркистон Халқ Комиссарлари Советига раис этиб тайинланган кунлар (1922-1924)ни назарда тутиб, бундай деган:

“Рискулов Туркистонга келганидан кейин Мунаввар қори Абдурашидов, Сайдулла Турсунхўжаев ва Туркистоннинг бошқа кўзга кўринган, обрули кишилари билан учрашган. Шу учрашувдан кейин жадид зиёлиларининг тактикаси мутлақо ўзгарган. Шу сухбатдан кейин Мунаввар қорининг жадид зиёлиларининг айrim вакилларига берган топшириғи, асосан, қуйидагилардан иборат:

“ВКП(б) МК Рискуловнинг Халқ Комиссарлари Совети раиси этиб тайинланиши муносабати билан унга бир неча, жумладан: 1) Туркистонда давом эттаётган босмачилик ҳаракатини тўхтатиш ва 2) яширин жадид ташкилоти фаолиятига нуқта қўйиш.

Чиндан ҳам (деган Мунаввар қори давом этиб), бундан кейин ташкилот фаолиятини ва босмачилик ҳаракатини давом эттириш аклдан эмас. Шунинг учун биз бу фаолиятга чек қўйиб, акл-фаросат билан ишлашимиз лозим. Туркистондаги барча жадидлар шундан келиб чиқсан ҳолда бугундан бошлаб босмачилик ҳаракатига қарши ҳаракат килишлари, бу ҳаракатни кўллаб-куватлашдан воз кечиб, босмачиликка кўрсатаётган ёрдамни тўхтатишлари лозим. Шуни ҳамма жадидлар билишлари зарур. Зоро, Рискуловга буларнинг ҳаммасини бошловчилар қўли билан йўқотиш бекорга топширилмаган. Шунинг учун бу ишга жуда жиддий қараш ва бор куч билан фаоллик кўрсатиш лозим”.

Мунаввар қори берган шу топшириқдан кейин жадидлар ҳамма жойда “босмачилик ҳаракати”нинг давом эттирилишига қарши ҳаракат бошладилар. Чўлпоннинг 1923 йили Андижонга бориб, “босмачилик”ка қарши курашиш мақсадида ташкил этилган “Дарҳон” газетасида ишлаши тасодифий эмас. Шу масалада, ай-

никса, фарғоналик жадидлар “Миллий иттиҳод”нинг Фарғона вилояти бўлими раиси Ҳусайнхон Ниёзий раҳбарлигида фаоллик кўрсатдилар. Бошқа шаҳар ва вилоятлардаги жадидлар эса “босмачилар” билан қарийб бевосита алоқада бўлмаганлари учун уларга қарши ташвиқот килиш билангина чекландилар.

Шундай тадбирлардан сўнг Фарғона водийсида“ босмачилик ҳаракати”га чек кўйилади.

“Босмачилик ҳаракати”нинг тугатилиши ва ташкилотнинг расман таркатилиши билан асосий мақсад кун тартибидан олиб ташланмади. Мунаввар қори ташаббуси билан “Шўрои ислом” ва “Миллий иттиҳод” ташкилотларида бошланган иш “Нашри маориф” ва “Кўмак” жамиятлари, шунингдек, “Миллий истиқлол” ташкилоти томонидан давом эттирилди. Аммо шу тўғрида сўзлашдан аввал шуни алоҳида таъкидлаш керакки, ўша йилларда хорижда яшаётган Мустафо Чўқаев, Садриддинхон сингари муҳожирларга мoddий ёрдам кўрсатиш, уларни Туркистонда кечәётган сиёсий ҳаёт ҳақидаги аҳборот билан таъминлаш, умуман, Туркистоннинг маҳаллий аҳолисига хайриҳоҳ хорижий мамлакатлар билан алоқада бўлиш ташкилотнинг диққат марказида турган.

Мунаввар қори 1930 йил 15 июнда берган кўрсатмасида шу масалага дисир бундай сўзларни айтган: “Биз советларга қарши фаолиятимизни Ўзбекистондан чет элга кўчиришни ва шу мақсадда Чўқаев, Заки Валиди, Садриддинхон мисолида хориждаги муҳожирлар билан ҳамкорлик килишни кўзда тутганмиз... Сайдносир айтганидек, Чўқаевга 100-200 сўм пулни юборишдан кўра, газета ва журнал материаларини юбориш кўпроқ фойда келтиради. Чўқаев пулдан кўра биз юборган материаллардан ишнинг йўлга кўйилишида унумли фойдаланиши мумкин.

Шу билан бирга айтишим керакки, орамизда хориж билан алоқа килиш ҳақида энг кўп гапирган одам Убайдулла Хўжаев билан Сайдносирдир, мени кўпроқ маҳкамани ўз кўлимизга олиш, керакли одамларни тайёрлаш, маҳкамани ўз одамларимиз билан тўлдириш, Эсон афандини эса – мактабларда миллий тарбия масаласи кўпроқ қизиқтирган. Матбуот, адабиёт масалалари ҳаммамизни бир хил даражада банд этган...

...Муҳожирлар билан алоқани Афғонистон ва Эрон консулхоналари ёрдамида амалга ошириш керак. Дарвоке, менга афғон консулхонаси, Али Расулов ёки Сайдносирга Эрон консулхонаси

билин алоқага кириш топширилган. Агар биз шу йўл билан хорижий алоқани ўрнатиш имконини топмасак, ахборотни етказиши вазифаси юкландган маҳсус одамларни Эрон билан Афғонистонга юбориш ва Ўрта Осиёнинг ички сиёсий аҳволига доир ахборотни шу мамлакатлар матбуоти саҳифаларида ёки уларни Чўкаевга юбориб, Фарбий Европа матбуотида эълон қилишини назарда тутганимиз”.

*Бахтиёр ҲАСАНОВ
ЎзР ВМ ҳузуридан Қатагон
қурбонлари хотираси давлат музейи
директори, т.ф.д.,*

МУНАВVAR ҚORI АBDУРАШИДХОНОВНИНГ СИЁСИЙ ФАОЛИЯТИГА ДОИР

XX аср бошларида Туркистонда содир бўлган миллий уйғонишнинг энг буюк даржаларидан бири шабҳасиз Мунаввар кори Абдурашидхон ўғлидир. Маълумки, мустабид шўро тузуми илк кунлариданок Мунаввар корини ўзининг асосий рақиби сифатида кўрди ва у билан курашга киришди. Ўлкада жокимиятини мустаҳкамлаб олгач эса, биринчи бўлиб амалга оширган оммавий катагонларидан бири бу Мунаввар кори Абдурашидхонов бошлиқ 84 нафар ўзбек тараққийпарнарларнинг миллий маҳв этилиши бўлди. Совет мағкурачилари Мунаввар кори Абдурашидхонов жисмонан йўқ қилинганидан сўнг ҳам хотиржам бўла олмади. Унинг ўзбек халқи онгига сингдириб кетган миллий истиклол мағкурасининг илдиз отиб кетишидан кўркиб, 70 йилдан ортиқ ўзи мавжуд бўлган ҳаёти давомида сергаклик билан уни ошкора ва яширин ҳолда таъкиб этди. Энг кизиги шўро тарихида “иликлик даври” деб ном олган ва кўплаб сталинча қатағон сиёсати қурбонлари окланган вақтида ҳам Мунаввар кори масаласи ҳеч кимнинг хаёлига келмади. Фақатгина совет жокимиятининг сўнгти кунларига келиб, миллий зиёлиларнинг тинимсиз кураши эвазига Мунаввар кори Абдурашидхонов расман окланди. Бугун орадан яна қарийиб 30 йил ўтиб, биз бу мўтабар зотнинг таваллудининг 140 йиллик санасини нишонлаш мақсадида тўпланиб турибмиз.

Анжуманда қатнашаётган олимларимиз ичиде Мунаввар кори шахси, фаолияти ва ижодиёти билан ҳалқимизни таништирған инсонларни кўришдан мамнунмиз. Айниқса, ёшларимиз, илмга эндиғина қадам кўяётган магистер ва юртимиздаги етакчи илм даргоҳларида дарс берәётган устозларни ҳам ушбу қутлуг сана билан муборакбод этамиз.

Биз Мунаввар кори Абдурашидхоновнинг ҳаёти, сермаҳсул фаолияти ҳакидаги маълумотларни тақдим этишини маърузачиларимизга колдирған ҳолда бугунги кунда миллий тарих фанимиз олдида турган муҳим вазифалар ҳакида тўхталимоқчимиз. Албаттга, ўтган даврда Мунаввар кори Абдурашидхонов ҳакида олимларимиз томонидан катта ишлар амалга оширилган. У ҳакида кўплаб мақолалар ёзилган, ҳатто танланган асарлар тўплами ҳам чоп этилган. Бирок, муаммо шундаки, биз бу билан чекланиб қолсанк Мунаввар корининг Ватанимиз тарихидаги улкан хизматларини тўлиқ тасаввур эта олмай қоламиз.

Биз бугун Мунаввар корининг маърифатчилик, театрчилик, матбуотчилик, педагогик ва ноширлик фаолияти бир қадар ўрганилган деб биламиз. Шунга қарамай бу борада ҳам қилинадиган ишлар етарли. Назаримизда унинг ёзган асарлари, маҳаллий матбуотдаги барча мақолаларини жамлаб, “Тўла асарлар тўпламини” тўлдирилган ҳолда қайта нашр этиш мақсадга мувофиқдир.

Энг муҳими эса унинг сиёсий фаолиятидир. Мунаввар кори ўзининг ОГПУнинг Шарқ бўлими масъуль мулозими Агидулинга аризасида “Иттиҳоди тараққий”нинг пайдо бўлишини куйидагича ёзади: “... 1917 йил феврал инқилобидан сўнг “Уламо жамияти” билан кураш жасаённада барча тараққийпарварларни бирлаштириш йўлида “Иттиҳоди тараққийпарварон” ташкилоти тузилган эди. Уни дастлаб етти киши турклардан Усмонбек ва Ҳайдар Шавқий, Тошкентдан мен-Мунаввар кори ва муфти Садриддинхон, туркман Ҳон Явмудский, Самарқанддан Беҳбудий, Фарғонадан Мирзоҳид Мироқиловлар тузган эдик. Ташкилот “учлик” тизими асосида ишлаб, ташкилотнинг барча аъзоларини фақатгина раис билган...”. Умуман, Туркистон Мухторияти қонли бостирилгач, Усмонбек қайта мажлис чакиради ва 1918 йилдан ташкилот фаолиятини янгидан йўлга кўяди. Совет фитна усталари ташкилот ичига ўзларининг хуфяларини жойлаштиришининг олдини олиш мақсадида улар ташкилотга қабул қилиш тартибини ишлаб чиқа-

дилар. Бундан асосий мақсад ташкилот аъзоларнинг хавфсизлигини таъминлаш ва унинг махфилигига эришиш эди. Қабул молосимига кўра янги аъзо ташкилот низоми билан таништирилган, револьвер ва Қуръони Карим билан қасам ичиши зарур бўлган. Бу гал ташкилот фаолиятида Сайдулла Турсунхўжаев, Отажон Назиров, Файзулла Хўжаев, Тангриқул ҳожи Мақсадий, Каюм Рамазон, Салимхон Тиллахонов, Абдулла Авлоний, Сайд Ахрорий, Эшонхўжа Хоний, Нажмиддин Шераҳмадбоев, Абдулҳай Тожиев, Садриддинхон муфти Шарифхўжаев кабилар фаол иш олиб боргандилар. Ташкилот аъзолари тезлик билан кўпайиб боради.

Ташкилот 1918 йил баҳорида большевикларга қарши сиёсий курашда муваффакиятга эришиш максадида сўл эсерлар партияси билан сиёсий блокка киришга қарор қиласди. Боиси, большевиклар мустамлакачи кайфиятдаги ҳар кандай кимсанни маҳаллий тараққий парварларга қарши ўз тарафига оғдириши мумкин эди. Ана шундай бир шароитда “Иттиҳоди тараққий” сиёсий курашда учинчи партия сифатида иштирок этмоқчи бўлади. Улар сўл эсерлар партиясининг барча тадбирларида фаол иштирок эта бошлайди. Мунаввар кори Абдурашидхонов ташаббуси билан кўплаб маҳаллий миллатлар вакиллари сўл эсерлар партиясига киради. Бу билан маҳаллий ёшларнинг улардан сиёсий кураш амалиётини ўзлаштириш максади ҳам кўзланган эди. Бокунинг турк кўлинилари идорасига ўтиши билан ёшларда янги умид пайдо бўлди. Энди ташкилот “Иттиҳоди тараққий” номи билан иш кўра бошлайди. Бирок, “Иттиҳоди тараққий” раҳбари Усмонбек советлар томонидан қамоққа олинади. “Иттиҳоди тараққий”нинг янги раис этиб Юсуф Зиёбек сайланади. У Истамбулга “Иттиҳоди тараққий” номидан муфти Садриддинхонни йўлайди. Садриддинхон етарли муваффакият қозона олмагач, “Иттиҳоди тараққий” Туркияга янги бир гурӯҳни йўллашга қарор қиласди. Гурӯҳга Тошкентдан Убайдулла Хўжаев, Сайдносир Миржалиловлар, Самарқанддан Махмудхўжа Беҳбуди икки нафар йўлдоши билан бориши белгиланади. Бирок, Беҳбудий сафар вақтида Қаршида тутиб олинади ва ғаҳшийларча катл этилади. Убайдулла Хўжаев Москвада, Сайдносир Тифлисда сарсон-саргардон бўлиб Тошкентга қайтадилар. Хуллас, уларнинг бирортаси кўзланган манзилига этиб бора олмадилар. Шу тариқа тараққий парварларнинг режаси Туркистон Мухторияти бостирил-

ганидан сўнг иккинчи маротаба советлар томонидан барбод этилади.

Сўл эсерлар ва миллий тараққийпарварларнинг иттифоки ҳам заиф бўлиб чиқди. Большевиклар фитнаси туфайли сўл эсерлар маҳаллий тараққийпарварларга нисбатан ишончсизлик билдира бошлайди. 1919 йил январь ойида Осипов исёнидан сўнг большевиклар қирғин ва қатағонни янада авж олдирди. Асосий сиёсий рақиби бўлган сўл эсерларнинг деярли барча раҳбарларини қиличдан ўtkазади. Шу жараёнда ўз ҳокимиятини Туркистонда анча мустахкамлаб олган совет хукумати энди асосий эътиборини маҳаллий тараққийпарварларни таъкиб этишга қаратади.

Туркияда “Иттиход ва тараққий” ҳокимиятдан ағдарилгач, умидини узган Зиёбек Туркистон тараққийпарварларининг “Иттиходи тараққий” ташкилоти фаолиятини тўхтатиб қўйишга мажбур бўлади. Бирок, маҳаллий ёшлиар умидини узмади ва “Бирлик” номи билан очиқ жамият тузади. Айни пайтда улар Мунаввар қори ташаббуси билан компартияга кириб, совет хукумати идораларига ишга ўта бошлайдилар.

Мунаввар кори дастлаб Туркистон Республикаси Маориф комиссарлигида, сўнг Турор Рискулов раҳбарлигидаги Мусбюро таркибида ишлайди. 1920 йил советларнинг VIII курултойида маҳаллий тараққийпарварлар “Миллий гуруҳ” тузиб, курултой ишида кизил мустамлақачиларга қарши фаол кураш олиб боради. Мунаввар қорининг эҳтимолига кўра ташкилотнинг “Миллий иттиҳод” деб номланишига қўйидаги сабаблар мавжуд. Биринчидан, советларнинг VIII курултойида шаклланган “Миллий гуруҳ” ўзагида бу ташкилот шаклланган ва бу ном остида Туркистоннинг маҳаллий миллатлари вакилларининг қизил империяга қарши ягона фронтга бирлашганлигининг ифодасидир. Иккинчидан барча мусулмонлар ўзбек, қозоқ, қирғиз, туркман, тоҷикларнинг миллий бирлигини назарда туттган. Учинчидан, Туркистонда яшаган уни ватаним деб билган барча миллатларнинг ягона иттифоқقا бирлашганини англатади. Дарҳақиқат, қасамёд маросимида ҳам мусулмон бўлмаган янги вакил учун Куръони Карим бўлмаслиги кўрсатилган ҳоли ҳам мавжуд. Бу эса учинчи эҳтимол ҳам мавжуд бўлганлигини англатади.

Туркистон хукумати раҳбарлари Турор Рискулов ва Сайдулла Турсунхўжаевлар асосан Туркистон Республикаси учун **миллий**

мухторият берилишини талаб қилади. Совет маъмури Кобозев 1920 йил советларнинг VIII қурултойи давомида ўзини маҳаллий тараққийпарварлар томонида тутади. Бироқ, унинг асл мақсади ўзининг сиёсий ракиблари шовунистик кайфиятдаги Казаков ва Успенский-ларга нисбатан позициясини мутаҳкамлаб олишдан иборат эди. Кобозев қурултой давомида асосан совет ҳукуматининг Шарқ сиёсати ҳакида сўзлашдан нарига ўтмади. Туркистондаги аҳволдан хабар топган Марказ мавжуд аҳволни ўрганиш учун жуда катта ваколатлар билан ўлкага Элиава бошлиқ Турккомиссияни йўллайди. Натижада Туркистонда янада кенгрок сикув ва зўравонликлар амалга оширилиб, маҳаллий ҳукуматнинг деярли барча ваколатлари тортиб олиб кўйилиш даражасига бориб етади. Мавжуд вазиятдан норози бўлган Турор Рисқулов ва Низомиддин Хўжаевлар Турккомиссия фаолиятидан норози бўлиб, Москвага йўл оладилар. Бироқ, Марказ ҳеч қандай чора кўришини хоҳламайди. Шундан сўнг 1920 йил сентябрь ойида Боку конференциясида Т.Рисқулов бу масалада яна маъруза қиласи. Конференцияни бошқарган Зиновев эса масалани Москвага ҳавола этади. Москва кўп ўтмай Турккомиссияга янги бошлиқ этиб Г.Сафаровни юборади. Г.Сафаров вазиятни ўрганиш жараёнида Т.Рисқуловга тўлиқ қарши чиқади. Ҳукуматни Назир Тўракулов ва Султонбек Хўжановлар раҳбарлигидаги янги гурухга топширади. Туркистон Республикасида раҳбар лавозимларда бўлган Саъдулла Турсунхўжаев, Али Расулов, Юсуф Алиев, Отахон Назировлар қаторида Мунаввар кори Абдурашидхонов ҳам Бокудан қайтиши билан Тошкентдан Бухорога чиқариб юборилади. Бу пайтда “Миллий иттиҳод” ташкилотини Тошкентда муфти Садриддинхон, Муҳаммадбек, Сулаймон Сомийлар юрита бошлайди. Шу ўринда “Миллий иттиҳод”нинг истиклол курашчилари билан алоқалари масаласи ҳам муҳимдир. Боку конференциясидан сўнг “қизил мустамлакачилар”нинг асл мақсадини англаб етган кўплаб ватанпарвар ёшлар совет идораларини ташлаб қўлига курол тутиб она Ватан истиқлоли учун ҳаёт мамот курашига отланади. Туркистон ҳукумати раҳбарлари ҳамон қийин вазиятда совет ҳукумати билан сулҳ тузиш умидидан воз кечмаган эди. Садриддинхон улар билан яширин келишган ҳолда қўлига курол туттган миллий озодлик ҳаракати раҳнамолари билан алоқага киришади. Бироқ, душман яна бир кадам олдинда эди. Кўрбошилар орасида бўлган оқ офицерлар

ичида ҳам, оддий маҳаллий йигитлар ичида ҳам совет идоралари томонидан ёлланган чекистлар бўлиб, барча жараённи қизил армия қўмандонларига етказиб туришар эди.

Садриддинхон Раҳмонқул кўрбошининг олдига бориб барча кучларни бирлаштиришга чақиради. Раҳмонқул ва Ислом пахлавонлар билан бирга Шермуҳаммадбек билан учрашади. Кувалик Бокижонбой, Рустам ҳожи, Камол қозилар иштирокида ўтган ilk музокарада Бокижонбой Садриддинхондан большевикларга қўйиладиган шартларни сўрайди. Садриддинхон 1. Фарғонага муҳторият бериш 2. Ҳарбий бошқарувни русларнинг аралашувисиз маҳаллий аҳолига топшириш, хуллас 13 банддан иборат ультиматум шартларини ўқиб беради. Бокижонбой большевиклар ҳар қандай ҳолатда бу шартларни бажармаслигини айтади. Кейин улар бизга қандай шартларни қўяди деган мулоҳазалар билан Шермуҳаммадбек большевиклар билан алокадан бош торгади. Шермуҳаммадбек (бизнингча, бу ҳам қизиллар фитнаси) Авғон подшохидан ёрдам кутади. Уч кун Шермуҳаммадбек ёнида бўлиб ҳеч нарсага эриша олмаган Садриддинхон қайтишда большевиклар томонидан қидирилаётганини эшитади...

Бухорода иш бошлаган Туркистон вакиллари учун ҳам вазият осон кечмади. Аввало, уларнинг ҳар бир қадами ЧК хуфялари томонидан назорат килинар эди. Бу ҳам етмаганидек маҳаллий аҳоли ўртасида Туркистондан борган вакилларга нисбатан турли фитна-фасодлар уюштирилади. Улар мана шундай сиқув остида иш олиб борар эдилар. Та什килотдан большевиклар таҳди迪 остида Муҳаммадбек ва Сулаймонбек чиқиб кетади. Муфти Садриддинхон иложсиз Тошкентдан чиқиб, миллий озодлик курашчилари сафига қўшилади. Ўзининг устидан жиноий иш очилганини эшитган Садриддинхон 1921 йил камоққа олиниши олдидан Туркистонни тарк этиб Эронга чиқиб кетади. Мавжуд вазиятда Мунаввар кори Бухордан чақириб олиниб, 1921 йил 31 марта Тошкентда камоққа ташланади ва 8 ой давомида қамоқда бўлади. Тошкентда Мунаввар кори Абдурашидхоновнинг қамоққа олиниши жуда катта норозиликларни келтириб чиқаради. Бир қатор намойишлар ташкил этилди. Халқнинг оташин шоири сифатида эндиғина танила бошлаган Боту “Гулёр” шеърини битди. Халқона оҳангга солинган шеър содда тили билан кўпчиликнинг эътиборини қозонди. Шеър кўплаб тараққийпарвар ёшлар ва ўқувчилар томо-

нидан ёд олинган ва йиғлаб куйланган эди. Совет ҳукумати 1921 йил декабрь ойида Мунаввар қорини озодликка чиқаришига мажбур бўлади. Совет турмасидан оғир бир ҳолда кутилган Мунаввар қори бир муддат даволанганидан сўнг 1922 йил ўрталарида Тошкент шаҳрига келиб, Эски шаҳар ижтимоий тарбия бўлими мудири вазифасида иш бошлайди.

Обиджон Маҳмудов 1934 йил 22 сентябрь куни “Миллий иттиҳод” ташкилоти хусусида: “1919 йил Тошкент шаҳрида Қашқарлик маҳалласида “Иттиҳод ва тараққий”нинг таъсис съездига бўлди. Унда Бухородан Мусо Саиджонов, Фитрат, Абдуқодир Муҳиддинов, Қори Йўлдош Пўлотовлар, Самарқанддан Акобир Шомансуров, Муродхон Аълоҳўжаев, қози Ҳайдарбек Абдусаидов, Хивадан Бегижон ва яна бир киши, Ашҳобод ва Марвдан 3 киши, Тошкентдан Саъдулла Турсунхўжаев, Мунаввар қори Абдурашидхон, Салимхон Тиллахонов, Толиб Мусожонов, Эшонхўжа Хонхўжаев, Миёнбузрук Солиҳов, Саидносиран Миржалилов, Кўкондан мен-Обиджон Маҳмудов, Муҳаммадхўжа Холиқий, Юнусжон Оғаликов, турклардан Маматбей, Ҳайдар Шавқий кабилар қатнашган эди. Улар “Иттиҳоди тараққий”ни “Миллий иттиҳод” номи билан алмаштириди ва янги бир ташкилот деб эълон қилдилар. Мажлиснинг якуний қарорига кўра Туркистон минтақасини тезлик билан равнақ топтириш учун камида 1 млн халқни Туркия ва Германияга ўқиш ва ишга йўллашни маъқул топдилар. Мазкур ташкилот ярим маҳфий ҳолида 1922 йилгача фаолият олиб борди”.

Обиджон Маҳмудовнинг фикрича 1922 йил сентябрда Тошкентнинг Шайхонтоҳур даҳасида Садриддинхон маҳдумнинг уйида яна бир йигин ташкил этилади. Унда Мунаввар қори Кори Абдурашидхонов, Миён Бузрук Солиҳов, Отакон Назиров, Салимхон Тиллахонов, Толиб Мусажонов, Эшонхўжа Хонхўжаев, Тошпўлтбек Норбўтабеков, Саъдулла Турсунхўжаев, Юсуф Алиев ва бошқалар келади. Мажлисда Туркистонда совет ҳокимиятининг мустаҳкамланиб бориши ва вазиятнинг оғирлашиб бораётганлиги туфайли Обиджон Маҳмудов ташкилот фаолиятини тўхтатишини талаоб қиласи. Шундан сўнг амалда “Миллий иттиҳод” тарқалиб кетади.

Ботунинг вариантида эса “Миллий иттиҳод” 1919 йил охирларида “Изчи тўдаси”дан ажralиб чиқкан. Демак, бу масалани

ёритиш ҳам алоҳида ва изчил тадқиқотга муҳтоҷ деб ўйлаймиз. Яна қабул маросими юзасидан 1934 йил 21 июл Ф.Ёкубовнинг чисткасидағи стенограммада ёзилишича Фулом Ёкубов 1918-21 йилларда “Миллий иттиҳод”да бўлган. Эски шаҳарлик доришунос, кейинчалик ГССР наркомзздравида бўлим мудири бўлган Мусохон Миразимовнинг уйида икки одам оқ матога ўралгани ҳолда Куръон ва револьвер билан “Миллий иттиҳод”га қабул қилингани ҳақида қасам олганини айтади. Уларнинг бири унинг тахминича Ҳайдарбек (Шавқий-турк асири) бўлган ва иккинчисини таний олмаган. Фулом Ёкубов уларнинг ёнида истиқлол учун жон фидо бўлишга қасам бераганини айтади.

Мунаввар қорининг Афғонистон ҳукумати билан алоқалари ҳам муҳим. Афғонистон сиёсий доиралари ҳам Туркистонда Мунаввар қори ва унинг атрофида жамланган тараққийпарварлар ҳақида етарли даражада маълумотта эга эдилар. Бирок, ўлкада шўро ҳукуматининг мустаҳкамланиб бориши ва Афғонистонда ички бекарорлик, Буюк Британия хавфининг ортиб бориши ўргада расмий алоқаларнинг ўрнатишига имкон бермади. Шунга қарамай 1919 йил акаси Аъзамхон Абдурашидхоновнинг (1872-1919) вафоти муносабати билан Тошкентдаги авғон элчионаси тўлиқ таркиби билан Мунаввар қорининг уйига ҳол сўраб келган. 1925 йилдан совет матбуоти Мунаввар қорига нисбатан мафкуравий ҳужумни авж олдирди. У педагогик фаолиятини тўхтатиб ишсиз колдирилгач, 1928 йил афғон элчиси Фулом Жейлоний билан учрашади. Умуман бу масалада ҳам ўрганилиши зарур бўлган нуқталар кўп деб ҳисоблаймиз.

1928 йил бошида ОГПУ раҳбари Бельский Мунаввар қори билан учрашиб, ундан “Миллий иттиҳод” умуман ўзи раҳбарлик қилган аксилинқилобий ташкилотлар тарихини ёзид беришини сўраган. Мунаввар қори бу таклифга рози бўлади ва ўзи ёзадиган асарни тахминий З қисмга бўлади. Бу 1917 йил Февраль инқилобигача Туркистондаги сиёсий ҳаракат; 2-қисми Февраль инқилобидан то Октябрь инқилобигача бўлган давр; 3-қисми 1917 йил Октябрь инқилобидан то 1928 йилгача даврни ўз ичига қамраши керак эди. Айтидан Мунаввар қорида бу ғоя аввалдан бўлган ва ўзи билан кўплаб материалларни олиб юрган. Бу таклиф баҳона эса жуда кўплаб собиқ сафдошлари билан қайта кўришиб, ҳатто Ф.Хўжаев билан ҳам бир неча маротаба учрашади.

Мунаввар кори кўлқоп тикиб рўзгор тебратиб, ўта оғир иқтисодий шароитда ёзган 1-даврни 1929 йилнинг бошида ОГПУга топширади. Албатта, у бу ишнинг Туркистон тарихи учун ҳам зарурлигини англарди. Бизнингча Мунаввар қорининг мазкур асари ёхуд унга оид ҳужжатлар бутунги кунда қидирилса топилиши эҳтимоли мавжуд. Фикримизни 1930 йил 10 апрелдаги Мунаввар корининг ишончли шогирди Салимхон Тиллахоновнинг кўрсатмалари ҳам тасдиқлайди. Унда ёзилишича қамоқقا олинишидан 2-3 ой аввал Мунаввар кори барча одамларига қимматли тарихий ҳужжатларни тўпланг, бу тарих учун керак бўлади. Уларни кўздан узоқ бирор қишлоққа юбориб, яшириб ташласинлар, деб кўрсатма беради.

Хуллас Мунаввар кори Абдурашидхоновнинг сиёсий кураш усули нихоятда мураккаб ва кўп кирралидир. Айтиш мумкин-ки, Мунаввар кори ўз даврида ривожланган Ғарб ва Шарқ мамлакатларидан бирортасидан нусха олмасдан маҳаллий шароитларга мос бўлган Туркистоннинг мухолиф тараккиёт дастурини ишлаб чиқкан ва қанчалик оғир вазият бўлмасин уни амалга ошириш юза-сидан катта ютуқларни ҳам кўлга кирита олган. Унинг сиёсий кураш фаолиятини, илгари сурган буюк ғояларини чукур илмий таҳлилий ўрганиш бутунги кунда миллий тарих фанизмнинг олдида турган муҳим вазифадир.

Мунаввар кори фаолиятини англаш Туркистоннинг йирик сиёсий арбоблари Маҳмудхўжа Беҳбудий, Убайдулло Хўжаев, Саидносир Миржалилов, Абдулла Авлоний, Обиджон Маҳмудов, Ашурали Зоҳирий, Ҳамза, Саъдулла Турсунхўжаев, Тошпўлот Норбўтабеков, Носирхон тўра, муфти Садриддинхон Шарифхўжаевлар фаолияти, умуман Туркистон Мухторияти тарихи билан уйғунликда ўрганиш зарур. Қолаверса, Тошкентнинг йирик уламоларидан Хайриддинхон аълам Шарифхўжаев, Отахон Назирхўжаев, Салоҳиддин Муфтизода, Тошкентнинг энг машҳур бойларидан Юсуфбек Қурбонбоев, Рустамбек Ниёзбеков, Шоискоқ кори Шоҳмусаев, Толибжон Мусабоев, Исройлжон Иброҳимжонов, Абдуқаюм Мадолимов каби кўплаб инсонларни ўз атрофига бирлаштирган эди. Айниқса ёшлардан Асадулла Хўжаконов, Мирхалил Каримов, Гулом Икромов, Нажмиддин Шераҳмедов, Исмоил Шераҳмедовларнинг ҳар бирининг фаолиятини алоҳида ўрганиш, шубҳасиз, Мунаеввар кори

Абдурашидхоновнинг сиёсий портретини, унинг Туркистон тарак-
қийпарварлари орасида тутган ўрнини аниқлашда ўта муҳим илмий
аҳамият касб этади.

Дилором АЛИМОВА
ЎзР ФА тарих институти, т.ф.д., проф.

“ЧИН ЭКАН АЙТГАН СЎЗИ” – МУНАВVAR ҚОРИНИНГ ТАРИХИЙ БАШОРАТИ

1914 йил И smoил Гаспринский хаётдан кўз юмганда унинг Раджи исмли мухлисларидан бири мадҳия ёзиб, уни фикр “Муджадиди” деб атаган экан. Ҳадисга кўра ҳар бир асрнинг бошида Яратган эгам мусулмонларга уларни ҳаётни енгиллаштириш йўлида хизмат киладиган бир муджадидни тайинлар экан. Шунинг учун ҳам бу мухлис ҳижрий бўйича XIV асрнинг бошида туғилиб, маърифат йўлида мусулмонларни янги интеллектуал қиёфасини шаклланишида илғор ғояларни амалга оширгани учун Гаспринскийга шундай таъриф берган.

Мунаввар қори Абдурашидхоновни чин маънода нафақат маърифат йўлида, балки Туркистонда сиёсий ислоҳотлар йўлидаги “Ҳаракат муджадиди” деб аташ мумкин.

XX аср бошидаги тарихий воқеалар назарда тутилса, Мунаввар қори Абдурашидхоновни жадидчилик ҳаракатининг энг сиёсий-лашган фаол қатнашчиси ва раҳбари деб баҳолаш мумкин. Айтиш керак, жадидчилик ҳаракати Туркистон жамиятида тасодифий воқелик бўлмай, унинг фалсафий илдизлари чукур, мақсадлари замон талабларига мос, ғоялари эса Шарқ дунёсидаги ислоҳотчилик ҳаракатлари ғоялари таъсирида шаклланган эди.

Таникли Германия олими Ингеборг Бальдауф Мунаввар қори Абдурашидхоновни сафдошлиарига қараганда ниҳоятда европалашган инсон бўлган, деб ёзади². Бир қараганда бу ғалати таъриф кўринади. Чунки, унинг ташки кўриниши, диний маълумоти, ислом

² Балдауф И. Джадидизм в Центральной Азии в плане реформизма и модернизма в мусульманском мире//Марказий Осиё XX аср бошида: ислоҳотлар, янгиланиш, тараққиёт ва мустақиллик учун кураш (жадидчилик, мухториятчилик, истиқтолчилик). Ҳалқаро конференция материаллари. Тошкент, “Маънавият”, 2001. 47-бет.

дини фалсафасини тарғиб килишдаги роли ҳакида кўплаб маълумотлар берилган. Аммо бу сўзлар билан Бальдауф Мунаввар қорининг фикрлаш доираси, жаҳон таракқиётини, жумладан Европа мамлакатларини юксак маданияти намуналари ва тажрибасини ўзлаштириш тарафдори бўлганлигини назарда тутган эди.

И. Бальдауф фикри бўйича, Туркистонда Россия империяси таълим тизимига салбий муносабатда эди, чунки у маҳаллий ахоли учун бу ҳокимият ҳеч қачон тўлақонли таълим олишга имконият бермаслигини яхши англаган. Шунинг учун Мунаввар қори Абдурашидхонов Европадаги таълим тизими имкониятлари кенглигини англа, Туркистон ёшлари учун бу ердаги ўкув муассасалари энг энг афзали, деб ҳисоблаган эди. У масаланинг назарий жиҳатларини, хусусан, таълим, илм ва ислом маърифатини тартибга солиш ва европача дунёвий маълумот афзалликларини асослаб беришга ҳаракат килди.

Таракқиётга эришиш учун маърифатпарварлик гояларининг жамиятга амалий сингдирилиши муҳимлигини англаган Мунаввар кори Абдурашидхонов ўз фаолиятининг бошиданоқ маорифни ислоҳ этишга катта эътибор берди. Тошкентдаги янги усул мактаби бевосита унинг ташаббуси билан очилди. У шундай ёзган эди: “Туркистон муаллимлари ҳам усули савтия болалариға ҳарфларнинг овозлари илиа танитмоқ, ўқулғон сўзларни ёздириб маъносини билдирамак, Бедил, Хўжа Ҳофизлар каби форсий ва мушкул китобларнинг бадалиға эътиқод, имло, хусниҳат, илми ҳол, ҳисоб, тарихи ислом, жуғрофия, ҳандаса, ҳайъат ва соирлар каби диний ва дунёвий илмларни ҳар кимнинг ўз тилида ёзилмиш китоблардан ўқитиб билдирамакдан иборат эканин билиб, ҳар бирларининг кўнгиллари усули савтияни қайтадан қабул этмак фикри тущди”³.

Албатта ушбу ўкув муассасаларини тўлиқ равища Европа намунасидаги мактаблар деб атаб бўлмаса-да, лекин ундаги ўқитиши методикаси, дарс машғулотлари ва тузилмалари уларга яқинлаштирилганди. Эски мактаблардан фарқли ўлароқ, болалар бу ерда 40 кунда саводларини чиқарганлар. Шунинг учун тез орада жадид мактаблари ахоли орасида катта ишончга сазовор бўлди ва оммалашди. Ўқитувчилар таркиби асосан ёшлардан иборат эди. Мактабларда маҳаллий тил билан биргаликда рус тили ўқитиши

³ Мунаввар кори Абдурашидхонов. Тайлантган асарлар. Тошкент, “Маънавият”, 2003 147-бет.

йўлга қўйилди. Бу янгилик Мунаввар Кори ва А.Шакурийлар томонидан киритилди. Тошкент мактабларида ўғил ва қиз болаларнинг биргаликдаги ўқитишни киритилиши ўша давр учун том маънода инқилобий қадам эди. Дастрасликини асосида олиб борилди. Она тилидаги дарслекларга талабнинг ортиши билан ўқитувчиларнинг ўзи уларни яратишга киришдилар. М.Беҳбудий ва М.Абдурашидхоновлар 15дан ортиқ ўкув қўлланма ва дарслекларнинг муаллифи бўлдилар⁴.

Тошкентда таракқийпарварлар ҳаракатининг етакчиларидан бирига айланган Мунаввар кори Абдурашидхонов ўзининг ўткирик ижтимоий-сиёсий мақолаларида ҳар бир халқнинг миллат сифатида шаклланишининг биринчи белгиси мазкур халқда ўзликни англаш ва ўз хукуқларини ҳимоя қилиш туйғусининг уйгониши, миллий қадриятларни саклаш ва таракқий эттириш, бу йўлда турли-туман жамият ва уюшмаларни ташкил этиш билан боғлиқлигини таъкидлаган эди⁵. 1909 йилда Мунаввар кори Абдурашидхонов маслақдош дўстлари билан ҳамкорликда тошкентлик бир бой раислигида “Жамияти хайрия” ташкил килиди.

Бу жамият орқали Россия ва Туркия шаҳарларидағи олий ўкув юртларига Туркистон ёшларини билим олишга юбориш иши билан ҳам жиддий шугулландилар. Таракқийпарвар бойлар ёшларни чет элларга юбориб, зарур қасбларни эгаллаб фойдали хизмат қилишлари учун қайғурган жадидларни қўллаб-куватладилар.

1913 йилда Мунаввар кори Абдурашидхонов Убайдуллахўжа Асадуллахўжаев, Абдулла Авлоний, Илҳомжон Иноғомов, Қобилбек Норбеков, Тўлаган Хўжамиёров (Тавалло), Муҳаммад Поншахўжаев, Тошпўлат Норбўтабеков ва Низомиддин Хўжаевлар билан биргаликда “Турон” жамиятини ташкил қилди. Бу жамият низомига кўра унинг вазифаси “халқ орасида саҳна ишига ҳамда хайрияга қизиқиш уйғотиш, санъат орқали жамиятни маърифатга чорлаш, Туркистон ҳудудида яшовчи муҳтоҷ мусулмонларга моддий ёрдам бериб, маънавий ва моддий жиҳатини яхшилаш” эди.

⁴ Худайкулов А.М. Просветительская деятельность джадидов Туркестана (конец XIX-начало XX вв.): Дисс.на соискание ученой степени канд.ист.наук. –Ташкент, 1995. 7-бет

⁵ Мунаввар кори Абдурашидхонов. Танланган асарлар... 151-бет.

Жадидлар, шу жумладан, Мунаввар қори Абдурашидхонов ҳам Россия мъмуриятининг Туркистондаги мустамлакачиликка асосланган бошқарув тизими нафақат миллий талабларга жавоб бер-маслиги, шу билан бирга, мамлакатга жуда катта ижтимоий-иқти-содий зарар етказаётганинги тушуниб етган эди. Шунинг учун ҳам уларнинг янги усулдаги дунёвий таълим, миллий ўзига хослик-нинг энг яхши жиҳатларини мустаҳкамлаш, маданиятни жадал ри-вожлантириш йўлида олиб борган курашлари охир-оқибатда сиё-сий мустақиллик ва бошқарувнинг демократик шакллари учун ку-рашга айланиб кетди. Бевосита Мунаввар қори Абдурашидхонов ва Убайдулла Хўжаевлар бошчилигига 1917 йил 16-23 февраль кунлари Умумтуркистон мусулмонлари съездига ўтказилди ва бу анжуманда илк маротаба миллий чекка ўлкаларга муҳторият бериш масаласи расмий равишда кўтарилди. Тараққийпарвар демократик жараёнларда эволюцион йўл тарафдори эди.

Фикримизча, Абдурашидхонов ҳар бир масалада ҳақиқий вазиятдан келиб чиқиб иш тутган ва бунда рус халқи, миллати ва маданиятига чукур хурмат билан қараган. У 1927 йилда Тошкент вилояти маданият ходимлари курултойида шундай деган эди: “Бир мажлисда рус мустамлакачилари билан курашамиз деган эдим. Агар борди-ю, рус ўртоклар шу гапимга араз қилиб, “мамлака-tingни ўзинг идора қил”, деса мен уларнинг оғзига ёпишиб, энг аввал айтар эдимки, биз сиз билан эмас, сизнинг бойларингиз, уламоингиз ва мустамлакачиларингиз билан курашамиз, дер эдим”⁶. Давр руҳини назарда тутсак, бу сўзлар унинг моҳир сиё-сатчи сифатларини намоён қилган, деб баҳолаш мумкин. Буни яна бир мисол тасдиқлаши мумкин. Маълумки, у Компартия аъзоси бўлган. У хотираларида буни очик сўз билан шундай изоҳлайди: “Мен ўзимни ўзбек халқим учун фойдали ҳисоблаганим учун кирдим, агар менинг халқим фойдаси учун қайси бир партияга кириш лозим бўлса, мен ўшанга ўтавераман”⁷.

Мунаввар қори Абдурашидхоновнинг асарларини кузатсак, нафақат ўз замони, балки келажакни ўз Ватани тақдирни қандай бўлиши эканлигини кўп ўйлаган ва унинг айрим фикрлари, Ўзбекистоннинг хозирги замон ҳолатига тааллуклидек кўринади.

⁶ Мунаввар қори Абдурашидхонов. Хотираларимдан. Тошкент, “Шарқ”, 2001. 9-бет.

⁷ Ўша ерда.

Хозир Ўзбекистонда амалга оширилаётган ижтимоий, сиёсий, маданий ислоҳотларда мутаффаккирнинг айрим гоялари амалга оширилганини кўриш мумкин. Масалан, Ўзбекистон Республикасида олиб борилган диний сиёсат, ислом дини ва унинг фалсафий меросига муносабат, таълим соҳасидаги ўтказилаётган ислоҳотлар, Европа ва АҚШда таълим олаётган ва ишлаётган ёшларга давлат томонидан кўрсатилаётган ғамхўрлик масалалари шулар жумласидандир.

Мунаввар кори Абдурашидхоновнинг юз йил илгари айтган “Юрт обрўсин ёшлар сақлар” деган сўзлари ҳозир бизга шиор бўлиши мумкин. Ҳақиқатдан ҳам шундай. Қайси соҳани олмайлик, фан, маданият, спорт ёшлар Ўзбекистонни ҳалқаро майдонга олиб чиқмоқда.

Албатта, Мунаввар кори ўз қарашларида жамиятда мавжуд салбий иллатларни кўп танқид қилган. Шулардан бири ялқовлик ва танбалликни у энг хунук сўз билан “ёв”деб атаган. Бу нарса нима ўзи. У шундай ёзади:

“Танбалликдир бизга душман, ишламоқнинг замонидир,
Тиниб турмас “ёшман” деган, иш инсоннинг бир жонидир...
...Ёвинг кимдир, биласанми? Нодонликдир, ялқовликдир,
Ёвга қарши курашмаслик – кўрқоқликдир, анқовликдир”⁸.

Афсуски уларнинг аксарияти ҳозир ҳам бор. Бу иллатлар мана бир асрдан бери ҳам йўқ бўлмаган.

Бу бир кичкина мисол. Маъруза номида акс этган масалани тўлиқ ёритиш учун, Абдурашидхоновни асарларини чукур тарихий изчиллик билан ўрганиш керак. Айниқса, ислом дини масалалари, ахлоқ-одоб, миллий маданият ривожи муаммоларига бағишиланган асарларида бизнинг замонавий жамиятимиздаги мавжуд муаммоларни ечишга амалий ёрдам берадиган фикрлар оз эмас.

Хулоса қилиб, шуни таъқидлаш керакки, Мунаввар кори Абдурашидхонов, умуман жадидчилик ва унинг бошқа намоёндалари ҳамда раҳнамолари ҳақида кўплаб тадқиқотлар яратилган, ҳам адабиётшунослар, ҳам тарихчилар бу мавзуни даврнинг ижтимоий-сиёсий ҳодисалари билан узвий боғлаб ўрганишга улкан хисса қўшганлар. Нафақат Ўзбекистонда, балки хорижда ҳам. Аммо бу ҳаракат бутун Шарқ, қолаверса, Ер юзининг жанубида бир вақтда содир бўлган улкан ижтимоий-сиёсий, маърифий-маданий

⁸ Мунаввар кори Абдурашидхонов. Ташланган асарлар....63-64-бетлар.

кўзғалиш эди. Демак, унинг жаҳон тарихида ҳам ўрни бор. Энди тарихчилар учун бу мавзуни жаҳон тарихи контекстида компаратив асосда ўрганиш вақти келди, деб ўйлайман.

*Сайдакбар АГЗАМХОДЖАЕВ
тарих фанлари доктори, профессор*

МУНАВВАР ҚОРИНИНГ ЁШЛИГИ ЎТГАН МАҲАЛЛА

Маълумки, XX-аср бошларидағи Туркистонда жадидчилик харакатининг иирик раҳбари, янги усулдаги миллий мактаб ва матбуот асосчиси, янги миллий театр ташкилотчиларидан бири, адаб ва шоир, сиёsat ва маърифат арбоби Мунаввар қори Абдурашидхонов 1878 йилда Тошкентнинг Шайхонтахур даҳасидаги “Дарҳон” маҳалласида зиёли оиласида туғилган.

Дарҳон номли маҳалла Тошкентнинг қайси ерида жойлашган эди, деган савол берилгандა, жавоб берувчининг хәёли Мирзо Улугбек тумани худудида Хамид Олимжон номли метро бекатидан Мустақиллик шоҳ кўчасидан ўтиб, Салор каналининг ўнг қирғоги бўйидаги Тамара Хонум ва Дарҳон кўчасига кетади. Хозирги кунда бу ерда “Дарҳон” номли кафе ва мини –маркет ҳам бор. Бирок бу жой Мунаввар қори туғилган маҳалла эмас.

Дарҳон маҳалласи ўтмишда Тошкент шаҳрининг шарқий қисмидаги (ҳозирги Шайхонтахур тумани худудининг бир қисми) Шайхонтахур даҳасида жойлашган. Тошкентнинг 4 даҳасидан




бири бўлган Шайхонтахур худуд жиҳатдан энг катта, шу билан бирга энг ёш даҳа ҳисобланган.

Шимолдан Себзор, жанубий-гарбдан Бешёғоч, гарб ва шимолий-гарбдан Кўкча даҳалари билан чегараланган.

Шайхонтахур даҳаси Яссавия тариқати шайхларидан Шайх Хованд Тахур номидан олинган. Шайхонтахур даҳаси

даҳаси дастлаб Шайх Хованд Тахур мажмуаси атрофида шакллана бошлаган. XVIII асрнинг 80-йиларида Юнусхўжа ҳокимлиги даврида Шайхонтахур даҳасидан янги мудофаа деворлари билан ўралган кичик ўрда курилган. XIX аср бошида Кўқон хони Олимхон Тошкентни эгаллаган пайтида бу ўрда бузулиб, XIX асрнинг 30-йиларида даҳа ҳудудидан ўтган Анҳор канали чап соҳилида янги ўрда бунёд этилган.

Даҳа ерлари Анҳордан бош олган ариқлардан сугорилган. Тошкентнинг XIX аср ўргаларидаги 12 дарвозасидан 3 таси (Кўймас, Кўқон ва Қашқар) Шайхонтахурда жойлашган. Айрим маълумотларга кўра Шайхонтахур даҳасида 48 дан ортиқ маҳалла бўлган. Бироқ уларнинг сони турли йилларда ўзгариб турган. Бу ҳудудда 70 масжид, 3 мадраса, кўплаб карвонсаройлар, тегирмонлар бўлган⁹.



Шайхонтахур даҳасидаги қадимги Дархон маҳалласи Дархон (хозирги Абай) кўчасининг икки томонида жойлашган. XIX асрда Дархон маҳалласи Оқмасжид, Пуштибог, Орқа кўча, Зангжарлик маҳаллалари билан чегарадош ва жанубдан аввалига Тошкўча, кейин эса Шайхонтахур деб ном олган (хозирги Навоий)кўчасига туташган.

Дархон маҳалласида 120 хонадон бўлган. Аҳолиси асосан ўзбеклар бўлиб, хунармадчилик, дехқончилик (шаҳар ташкарисидаги далаларида), савдо-сотиқ билан шуғулланган. XX аср бошларида масжид, чойхона, бир неча дўкон, устахоналар бўлган. Шайхонтахур ариғидан сув ичилган¹⁰.

⁹ Исломов З., Мақсадов Д. Шайх Хованд Тахур ёдгорлик мажмуаси. “Тошкент ислом университети” нашриёт-матбаа бирлашмаси. 2005.19 б.

¹⁰ Таджикотда келтирилган чизма хариталар таникли архитектор Абдуманноп Зияевнинг 2008 йилда “Санъат” нашриётида чоп этилган “Шайхонтахур в прошлом и настоящем. Историко-архитектурный очерк” номли рисоладан фойдаланилган.

Мен Мунаввар кори Абдурашидхоновнинг биографияси ва хаёт йўлига бағишлиган адабиётларни¹¹ қайтадан кўриб чикиб, қиёсий таҳлил асосида айрим тузатишлар билан буюк маърифатпарварнинг ёшлик йилларида диний, маънавий, маданий, ижтимоий ва сиёсий дунёкарацига таъсир этган Дархон маҳалласидаги маънавий ва маърифий мухитни ҳамда у ердаги тарихий ёдгорлик ва зиёратгоҳларни кўрсатиб беришга ҳаракат қилдим.

1878 йилда Тошкентнинг Шайхонтохур даҳасидаги Дархон маҳалласида мударрис Абдурашидхон Сотиболдиҳон Олимхон ўғли ва Хосиятхон отин оиласида фарзанд туғилди. Аъзамхон (1872-1919) ва Муслимхон (1875-1954) исмли икки фарзанддан кейин туғилган ўғилга яхши ният билан Мунаввар, яъни нурга тўлган ва нур билан ёритилган даган маънони англатувчи исм қўйилади.

1885 йилда Мунаввархон 7 ёшлигига отаси Абдурашидхон вафот этади. Шунда Мунаввархон дастлабки таълим-тарбияни онаси Хосиятхон отиндан олади. Хосиятхон ўз даврининг ўқимишли ва фозила аёлларидан бўлиб, фарзандларига дастлабки савод ва бошлангич таълимдан сабоқ беради. Шунингдек ўз ховлисида маҳалладаги хотин-қизларни ўқитади.

Сўнг Мунаввархон Дархон маҳалласида яшовчи ўз даврининг машҳур ўқитувчиси Усмон домладан илми қироат ва тажвидни ўрганиб, хофизи Куръон бўлади. Шундан кейин Куръони каримни ёқимли қироат билан ўқиганлиги учун атрофдагилар уни Мунаввар кори деб аташади.

Куръони каримни хатм қилиб, “кори” унвонини олғач, ҳали илмга яхши кириб бора олмаганини фаҳмлаган Мунаввар кори кейин Юнусхон мақбарасини олдида курилган Юнусхон мадрасасида ўқишини давом эттиради.

Юнусхон Мадрасаси – XV аср охирида курилган меъморий ёдгорлик. Шайхонтахурдаги Юнусхон мақбараси ғарбида пишиқ

¹¹ Малицкий Н.Г. Ташкентские махалля и мауза. Ташкент, 1927; Мунаввар Кори Абдурашидхонов. Хотирапимдан (жадидчилик тарихидан хотирапар).–Тошкент, “Шарқ”, 2001; Мунаввар кори Абдурашидхонов. Таъланган асарлар.–Тошкент, “Маънавият”, 2003; Исломов З., Максудов Д. Шайх Хованд Тахур ёдгорлик мажмуаси.–Тошкент, “Тошкент истом университети”, 2005; Зияев А.А. Комплекс Шайхонтахур в прошлом и настоящем. Историко-архитектурный очерк.–Ташкент, “Санъат”, 2008; Тошкент. Энциклопедия. Тошкент, “Ўзбекистон миллӣ энциклопедияси” давлат илмий нашриёти, 2009.


ғиштдан, 12 ҳужрали килиб курилган. Тарихчи Мухаммад Солиҳ-хўжанинг ёзишича, 1485-1502 йилларда Шарқий Мўгулистон хони Султон Аҳмадхон (Олчахон) муҳри босилган вақфномасида Пулемас деган жойда мадрасанинг вақф ери бўлганлиги қайд етилган.

1898 йилда Мунаввар қори ёшлигидан ўткир зежнли, илмга чанқоқ бўлганлигини учун, у 20 ёшида ҳадис, фикҳ, илми тафсир ва бошқа соҳалар бўйича олий диний таҳсилни давом эттириш мақсадида Бухородаги Мир Араб мадрасасига ўқишга киради. Лекин молиявий қийинчиликлар туфайли у ўкишни битирмай туриб, Тошкентта қайтиб келишга мажбур бўлади. Тошкентда у Дархон маҳалла масжидида (айрим манбаларда Сайдазимбой масжиди деб аталган) имомлик қиласи ва муаллимлик билан шугулланади.

У диний, дунёвий ва ижтимоий-сиёсий мазмундаги китобларни севиб ўқиуди. Айникса, Кримда Исмаил Гаспринский томонидан чоп этилган “Таржумон” газетаси Мунаввар корининг миллатпарвар ва халқпарвар бўлиб этишига катта таъсир этди.

1900 йилда, тарихий маълумотларга кўра, 22 ёшга киргунга қадар Мунаввар қори Дархон (ҳозирги Абай) кўчаси билан кесишган Тошкўча (ҳозирги Навоий) кўчасида жойлашган Эшонкул доддоҳ мадрасасида таҳсилни давом эттиради ва жадидчилик тўғрисида хабарни дастлаб шу ерда топади.¹²

Эшонкул доддоҳ мадрасаси (рус манбаларида Шайхонтахур мадрасаси) Шайх Хованди Тахур мажмуаси таркибидаги йирик мадраса **1840** йилда Тошкент ҳокимиининг Лашкар бекларбегининг ўғли Эшонкул доддоҳ томонидан Юнусхон мадрасасининг жануби-шаркида, Тошкўча (ҳозирги Навоий кўчаси)га туташ ерда 34 ҳужрали қилиб қурдирилган.



¹² Тошкент. Энциклопедия. Тошкент, “Ўзбекистон миллий энциклопедияси” давлат илмий нашриёти, 2009. Б.366.

Мадраса Шайх Хованд Тахур мажмуасининг Зангжарлик масжиди ёнида, қадимги Лангар ҳовузи атрофида тўрт тарафдан бир-бирига қаратиб солинган бинолардан таркиб топган. Ўргада қолган Лангар ҳовузи эса Эшонқул доддоҳ буйруғи билан тўлдирилиб, мадраса саҳнига айлантирилган ва эвазига Юнусхон мақбараси гарбida бир таноблик янги ҳовуз барпо этилган.

Мадраса шаҳардаги иқтисодий жиҳатдан энг яхши таъминланган мадрасалардан бири бўлиб, унга кўплаб дўконлар, тегирмонлар, ерлар ва бошқа кўчмас мулклар вақф килинган. XX асрнинг 60-йилларигача турли муассасалар ихтиёрида бўлиб келган. 1884 йилда рус-тузем мактаби, советлар даврида киностудия сифатида фойдаланилган ва 1924 йилда умуман ёпиб қўйилган. Кейинчалик каровсиз колиб харобага айланган, унинг охириги колдиклари 1964 йилга келиб бутунлай бузиб ташланган.



1901 йилда 23 ёшлик Мунаввар кори аввалига таъмирдан чиққан Эшонқул доддоҳ мадрасасида, кейинчалик ўз уйида “Намуна” номли янги усулда ўқитадиган жадид мактабини очади ва бундай мактаблар учун маҳсус ўкув дастурини тузади ва дарслеклар ёзади. Лекин Мунаввар қори факат бигта мактаб мамлакатдаги таълим тизимини бутунлай ўзгартира олмаслигини яхши тушунар эди. Шунинг учун ҳам у янада кўпроқ имкониятлар кидиришга ҳаракат киласди. Кўп ўтмай Мунаввар кори туркистонлик ёшларни хорижий мамлакатларда ўқишига юбориш ва шу билан Туркистоннинг таълим тизимининг ривожланишига ҳисса кўшиш мақсадида хайрия жамиятини ташкил этади.

1905-1907 йилларда Россияда демократик инқилобий ҳаракатлар авж олганда 27-30 ёшлик Мунаввар қорининг маданий-маърифий ва ижтимоий-сиёсий фаолияти янада кўтарилади. Бу даврда у Тошкент махаллаларида факат жадид мактабларини ташкил этиш ва уларда ёшларни ўқитиш билан чекланмай, фаол адиб, журна-

лист, ношир ва сиёсий раҳбар сифатида нафақат Туркистон, балки Марказий Осиё ва Россия мусулмонлари орасида танилади.

1906 йилда “Ўрга Осиёнинг умргузаронлиги”, “Тараққий” газеталарида адабий ходим бўлиб ишлайди. Шу йили ношир ва мухаррир сифатида “Хуршид” газетасини ташкил этади. 1907 йилда “Шухрат” ва “Тужжор”, 1908 йилда эса “Осиё” газеталарини ғоявий бошқарди ва адабий ходим вазифасини бажаради.

Мунаввар қори 29 ёшидан бошлаб бир қанча дарсликларни яратади. Унинг “Адиби аввал”(1907 й.), “Адиб ус-соний”, “Усули хисоб”, “Тарихи қавм турк”, “Тажвид” (1911 й.), “Ҳавойижи диния”, “Тарихи анбиё”, “Тарихи исломия” (1912 й.), “Ер юзи” (1916 й.) дарсликлари бир неча марта нашр этилган.

1909–1916 йилларда 38 ёшга еткунга қадар Мунаввар қори Тошкентда турли жамият ва уюшмаларни ташкил этади. У 1909 йилда “Жамият Имдодия”, 1913 йилда “Турон”, 1914 йилда “Туркестон кутубхонаси” ва “Умид” деб номланган жамият, ташкилот, ширкат ва уюшмаларида муассис, раис, муовин ва аъзо бўлиб фаолият кўрсатади. 1914-1915 йилларда “Садойи Туркестон” газетасида масъул мухаррир муовини, “Ал-Ислоҳ” журналида маҳфий мухаррир вазифасини бажаради.

1917 йилда Россияда чор ҳукумати ағдарилгандан кейин Туркестонда демократик ҳаракатлар бошланиши билан Мунаввар қори миллий-озодлик ҳаракатининг раҳнамоларидан бирига айланади. У 1917 йил 14 март куни Дархон махалласида Абдували ҳожи хонадонида ҳалқ сайлаган вакилларининг биринчи йигилишида қатнашади ва 61 кишидан иборат бошқарув орган “Шўрои Ислом” номини олган ташкилотта аъзо бўлади¹³. 1917 йилда Мунаввар корининг матбуот соҳасидаги фаолияти кўзга алоҳида ташланади. Унинг масъул мухаррирлиги остида “Нажот” ва “Кенгаш” газеталари нашр этилади.

1917-1924 йилларда Чор ва совет ҳукуматлари олиб борган мустамлакачилик сиёсатига қарши изчил кураш олиб бориб, Мунаввар қори “Шўрои Ислом”, “Турк адами марказияти”, “Иттиҳоди Тараққий”, “Миллий иттиҳод”, “Нашри маориф” каби жамият, фирмә ва ташкилотлар фаолиятига раҳбарлик қиласи. У виждан эркинлигини инкор этмаган дунёвий демократик давлат

¹³ Аъзамхўжаев С. Туркестон Мухторияти. Миллий-демократик давлатчилик курилиши тажрибаси. Тошкент. “Маънавият”, 2000. Б.34-36.

тарафдори бўлган. Шу сабабли 1917 йил 27 ноябрда Кўқон шаҳрида ташкил топган Туркистон Мухториятини кўллаб-куватлаган.

1918 йилда у советлар хукумати даврида Халқ дорилғунуни Кенгашининг раиси, Туркистон Маориф халқ комиссарлиги турк шуъбасининг иш юритувчиси, Тошкент шаҳар маориф нозири вазифасини бажаради.

1920-1928 йилларда Мунаввар қори ижтимоий-педагогик фаолият Бухоро Халқ Совет Республикаси Маориф нозирлиги вақф бўлими бошлиги (1920-1921 й.), Тошкент шаҳар ижтимоий тарбия бўлими мудири (1921 й.), Академмактаз раиси (1922 й.), Навоий номидаги мактаб, Наримонов номидаги пед.техникуми, аёллар педагогика Институтида муаллим, Самарқанд шаҳри музейида илмий ходим, Ўзбекистон осори атиқаларни саклаш қўмитасининг Тошкент-Фарғона бўлимида масъул котиб (1927-1928 й.).

Умр бўйи ўз ватанини мустақил кўришни истаган Мунаввар қори 1929 йил 6 ноября қамоққа олиниб, Москва шаҳридаги Бутирка камоқхонасида 1931 йил 23 апрель куни қатл қилинган ва Ваганькова қабристонига дағи этилган.

Халқ озодлиги ва Ватан тараққиёти йўлида 35 йил давомида изчил кураш олиб борган Мунаввар қори 53 йиллик қисқа умри ичида нафакат ислоҳотчи, ёзувчи, жамоат ва сиёsat арбоби балки халқ озодлиги йўлида ўз жонини фидо қилган содик курашчи сифатида ном қолдирди.

Ўзбекистон мустақилликка эришгандан кейин 1991 йилда Мунаввар қори Абдурашидхонов расман оқланди. Бугунги кунда Тошкентдаги кўчалардан бири, Мирзо Улуғбек туманидаги маҳалла, Шайхонтахур тумани “Илгор” маҳалласидаги жоме масжиди Мунаввар қори номи билан аталган.

*Нурбой ЖАББОРОВ
филология фанлари доктори, профессор*

МУНАВVAR ҚORI VA MILLIIY MA'RIFAT

Ватанини мутараққий, миллатни маърифатли кўрмоқ – Туркистон жадидчилигининг эътироф этилган йўлбошчиларидан ҳисобланган Мунаввар қори Абдурашидхонов учун шунчаки орзу

эмас, хаёт-мамот масаласи эди. Буюк маърифатпарварнинг бу борадаги қарашлари шунчаки фикрлар мажмуи эмас, миллий маърифатни юксалтириш концепцияси даражасига кўтарилган эди. Бу концепция мукаммал тизимга асосланган бўлиб, қуйидаги щаклларда намоён бўлди:

Жадидларнинг ўзлари эътироф этганидек, “миллатнинг латофатини ҳам, қабоғатини ҳам кўрсатувчи ойна” ҳисобланган миллий матбуотни йўлга қўшиш.

Наинки ўша давр, балки келар замон илмларини ҳам эгаллаган янги авлодни тарбиялаш. Бунинг учун ўқитиш усуулларини тубдан ислоҳ қилиш.

Истеъдодли ёшларни мутараққий мамлакатлар олий таълим муассасаларига юбориш ва уларнинг тараққиёт тажрибасини миллий манфаатларга мослаб ҳаётга татбиқ этиш.

Замонавий олий таълим муассасаларини ташкил этиш орқали Ватан ва миллатнинг нурли истиқболига хизмат қиладиган салоҳиятли кадрларни етиштириш.

Таъкидлаш керакки, миллий маърифатни юксалтиришга қаратилган бу концепциянинг мазкур йўналишлари бир-бiri билан чамбарчас боғлиқ ва бир-бирини тақозо этади.

Мунаввар корининг бу борадаги фаолияти қизғин ва самарали кечди. Миллий матбуотни йўлга қўшиш, такомил босқичига кўтариш ишига Самарқандда Беҳбудий раҳнамолик қилган бўлса, Тошкентда ташаббускорлик ва ташкилотчилик вазифаси Мунаввар кори зиммасига тушди. Мунаввар қорининг матбуот ишларига аралашуви 1906 йилнинг бошларидан чиқа бошлаган “Ўрта Осиёнинг умргузорлиги газетаси Таракқий” билан боғлиқ. Мустамлакачилар манфаатига хизмат қилган бу газета 1-сониданоқ “Манифест” сарлавҳали мақолада: “Русия давлатида зиндагорлик қилиб тургувчи фуқароларнинг ҳаммаси Русия подшоҳига тобедурлар. Масалан, рус ва сарт ва нўйой ва қозоқ ва яхудий ва арманидурлар, ва бу халқнинг ҳаммаси подшоҳ императур аъзам ҳазратлариға тобударлур ва бул жаноб ушбу фуқароларнинг хайрҳоҳи ва парвариши килғувчисидурлар” тарзидаги фикрларни эълон қиласи. Газета асосан мустабид Русия ҳукмронлигини мустаҳкамлаш позициясида турди. Ана шу газетада қисқа муддат ишлаб, матбуот сирларини ўрганган Мунаввар кори Ватан ва миллат манфаатига хизмат қилувчи илк миллий газета бўлган “Таракқий”га асос солди.

Газетага мұхаррирлик қилиш учун Мунавварқори ташаббуси билан маҳаллий тилни, айни кезда рус тилини яхши биладиган Исмоил Обидий тақлиф этилди. “Газетамиз “Тараққий” исминда ўлуб, – деб ёзилади газетанинг 1-сонида таҳририят номидан эълон қилинган мақолада – бора-бора жисми ҳам исмига мувоғиқ ўлуб, миллатимизни кейин қолмоғига, жаҳолат ва ғафлати олийда ўлуб, бошқа миллатлардан кам даражада қолмоғига асло рози эмасмиз... Биноан алайҳ газетамизнинг нажотимизға, дунё ва охиратда масъуд ўлмокимизға ёлғуз илм бобидир, демак биринчи вазифасидур”.

Мунаввар корининг катта шов-шувларга сабаб бўлган “Бизнинг жаҳолат – жаҳли мураккаб” мақоласи ана шу газетанинг 1- ва 2-сонларида босилган. Унда ўқитишнинг эски усули – “усули хижо” замон талабларига жавоб бермаслиги айтилади. Жоҳил бўлишига қарамай, ўзини билимдон кўрсатишга интилувчи мударрислар кескин танқид остига олинади. Ўқитиш усулини ислоҳ этиш хаётгй эктиёж экани масаласи кўтарилади.

“Тараққий”да миллатнинг жаҳолат гирдобига тушиш сабабларидан миллий зулм ва истибдоднинг моҳиятигача, мактаб-маориф масалаларидан эскича қарашдаги мударрис ва қозилар танқидигача, Николай иккинчи эълон қилган сўз, матбуот ва виждан эркинлиги, инсон хуқуқлари дахлсизлиги тўғрисидаги манифестнинг мусулмонлар ҳаётига татбиқ этилишидаги монеликлардан Давлат думаси, унинг вазифаси нималардан иборат эканигача, ундан мавжуд тутумларни ислоҳ этиш заруратигача бўлган кенг қамровли масалаларни қатъият билан ёритди¹⁴.

1906 йил 27 июнда чиқа бошлаган “Тараққий”нинг Ватан ва миллат манфаатларига хизмат қилиши Русия хукуматига ёқмади. Ўша йили 21 августда газета таҳририятида тинтув ўтказилиб, мұхаррир Исмоил Обидий қамоққа олинди. Газетанинг бор-йўғи 19 та сони чикқан, нашр этишга тайёрланган 20-сони мусодара этилган, атиги икки ойга яқин вақтда унинг фаолиятига барҳам берилган бўлса-да, “Тараққий” миллат қалбини маърифат учқунлари билан

¹⁴ Бу ҳақда каранг: Жалолов А., Ўзганбоев Ҳ. Ўзбек маърифатпарварлик адабиётининг тараққиётида вакъти матбуотнинг ўрни. – Т.: “Фан”, 1993, 60-81-бетлар; Қосимов Б. Миллий уйғонниш: жасорат, маърифат, фидойилик. – Т.: “Маънавият”, 2002, 58-64-бетлар; Дўсткораев Б. Ўзбекистон журналистикаси тарихи. – Т.: Faafur Fулом номидаги НМИУ, 2009, 108-120-бетлар; Каримов Н. Адабиёт ва тарихий жараён. – Т.: “Мумтоз сўз”, 2013, 89-97-бетлар.

ёритишига мұваффак бўлди. Бунда Мунаввар қорининг хизматлари дикқатга сазөвор эди.

Матбуотнинг кучи нечоғлик катта эканини теран ҳис этган Мунаввар қори энди ортга қайтиши мүмкін эмас эди. 1906 йил 6 сентябридан у ўз ноширлиги ва мұхаррирлигига “Хуршид” газетасини ташкил этди. Тахририят ишига Худоёрхоннинг кенжә фарзанди Фансуруллобек, шунингдек, Мұхаммадраҳимхўжа Нуриддинхўжаев ва Мулла Зиё Охундлар жалб қилинди. Газета қуидаги масалаларни ёритиш мақсадини кўйди: 1) мактабмадрасалар ислохи бўйича уламолар ва илм толиблари билан маслаҳатланув, 2) аҳли Туркистонни иттифоқ ва иттиходга чақириш, 3) Петербург, Оренбург, Боку, Қозон ва Бокчасаройда чоп этилган мўъгабар газеталардаги зътиборга молик мақолаларни чигатой туркчасига таржима қилиб босиш ва бу орқали миллат маърифатини юксалтириш, 4) жамиятнинг барча тоифаларини шариатга номувофиқ, диндошларга зарар бўладиган ишлардан қайтишига эришмоқ ҳамда 5) миллатни дунё ва охират саодатига эриштирувчи илм ва маорифга тарғиб этиш.

“Хуршид” ўз олдига қўйган мақсадлардан оғишмади. Бироқ Мунаввар қори мұхаррирлигига нашр этилган бу газета ҳам мустамлака маъмуриятига маъқул келмади. Газетанинг бор-йўғи 10 та сони чиқғи холос. 1906 йил 16 ноябрида ҳукумат унинг фаолиятини тўхтатди.

Мунаввар қори “Садойи Туркистон” (1914)ни ташкил этишда фаоллик кўрсатди. 1915 йилдан бошлаб бир муддат “Ал-Ислоҳ” журналида фаолият олиб борди. 1917 йилнинг мартаидан эса ўз мұхаррирлигига “Нажот” газетасини чиқара бошлади. Шу йилнинг июнидан Заки Валидий таъсис этган “Кенгаш” журналига мұхаррирлик килди. Умуман, миллий матбуотининг шаклланиши ва тараққиёти воситасида миллий маърифатни юксалтириш ишига муносиб ҳисса қўшиш Мунаввар қорининг фаолиятининг асосини ташкил этади.

“Миллий матбуотимиз Отабеги” мақоласида академик Наим Каримов Мунаввар қорининг матбуотга доир фаолияти билан боғлиқ бир қанча маълумотларга ойдинлик киритади. Хусусан, устоз олим Мунаввар қорининг “Шухрат”, “Тужжор”, “Осиё”, “Ҳақиқат” газеталарини Абдулла Авлоний ва бошқа сафдошари

номидан нашр эттиргани ҳақидағи маълумотларнинг асосли эмас-лигини исботлаб берган¹⁵.

Мунаввар корининг миллый маърифатни юксалтириш концепцияси жадидларимиз томонидан “ибратхона”, “таъзир и адабий” дея таърифланган театр билан ҳам чамбарчас боғлик эди. “Падаркуш” Тошкентдаги Колизейда саҳнага қўйилар экан, Мунаввар қори театр ва унинг аҳамияти ҳакида нутқ сўзлади¹⁶. Бундан таъсирланган Тавалло шу ҳакда шеър ёзгани маълум. Шеърда улуғ маърифатпарварнинг исми ва фаолиятидаги уйғунлик, нутқидаги аччиқ, лекин очик ҳакиқат, ёшлиарга ибрат сабогини бергани алоҳида таъкидланган:

Чўқ мунаввар этти оламни Мунаввар коримиз,
Кўрдимиз равшанлиғидин феълимиз, авторимиз.
Ибрат олинг, ёшлиар, деб тўқди кўздин ёшлар,
Нутқида таххир эдуб, бизларни йўқу боримиз.
Чин кўнгулдан биз эшитдук, чин-ачиг айтган сўзи,
Шунча бидъатларни билдуқ, вой, биз икрормиз.

Профессор Бегали Қосимовнинг эътирофича: “Мунаввар қори гарчи театр асари ёзган бўлмаса-да, Туркистондаги театрчилик ишларининг йўлга қўйилишида Абдулла Авлоний ёница турди. 1913 йилда тузилган 73 моддалик “Турон” жамияти уставида театрчилик ишлари алоҳида таъкидланган эди, унинг заминида “Театр ҳаваскорлари труппаси ташкил топгани бежиз эмас”.

Абдулла Авлоний билан бирга “Турон” жамияти ва унинг кошидаги театр труппаси фаолиятини йўлга кўяр экан, Мунаввар қори миллат маърифатини юксалтириш муддаосини кўзда тутди.

Жадидларимиз фикрича, Ватан ва миллат тараққийси учун наинки замонавий билимларни, балки келар замон илмини ҳам эгаллаш тақозо этилар эди. Махмудхўжа Беҳбудийнинг: “Эй мусулмонлар! Болаларинғизга келар замон илмини ўргатингиз! Зероки, аларни Худои таоло халқ этди, сизларнинг замонингиздан бошқа, яъни келар замон учун”¹⁷, деган сўzlари бунинг исботидир. Мунаввар қори ҳам айни шу қараш тарафдори эди. Шу максадда у 1901 йили Тошкентда биринчилар каторида янги мактаб очади. Энг

¹⁵ Каримов Н. Миллый матбуотимиз Отабеги. /Адабиёт ва тарихий жараён. – Т.: “Мумтоз сўз”, 2013, 96-97-бетлар.

¹⁶ Бу ҳакда яна каранг: Ризаев Ш. Жадид драмаси. – Т.: “Шарқ”, 1997, 64-бет.

¹⁷ Махмудхўжа Беҳбудий. Таҳсил ва сафар замони ва таом. / Ойина. – Т. “Академия”, 2001, 56-бет.

аҳамиятлиси, Махмудхўжа Бехбудийнинг эътирофича, Мунаввар қори мактабининг нуфузи баланд ва олий таълимга замин бўла оларли даражада бўлган. Шайхонтоҳурда очилган бу мактаб “Намуна” деб аталиб, ўқитиш усулларини янгилашда алоҳида ўрин тутган. Мунаввар қорининг ўзи “Туркестанские ведомости” газетасининг муҳбири Г.Андреев билан мулоқотида бу мактабдан кўзланган муддао қуидагича эканини айтган эди: “...мадрасаларда йиллар давомида ўқитиладиганларни тез, осон ва енгил олиб борадиган яхши йўлни топиш ҳақидаги фикрга келдим. Мен янги кўлланмали, фундаментал замонавий педагогика асосида кичик мактаб-мадрасаларни ташкил этишни хоҳлардим”.

“Адиби аввал”, “Адиби соний” каби дарслер-мажмуаларни, “Тажвиду-л-Куръон”, “Ер юзи” сингари кўлланмаларни Мунаввар қори ана шу мактаблар учун тузди. Профессор Бегали Қосимовнинг аниклашича, бу дарслер 1901 – 1917 йиллар оралиғида энг ками икки-уч, кўпі тўққиз-ўн мартағача алоҳида-алоҳида ҳолда нашр этилган¹⁸. 1925 йилда Мунаввар қори Қаюм Рамазон ва Шорасул Зуннун билан ҳамкорликда уч бўлимли “Ўзбекча тил сабоклиги” китобини чоп эттириди. Булар ҳаммаси миллат маърифатини юксалтириш, бунинг учун ўқитиш усулларини янгилаш, авлод тарбияси йўлига молу жонни тикиш туркистон жадидчилигининг раҳнамоларидан бўлган Мунаввар қори учун ҳаётий аъмол бўлганини кўрсатади.

Мадрасаларнинг том маънодаги олий таълим муассасалари бўлгани бугун исбот талаб қилмайдиган ҳақиқат. Шунинг баробарида, чинакам замонавий университетларни ҳам бизга кимлардир келиб барпо этиб берган эмас. Аждодларимиз кучи билан бунёд этилган. Табиийки, мустамлака шароитида яшаган маърифатпарвар жадидларнинг бунга эришиши осон кечмаган. Уларнинг бу йўналишдаги фаолияти икки йўналишда олиб борилган:

1. Ёшларни Фарб ва Шаркнинг тараққий қилган мамлакатларига ўқишга юбориш.

2. Миллий дорулғунунни – университетни ташкил этиш.

Узоқ муддатли мустамлака асорати сабаб тараққиётдан орқада колган Туркистонни ривожланган мамлакатлар даражасига олиб чиқиш – жадидларнинг бош мақсади бўлгани аён. Бунинг учун

¹⁸ Қаранг: Қосимов Б. Миллий уйғониш: жасорат, маърифат, фидойишик. – Т.: “Маънавият”, 2002, 237-бет.

ёшларни тарақкий қилған мамлакатларга ўкишга юбориш, истиқ- болга замин ҳозирлаш керак эди. Бу ўз-ўзидан амалга ошмаслиги тайин эди. 1909 йил 12 майда Тошкент жадидлари очган “Жамияти хайрия” ана шу мақсадга қаратылды. Мунавварқори унинг муассисларидан бўлган. Бу хайрия жамияти фаолиятида таълимга алоҳида диккат қаратилган эди. Унда, жумладан, Туркистон ёшлари учун ташкил этилган усули жадида мактаблари фаолиятини кўлла- кувватлашдан олий таълим олишлари учун уларни хориждаги илғор таълим муассасаларига юборишгача эътиборга олинган эди.

Профессор Б.Қосимовнинг аниқлашича, 1909-1913 йиллари Абдурауф Фитрат, Усмонхўжа Пўлатхўжа ўғли, Ато Хўжа, Мазҳар Бурхонов Истанбулда таҳсил олган. Ҳамза мазкур шаҳардаги дорулвоизинда, Ғози Юнус дорулмуаллиминда ўқиган. Бундай харакат 1917 йил октябрь воксаларидан кейин ҳам муттасил давом этди. 1922 йили Туркистон Марказий Ижроия Кўмитаси ҳайъати ва Бухоро ҳукумати карорига кўра 60 дан ортиқ ўқувчи Германияга ўқишига юборилади. Бу ишларнинг бошида Мунаввар кори, Фитрат, Файзулла Хўжаев, Турор Рисқулов турди. Улар Германиядаги турли олий ўқув юртларида – Берлин Ҳумбольдт университети тиб, фалсафа, иқтисод, бинокорлик, электротехника, машиносозлик, кишлек хўжалиги факультетларида, Лейпциг матбаачилик мактабида, Дрезден, Билефольд дорулмуаллимларида таҳсил олгани маълум. Улардан машхур Тохир Шокир (Тохир Чигатой) Ҳайделберг университетининг иқтисод, Абдулваҳоб Исҳоқ (Ўқтой) шу университетнинг медицина факультетларида, Гулсум Музаффар Берлин ўқитувчилар институтида ўқиган¹⁹.

Большевиклар ҳукумати ўз мавқенини мустаҳкамлаб олгач, «чирик, реакцион буржуа мағкурасининг уяси» деб ҳисоблагани Германиядан ёшларни шошилинч чақириб ола бошлади. Дастрлаб уларни салоҳиятига яраша иш билан таъминлаган шўролар ҳукумати «жосус», «Германия агенти» каби тавки лаънатларни бўйнига осиб, камоқ ва сургунга ҳукм килди. Қатагон сиёсатини олиб борди. Шу тариқа маърифатпарвар жадидларнинг ёшларни ривожланган мамлакатларда ўқитиш орқали Ватан ва миллатни тарақкий эттириш режаси амалга ошмай қолди.

¹⁹ Бу хақда каранг: Қосимов Б. Миллий уйғониши: жасорат, маърифат, ғидойилик. – Т.: “Маънавият”, 2002, 30-33-бетлар.

Жадидлар бу ишнинг муваққат эканини, ўз миллий университетимизни очмай туриб мақсадга эришиб бўлмаслигини тўлиқ тушуниб етдилар. Замонавий миллий университет ғояси XX аср бошида тараққийпарвар зиёллаларимиз – жадидлар онгига туғилиб, умуммиллий ғоя даражасига кўтарилган эди. Айни кезда чор хукумати ҳам университет ташкил этиш тараддутида бўлди. Лекин бу ғоя тамомила бошка мақсадни – ўлканинг бой табиий иқтидоридан мустамлака маъмурияти манфаатлари йўлида самаралироқ фойдаланишни, Туркистоннинг ер ости ва ер усти бойликларини тезроқ ўзлаштиришни назарда тутар эди. Иккинчи томондан, бу ерда университет очиш жаҳон ҳамжамиятида гўё маданиятташувчилик борасидаги «буюк ҳиммат»дек таассурот қолдирмоғи лозим эди.

Шундай бир шароитда Маҳмудхўжа Беҳбудий “Ойна” журналининг 1913 йили чоп этилган “Аъмолимиз ёинки муродимиз” мақоласида бизга чинакам миллий университет керак эканлигини, замонавий мутахассислар мазкур университетда тайёрланмоғи зарурлигини таъкидлайди. Бунинг учун биринчи навбатда маблағ зарур эди. Маблағ учун хайрия жамиятлари очмоқ, миллат бойлари бу йўлга мол ва жонларини бағишламоғи талаб этиларди. “Токи бул жамиятлар, – деб ёзди Беҳбудий, – ҳалқдан оқча жамлаб, миллат болаларини ўқутиш ва миллатни ояндаси учун керак бўлатургон кози – яъни судья, закунчи – яъни ҳуқуқшунос, инженер – яъни муҳандис, муаллим, яъни замон мактабдори, миллатни ҳомийси ва ходими – яъни Давлат думасига депутат, миллий саноатхоналаримизни ислоҳ ва ихё этгувчи – яъни техник, тижоратхона ва бонкаларда бизга ёрдам бергувчи – яъни тижорат илмини ўкуғон коммисрант... етушдурмоқ керакдур”²⁰.

1918 йил 9 апрелида Тошкент жадидларининг етакчиси Мунавварқори Абдурашидхоновнинг Дархондаги ҳовлисида 9 кишилик хайъат тузилиб, мусулмон ҳалқ дорулфунуни, яъни миллий университетни ташкил этиш бўйича иш бошлайди. Уларнинг барчаси университетнинг миллат ҳаётида муҳим ўрин тутишини яқдиллик билан тасдиклайди. Кўп ўтмай, «Ҳалқ дорулфунуни» номида газета нашр этила бошлайди. Мазкур газетанинг

²⁰ Маҳмудхўжа Беҳбудий. Таъланган асарлар. Тузатилган ва тўлдирилган З-нашри (Нашрға тайёрловчи, тўпловчи, сўбоби ва изоҳлар муаллифи Б.Қосимов). – Т.: “Маънавият”, 2006, 161-бет.

1918 йил 31 май, 15 июнь, 21 июль сонларида эълон қилингандан «Ташкилот комиссиясининг ҳисоботи»дан маълум бўлишича, 1918 йил 9 апрелидан 9 майига қадар роппа-роса тўқиз үтказилишган. Бу йигилишларда бўлажак университетнинг ташкилий тузилишидан тортиб, шўъба, факультетлари-ю энг муҳим соҳаларининг дастурларигача ишлаб чиқилди.

Уларга кўра университет уч – куйи, ўрга ва олий боскичли этиб белгиланди. Хорижий тилларга алоҳида эътибор берилди. Фарбдан – немис, инглиз, француз, Шарқдан – араб, форс тилларини ўрганиш шарт қилиб қўйилди.

Шу тариқа 1918 йил 12 майида Тошкентнинг эски шаҳар қисмида Мунавварқори Абдурашидхонов раҳбарлигида Туркистон Мусулмон халқ дорулфунуни очилди. У чинакам миллий университет сифатида ўлка маънавий ҳаётида муҳим ҳодиса бўлди. Университет очилган куни ёкиш истагида ёзилганлар сони 945 тага етгани ҳам бунинг далилидир. 15 майда университет низоми қабул қилинди. Профессор Б.Қосимовнинг ёзишича, “Қисқа муддатда 23 мактаб ташкил топди, 299 муаллим жалб этилди. Улардан 22 киши олий диний мадрасаларни, 2 киши Россия университетларини битирган эдилар”²¹.

Машхур драматург Ғулом Зафарий, шоирлардан Мўминжон Тошқин, Шамсиддин Шарафиддинов (Хуршид), маърифатпарвар зиёлилар Каюм Рамазон, Шокиржон ва Собиржон Раҳимиylар Туркистон Мусулмон халқ дорулфунунининг дастлабки педагогларидан эди. Дорулмуаллиминда Мунавварқорининг ўзи ахлоқдан дарс бергани унинг бутун салоҳиятини ушбу соҳага бағишлилаганидан далолат беради.

Самарқандда Маҳмудхўжа Беҳбудий раҳбарлигида дорулмуаллимин шўъбаси очилди. Унда Ҳожи Муин, Сиддикӣ-Ажзий сингари таникли адиблар талabalарга сабоқ берди.

Лекин, табиийки, Мусулмон халқ дорулфунунининг миллийликка мойиллиги шўролар ҳукуматига ёқмади. У бор-йўғи 100 кунга яқин фаолият кўрсатди ва шўъба даражасига туширилиб, «рус» халқ дорулфунунига кўшиб юборилди. Шу тариқа миллат зиёлиларининг орзуси ушалмай қолди. Лекин университетнинг биринчи ректори Мунавварқори Абдурашидхоновнинг миллий

²¹ Қосимов Б. Миллий уйғониш: жасорат, маърифат, фидойилик. – Т.: “Маънавият”, 2002, 35-бет.

маърифатни юксалтиришга қаратилган бекиёс хизматлари олий таълим тарихидаги энг ёрқин саҳифалардандир.

1920 йили мустамлака маъмурияти манфаатларини кўзда тутган Туркистон халқ университети Давлат университетига айлантирилди. 1923 йили унинг беш факультетида ўқиётган 2453 талабанинг 50 тасигина ўзбек эди. Ҳолбуки, маҳаллий миллат вакиллари ўлка ахолисининг 95 фоизини ташкил этар эди. Бундай хол узоқ йиллар давом этди.

Шунга қарамай, ҳалқимиз миллатимиз илмга интилди. Шунчаки интилибгина қолмади, янги, замонавий илм-фанны, маданият ва саноатни, таълим-маориф тизимини яратиш йўлида чинакам жонбозлик қилди. Натижада университет биргина Ўзбекистон эмас, бугун мустақил давлатлар бўлиб қолган Марказий Осиёдаги беш республика учун ҳам илм-маърифат бешиги бўлди.

Хулоса қилиб айтганда, Мунаввар қорининг миллат маърифатини юксалтириш концепцияси катта натижалар берди. Ватан ва миллат тараққиётнинг ойдин йўлига чиқиб олган бугунги кунда маърифатпарвар жадидлар ва уларнинг раҳнамоларидан бўлган Мунаввар қори Абдурашидхоновнинг тарихий хизматларини ёд этиш, асарларини чуқур ўрганиш, замонамиз учун зарур сабоклар олиш ҳар жиҳатдан баркамол авлодларни тарбиялашнинг муҳим шартидир.

Сирожиддин АҲМАД

МУНАВVAR ҚORI АБДУРАШИДХОНОВНИНГ ЎРТА ОСИЁ МАДАНИЯТИДАГИ ТУТГАН ЎРНИ ВА РОЛИ

Мунаввар қори Абдурашидхоновнинг XX аср Ўрта Осиё ижтимоий-сиёсий ва маданий ҳаётида тутган ўрни ва роли бекиёс. Буни англамоқ учун ўша давр матбуоти, адабиёти, маорифи ва сиёсий ҳаётига назар ташламоқ кифоя. Ҳаётнинг қайси бир жабхасини олманг, унинг ёрқин сиймоси кўзга ташланади, ижтимоий дардларга даво нафаси сезилади.

Эски усулдаги мактаб ва мадраса таълимини кўрган бу ажойиб сиймонинг дунёқарашидаги томм маънодаги инқилобий ўзгариш

лар замини унинг оиласининг тарбияси, ижтимоий мухитига бориб тақалади.

Миллат фидойиси бўлган бу инсон Туркистонда биринчилардан бўлиб, миллат зиёлиларининг вазифаси ўз халкига миннатсиз хизмат қилиш, яъни ходимул миллат бўлиш кераклигини тушуниб етди ва шу йўлда сўнгги нафасигача хизмат қилди.

Мунаввар қори оддий муаллимлар оиласининг фарзанди эмас, балки ўз даври маърифати, адабиёти, маорифи ва унинг диний, ижтимоий ва сиёсий ҳамда маданий вазифасини англаб етган оила фарзандидир. Шу боис Тошкент мадрасаларида олган билимидан қоникиш ҳосил қилмай Бухорога бориб Мирараб мадрасасида таҳсил кўрди. Бу ерда бухоролик, ҳиндистонлик савдогарлар орқали мадраса ичига махфий кириб келаётган хорижий матбуот билан танишди, адабиётларни мутоалаа қилди, зеҳниятини дунё фалсасфаси ва сиёсий карашлари билан чархлай олди. Бухородан қайтгач Тошкентда Исмоил Гаспралининг “Таржумон” газетасининг ашаддий муҳлисига айланди.

XX аср бошига келиб анча тўкилиб қолган ўзбек жамиятини тиклаш кўп жиҳатдан халқ маориф тизимини янгиланишига боғлиқлиги тўғрисидаги бинокор ва олим Мұхаммад Қоратоший-Тошкандийнинг фикрларини тушуниб етди. Мунаввар қори Тошкент маърифий-адабий мухитида вояга етган бўлса-да, ўзининг ўткир чангалини ботириб турган чор Русиясининг буюк давлатчилик - тор миллатчилик босимини ҳар нафасда таъсир килганини сезишиб қийин эмас. Фикримизга Остроумов ва Мунаввар қори ўртасидаги муносабатлар мисол бўла олади. XX аср арафасида ислом дини ва миллый маданиятига тажовуз бошлаган боскунчилар аҳолини насронийлаштириш масаласида катта тарғибот-ташвиқотни бошлаб, европалик ғайриислом адабиёти ва унинг намояндаларининг фаолиятини тарғибот қилиб, ўз зиёлиларини маҳаллий халқ дини ва маданиятига қарши қўйдилар. Ана шундай кураш ҳосиласи сифатида миссионер Остроумов “Инжил”ни ўзбек тилига таржима қилиб, Бельгияда Исломга қарши кураш маркази ёрдамида нашр эттириб, маҳаллий халқ зиёлилари орасида тарқатди.

Маърифий душманликка маърифат билан жавоб бериш йўналишини олган миллый зиёлилар душманга факат ислом маърифати билан эмас, балки сиёсий маърифат билан жавоб бериш лозимлигини англаб етдилар. Мунаввар қори Абдурашидхонов

“Туркестанские ведомости” газетасининг муҳбири Г.Андреев билан бўлган сұхбат чоғида шундай дейди: “Шахсан менинг ўзим оғир ҳаёт йўлини босиб ўтдим. Бирон нарсани ўрганиш учун аввал Тошкент сўнг узоқ муддат Бухоро мадрасаларида таҳсил олишимга тўғри келди. Ҳар ҳолда, мадрасаларда фанларни узоқ йиллар мобайнида ўкишимга қарамай, мен ҳаёт учун зарур бўлган кўп нарсани ола олмадим.

Ана ўшанда мадрасаларда йиллар мобайнида ўқитиладиган билимга тез, осон ва енгил олиб борадиган яхши йўлни топиш ҳакидаги фикрга келдим. Мен янги кўлланмали, фундаментал замонавий педагогика асосида кичик мактаб-мадрасаларни ташкил этишни хоҳлардим”. Демак, Мунаввар қори ва унинг илғор сафдошлири юқорида айтилган тажовузга қарши курашмоқ учун “фундаментал замонавий педагогикани асос қил”дилар ва чуқур илм билан куролландилар. Улуғ педагог масалани комил мусулмон сифатида Куръондан топди, тафсир ва шарҳлар-у талқинларни, ҳадисларни пухта ўрганди. Анъанавий сабокнинг фақат ақоид томонига эмас, балки ижтимоий-сиёсий томонларига эътибор қаратди. Н.Остроумов, В.Наливкин, С.Грамениций, П.Азначеев каби маориф нозирларининг мактаб дастурлари, китобларини синчилаб текширишларига қарамай, ўз дарслерни таҳсилотни яратди ва бутун Туркистон бўйлаб тарқатди. Унинг дарслеклари 1917-1918 йилларга келиб 3-4 бор нашр этилди. Қадрдони ва сафдоши Маҳмудхўжа Бехбудий томонидан кўллаб-куvvatланди.

Агар биз XX бошидаги мактаблар фаолиятига назар ташласак, Мунаввар қори ҳақиқатда ҳам маориф соҳасида инқилобий ўзгаришлар килганига икror бўламиз. Туркистондаги бошланғич ва ўрта мактаб таълим-тарбия тизимининг асосчиси эканига ишонч ҳосил қиласиз. Мунаввар қорининг ўз мақсад томон қатъий ва изчилини ўз самарасини кўрсатди. Бошланғич ва ўрта мактабни ўз тилагича барпо этибгина қолмай, анъанавий услубда дарс бериб келаётган домлаларни ҳам ўз билим ва саъвияларини оширишга ундали ва унинг уҳдасидан чиқди. Ишлаб чиққан дарс маромномаси Туркистонда фаолият олиб бораётган барча татар муаллимларининг программасидан кескин фарқ қиласиз. Мунаввар қори Абдурашидхонов том маънода миллий мактабни яратди, десак ҳато бўлмайди. Унинг мактабида ўқиган талабалар фақатгина ўзбек, араб, форс тилида эмас, ҳатто рус тилида ҳам эркин гапла-

шадиган ва фикр юритадиган бўлиб чиқдилар. Шу боис унинг таълим-тарбия тизими рус-тузем мактабларини синдириди. Буни кўриб ичи куйган миссионер Остроумов Мунаввар корига тишириноғи билан қарши туришига қарамай бир ҳақиқатни, яъни ўз сўзи билан айтганда “ўзбек мактабларининг ўқитувчилари олим кишилар бўлгани учун уларга таъсир ўтказа олма” танини тан олишга мажбур бўлди. Мулоҳазани давом эттириб ушбу фактни таъкидлаш ўринли бўлса керак: Буюк ўзбек санъаткорлари Икром Акбаров, Малик Қаюмов, Маннон Уйғур, Искандар Икромов, шоир ва санъатшунос Баҳром Ҳайдарий, ёзувчи Аъзам Аюб, тиљшунос Қаюм Рамазон, шоир Элбек, ҳатто Ҳамза Ҳакимзода Ниёзий; Ўзбекистон давлат, жамоат ва фан арбоблари Абдулҳай Тожиев, Абдуваҳоб Муродий, Чўлпон, Акмал Икромов, Босит Қориев, адаб Ойбек, кимёгар олим, профессор Саттор Жаббор, Туркияда яшаган олимлардан: Тоҳир Шокирзода, Иброҳим Ориф ўғли Ёркин, Абдуваҳаб Исҳоқ ўғли Ўқтой, Собир Ёкуб, Аҳмаджон Иброҳимов, журналист Лутфулла Олимий, адабиётшунос Ҳамид Сулаймон ва бошқалар унинг шогирдлариридир.

Миллий мактаб учун узлуксиз кураш натижасида Мунаввар кори 1917 йил феврал инқилобидан сўнг Тошкент шаҳар ҳокимияти олдига том маънодаги миллий мактабни яратиш ва бунинг учун мактаблар давлат қарамогига олиниш масаласини кўндаланг кўйди. Аммо бу эзгу ишнинг амалга ошмогига большевикларнинг давлат тепасига келиши монеълик килди.

Атоқли адаб ва муаллим Мунаввар қори Абдурашидхонов бошланғич ва ўрта мактаб тизимида амалга оширган тарихий иш унинг ижтимоий фаолиятини чеклаб қўйган эмас. У дарсликлар ёзиш даврида болалар адабиётга катта эътибор берди. Агар Ғулом Зафарий болалар драматургиясига асос солган бўлса, Мунаввар қори болалар адабиётига замин яратди. Улуғ мутафаккир мактаб, маданият соҳасини ривожлантириш, омманинг ижтимоий онгини, сиёсий қиёфасини шакллантириш учун матбуот, жамият ишларига жиддий эътибор қаратди ва 1909 йилда тошкентлик бойларнинг бошини қовуштирган ҳолда “Жамияти имдодия”, яъни хайрия жамиятини ташкил этди. Бойлар ёрдамида тийинни сўмга, сўмни миллионга айлантириш масаласида кўмак олиб, махфий “Нашри маориф” жамиятини ташкил этди. 1914 йилга келиб уни расмий “Турон” жамиятига айлантира олди. Натижада, “Тараққий”,

“Хуршид”, “Шухрат”, “Турон” ва “Осиё”, “Шўройи ислом”, “Ал-Ислоҳ” нашрларини дунёга келишига сабабчи бўлди. Тошкент бойларини маориф ва жамоат, матбуот ишига жалб қилиш фақатгина ташкилотга эмас, балки умумхалққа катта фойда келтириди. Ана шу таъсир натижасида совет адабиётида ноҳақ ёмон отлиқ қилинган Мирзакаримбой Сайдазимбоев маблағи ҳисобига “Тужжор” газетаси нашр этилди.

Хофиз ва созанда, муҳркан Илҳом самаворчи Инъомжон ўғли воситасида “Грамзапис” студияси ташкил этилди. Туркистон ўл-касида турончилар, хоссатан Мунаввар кори Абдурашидхонов таъсири ва раҳнамолигида “Нашриёт”, “Туркистон”, “Умид” нашриётлари пайдо бўлди. “Турон” ва “Равнақ” кутубхоналари вуҷудга келиб, кенг ўқувчилар оммасига хизмат кўрсата бошлади. “Турон” труппаси ташкил топди. Миллий театр 1913 йилдан “Миллат қаҳрамонлари” спектакли билан фаолиятини бошлади. 1914 йил, 27 марта расмий хукумат томонидан тан олинган мавсумини очди.

Мунаввар кори Абдурашидхонов матбуот ва миллий театр олдига айнан бир мақсад: миллатнинг ижтимоий-сиёсий онгини ошириш, ўз ҳаётига танқидий баҳо бериш, истибдоддан қутулишнинг қонуний йўлларини излаш масаласини кўйди. Шу боис 1917 йилга келиб Н.Остроумов чангалидан “Туркистон вилоятининг газетини” тортиб олди ва унинг заминда “Нажот”ни нашр эттириди. “Кенгаш”га муҳаррирлик килди.

Миллий баркамол мутахассисларни тайёрлаш доимо улуг адибнинг эътиборида турган. Шу боис хорижий мамлакатларга талабалар юбориб, миллий давлатчилик манфаатига хизмат килувчи етук кадрларни тайёрлаш масаласини эл акобирлари ва ҳалқ олдига даврнинг долзарб масаласи сифати кўя олди. Замоннинг ўта қалтислиги, ўзига тўқ ва бой одамларнинг мулкига давлат томонидан тажовуз бошланганига қарамай, ўлка ва шаҳар бойларини хорижда ўқиётган ва чет элга жўнатилаётган моялар яъни кадрлар учун иқтисодий ёрдам кўрсатиш масаласида бошини қовуштириди. Туркистон матбуотида босилган бир қатор мақола ва хабарлар фикримизни ҳар жихатдан тасдиқлайди.

1917 йил октябр ойида ўзининг иқтисод, давлатни бошқарув тизимида тугал илмий таълимотга эга бўлмагани боис сиёсий бошқарувни Бланки, Нечаев ва бошқа террористлар фикри асосида

бошқараётган Владимир Ульянов давлати Туркистонни ҳар жиҳатдан пароқанда аҳволга солиб кўйди. Пароқандалик ва зулмнинг кучини Туркистоннинг кўпгина шаҳарларида, хоссатан Тошкент шаҳридан факат мусулмон бўлгани учунгина чет жойларга, хусусан Орол дengизидаги Возрождение оролига сургун килиниши туфайли талайгина маҳаллардаги ҳовли-жойларнинг ҳувиллаб қолиши исбот талаб қилмайдиган далиллардир. Ана шундай шароитда мамлакат ҳалқини сақлаб қолиш учун Мунаввар кори Абдурашидхонов давлатнинг реквизиция, экспроприация, мажбурий муҳожиран масаласига қарши чиқди. Бундай оғир аҳволдан қутулишининг йўли Туркистон учун автономия зарур эканлигини сафдошлиари ва уламолар орасида кенг тарқатди ва натижага ҳам эриши. 1917 йил декабрда Кўқон шаҳрида Туркистон Мухторияти ташкил топди. Мунаввар кори Мухторият амал қиливучи давлат программаси бўлмиш “Турк адам марказият фирмаси” программасини сафдошлари билан бирга ишлаб чиқди ва унинг муаллифларидан бирига айланди.

Бироқ бу ҳукумат большевиклар томонидан милтиқ, пулемет ва тўпга тутилиб зўравонлик билан тарқатиб юборилди. Унинг ўрнига бутун раҳбарияти асосан мустамлакачи коммунистлардан иборат бўлган Туркистон совет автоном республикаси 1918 йил май ойида барпо этилди. Ҳокимиятни бу хилда барпо этиб бўлмаслигини сезган адаб Фози Олим Юнусов, Сайд Аҳорий, Ҳайдар Шавкий, Рожий каби ҳарбий малакали кишилар ёрдамида ўрта мактабларда бўлаjak аскарларни тарбиялаш учун инглиз скаутинг мактаби усулидаги тарбияни жорий этди. 1918-1919 йилларда Тошкентдаги барча мактабларда бу тизим расмий программага киритилди. Бу тўдалар “Кучисизларга куч, маърифатсизларга маърифат бериш” шиори остида ишлади. “Изчи”, “Темур”, Турон кучи”, “Турк кучи” тўдалари уларнинг “Бобирхон кўли”, “Қойихон кўли” каби филиаллари факатгина Тошкентда эмас, балки Туркистоннинг Чимкент, Оқмасжид ва бошқа шаҳарларида ҳам фаолият олиб борди. Шуни афсус билан кайд этиш керакки бу тўдаларнинг фақатгина биргина вакили Фатхулла Умаров 80-йилларгача республикадан ташқарида яшаб жон сақлади. 1930-1937 йиллар қатагони даврида бу тўдаларда ишлаган ўқитувчилар ва ўкувчилар изсиз йўқ килинди. Мунаввар кори ва сафдошларининг бу тўдаларни ташкил этилишидан муроди мизлий қўшиинни тайёр-

лағы әди. 1918-1919 йилларда бу ишни амалга ошириш учун атокли жамоат арбоби Низомиддин Хўжаев ҳам бош кўпци. Мунаввар кори Абдурашидхонов ва унинг маслакдошлари ғайрат ва тарғиботу қатъий талаблари билан тузилган миллий қизил қўшин тақдирни мутахассисларга аён деб ўйлайман.

Мунаввар қори ҳар жойдан миллат манфаати учун имконият излайдиган киши бўлгани учун собик асир турк зобитлари ёрдамида “Миллий иттиҳод” ташкилотини тузди ва бу ташкилотга Тошкент, Фарғона, Андижон, Самарқанд, Бухоро ва Хоразм зиёлиларини жалб қила олди. Ушбу ташкилотни мунтазам қўшинга эга бўлиши учун замин тайёрлаш мақсадида юқоридаги тўдалар фаолиятига умид билан қаради. Мухторият бостирилгач бош кўтарган истиклол ҳаракати қўшинини ҳарб илми талабларига жавоб бериши учун, бу қўшинга ёрдам кўрсатиш учун собик турк асирлари ва миллий зиёлилардан маслаҳатчилар тайёрлади.

Туркистон ўлкасини бошқаришда маҳаллий аҳоли ҳак – хукуқини тиклаш йўлида сафдошлари билан музокаралар олиб бориб, 1919 йилда Ленин хузурига ваколатли вакилларни юборишига эришди. Аммо улар Низомиддин Хўжаев таъбири билан айтганда “мошинанинг иккита фиддирагига ҳам эга бўлмай” куруқ кўл билан қайтдилар. Булар иззиз кетмади. Ш.Элиава ва В.Куйбишев бошлиқ Ленин томонидан катта ваколатлар билан Туркистонга юборилган “Турккомиссия”га Туркистон халқи талаб ва истакларини миллий гурух номидан ёзма равишда топширди. 1919 йилда Турор Рискулов ўлка раҳбарияти лавозимига келиши билан “Туркмусулмонбюроси”ни ташкил этиш масаласини сафдошлари билан муҳокама қилди. Бироқ бу ноёб ҳодиса Ленин ва унинг сафдошларини кўркитиб юборди. Туркレスпублика маориф бўлимининг “Турк шуъбаси”ни бошқараётган Мунаввар қори рискуловчиликдан айбланиб, ишдан четлаштирилди ва 1920 йилда Бухоро Халқ Республикасига сафарбар қилинди.

Аммо бу ҳодисалар, иктиносидий қийин шароит адабни синдира олмади. У инқилобий фаолиятини Бухоро Халқ Республикаси арбоблари билан ҳамкорликда давом эттириди. Бухорада ўтган тўрт ойлик фаолияти даврида жумҳурият вакф тизимини ишга солиш билан бирга ёш мамлакатнинг вакф ҳакидаги қонун лойиҳасини ишлаб чиқди ва Бухоро ҳукуматига топширди. Бироқ 1921 йилда Туркистон Марказий ижроия қўмитаси томонидан Тошкентга

чакириб олинди ва орадан 10-15 кун ўтмай қамоққа олинди. Шу сабаб 1923 йилда шўролар олиб бораётган гайримиллий маккорона сиёсат туфайли маҳфий ташкилот ишини тўхтатди ва уни тарқатиб юборишга эришди. Лекин 1923 йилда “Нашри маориф” жамиятини қайта оёққа кўйди. Ўз курашини маориф жабҳасида олиб бормоқчи бўлди. Бироқ миллатнинг ҳар жиҳатдан кучайиб кетишини хоҳлаган ва бунга кўнглига сикқанча тўқсинглик қилган босқинчилар ҳокимияти куч билан жамиятни тарқатишига эришди. Аммо Мунаввар қори Абдурашидхонов ва унинг сафдошлари сепган уруғни йўқота олмади.

Улуғ педагог, инқилобчи ва олим Мунаввар қори Абдурашидхонов фақатгина ўзбек зиёлиларининг бошини қовуштириди десак, унинг фаолиятига тегишли баҳо бера олмаган бўламиз. У “Алаз” газетасининг муҳаррири Тўгусов, козоқ ва ўзбек халқининг фарзанди Назир Тўракулов, Турор Рискулов, тожиклардан Мўмин Хўжаев, татарлардан Бурҳон Шараф, Мусо Бегиев, туркманлардан Хан Явмудский каби шахсларнинг фаолиятини доимо қўллаб-қувватлади. Туркистон халқлари манфаати учун хизмат қилувчи барча ҳаракатларда бор кучини аямай хизмат қилди. Ўзбек, туркман, қозоқ ёшларини хорижга ўқишига юборишида жонбозлик қилибгина қолмай ўзининг иқтисодий начор аҳволдалигига қарамай “Кўмак”ни ташкил этиб, уларга иқтисодий ёрдам қилди.

Таваллудининг 140 йиллиги нишонланадиган буюк ходумул миллат, улуғ педагог, истиқлоннинг жасоратли курашчиси Мунаввар қори Абдурашидхоновнинг Ўрта Осиё, хоссатан Туркистон минтақасидаги ўрни ва роли ҳақида кўп яхши гапларни айтиш ва мисолларни келтириш мумкин, аммо бу фикрлар, мисоллар беназир инсон ва мутафаккирнинг сиймосини тўлиқ ёрита олмайди. Шу боис биз унинг сиймойи тажаллисига эътибор қаратдик, холос. Зоро, мутафаккирлар фаолияти битмас-туганмас бир хазинадир; бу хазиндан ҳамма насибасига яраша дурри гавҳарларни теради. Бунга шак-шубҳа йўқ.

*Нодира МУСТАФАЕВА
ЎзР ФА Тарих институти
етакчи илмий ходими, т.ф.д.*

ТУРКИСТОН ЖАМИЯТИНИНГ МАДАНИЙ ТАРАҚҚИЁТИДА МУНАВVAR ҚОРИ АБДУРАШИДХОНОВНИНГ ТУТГАН ЎРНИ

Ҳаётда шундай инсонлар бўладики, уларнинг умр йўллари мазмунан серкирра, жўшқин воқеаларга бой бўлиб, тарих саҳифаларида муҳим ўрин эгаллайдилар. Бундай баҳо юксалишлар-у кулашлар, тараққиёт, янгиланишларни, турли воқеаларни бошидан кечирган XX аср бошлари ва 20-йиллар Туркистонда янги маърифат ва маданият, миллий истиқлол учун фидокорона курашган, Тошкент жадидчилигининг отаси – Мунаввар қори Абдурашидхоновга ҳам тегишли. Бу улуғ шахс ҳалқни маърифатли қилишни, савиёсини кўтариб, оқ-қорани танийдиган қилишни янгиланишнинг бирламчи шарти деб билди ва бу олий жаноб ниятни амалга ошириш учун фидойилик билан ишга киришди. У турли такиб ва таъқиқларга қарамай, моддий қийинчилекларни енгиб, мактаблар очди, дарслеклар яратди, газета саҳифаларида фаол қатнашди, китоблар чоп этди, маданий-маърифий тўгараклар очди. Хуллас, Мунаввар қори ўзбек миллатининг садоқатли ва фидокор фарзандлари сифатида танилди.

Маълумки, ижтимоий онгнинг ўсиши хат-савод ўргатиш усулини ҳам ислоҳ қилинишини талаб қилган эди. XX аср бошлари турк ва татар ҳалқлари маънавий ҳаётида кескин бурилиш ясаган Исломил Гаспринскийнинг ўқиши ва ўқитиши, мактаб ва мадраса ислоҳотига оид фикрларидан руҳланган Мунаввар қори мактабларни ислоҳот қилмай туриб, одамларнинг онгида ўзгариш ясаб бўлмаслигини яхши тушуниб етди ва Тошкентда 1901 йили биринчи бўлиб, янги усулдаги жадид мактабини ташкил этди. Ўз даври учун инқиlobий ислоҳ ҳисобланган бу ишга Туркистонда ҳаммадан аввал Саид Расул Саидазизий (1866-1933 йиллар) ва Мунаввар қори Абдурашидхоновлар киришдилар. Улар ўз йўл-йўриқларини “усули-савтия” деб номлаб, бу усулни ҳаётга тадбиқ этишга рус, татар илғор педагогларининг тажрибасидан фойдаланганлар.

Саидрасул Саидазизий “Устоди аввал” (1902 йил), Мунаввар қори Абдурашидхоновнинг “Адиби аввал” (1907 йил) деб номланган ўзбекча алифбо китоблари Тошкентда нашр килинади. Иккала дарслернинг кўл ёзмаси деярли бир вақтда тайёрланган бўлишига қарамай, иккинчиси беш йил кейин нашр этилади. Бунинг асосий сабабларидан бири мазкур муаллифларнинг ўша даврда тутган мавқелари эди. Чунки, С.Саидазизий мадрасани ва рус-тузем мактабини битиргач, 1900 йили ўзи ўқиган рус-тузем мактабида “мусулмонча синф” ўқитувчиси бўлган ва унга Сирдарё вилояти халқ мактаблари директори лавозимида кўп йиллар ишлаган педагог С.М.Граменицкий кўллаб-куватлаб, ёрдам беради²².

Мунаввар кори Абдурашидхоновни эса аксинча чор амалдорлари ёқтиргмаганлар, тараккийпарвар маҳаллий зиёлилар ташаббуси туфайли, қийинчиликлар билан фаолият кўрсатган усули жадид мактаби муаллими эди. Бу мактаблар муаллимлари ўзбекча алифбо китоблари бўлмаганлиги учун татарча китоблардан, 1902 йилдан “Устоди аввал”дан фойдаланганлар.

1905-1907 йиллардаги инқилобдан кейин маҳаллий халқларга сўз ва матбуот эркинлиги берилгач, Мунаввар қори бундан фойдаланиб, 1907 йили “Адиби аввал”, “Адиби соний” каби дарслерини чоп эттиришга муваффак бўлди. Мунаввар қорининг бу дарслерини ўзининг қизиқарлилиги, дунёвий билимлардан парчалар келтирилганлиги билан, дунёвий билимлар асосида шарҳланганлиги билан қимматлидир. Бу қориҳона, мадрасаларнинг тъясирни кучли бўлган бир даврда, ёшлиарни, болаларни дунёвий илмлар сари қизиқтириш катта жасорат эди. Бу китобда ҳар соҳадан бир шингил мисоллар келтирилган бўлишига қарамай, ўз даври учун бу жуда ноёб, бебаҳо нашрлар ҳисобланади. “Адиби Соний” китобида ахлоқ, одоб дарслари эртак ва ривоятлар орқали, жўғрофия, ҳайвонлар дунёси (зоология) каби фанлар хикоя тарзида баён этилган эди²³. Дарслернинг панд насиҳат қисмидаги айтилган “яхши муомалани дўсту-душманга баробар қилмоқ лозимдир. Чунки, дўстларнинг дўстликларин ортирур, душманларни дўстларга

²² Абдуллаев И. Биринчи ўзбек алифбоси // Ўзбекистон адабиёти ва санъати. 1991 йил 8 февраль. №б.

²³ “Адиби Соний” тузувчи Мунаввар Қори бин Абдурашидхонов. Т. 1914. (Г.Я.Яковлев типографиясида).

айлантирур”²⁴ – деган сўзлари муаллифнинг эзгуликка интилевчи шахс эканлигини яна бир карра исботлайди.

Бундан ташқари бу зот ислом дини тарихининг етук билимдони эди. Архив ҳужжатларидан олинган маълумотларга кўра Фаргона хусусан Кўқондаги янги усул мактабларида илохиёт фани бўйича Мунаввар қори Абдурашидхонов томонидан тузилган бир канча китоблардан фойдаланилган эди. Булардан: “Хавойжи диния” (Тошкент. 1912) З қисм, “Тарихи анбиё” (Тошкент. 1912), “Тарихи Исломия” (Мусулмончиликнинг тарқалиши ва унинг тарқатувчилари) (Тошкент. 1912), “Тарихи қавми туркий” (Қозон. 1911)²⁵ ва “Сабзазор” (Ўқиш китоби) “Ер юзи” (Жўғрофия)²⁶ кабилар маълум.

Мунаввар қори Абдурашидхонов жамиятда ечилиши лозим бўлган муаммоларни , таклифларини баён қилишда матбуотдан кенг фойдаланди. У айниқса ёшларнинг халқ орасидаги ижтимоий силжишларига сабаб бўлган ишларни бажариб, обрў топаётганларидан фахрланган. Жумладан, “Тошкентда мусулмон жамияти” мақоласида у шундай деб ёзади: “Тошкент жамиятининг исмини унуглан ёки ҳеч бир жамият деган сўзни эшитмаган Тошкент мусулмонларининг етти яшаридан етмиш ёшаригача жамиятнинг вужудидан хабардор бўлди, рус, яхудий ва арманлар фойдаланиб юрган ўринларидан фойдаланмак мусулмонларга ҳам мумкин эканлиги очик билинди, бу эса Тошкент мусулмонлариниг ҳйла рухларини кўтармоғига ва жамиятга муҳабbat ила қаромокларига сабаб ўлди”²⁷. Шу билан бирга муаллиф бу жамият тараққийпарвар ёшларни ўз атрофига тўплаганлиги, улар томонидан бир неча хайрли ишлар қилинганини алоҳида таъкидлайди. “Жамиятнинг янги аъзолари ...пул топмакка ҳам янги йўллар излади, бошлиб “Грамафон общество” сила сўйлашиб, ҳар бир пластинкадан 10 тийин олмоқ шарти ила бир неча хофизларни ва ўз тарбиясидаги мактаб шогирдларини товушини сотди”²⁸. Бу эса халқнинг ўзлигини таниши ва ўзини ҳимоя қилиш туйгусини уйғониши, миллий

²⁴“Адиби Соңий”... 9 бет.

²⁵ЎЗРМДА. Ф-Р-34. 1- рўйхат, 1194-иш. 165- варак.

²⁶Ўша ерда.

²⁷Мунаввар Қори. Тошкентда Мусулмон жамияти //Самарканд газетаси. 1913 йил 20 август. 37 сон.

²⁸“Самарқанд” газетаси. 1913 йил 20 август. №37.

қадриятларини сақлаш ва тарақкий эттиришдаги илк қадамларидан эканлигидан далолатдир.

Мұхтож мусулмонларга ёрдам бериш, уларни маңнавий ва моддий жиҳатдан яхшилаш, халқ орасыда саҳна ишига ва хайрия табдирларига мұхаббат үйғотиши мақсадида М.Абдурашидхонов ва Абдулла Авлоний бошчилигиде Тошкентда “Турон” театр жамоаси ташкил этилади. 1914 йил 27 февралда ушбу театр жамоаси томонодин саҳналаштирилган М.Бекбетидінинг “Падарқуш” спектаклининг биринчи пардасини очиш Мунаввар қори Абдурашидхоновга топшириләди. У мазкур тантанали маросимда шундай дейди: “Туркистан тилида хануз бир тиятр ўйнамағонлиги барчанғизга маълумдир. Шул сабабли баъзи кишиларимиз тиятрға, эхтимолки ўйинбозлик ёки масхарабозлик кўзлари ила бокурлар. Ҳолбуки, тиятрнинг асл маъноси ибратхона ёки улуғлар мактаби, деган сўздур. Театр саҳнаси ҳар тарафи ойнабанд қилинганд бир уйга ўхшайдурки, унга ҳар ким кирса ўзининг ҳусн ва қабихини, айб ва нуқсонини кўриб ибрат олур”²⁹. Албатта ёшликтан ислом дини қонун ва кўрсатмалари билан тарбияланган, ундан руҳланган кишининг театр санъатига бундай катта баҳо бериши улкан воқеа эди. Бу унинг дунёқарашининг ниҳоятда кенглигини, билимдонлигини билдиради. Маданият дарғаси ўзбек томошобинларига: “биз бу зотларга (яни артистларга) ва театрларға қаңдай кўз ила бокмоғимиз керак?”-деган савол билан мурожаат қилас экан, ўзи бу саволга қўйидагича жавоб беради: “Муни ўрганмак учун биз ўзимиздан бошқа мутарақкий мамлакатларга бокайлик. Мисли устимизга ҳоким бўлиб турган русларға, туркларға, немисларға, француздарға, яхудийларға ва бошқаларға кўб узок кетмайлик, янг яқин қўшниларимиз бўлғон татарларға ва қафқаз мусулмонларига”³⁰. У айниқса, Мирза Фатҳали Охундовга фаолиятига тўхтабиб “халқининг нуқсонини кўрсатган, миллат тарақкийсига ва мамлакат озодлигига хизмат қилган” шахс сифатида баҳолайди. Бу Мунаввар қорини ўзга миллат халқларининг турмушили, маданиятини чуқур билганилигини, улар ҳаётида театр санъати қандай ўрин тувишини ҳар томонлама ўрганганилигини билдиради. Бу инсон миллат обрўсини юксалтиришни, ривожлантиришни ўзининг умр

²⁹ М.Қори Абдурашидхонов. Биринчи миллий театр/Ўзбекистон адабиёти ва санъати. 1997 йил 21 март №12.

³⁰ Ўша ерда.

мақсади деб билған. Ҳатто театр саҳнасида туриб, ўз нутқида у ўлкасининг қолоклиги сабабини ахтарар экан, “Бизим Туркистон мамлакати туфроғ, сув ва ҳаво жиҳатидан энг бой мамлакатлардин бўла туриб, на учун ўзимиз бундан фойдалана олмаймиз!” деган ҳақли эътиrozига халқимизнинг “нодонлик ва дунёдин хабарсизлиқ балосидандир” деб жавоб беради. Ва бу иллатлардан кутилишнинг бирдан – бир йўли “театр саҳнаси, яна жамият ва тиятр воситасила очилган мактаб ва мадарасаларимиздир” дейди. Биргина шу мақоланинг ўзиёқ Мунаввар қори Абдурашидхоновни мадания ва маънавият йўлида тинимсиз курашган шахс эканлигига далолатдир.

Мунаввар қори инсоннинг маърифатли бўлиб; кўзи очилмагунча виждони уйғонмаслигини, виждон уйғонмаса на ўзининг, на халқнинг эркини муҳофаза қила олишини чукур англаған. Шунинг учун ҳам Октябрь тўнтаришидан сўнг у ўз ҳаётини бутунлай маориф ва маданият ишларига багишлади. “Сўнги икки йил ичинда, – деб ёзган эди у, – Туркистон халқининг бошина келган фалокатлар ҳар бири ёлғиз нодонлик ва маорифсизлик орқасиндагина бўлғонлиги ҳар кимга маълумдир. Келажакда бундай фалокатлардан кутулмоқ ва Туркистон халқи тилаган равишда идора қилмоқ ва душманлардан сақламоқ ёлғиз санойи ва маориф воситаси илагина мумкиндири”,³¹.

Мунаввар қори Абдурашидхонов 1918 йил ташкил топган Туркистон Маориф Халқ Комиссарлиги қошида очилган “туркий шўбаб”нинг ташаббускорларидан бўлди³². Шўбанинг вазифаси маҳаллий аҳоли учун мактаблар тузиш, ўқитувчи мутахассислар, дарслик ва ўкув қуролларини етказилишини назорат қилиш билан бирга, омма орасида маданий-маърифий тадбирларни ўтказишдан иборат эди. Бу ташкилот ўз даврининг энг буюк маърифатчиларини ўз атрофига тўплади. Мунаввар қори ва унинг сафдошлари биргина бу иш билан чекланиб қолмадилар. Улар Мусулмон дорилфунуни очиш ғояси билан чиқдилар ва иш олиб бордилар. Маълумки, 1918 йил 21 апрелда ўз фаолиятини бошлиған Халқ Дорилфунуни оврўполиклар учун бўлиб, мусулмон вакиллари учун

³¹ Мунаввар Қори. Ўқитувчилар курутойига хозирлик//Иштирокиён. 1919йил. 23 июль. №139.

³² Черняевский Е. История возникновения, структура и деятельность ГУСА/наука и просвещение. 1922. №2. Стр. 165.

анча йирок бўлган ўкув маскани эди³³. Шунинг учун ҳам маърифатиарвар жадидлар томонидан маҳсус мусулмон халқ дорилғу нунини очиш мақсадида маҳсус комиссия тузилади, унинг таркибига Мунаввар қори Абдурашидхонов –раис, Бурхон Хабиб, Исо Тўхтабоев, Содик Абдусаттаров, Муродбек Муродхўжа, Мухтор Бакиров, Абдусами қори Зиёбоев ва бошқалар кирган бўлиб, улар томонидан маҳаллий миллат орасида бу ўкув юртига кизикиш уйготиш, унга яқинлаштириш, дастурлар тузиш каби ишлар амалга оширилди³⁴. Шундай қилиб, 1918 йилнинг 13 майида, Тошкентда мусулмон аҳоли учун “Халқ дорилғунуни” нинг тантанали очилиш маросими бўлиб ўтади. Тез орада бу даргоҳ ўзига хос ийрик билим масканига айланади. Дорилғунун қошида ўзбеклар учун маҳсус ўқитувчилар тайёрловчи бўлим – “Дорилмуаллимин”нинг очилишида ҳам Мунаввар қорининг меҳнатлари бекиёсdir. Бу ерда мудирлик вазифасини ўташ билан бирга Мунаввар қори этикадан, Фитрат она тилидан, Камол Шамсий арифметика ва геометриядан, Абдураҳмон Исмоилов санъат, меҳнат, мусиқадан, Ризаев жўргорфия, маданият тарихи ва сиёсий иқтисоддан, Ҳайдар Шакурий гигиена, немис тили каби фанлардан маърузалар ўқиганлар³⁵.

Совет тарихшунослигида совет хукумати ўрнатилгач дин мактаб-маориф ишларига аралашмаганлиги уқтириб келинди. Аслида эса, В.И.Лениннинг “Мактабларни черковдан ажратиши” декрети амалга оширилган бир вактда Туркистондаги маҳаллий шартшароитлар инобатга олиниб, совет мусулмон мактабларида дин дарсларининг ўқитилишига руҳсат берилган эди. Таассуфки, шундай бўлишига қарамай халқ орасида бу мактабларга шубҳа кучли бўлган ва ўз болаларини бу мактабларга юбормай қўйганлар. Бундай ҳолат табиийки, инқилобдан кейин маориф соҳасида фаолият кўрсатаётган жадидларни эътиборсиз қолдирмади. Улар ўлкадаги вазият, халқнинг кайфиятини яхши билганлар ва “янги мактабга халқнинг муҳаббатин жон этув учун дин биринчи кучли восита”, – деб хисоблаганлар. Жумладан, Мунаввар қори Абдурашидхонов ва ўша вақтларда ўлка маориф комиссари вазифасини ўтаган

³³ Тўхтабоев И.К. Открытию мусульманского народного университета//Наша газета. 1918 йил 12 май. №92.

³⁴ Еникеев А. Краткая история возникновения в Ташкенте мусульманской секции народного университета//Народный университет. 1918. 9 июнь. №31.

³⁵ ЎЗРМДА. Ф-34, 1-рўйхат, 110-иш, 327 варак.

³⁶ Халил Завқий. Халқ мактабларида дин дарси //Иштирокион. 1919 йил 11 июл. №131.

Мажид Амин Афандизодаларнинг халққа қарат “Мусулмон мактабларида дин дарслари” номли хитобнома билан мурожаат килишлари ҳам фикримизнинг яққол далилидир. Муаллифлар мусулмон мактабларида дин дарсларининг ўқитилиши ўлка маориф комиссариатининг маҳсус 1918 йил 9 ноябрь 38 рақамили бўйруқ, 4-моддасида қайд этилганини ва бўйруққа кўра “мусулмон мактабларинан шогирдларига (Имомлар тарафиндан ўқитулмоқ шартила) таҳорат ва шунга ўхшаш ҳавоиж динияларин ўргатмакка муаллимларга ихтиёр берилди”³⁷, – деб қайд этган эдилар. Улар дин дарсларига тўлиқ тавсиф берар эканлар, “муаллим ўзининг дарс жадвалини лаоқал хафтада уч-тўрт соат дин дарслари киритиб (бошка фанларнинг соатига зарар эткармаслик шартила) ул соатларини ибодат, эътиқодият, Куръон ва аҳлоқ каби қисмларға бўлиб ўқитмоқга вижданан ўлса керак”³⁸ деб ишонч билдирадилар. Мунаввар қори ва Афандизода эски мактаблар хусусида тўхталиб, уларда на илм, на дин бор, улар ёш болаларнинг руҳини, ҳамда жисмоний жиҳатдан ҳароб этувчи танбал хоналардир, деб таъриф берадилар ва бундай мактабларнинг даромадларини текшириб, баъзиларини ислоҳ қилиш фикрини ўртага ташлайдилар.

Афсуски, М.Абдурашидхоновни арзимаган баҳоналар топиб қоралаш, уни матбуот саҳифаларида танқид қилиш ҳоллари тўхтамаган эди. Масалан, “Мусофири” деб имзоланган талаба “Эсингиздан чиқдиму?” номли маколосида Мунаввар қорини Маориф комиссарига карши бўлгандикда, талабаларни унга карши қўйишда айблайди³⁹. Аслида эса воқеа эски шаҳар талабаларининг янги шаҳардаги ўлка курсларига кўчириш хусусида бўлиб, Мунаввар қори бу масалаларни ўлка Маориф комиссари билан маслаҳатлашган ва бу хабарни талабаларга устознинг ўзи етказган эди. Шунинг учун ҳам у юқоридаги маколанинг ёлғонлиги исботлаш мақсадида ўзининг “Ҳақсиз хужум” маколосини бўлиб ўтган мажлиснинг тавсифига бағишлади⁴⁰. Муаллиф нима сабабдан талабаларнинг унинг шахсига бундай баҳо берганликларига куюнади ва “ҳақсиз хужумлар етилмишидир!” дея киноя қилади. “Обинамак”⁴¹ имзоли муаллиф имло масаласи хусусида “Инқилоб” журналида фельветон

³⁷ Мусулмон мактабларида дин дарслари// Иштирокиён. 1919 йил 27 декабрь. №251.

³⁸ Ўша ерда.

³⁹ Мусофири. Эсингиздан чиқдиму? // Иштирокиён, 1919 йил 9 июль. №129.

⁴⁰ Мунаввар Кори. Ҳақсиз хужум//Иштирокиён, 1919 йил 11 июль. №131.

⁴¹ Бизнингча бу Назир Тўраколовнинг тахаллуси бўлса керак.

ёзіб, адибни имлога карши чиққанлигини күлгүлик тарзда баён этади, уни йиғлоқи деб мазах қиласы⁴². Бирок, ҳар қандай ҳақсиз хужумлар, тазийклар, киноялар буюк инсонни чүчита олмади. У танлаган йўлдан бораверди, 1922 йилда Туркистон Маориф нозири, кейин эски шаҳар маориф бўлими нозири бўлиб ишлади. Ўша йили 23-25 марта ўтган II УмумТуркистон маориф ҳодимлари курултойида иштирок этиб, мактаб бўлимига аъзоликка сайланди. Кейинчалик Навоий номидаги техникумда ва турли мактабларда ўзбек тили ва адабиётидан дарс берди. Дўстлари ва шогирди Қаюм Рамазон ва Шорасул Зуннун билан ҳамкорликда уч бўлимдан иборат “Ўзбекча тил сабоқлари” китобларини (1925 йил) нашр эттириди⁴³.

Миллат мураббийси Мунаввар қорининг маориф ва маданият муаммоларига бағищланган “Нашри маориф” юшмасининг аҳамияти” номли маколоси эътиборга молик бўлиб, унга алоҳида тўхтаалмок зарур. Унда маданий мамлакатларда маориф маданият ишларини оддий ҳалқ бошқариши, ҳукумат эса ёлғиз раҳбарлик ва ёрдамчилик вазифасини ўтаганлиги сабабли онгли миллат ўзаро илмий, фанний, адабий, ижтимоий, уюшмалар, нашири маориф жамоатлари тузуб миллат ва ҳалкни маориф ва маданият жиҳатдан юксалтиришга хизмат қилаётганлигига алоҳида урғу берилади. Бизнингча устознинг бу фикрлари “коса тагида ним коса” кабилида бўлиб, совет ҳукуматининг ҳар бир ишга аралашуви унинг жонига текканлигига истеҳзоли пичинг бўлган бўлса керак. “Мана, бу йўллар билан, – деб ёзади Мунаввар қори, – бугун Оврупа ва Амриқо ҳалқлари ҳавода учар, денгиз остида сузар, дунёнинг энг нарғи бурчаклари билан воситасиз хабарлашар бир ҳолға, бир маданиятга стишдилар”⁴⁴. У жадидлар – тараққийпарварлар амалга оширган ишларни бирма-бир санаб ўтар экан: “Мана бу юқорида саналган ва бу кунда тарих саҳифаларига топширилган миллий-маданий хизмат ва ҳаракатларнинг ҳеч бири ҳукумат усталларида эмас, ёлғиз жамоат усталларида ишланган ишлардир”⁴⁵ – деган эди. Мақолада “Устал” учун, яъни амал учун ўз виждонини сотувчилар қаттиқ танқид остига олинади. Инқилобдан аввал (Октябрь

⁴² Имло масаласи тўгрисида ким нима фикрда?//Инқилоб, 1922 йил. №2. 43-44 бетлар.

⁴³ С.Аҳмад.Мунаввар Қори. Эссе//Шарқ юлдузи, 1992 йил №5, 116 бет.

⁴⁴ Мунаввар. “Нашри Маориф” юшмасининг аҳамияти //Туркистон 1923 йил 4 март. №79.

⁴⁵ Ўша ерда.

тўнтирииш – Н.М.) ва ундан кейин ҳам мана шундай амал-парастларнинг таъсири кучли эканлигини эътиборга олиб муаллиф: “Агарда биз аввалдан бир неча инқилобларни кўриб тажриба ҳосил қилғон бўлсақ, табиий бу беш йиллик инқилоб даврида маориф ва маданият йўлида жуда ўйлаб ишлаган, қора халқни тамом қўлға олиб тараққий ва таомил йўлига ўзимиз билан бирга олиб кетган ва бу восита билан инқилоб давридан қора халқни фикр, маориф жиҳатидан кўп, жуда кўп фойдаладирғон бўлар эдик”⁴⁶, - деб ёзди.

Мунаввар қори маориф ва маданий ишларда факат халқга суннадигангина, халқнинг фикри ва руҳияти билан ҳисоблашган-дагина, халқни маориф ва маданият ишларига жалб этилгандагина амалий ютуқларга эришиш мумкинлигини тушунган. “Табиийки, деб ёзди у, – бундай ишларни энди ёлғиз ҳукumat кабинетларида ўлтириб эмас, жамоат устулларида ва қора халқ орасида ишламак лозимдир. Бунинг учун ҳар ерда нащр маориф уюшмалари очмоқ ва бутун мэорифпарварларни, ёшларни, чолларни шул уюшма атрофига тўпламоқ керадур”⁴⁷. Муаллиф Туркистон халқини маданий мизлутлар қаторида кўришни, маданият дунёсида ўз ҳукуқини танишини орзу қиласи ва биз ҳақли равишда ушбу мақолани тарихшунослик нуқтаи назаридан бебахо нашрлар сафига киритамиз.

1923 йилда Мунаввар қори Абдурашидхонов Бош Вақф Бошқармасининг аъзолигига сайланади⁴⁸. Бу вазифани ҳам сидқидилдан бажарган Мунаввар қори вақф бошқармасининг асосий эътибори асосан маориф ва маданият ишларига қаратилганини ўзининг “Бош вақф идорасининг бир йиллик ҳисоби”да аниқ кўрсатиб ўтган эди. Унда кўрсатилишича, “бош вақф идораси ўзининг таъминоти учун маҳаллий шўйбаларнинг умумий даромадидан “10 фоиз” олиб, қолган “90 фоизини маҳаллаларнинг ўзида маориф ва маданият ишларига сарф бўладир”⁴⁹ (Вақф идорасининг 1923 йилдаги бутун даромади 6.529.652 сўмни ташкил этган эди). Муаллиф, вақф идоралари кисқа вақт ичida халқнинг маориф ва маданияти йўлида яхшигина натижаларга эришганини Тошкент вақф шўйбалари фаолиятида аниқ кўрсатиб беради. Улар томонидан очилган маданий-маърифий муассасалар сонини аниқ санаб ўтар экан, бу

⁴⁶ Ўша ерда.

⁴⁷ Ўша ерда.

⁴⁸ ЎзР МДА. ФР-25, 1-рўйхат, 1142- иш, 7 вараж.

⁴⁹ Фаргона газетаси. 1924 йил 7 февраль. № 144.

тадбирлар факат шаҳарликлар учун эмас, балки чекка “уезд” ларда ҳам амалга оширилиши лозимлигини тилаб қолади. Бунинг учун у бош вақф идораларини “вақф ерларини налогдан озод қилиш” таклифини ўртага ташлайди ва бу тадбир амалга оширилса, “уезд ҳалки ҳам яхшигина бир маориф ва маданият сармоясига молик бўлиб, бу сармоя воситаси билан ўзини босиб ётган жаҳолатларига қарши курашган бўлур эди”, деб ишонади. Бундан кўринадики, маърифаатпарвар зот ҳар қандай вазиятда, ҳар қандай вазифани бажармасин, унинг ўй-фикри, қалби, вужуди ўз ҳалқини маданиятли, маърифатли кўришдан иборат бўлди. Афсуски, бундай ўзлигини таниган, ҳалқига оқ-корани танита оладиган инсонлар совет ҳукумати учун “зараарли” хисоблана бошладилар. Шунинг учун ҳам бундай шахсларни қандай бўлмасин йўқ қилиш, уларни турли баҳоналар билан сиқиб чиқариш, “ғоявий душман” сифатида йўқ қилиш совет ҳукуматининг асосий вазифасига айланди.

Мунаввар қори жисман йўқ қилинсада, маънавий йўқ қилина олмади. Чунки, эл учун умрини баҳшида қилган, маърифат ва озодликка тинмай интилган бу улуғ шахснинг номи тарихда ўчмас из қолдирган эди. Биз уни ҳакли равишда маърифатпарвар, етук публицист, ижтимоий-сиёсий ва маданий ҳаёт ўзгаришларининг шоҳиди бўлган ва бу жараёнларни ўтқир қалами орқали ҳалққа етказа олган журналист, бадиий асарлар яратган адаб сифатида баҳолаймиз. У тарихчи бўлмаса-да, аммо унинг қолдирган мероси муқаррар тарзда тарихшунослик нуктаи – назаридан бебаҳо қимматга эга.

Зеро, ўтмишда битилган ҳар бир сатр тарих учун ўзига хос эканлиги билан кимматли бўлиб, тўла равишда тарихийликка даъвогардир. Шунинг учун ҳам тарихчининг асосий вазифаси улардан ўз ўрнида фойдалана олиш, улардаги маълумотларни илмий муомалага киритиб, тарихийлигини белгилаши, ҳақконий ва ҳалол баҳолаши ғоятда мухимдир.

МИЛЛАТ ФИДОЙИСИ ВА РАҲНАМОСИ

(Мунаввар қори Абдурашидхонов таваллудининг 140 йиллигига)

Миллатимизнинг фидойи маънавий отаси, буюк Миллий Уйғониш – Ренессанс даврига асос солган миллий жадидчилик ҳаракатининг бош етакчиларидан бири Мунаввар қори Абдурашидхонов мустабид коммунистик мустамлаканинг аксилийсиюн сиёсати асосида бундан 87 йил муқаддам “халқ душмани” деган ноҳақ уйдирма билан қатағонлик қурбони бўлди. Буюк ва муқаддас мустақиллик ила унинг ҳам номи қайта тикланди.

Мунаввар қоридан совет даврида мутлок таъқиқланган жуда катта адабий-бадиий, маданий-маърифий, ижтимоий-сиёсий ёзма мерос қолди. Бунинг каттагина қисмини биринчи бўлиб излаб топиб, халқقا етказган таниқли олим Сирожиддин Ахмедов бўлди. Шунингдек, Холида Ахророва ҳам бунга салмоқли ҳисса кўшди. Камина ҳам Мунаввар қори ҳозиргум Мирзо Улугбек номидаги Ўзбекистон Миллий университетининг асосчиси бўлгани ҳамда унинг камоқхонада ёзган хотирасини учдан бир қисмини баҳоли кудрат ёритишга муваффақ бўлди.

Булар дарёдан бир томчи мисолдир. Мунаввар қорининг Ватан ва Миллат олдидаги тарихий хизматлари, мустамлака халқимизнинг дардига дармон бўлгани барча мероси, ижтимоий-сиёсий фаолияти ҳали тўла-тўқис ўрганилгани йўқ. Ушбу унинг 140 йиллик юбилейи муносабати билан ўтказилаётган биринчи илмий-амалий тадбир жуда муҳим тарихий аҳамиятга эга.

Мунаввар қори Абдурашидхонов Тошкенти азимнинг энг нуфузли, эл-юргита таниқли зиёли оиласаридан бирида 1878 йилда дунёга келди. Унга падари бузруквори – мадраса мударриси Абдурашидхон ва волидаю меҳрибони отинойи Хосиятхон яхши ниятлар билан Мунаввар – “нурга тўлган”, “нур билан ёритилган”, “нурли” деган маънони англатувчи исм қўйдилар. Мунаввар ёшлигидан ўз исми шарифига монанд диний-дунёвий илм-фанларнинг инсон қалбини ёритувчи нурларидан тўла баҳманд бўлди. Аввал онасидан, сўнг Тошкентдаги Юнусхон ва Бухородаги мадрасалардан бирида таълим-таҳсил олиб қорилик мартабасига эришди.

Тошкентта қайтиб, ўз махалласи Дархондаги масчитда имом-қорилик лавозимида илк бор фаолият юритиб халққа илм нурини ёйди.

Мана шу муқаддас даргоҳ – Аллоҳ Таолонинг уйида унинг онги-тафаккури тақомил топди, миллат дарди-алам, ҳол-аҳволидан тўла хабардор бўлди. Маълумки, тарихан шу даврда халқимизда чор Россиясининг мустабид мустамлакачилик зулми кучайиши эвазига иқтисодий-сиёсий, маданий-маънавий қашшоқлик, мутаасиблик, илмсизлик кучайган эди. Шунингдек, қадим анъанавий бошланғич мактаб ва олий мадраса таълими ўз тараққиёт йўлидан чиқиб, давр талабидан оркада қолган эди.

Буларнинг устига-устак, яна пала-партиш, тарқоқ ҳалқ ғаләёни ва қўзғолонлари тобора кучайиб, беҳуда қонлар тўкилишию азоб-укубатлар авж олаётган жуда ҳам аянчли сиёсий вазият пайдо бўлганди. Буларга жавобан нафакат Туркистон балки, бутун Россия мусулмон зиёлилари орасида янгича ижтимоий-сиёсий, маданий-маърифий дунёкараш, уйғониш, яъни жадидчилик ҳаракати пайдо бўлиб, жаҳолатга қарши маърифат шиори остида ривожлана бошлади.

Мунавварқори Абдурашидхонов бу янги диний-дунёвийликка асосланган ҳаракатнинг мазмун моҳияти ва мақсад-назифаларини жуда эрта англаб, 1901 йили 23 ёшида ўз ховлисида Тошкентда биринчи бўлиб, “савтия”-оҳанг яъни қуръоний усулга асосланган, анъанавий эски мактабларга мутлок ракобатда бўлган, янги тўрт йиллик (синфлик), пуллик жадид мактабини очди. Шу ўринда жадидчилик ҳозирги тушунчадаги ислоҳотчилик, ишбилармонлик ва янгиланиш ҳамда тадбиркорликдан бошланди десак, хато бўлмас.

Мунавварқорининг мактабида диний ва дунёвий илмлар ўзаро уйғунликда, ёнма-ён ўқитилди. Ўқувчилар олти ойда савод чиқариб, равон ўқиш ва ёзиш қобилиятига эга бўлдилар. Бунинг учун мутаассиблашган анъанавий эски мактабларда беш йил вакт керак бўлган эди. Мунавварқори мактабидан андоза олган жадид мактаблари нафакат Тошкент балки, бутун Туркистон ҳатто, ундан ташкаррида ҳам бирин-кетин очилиб, тез кўпая бошлади.

Мунавварқори биргина мактаб билан чекланмай яна бир-икки жойда мактаб очди. У янада олдинга қадам ташлаб, биринчи бўлиб, пуллик икки йиллик “Руштия” жадид мактабини очиб, ҳозирги

миллий дунёвий ўрта маҳсус таълимига асос солди. Бу мактаб ҳам жуда кенг миқёсда бошқа жойларда тез ривожланиб, ҳатто совет даврида ҳам аскотди.

Яна бир тарихий янгилик. Мунавварқори Абдурашидхонов “Руштия” мактабида рус тилини ўқитиш учун жуда ҳам қийинчилик билан мустамлака Туркистон генерал-губернаторлигидан рухсат олади. Рус тили билан бирга, диний ва дунёвий таълим яъни ижтимоий-гуманитар ва табиий билимлар анча чукур ўқитилди. Мазкур мактабни битирғанлар хорижий олий ўкув юртларида ўқиш, маҳалла масчиларида имом бўлиш, ўша даврдаги корхона ва ташкилотларда иш юритувчи бўлиб ишлаш қобилиятига эга бўлдилар.

Мунавварқорининг икки босқичли мактаби ва бошқа шу каби жадид мактабларини маърифатга муҳтож ҳалқ, айниқса, илғор руҳдаги янги замонавий ва муруватли бойлар қўллаб-қувватлади. Улар ўз болаларига тегишли пулни бериш билан бирга камбағалларнинг фарзандларига ҳам каттагина миқдорда маблағни хайрия қилдилар. Буларнинг эвазига камбағалларнинг болалари текин ўқитилиб, текин дарслик ва ўкув куроллари билан таъминланди.

Хуллас, жадид маорифининг моддий асосини ҳалқнинг ўзи таъминлади. Мунавварқори ўз ва бошқа жадид мактаблари учун дастур ва дарслекларни ҳам илк бор дунёга келтирғанлардан бири бўлди. Масалан, “Адиби аввал” (Алифбо) дарслиги (1907 й.), “Адибус-соний” (1907 й.) ўқиш китоби, “Ер юзи” (1908 й.) 3-4 сининфлар учун - география ва “Ҳавойижи” (хисоб), “Тил сабоклари” (1925 й.) дарслеклари, “Тажвид” Куръони Каримни ўқиш ва “Сабзазор” (адабий тўплам) каби қўлланмалар шулар жумласидандир. Булар қайта-қайта чоп этилиб жуда кенг географик худуд бўйлаб тарқалди.

Аммо, бу осонликча юз бермади. Мунавварқори ва умуман жадидлар иккита ўга жиддий қарама-қарши ижтимоий-сиёсий кучлар билан тўқнаш келди. Биринчиси – мустамлакачилик сиёсати бўлса, иккинчиси – шу сиёсатга итоатда бўлган маҳаллий мусулмон уламо ва зиёлилари орасидаги жаҳолатпарастлик (мутаассиблик) бўлди. Мустамлакачилар иккинчи ҳолатдан жуда усталик билан фойдаланиб, ички мусулмонлараро вазиятни янада оғирлаштириди.

Мутаассиб дин пешволари Мунавваркорини даҳрийликда айبلاغани, жадид Мирмуҳсин Шермуҳамедовни тутиб, калтаклаб,

юзига қоракуя суртиб, Эски жува бозорида халқ орасида сазойи қилгани ва бошқа ҳолатлар маълум. Мана яна бир тарихий мисол. 1914 йилда Самарқанддаги Мирзо Улуғбек мадрасасида беш минг мусулмон жума намозини ўқиб бўлгач, уларга Аббос исмли муаззин мутаассибларнинг ушбу фатвосини зълон қиласди: “Жадидлар коғир, ўлса жаноза ўқилмасин, уларнинг сақол мўйловларини сартарошлар олмасин, уларнинг хотинлари талок”.

Бу албатта, динимизга хилоф фатво эди. Аслида Мунавваркори ва бошқа жадидлар Ислом динининг соғлиги, у маърифат ва илм-фан дини эканлигини ҳимоя қилиб, очиқ танқидий фикрлар билан жадид матбуотида мақолалар зълон қилдилар. Масалан, Мунавваркори Абдурашидхонов 1906 йил 14 июнда “Тарақкӣ” газетасида босилган “Бизни жаҳолат – жаҳзли мураккаб” маколасида “Кўп диндошларимизни кўрамизки, ўз фарзандларини асло мактабга бермай, ... дунёни ва охирати саодати ўлған илм ва маорифдин маҳрум қилмоқдан хеч бир ибо қилмаслар”⁵⁰ дейди.

Маълумки, жадидларнинг асосий мақсадларидан бири мутаассиблашган эски олий мусулмон мадраса таълими тизимини ислоҳ қилиб, ҳалқаро тажрибага асосланган янги дунёвий олий таълим тизимини яратиш бўлган эди. Бунинг учун улар аввало, иктидорли ёшлиарни хорижга ташкилий асосда ўқишига юбориш билан машғул бўлдилар. Мунавварқорининг ташабуси ва етакчилигида 1909 йилда Тошкентда биринчи бор жадидларининг йирик намоёндлари “Кўмак” номли хайрия жамиятини расман ташкил эди. Унинг “Низоми”да ёшлиарни чет мамлакатларга ўқишига юбориш ва уларни стипендиялар билан таъминлаш жуда аник кўрсатилди.⁵¹

Бундан ибрат олиб, 1910 йилда Бухоро жадидлари ҳам “Тарбияи атфол”ни тузди. Буларнинг ёрдамида Туркияда 1910 йилда 50 та, 1911 йилда 15 та, 1912 йилда 30 та, Германияда 1922 йилда 70 дан ортиқ ёшлар ўқигани маълум.⁵² Жадидчилик ҳаракатининг буюк етакчиси Маҳмудхўжа Беҳбудий 1913 йилда “Эҳтиёжи

⁵⁰ Абдурашидхонов М. Хотраларимдан (Жадидчилик тарихидан лавҳалар). –Тошкент: “Шарқ”, 2011, 79-бет.

⁵¹ Каранг: Холбоев С. Ва бошқалар. Туркистон жадидчилиги – Миллий уйғониш даври тарихи (XIX аср охири – XX аср бошлари). -Наманган: “Наманган” нашриёти, 2012, 70-71 бетлар.

⁵² Холбоев С. Миллий университетнинг тарихий илдизлари ва ташкил топиши. – Тошкент: “Шарқ”, 2003, 42-43 бетлар.

миллат” номли мақоласида ёзади: “...Дунёда турмоқ учун дунёвий фан ва илм лозимдир. Замона илми ва фанидан бебаҳра миллат бошқаларга поймол бўлур”.⁵³

Миллат фидойиси ва рахнамоси Мунавварқори Абдурашидхонов “Кўмак” фаолиятини жонлантириш учун амалий сайди-харакатлар билан жуда жиддий машғул бўлди. Бу тўғрида Абдурахмон Акбаров кейинчалик эслаб ёзади: “Тўда”даги жадидларнинг бош раҳбари бўлган Мунавварқори... 1916 йил охирлари эди... Каттахўжа Хўжаевнинг уйида иккинчи марта бўлган катта йигинда (50-60 та кишилар олдида – С.Х.) “Ўзбек зиёлиларини Германияга юбориб ўқитишга жуда мухтожмиз, болалар ўқиб, илм таҳсил олиб келсалар, миллатга катта хизмат қила оладилар” деган сўзлар билан узок нутқ сўзлади”.⁵⁴

Мунавварқори Абдурашидхонов Тошкент шаҳар Думасига аъзо бўлиб сайлангач, унинг рус зиёли ва олимлари билан ҳамкорликдаги ҳаракати билан Тошкентда университет ташкил этиш ҳаракати амалда жонланди. Дума 1917 йил 21 авгуистда Тошкентда университет ташкил этиши ҳақида қарор қабул қилиб, унинг Ташкилий комиссиясини тузади. Бу комиссияга Мунавварқорининг таклифи билан Саратовда ўқиган олий маълумотли адвокат Убайдуллаҳўжа Асадуллаҳўжаев ва Содик Абдусатторов киритилади. Шунинг билан бирга университет ўкув дастурини ишлаб чиқишида мусулмонлар учун тарих ва шарқшунослик факультетлари мослаштирилишини талаб этади.⁵⁵

Тадқиқотчи олим Сирохиддин Ахмедов аниқлашиб Мунавварқори бундан олдин 1910 йил ноябрда Россия Давлат Думасига Тошкент шаҳар аҳолиси номидан “Илтимоснома” ёзиб, мактабларда ўқиш ва ўқитиш усуllibарини ислоҳ қилиш зарурлигини кўрсатган экан.⁵⁶

Рус феврал инқилобидан сўнг Туркистонда маълум маънода юз берган демократик ўзгаришлар сабабли университет ташкил этиш

⁵³ Бехбудий М. Танланган асарлар. Тузатилган ва тўлдирилган 2-нашри, – Тошкент: “Маънавият”, 1999, 201-бет

⁵⁴ Сирохиддин Ахмат. Мунавварқори//Шарқ юлдузи, 1992 й., 5-сон, 107-108-бетлар.

⁵⁵ Каранг: Шамсуглинов Р.Т.Первенец высшей школы (Краткий очерк истории Андижанского государственного педагогического института). –Ташкент: “Ўзбекистон”, 1998, стр.13.

⁵⁶ Каранг: Абдурашидхонов М. Танланган асарлар. –Тошкент: “Маънавият” наприёти, 2003, 29-бет.

ҳаракати олдин ҳар икки томондан ўзларича алоҳида бошланган бўлса-да, энди ўзаро ҳамкорлик ва демократик асосга эга бўлди. Шаҳар Думасининг қарорига асосан Россия пойтахтига университет ташкил этилишига ёрдам сўраб маҳсус комиссия юборилди. Санк-Петербург ва Москва олий ўқув юртларининг олимларидан иборат Тошкентда очилажак университетнинг Ташкилий қўмитаси тузилиб амалий ҳаракат бошлайди.

Бирок, таркибига бирорта ҳам маҳаллий ҳалқ вакили киритилмаган мустамлака совет ҳукумати – Туркистон ўлка автоном совет ҳалқ комиссарлари советини ташкил этгач, университет ташкил этиш борасидаги демократик ҳаракат тубдан ўзгарди. У 1918 йил 16 марта “Ҳалқ маорифи комиссариатига тезлик билан Тошкентда Ҳалқ университетини ташкил этиш ва Олий политехника институтини очиш учун ҳамма чораларни ишга солиши топширилсинг”⁵⁷ деган маҳсус буйруқ қабул қилиб, унда маҳаллий ҳалқ асло эътиборга олинмади.

Бундан хабар топган Мунавварқори Абдурашидхонов тезлик билан 1918 йил 9 апрелда ўз уйида “Турон”, “Муаллимлар жамияти”, “Гулистон” ва бошқа жадидларнинг ташабbusи билан ташкил этилган мусулмон жамиятлари вакилларини йиғиб, Мусулмон ҳалқ дорилфунуни очиш ҳакида музокара ўтказади. Йиғилганлар буни маъқуллаб, Мунавварқори Абдурашидхонов раҳбарлигига 9 кишидан иборат “Мусулмон Ҳалқ дорилфунунининг ташкилот комиссияси”ни тузади.

Комиссия Туркистон ўлка маориф шўроси Ижроия қўмитасига ўз мақсадини билдириб, икки вакил орқали дорилфунун ибтидоий (бошланғич), ўрта ва олий боскичлардан иборат бўлиши ҳақидаги қарорни юборади.⁵⁸ Мунавварқори бошлиқ ташкилот комиссияси жуда жадал иш олиб боради. Унинг 7- мажлиси (2 май)да Мусулмон Ҳалқ дорилфунуни ташкил этилишини Туркистон Ҳалқ университети совети ва Туркистон Ҳалқ Маорифи русча комиссариати томонидан расман тан олинганлиги маълум бўлди. Мана шундан сўнг совет ҳукумати маблағ ажратиб, Ташкилот комиссияси аъзоларига 9-апрелдан бошлаб бажарган ишларининг кўла-мига қараб, 200 дан 450 рубл(сўм)гача маош беради.

⁵⁷ “Народный университет» газетаси. 1918, 12 май.

⁵⁸ Абдурашидхонов М. Танланган асарлар. -Тошкент: “Маънавият” нашриёти, 2003, 24-бет.

3 май куни Ташкилот комиссиясининг навбатдан ташқари кенгайтирилган мажлиси бўлиб, унда Мусулмон Халқ дорил-фунуни раҳбарияти (“идораси ҳайъати”)га сайлов бўлади. Мунавварқори Абдурашидхонов 20 овоз билан раис (ректор), Исо Тўхтабоев 21 овоз билан раиснинг биринчи муовини, Бурхон Ҳабиб 18 овоз билан иккинчи муовини, Абдусамиқори Зиёбоев 16 овоз билан хазинадор, Мухтор Бакир 18 овоз билан саркотиб этиб сайланади.⁵⁹

Мунавварқори раҳбарлигидаги миллий олий таълим фидойи-ларининг меҳнати самараси ўлароқ, 1918 йил 12 май шанба куни Мусулмон Халқ дорилфунунининг “расми кушоди” – расмий тантанали очилиш маросими бўлди. Эски шаҳардаги Викула Морозовнинг собиқ дўкони (ҳозир бузулиб кетган) биносидаги бу тантана ҳайъатидан хукумат аъзолари – Халқ комиссарлари, мусулмон ва рус халқ дорилфунунлари раислари (ректорлари) ва бошқалар жой оладилар.

Мунавварқори қисқа нутқ билан йиғлишни очиб, мусулмонлар чоризм даврида рус йўқсиллари билан биргаликда яrim аср қулликда яшаганини, озодлик катта талофатлар эвазига кўлга киритилганини алоҳида таъкидлайди. Шу билан бирга, у “Халқнинг илмга кўп зиёда муҳтожлиги...қонларини тўкиб олғон хурриятидан сўнг туркистонликларга ҳам ўқимоққа имкон топилгани” ҳақида тўхталди.

Шундан кейин Мунавварқори ҳарбийларга хос усулда йиғилганларни хуррият шаҳидларини хотирлаб бир неча дақика оёққа туриб, сукут сақлашга чақиради. Аскарий мусиқа марши чалинади. Сўнгра мусулмон хуррият шаҳидлари учун Самиғкори афанди тарафиндан Каломи Шарифдан суралар ўқилиб фотиха тортилади. Туркистон Жумҳурияти Халқ комиссарлари дорилфунуннинг вазифалари ва унинг умуммиллий табиати ҳақида оташин нутқ сўзладилар.

Ташқи ишлар комиссари, эсер фирқаси аъзоси П.А.Домагатский руслар ва маҳаллий миллат ўртасидаги муносабатга тўхталиб шундай дейди: “Менинг ишончим комилки, бугундан бошлаб катта оға тушунчаси ҳам, кичик оға тушунчаси ҳам бўлмайди, энди ягона демократия хукмрон бўлади...”⁶⁰ Халқ

⁵⁹ “Халқ дорилфунуни” газетаси, 1918 йил, 15 май, 3-сон.

⁶⁰ “Наша газета”, 1918 йил, 15 май.

маорифи комиссари Успенский шовинистик нуктаи назардан шундай дейди: “Бизни бекорга катта ога деб айтмайдилар, чунки бизга маълум вазифа юкланган. Катта оғага қийин бўлди, сабаби, ўн миллионлик Туркистон халқи биз олиб бораётган ишларга рози бўлмаяпти. Сизлар ҳокимиятни босиб олдингиз, бизга мустабидликни жорий қиласизлар, деб айтмоқдасиз. Бироқ, шундай бўлса-да, биз кичик иниларимизнинг бизга хайриҳоҳ бўлишларига ишонардик... Биз автомобилда Эски шаҳарга юборган ўша (октябр кўзғолони вақтидаги – С.Х.) милтиқлар ўзимизга қарши қаратилмади. Буни биз ҳеч қачон унутмаймиз”.⁶¹

Хулоса шуки, 1918 йил 12 майда кўп йилдан бери тарихий эҳтиёжга айланган миллий олий таълимга асос солинди, аниқроғи, ҳозирги Мирзо Улуғбек номидаги Ўзбекистон Миллий университетининг миллий асоси яратилди. Бу кун муборак кун бўлиб тарихга кирди. Миллат ва маориф фидойиси, буюк аллома Маҳмудхўжа Беҳбудий 1914 йилда “Ойна” журналида муштариylар Туркистонда олий миллий таълим истиқболи ҳакида берган саволига жвоб бериб, “Тошкентдаги Мунавварқори мактаби мана шундай олий таҳсилга замин бўла олиши мумкин”⁶² дейди.

Бу шунчаки яхши истак ва ният бўлмай, реал имконият эди. Шунинг учун ҳам орадан тўрт йилгина вақт ўтиб, ўтмай Мусулмон Халқ дорилфунунини тарихан Мунавварқори ташкил этди. Бу воқеликнинг гувоҳларидан бири бўлган, таниқли олим А.А.Диваев қувонч билан шундай дейди: “Мана, бугун Тошкентда Мусулмон дорилфунуни очилиши тантанасида қатнашишга муяссар бўлдик. Туркистон учун тонг отди, ёруғ қуёш балқиди... Яшасин Туркистон халқининг таянчи ва умиди бўлган ўкув юрти”.⁶³

Мусулмон Халқ дорилфунуни ҳақиқатан ҳам тарихимиздаги давтлабки дунёвий илм-фан ва усулларга асосланган ҳозирги замон университетининг дастлабки миллий асоси ва таянчи сифатида фаолият юритди. У ўша даврдаги 15 та мусулмон илмий-

⁶¹ “Народный университет” газетаси, 1918 йил 94-сон. Бу ерда нотиқ совет ҳукумати таркибига дастлаб мусулмонларнинг вакиллари киритилмаганлиги ва октябр воқеалари пайтида Эски шаҳарга юборилган қуроллар кайтариб юборилгандигини назарда тутимокда.

⁶² Косимов Б. Миллий уйғониш: жасорат, маърифат, фидойилик. – Тошкент: “Маънавият”, 2002, 237-бет.

⁶³ “Народный университет” газетаси, 1918 йил 94-сон. Бу ва бошқа русча манбалардан олинган кўчирмаларнинг таржимаси бизники – С.Х.

ижодий, маданий-маърифий ва демократик уюшма ҳамда ташкилотларининг вакилларидан иборат 45 кишилик кенгаş томонидан бошқарилади. Дорилфунуннинг илмий-ижодий муаллимлари жамоаси тез орада 299 кишига етади. Шундан 22 таси олий диний мадрасаларни, 2 таси Россия университетларини битирган эдилар. Буларнинг орасида ўнлаб таниқли жадид шоир ва адиллари, жадид мактаби ва унинг дарслеклари асосчилари, 20 га яқин турли хил соҳа вакиллари бор эди.⁶⁴

Мусулмон Халқ дорилфунуни қуидаги олий, ўрта-максус ва қуий таълим босқичларидан иборат бўлди:

1. Олий босқич: дорилмуаллимин (ўқитувчилар институти).
2. Ўрта босқич: қасб-хунар ўргатувчи ҳар хил максус курс ва тўгараклар. Куйи босқич: “Ибтидоий шўъба” (бўлим). Бунинг ўзи 15 ёндан кичик бўлмаганларни қабул қиласиган уч гурухга бўлинди: 1) саводи бўлмаганлар; 2) олдин эски мактабда ўқиб саводи чиққан, аммо дунёвий илм-фанлардан хабари бўлмаганлар; 3) жадид ибтидоий (бошланғич) ва “руштия” мактабини битириб, янада чукурроқ билим олмоқчи бўлганлар.

Мусулмон Халқ дорилфунуни Ташкилот комиссиясининг 8-мажлиси қенгайтирилган ҳолда (6 майда) чиқарилди. Унда Туркистон Халқ университети раиси профессор О.В.Попов ҳам қатнашади. У сўзга чиқиб, Мусулмон Халқ дорилфунуни учун ўзбек тилида газета ташкил этилишини таклиф этади. Шу билан бирга яна у мусулмон ва рус халқ дорилфунунларини бирлаштириш ҳакида шундай дейди: “Халқ дорилфунуннинг рус ва мусулмон шўъбалари қўл(ни) қўлга бериб ва бир-бирларига ёрдам(да)... бўлсалар керак ва ҳам бундан кейин дорилфунуннинг икки деб эмас, балки иккиси ҳам бир мақсадга хизмат килгани учун бир дорилфунун деб атамоқ керакдир”.⁶⁵

Ташкилот комиссиясининг шу 6 майдаги мажлисида Бурҳон Хабиб максус комиссия томонидан тайёрланган дорилмуаллимин дастури ҳақида маъруза қиласи. Мажлис аҳли “Дорилмуаллимин комиссиясининг лойиҳаси бўйича 5 йиллик дорилмуаллимин очмоқ ва ҳам программани шунга мувофиқ қилиб ҳозирламоқ иши

⁶⁴ Касимов Б. Кўрсатилган асар, 35-бет.

⁶⁵ “Халқ дорилфунуни” газетаси. 1918 йил, 31 май, 1-сон.

шул аввалги комиссияга топширилиши ҳакида қарор қабул қиласди”.⁶⁶

Дорилмуаллимин дастури тўғрисида бундан олдинроқ, Бурхон Хабиб бошқа катта бир мажлисда ҳам маъруза қилиб, шундай деганди: “Маълумки, Тошкентда мусулмонлар учун ўқитувчилар институти ташкил этиш фикри аввалдан пайдо бўлган... Шу боисдан ҳам институт учун дастури амал ишлаб чиқиласди. Унда ўкиш беш йилга мўлжалланиб, шундан бир йили тайёрлов курсига, колган тўрт йили эса асосий курсларга ажратиласди”.

Ушбу сатрлар гувоҳлик берид турибдики, тўла маънодаги Оврупо тажрибасига асосланган дастлабки миллий олий ўкув юртининг мукаммал дастури биринчи марта 1918 йилда Мунавваркори Абдурашидхоновнинг ташабbusи ва етакчилигига пайдо бўлди. Бунинг учун Тошкентда имконият, яни мусулмон илмий-педагогик кучлари етарлик эди. Акс ҳолда беш йиллик олий ўкув юртининг дастури ишлаб чиқилмаган бўлур эди. Афсуски, бу дастур коммунистик мустамлака сиёсати сабабли ҳаётга тадбиқ этилмай, коғозда колди.

Буни “Халқ дорилфунуни” газетасида ўша пайтда босилган “Тошкентда мусулмон дорилфунуни курслари ҳакида” деган хабар ҳам исботлаб турибди. Унда ўқиймиз: “Мусулмон Халқ дорилфунуни шўроси ташабbusи билан Тошкентда 5 йиллик муддат билан Мусулмон дорилмуаллимини очилурға қарор берилган эди. Лекин сўнгига ҳукумат арбоби билан англашқач (сұхбатлашгач – С.Х.) хозирча факат мусулмон муаллим ва муршидлар (инструкторлар – С.Х.) хозирлов учун 4 ойлик курслар... очмоқ мувофиқ кўринади”.⁶⁷

Мана шу қаршиликлар сабабли дорилмуаллимин 4 ойлик курслар мажмуидан иборат бўлиб очиласди. Унинг “расми күшоди” – очилиши маросими 1918 йил 31 майда бўлиб ўтади. Биринчи бўлиб дорилмуаллиминнинг яқинда сайланган раиси (ректори) Мунавваркори Абдурашидхоновга сўз берилади. У жамоатчиликни табриклаб, ўз шодлигини изҳор қилиб, “Битсун жаҳслат, яшасун илм ва маърифат”⁶⁸ деб сўзини яқунлади.

⁶⁶ “Халқ дорилфунуни” газетаси. 1918 йил, 31 май, 3-сон.

⁶⁷ “Халқ дорилфунуни” газетаси. 1918 йил, 31 май, 1-сон.

⁶⁸ “Халқ дорилфунуни” газетаси. 1918 йил, 31 май, 2-сон.

Дорилмуаллимин илмий-педагогик жамоаси ўша даврдаги етук педагог ва дунёвий илмларнинг билимдонларидан ташкил топади. Абдурауф Фитрат она тилидан, Камол Шамси арифметика ва геометриядан, Ҳайдар Шавқий гигиена, гимнастика ва олмон тилидан, Абдулла Раҳимбоев арифметикадан, Абдурахмон Исмоилов санъатдан, Мунавварқори она тилидан, Эфендиев она тили ва жўғрофия ва этнографиядан, Иброҳи Исмоилов дидактика ва табиатшунослиқдан, А. Пройкова рус тилидан дарс беради.

1918 йил сентябр ойига келиб, дорилмуаллимин ўкувчи (талаба)ларнинг сони тез кўпайди. Буларнинг орасида илгаридан эски анъанавий мактабда ишлаб келган 36 та муаллим, жадид мактабларини тутагтганлардан 56 та, рус-тузем ва анъанавий “қадим” мактабларини шу 1918 йилда битирганлардан 78 та ўкувчи бор эди.⁶⁹ Илк бор унга Андижон шаҳар думаси 10.000 сўм пул ўтказиб, 30 кишини ўкишга юборгани маълум.⁷⁰

Мусулмон Халқ дорилфунунининг тармоқлари тез орада кўпайиб, уларнинг илмий-маърифий нуфузи ортиб борди. 1918 йил 31 майдан дорилфунуннинг маҳсус газетаси “Халқ дорилфунуни” чоп этилиб, бутун Туркистонга тарқалда. Унинг асосий шиори “Яшасин илмий инқиlob, яшасин халқ маорифи” бўлди.

Шуни алоҳида таъкидлаш лозим. Таркибига бирорта ҳам мусулмон вакили киритилмаган Туркистон совет ҳукумати дастлабки кунданоқ маҳаллий халққа нисбатан шавинистик мустамлака сиёсатини олиб борди. У беш йиллик дорилмуаллимин очилишига қарши бўлиш билангина чекланмай, 1919 йилнинг кузига келиб, бутунлай тутатди. Русча Туркистон Халқ университетига эса давлат мақомини бериб, уни Туркистон Давлат университети деб қайта номлади.

Хуллас, Мунавварқори Абдурашидхонов ташаббуси ва етакчилигида ташкил топган дорилфунун замонавий миллий олий таълимнинг дастлабки тарихий намунаси, яъни ҳозирги 100 йиллик таваллуди нишонланишига катта тайёргарлик кетаётган Мирзо Улугбек номидаги Ўзбекистон миллий университетининг миллий асоси бўлиб тарихга кирди. Мана шу миллий тарихий воқелик, умуман жадидларнинг, айниқса Мунавваркорининг ўта буюк ва фидокорона тарихий хизматларини жуда тўғри англаган мухтарам

⁶⁹ ЎзМДА, 368-Ф.Р., 1-рўйхат, 34-иш, 12-в.

⁷⁰ «Народный университет» газетаси, 1918 йил. 11 июнь. 32-сон.

биринчи Президентимиз Ислом Каримов 2000 йил 28 январдаги ўзининг маҳсус олий фармони билан Тошкент Давлат университетига энг шарафли ҳамда юксак масъулиятли Миллий мақом берди. **Фармонда бу миллий университетнинг “асосчилари жадид зиёлилари, унинг ташкил этилган санааси эса 1918 йил 12 май деб белгилансин ва у Мирзо Улуғбек номидаги Ўзбекистон миллий университети деб аталсин”** деб алоҳида таъкидлаб кўрсатилди.

Бу тарихий фармонга имзо чекишдан миллатнинг буюк Йўлбошчиси бўлган Ислом Каримов ўша йили 6 январда Тошкент шаҳар сайловчилари билан бўлган учрашувда Тошкент Давлат университетига Миллий университет мақоми берилишини шахсан таклиф килиб, шундай деган эди: “**Тошкент университети 1920 йилда Россиядан келган “большевой” вакиллари томонидан эмас, балки 1918 йилда фидойи маърифатпарвар Мунавварқори Абдурашидхонов ташаббуси билан Туркистон Xalq миллий дорилғунуни сифатида фаолият бошлаган. Бу ҳақиқатни бутун жамиятимиз, айниқса ёшларимиз билиши керак, деб ўйлайман. Бу тарихий воқеа университет пештоқига алоҳида лавҳа килиб ёзиб қўйишга муносиб**”.⁷¹

Нега, 1918 йил 12 май Миллий университетнинг таваллуд куни деб белгиланди? Чунки, бу сана юкорида таъкидланганидек, Миллий университетнинг ҳақиқий миллий асоси бўлди. Бундан 22 кун олдин 21 апрелда ташкил этилган Туркистон халқ университети эса миллий университетнинг русча номиллий, аммо жуда ҳам муҳим тарихий асоси бўлди. Албатта, бу рус олимларининг тарихий хизмати беҳад катта бўлганлигидан далолат бериб, ҳозирги ўзаро самимий дўстона алоқа ва ҳамкорлик тарихий асоси бўлиб турибди.

Хулоса шундан иборат. Юкорида баҳоли кудрат кўрсатиб ўтилғанлар ўзини унитиб, Миллат, Ватан дея шаҳид бўлган ва фидойи бобомиз буюк Мунавварқори Абдурашидхонов ҳозирги дунёвий бопланғич, ўрта маҳсус ва олий таълимдан иборат уч босқичли миллий халқ маорифи тизимиға асос солғанлигидан далолат бериб турибди. Бу ўта оғир тарихий муҳитда амалга оширилди.

⁷¹ Холбосв С. Миллий ўниверситетнинг тарихий илдизлари ва ташкил топиши. – Тошкент: “Шарқ”, 2003, 3-4 бетлар.

Аммо бу унинг ижтимоий-сиёсий, маданий-маърифий миллатпарварлик фаолиятининг бир жиҳати холос.

Мунавварқори Абдурашидхоновнинг кўп кирралик фаолияти бевосита чоризм ва коммунистик босқинга карши кўтарилган ҳалқ миллий-озодлик курашига раҳнамолик билан ҳам бевосита боғлиқ бўлди.

Бу 1916 йилдаги мардикорликка олишга қарши кўзголон, дастлабки миллий демократик муҳтор ҳукумат – “Туркистон мухторияти”, коммунистик босқичга “Босмачилик уруши”, ва бир қатор махфий аксилишуравий сиёсий уюшмалар, шунингдек, кўпгина маданий-маърифий ташкилотлар унинг раҳбарлигида фаолият юритиб тарихга кирди.

Мунавварқори Абдурашидхонов хақида жамоатчилик аҳли жўр бўлиб “Яшасин Мунавваркори, яшасин миллат!” деб ашула айтгани маълум. Истеъодли жадид шоири Таваллонинг ушбу қалб сўзлари Мунавварқори Абдурашидхонов нафақат миллий таълим, илм-фан ва маърифатнинг билки, бутун миллат ва ҳалқимизнинг тарихан маънавий отаси ва йўлбошчиси бўлганлигидан далолат бериб турибди.

Чўх мунаавар этди оламни Мунаввар Қоримиз,
Кўрдимиз равшанлигидин феълимиз, авторимиз,
Ибрат олинг ёшлар, деб тўқди кўздин ёшлари,
Нуткида таҳrir этиб, бизларни йўқу боримиз.
Чин кўнгилдан биз эшитдук, чин экан айган сўзи,
Шунча бидъатларни билдук,вой, биз икроримиз.

Буюк йўлбошчи Мунавварқори ва унинг ҳаммаслакларига аксилисоний коммунистик мафкуравий ҳужум ва таъқиб биринчи бўлиб бошланди. Бу тўғрида унинг ўзи ёзди: “Менинг ёзган китобларим ва мафкурамга нисбатан 1925 йилдан бошлаб матбуотда жуда кучли ҳужум бошланди. Табиий равишда мен уларга токат қилолмадим”.⁷²

Мунавварқорининг ўз ҳалқига қилган буюк хизматларини коммунистик мустамлака мафкурачилари томонидан “Ҳалқ душмани” деб талқин килинди. У 1929 йилда 87 та “ҳалқ душмани”-нинг раҳнамоси сифатида улар билан биргаликда қатағонлик қамоқхонасига олинди. 1931 йилда эса шулрдан 15 таси

⁷² Абдурашидхонов М. Хотираларимдан (Жадидчилик тарихидан лавҳалар). – Тошкент: “Шарқ”, 2001, 16-бет.

Мунавварқори билан бирга отувга, қолганлари эса узоқ муддат билан борса-келмас жойларга сургун қилинди.

Якуний хulosha шуки, Мунавварқорининг номи тикланган бўлса-да, уни ҳали давлат миқёсида жиддий эътибор берилани йўқ. Мана шунинг учун Сиз анжуман қатнашчиларига айтмоқчиман. Мухтарам Президентимиз Шавкат Мирзиёевга ушбу анжуман номидан мурожаат қилиб, Улардан Мунавварқори Абдурашидхонов хотирасини абадийлаштириш ҳакида маҳсус Фармон қабул қилишини илтимос килсак айни муддао бўлар эди.

Мунавварқори Абдурашидхоновнинг Ватан ва Миллат олди-даги тарихий хизматлари беҳад катта. У буюк тарихий шахс сифатида мустамлака истибодига қарши Миллий Уйғониш (Ренессанс) даврига асос соглан Миллий жадидчилик ҳаракатининг йирик етакчиси ва раҳнамоси, ҳозирги миллий демократик давлат-чилигимиз тарихий илдизи – “Туркистон Мухторияти”нинг гоявий-назарий асосчиси ва ташкилотчиларидан бири, коммунистик босқинга қарши миллий-озодлик кураши – “Босмачилик уруши (партизанчилик уруши), кўпгина миллий маҳфий сиёсий уюшма ва ташкилотларнинг раҳбати, миллий матбуот ва адабиёт, миллий замонавий уч босқичли ҳалқ маорифи тизими, Мусулмон Ҳалқ дорилфунуни – Ўзбекистон Миллий университетининг асосчиси ва биринчи раҳбари бўлди. Булар ҳали мукаммал ўрганилиб ҳалқимиз ва айниқса ёшларимизга тўла-тўқис етказилгани йўқ.

*Абдуҳамид ХОЛМУРОДОВ
филология фанлари доктори. Навоий давлат
педагогика институти профессори.*

МИЛЛАТНИНГ БЮОК ФИДОЙСИ

XX аср бошларида жадид маърифатпарварларининг мустакилликка эришиш йўлида олиб борган курашлари тарихимизнинг энг ёрқин саҳифаларини ташкил этади. Истибодд исканжасида азоб чекаётган ҳалқни уйғотиш, маърифат зиёси билан миллий ғурурни нурлантириши, ўзликни англашга даъват этишда жадид маърифатчилари чинакам қаҳрамонлик, эл-юрт, миллат шаъни учун фидоийлик кўрсатдилар. Маҳмудхўжа Беҳбудий, Сўфизода, Тавалю,

Фитрат, Чўлпон, Мунавварқори сингари жадидчилар қийин ва мураккаб шароитда Туркистоннинг озод бўлишини, мустамлака-чилик кишанларини парчалаб, мустақил тараққиёт йўлини барю этишни орзу қилдилар ва қизғин маърифатпарварлик фаолиятини олиб бордилар. Ана шулар сафида Мунавварқори Абдурашидхоновнинг ҳам алҳида ўрни бор.

Президентимиз Ш.М.Мирзиёев Тошкент шаҳри сайловчилар вакиллари билан учрашувдаги “Тошкент-барчамиз учун онадек улуғ ва мўътабардир” мавзусидаги нутқида шундай деган эди:

“Ўтган аср бошларида бутун Туркистон ўлкасини қамраб олган жадидчилик ҳаракатининг маркази ҳам айнан Тошкент шаҳри эди. Бу ҳаракатнинг кўзга кўринган намояндлари Мунавварқори, Абдулла Авлоний, Тавалло, Убайдулла Хўжаев, Фози Юнус, Фулом Зафарий, Хуршид каби зиёлилар ўзларининг эзгу ғоялари, маърифий асарлари билан тарихимиизда ўчмас из қолдирдилар”⁷³.

Мунавварқори Абдурашидхонов 1878 йилда Тошкентда Шайхантохур (Шайх Хованди Таҳур) даҳасининг Дархон маҳалласида туғилади. Ота-онаси зиёли кишилар бўлишган. Оиласда уч ўғил бўлиб, Мунавварқори энг кичиги бўлган. Акалари Аъзамхон ва Муслимхонлар педагогик фаолият билан шуғулланишган. Аммо ҳаётлари доимо таҳликада ўтган, қамоқ азобларини чекишган. Мунавварқори ҳам ота-онаси, акалари йўлидан борди, халқни илмли, маърифатли килиш учун жон куйдирди. Чунки у болалик чоғларидан эрксизлик фожеаларини кўриб улғайди, мустамлакачиларнинг зулм ва зўравонликлари миллатни ўзлигидан айришга қаратилганинги хис этди. Дукчи Эшон бошчилигига халқ кўзғолони бўлганида у 14 ёшда эди. Кўзғолон қандай бостирилгани, кўзғолончилар қандай шафқатсиз жазолангандикларини кўрди ва бу қонли воқеа қалбида ўчмас бўлиб муҳрланиб қолди. Шунинг учун у ўзининг бутун онгли ҳаётини халқи ва миллатининг озодлиги, маърифатли бўлиши учун бағишлади. Ўзи мактаблар очди, уларга дарслклар ёди. У яратган дарслклар янгилиги, ўқитища осонлиги туфайли тез шуҳрат қозонди, улардан рус-тузем мактабларида ҳам фойдаланишга рухсат берилди. Рус мустамлакачилари Туркистон аҳолисининг маърифатли бўлишига тиш-тирноги билан қаршилик кўрсатарди. Н.Остроумов, В.Наливкин, С.Граменицкий,

⁷³ Шавкат Мирзиёев, Буюк келажагимизни мард ва олижаноб халқимиз билан бирга курамиз, Тошкент, “Ўзбейстон” наприёти, 2017 й. Б.444.

П.Азначаев сингари нозирлар мактаб дарсликлари ва китобларни синчиклаб назоратдан ўтказишар ва ўзлари шубҳаланган фикрлар ва ғояларни улардан олиб ташлардилар. Шундай бўлса-да Мунавварқори “Адиби аввал”, “Адибус-соний” дарсликларини яратди ва улардан ўша йиллардаги усули жадид мактаблари ва рус-тузем мактабларида фойдаланилди. Шундан кейин у маърифат-парварлик фаолиятини авж олдириб, рус-тузем мактабларини янги миллий мактабларга айлантириш ташаббуси билан ҳам чиқади. Н.Остроумов уни “Миллий мактаблар асосчиси”, деб таърифлайди ва “Маҳаллий ахоли уни Тошкентнинг Эски шаҳар кисмидаги мактабларнинг ҳақиқий директори деб ҳисоблайди”⁷⁴, деб ёзди хотираларида.

Мунавварқори педагогик фаолияти билан ўзининг ҳақиқий ватанпарвар, миллатпарвар, фидойи инсон эканлигини намоён этди. Бу унинг адабий ижодий фаолиятида, бадиий-публицистик мақолаларида яна ҳам ёрқин акс этади. Шеър билан доим машғул бўлмаса ҳам, панд-насиҳат руҳидаги шеърлари ёш авлодни меҳнатсеварлик, инсонпарварлик, ватанпарварлик руҳида тарбиялашда катта аҳамиятга эга. “Танланган асарлар”га киритилган саккизта шеърнинг барчаси ана шу руҳда. “Ялқовлик ёвимиздир” шеъри меҳнатсеварликка ундаиди. Дангасалик, ялқовлик энг хатарли ёв. Ундан кутилиш учун киши меҳнатни севиши, доим иш билан машғул бўлиши лозим. Ишлаган одам юртни обод, хаётни гўзал килади. “Ёвинг кимдир, биласанми? Нодонликдир, ялқовликдир, Ёвга қарши курашмаслик-кўрқоқликдир, анқовликдир”⁷⁵, деган мисралар меҳнатсеварликка даъват этади.

“Ҳар ким экканин ўрар” шеъри “Отангта қилганинг болангдан қайтади” деган ҳалқ нақлининг талқинига бағшланган. Вокеабанд шеърда бир чолнинг ўғиллари ва келинлари ўзаро кенгашиб, чолни бир сахрого адаштириб келишга қарор қилишади. Ўғил ва невара отасини бир кеч кўтариб йўлга тушишади. Чол шунда уларнинг муддаосини сезиб, ўғлига бир пайтлар мен ҳам отамни шундай қилгандим, мана энди сен, ўғлимдан бу қайтаяпти. Эргага бир кун сенинг ўғлинг ҳам сени шундай килади, дейди. Бундан ўғил сергак

⁷⁴ Мунаввар Кори Абдурашилхонов, Танланган асарлар. Тошкент, “Маънавият”, 2003, Б.21.

⁷⁵ Ўша асар, Б.64.

тортади ва латога йўл қўяётганини англаб етади. Отасидан узр сўраб, доим унинг хизматида бўлишга аҳд қиласди.

“Химматли факир” шеъри ҳам “Ҳайрат ул-аброр”даги “Хотами Той ҳикояти”даги сюжетга ҳамоҳанг воқеабанд шеър. Сахийнинг эҳсонидан киши ўзи меҳнат билан топган нон, ризк-рўз ҳалоллиги улуғланади. Бунда ҳам асосий ғоя меҳнатсеварликка даъватдир.

Мунавварқорининг ҳикоялари, бадиий-публицистик мақолалари ҳалқ, миллат, Ватан тақдири учун фидойи инсоннинг жасоратли бўлганини, келажакка зўр умидлар билан бокиб, шу келажакни барпо этишга ўз ҳиссасини қўшишга иқтидорини аямай сафарбар эта олганинин кўрамиз. 1915 йил б февралдаги “Садойи Туркистан” газетасида босилган “Ҳамият” ҳикоясида чин ватанпарвар, ҳақиқий зиёли кишининг фидойилиги акс этган. Ҳикоя қилинишича, бир неча зиёли йўлда кетаётганида бир кўзи ожиз бола ҳасса билан зўрга келаётганига дуч келишади. Қиши фасли, совуқ, йўллар лой, балчиқ бўлиб кетганидан соғ одамнинг ҳам юриши кийин. Кўзи ожиз бола уларга қорни очлигини, унга ёрдам беришларини сўрайди. А.афанди болани ўқи, мардикорлик қил, деб жеркиб таштайди. Бола кўзи кўрмаслиги, ўқий олмаслигидан шикоят килади. Аммо А. афандининг музлаган юраги эримайди, сўзида қатъий туриб олади ва унга ёрдам бермаслигини билдиради. Шунда ҳикояни сўзловчи(муаллиф) А.афандига сўзлаганлари нотўғри эканлигини, зиёли одам бундай фикр юритмаслигини, ҳамиятли бўлиши лозимлигини айтади. Аммо у ўз фикрида туриб олади. Н. ва Й.афандилар эса бу фикрга қўшилишади ва болага ёрдам бериш зарурлигини таъкидлашади. Шунда ҳикоя қилувчи А.афандига юзланиб шундай дейди:

“...Зиёли Миллат, Ватан нима эдигини билур ва зиёли миллат учун жонини, молини фидо этар ва миллатниниг тараққийси учун доимо ҳаракат этар. Вакти келганда, миллат учун ўзини ҳалокат вартасина ташламакга муҳайё бўлтур. Сизнинг билмағингиз лозимдирки, бизнинг миллатимизга садо ва сўз бирлан зиёли номини олғон инсонлар лозим эмас. Балки, хизмати, ҳаракати, ёрдами ва ҳиммати бирлан зиёли номини олғон инсонлар лозимдир. Йўқ эса,

“Миллат”, “Ватан”, “Маданият”–шунга ўхшаш сўзларни билмак билан инсон зиёли бўлмайдир”.⁷⁶

Келтирилган парчада ҳақиқий зиёли қандай бўлиши керак, деган саволга Мунавваркорининг муносабати аниқ ва ёрқин ифодаланган.

“Девпечак” ҳикоясида меҳнатсеварлик улуғланади. Оддий бир воқеа асосида меҳнатсеварликнинг аҳамияти, унинг замираидагратувчилик, бунёдкорлик ётиши уқтирилади. Болаларни жуда ёш чоғидан меҳнатга ўргатиш, уларнинг қалбида ўзи бажарган ишдан қоникиш ҳиссини туйишга ўргатиш катталарапнинг бурчи, вазифаси эканлиги таъкидланади. Ҳикояда бир ота саккиз яшар ўғлини боғга олиб киради. Боғдаги бир ўрик дарахтига бола қизиқиб қолади, унинг меваларидан териб ейди. Отаси бу дарахтни ўғли туғилган йили экканини, энди унга ўзи караши, парвариш килиши зарурлигини айтади. Дарахтнинг остидан бир девпечак деган ўт ўсиб чиқаётганини кўрган бола отасидан бунинг нима эканлигини сўрайди. Ота бу ўт дарахтнинг ривожланишига халал беришини, уни кўрган заҳоти юлиб ташлаш лозимлигини уқтиради. Бола ўтни юлиб ташлайди, кейин ота-бола боғдан чиқишади. Бола ўйин билан бўлиб, дарров ўрикни унутади. Бир неча кундан кейин ўтни тушиб, боғга кирса, дарахтни девпечак ўраб олган, меваларининг саргайишига сабаб бўлганди. Бу болага сабоқ бўлади.

Ҳажман кичик ҳикояларда катта ғоялар, улкан орзу-умидлар ифодаланиши, панд-насиҳат, муҳим ҳаётий хулосалар берилиши Мунаввар Корининг ёзувчи сифатида улкан истеъодд эгаси эканлигидан далолат беради. Бадиий-публицистик мақолаларида бу истеъоддининг яна янги кирралари намоён бўлади. Миллат учун куйининг, ўтли дард, маърифатга, маданиятга даъват унинг нутқ ва мақолаларида қалбларни ларзага соладиган даражада ўз ифодасини топган. “Тараққий” газетасининг 1906 йил 14 июндаги сонида бошлиган “Бизни жаҳолат-жаҳли мураккаб” маколаси айни шу фикримизни исботлайди. Мана унинг миллат маърифатли бўлиши учун қилган жонкуярлиги:

“Эй қардошлар,вой миллатдошлар!!! Кўзимиз ғафлат уйкусидин очиб, атрофимизға назар солмоғимиз лозимдир. Ҳар миллат ўз саодат ҳол ва истиқболини муҳофазатига биринчи восита илм

⁷⁶ Мунаввар Кори Абдурашидхонов, Танланган асарлар. Тошкент, “Маънавият”, 2003, Б.71.

ўлмакига қаноат ҳосил қилиб, илм ва маорифга ортиқ даражада кўшиш қилган бу замонда бизлар бу гафлат ва жаҳолатимизда давом этсак, истиқболимиз ниҳоятда хавфлик ўлуб ҳамма оламга масхара ва кулгу ўлмоғимизда ҳеч шубҳа йўқдир. Балки, бу жаҳолат зулматида саодати ухравиядин ҳам маҳрум қолмоқ хавфлидир. Бу жаҳолат натижасидурки, ўзимиз ерлик мусулмонлардан ўлдигимиз ҳолда мусоғир рус ва яхудийлар эшигига мардикор ва хизматчи ўлдук. Бу жаҳолат ҳоҳишидурки, миллат фойдаси учун жонни қурбон қилмоққа лойик арслон каби йигитларимиз бутун миллатни ёлларидан чикариб, истеъод ва ғайратларини чойхона ва пивохоналарға сарф этмакдадурлар”⁷⁷.

Турон театрининг очилиш маросимида сўзланган нутқ жанговар публицистиканинг энг ёркин намунаси, десак хато бўлмайди. Бу нутқ “Туркистон вилоятининг газети”да 1914 йил 2 март куни эълон қилинган. Миллат учун чинакам фидойи инсон М.Абдурашидхонов ўз нуткида театр очилишини табриклиш билан бирга дилида тўпланиб қолган туйғуларини, фикр-мулоҳазаларини нуткида очиқ баён этади. Театрининг ҳалқ маънавиятини юксалтиришда, дунёқарашини кенгайтиришдаги аҳамиятига алоҳида ургу беради. Татарлар ва кавказ ҳақлари театр туфайли тараққиётда анча илгарилаб кетганликларини Мирза Фатали Охундов тақдири мисолида далиллаб кўрсатади. Охундов хотирасига бағишланган тантана ҳеч бир мусулмон мамлакатида бўлмаганлигини, бунга Озарбайжоннинг буюк драматургининг миллатпарварлиги боис бўлганлигини таъкидлайди. Аммо Туркистон ўлкасида театрга шу пайтгача масахарабозлик, шунчаки бир кўнгил эрмаги сифатидаги қарашлар ҳукмронлигини танқид килади. Бойларни театрларга ёрдам беришга, театр фидойиларини рагбатлантиришга даъват этади. Театр тарбия воситаси сифатида мактаблар бажараётган ишдан ҳам катта, масъулиятли ишни бажаришини таъкидлайди.

Мунавваркорининг журналистик фаолиятини шартли равишда уч қисмга бўлиш мумкин. Аср бошларидан 1917 йил октябригача бўлган даврда у маърифатчилик фаолияти билан қизғин шуғулланди. Бу даврда ўзи мактаблар очди, дарсликлар, кўлланмалар яратди. 1906 йилда Исмоил Обидий ташкил этган “Тараққий” газетаси чиқишида ташаббускор бўлди. Ўша йили ўзи ҳам “Хуршид”

⁷⁷Мунаввар Кори Абдурашидхонов, Танланган асарлар. Тошкент, “Маънавият”, 2003, Б.145-146.

газетасига асос солди. Мактаблар учун яратган “Адибус-соний” дарслиги, география фанини ўқитишига бағишенг “Ер юзи” рисоласи унинг моҳир педагог, чукур билимга эга маърифатчи бўлганилигини тасдиклайди.

Россиядаги сиёсий ўзгаришлар, большевикларнинг ҳокимиятни эгаллашлари Туркистонни озод мамлакат сифатида кўришни истаган жадидчиларнинг сиёсий ва ижтимоий фаолиятларига катта таъсир кўрсатди. Бу даврда Мунаввар Қори сиёсий позицияни ўзгариши, большевиклар сиёсатидан мамлакат манфаатлари учун кўпроқ фойдаланиш лозимлигини, авж олиб кетган шовинистик сиёсатни юмшатишга ҳаракат қилиш зарурлигини жадидлар орасида биринчи бўлиб англаб етди ва бутун куч-ғайратини эзгу-орзу ниятларини рӯёбга чиқаришга сафарбар этди. Бутун 20-йиллар давомида унинг матбуотда эълон қилинган мақолаларида жорий этилаётган янгиликларнинг яхши ва ёмон жиҳатларини кўрқмасдан кўрсатиб беришга ҳаракат қилди. Ҳатто жадидларнинг сиёсий карашлари ва маслакларида 1917 йилнинг октябрیدан кейин жиддий ўзгаришлар юз берганлигини, уларнинг сабабларини, бундан буён миллий озодликка эришиш орзусига кандай эришиш мумкинлигини кўрқмасдан баён этди. “Нашри маориф” уюшмасининг аҳамияти” мақоласи 1923 йилнинг 4 марта “Туркистон” газетасида босилган. Унда “Туркистоннинг ҳаёти, Туркистоннинг нажоти ёлғиз маорифга ва маданиятнинг тараққийси эса бутун халқнинг “Нашри маориф” уюшмалари атрофига тўплланмоғига боғлиқдир. Шундагина биз маданий миллатлар қаторига кира оламиз, шундагина маданият дунёсида ўз хукукимизни ола оламиз”⁷⁸, дейди. Албатта, ўша пайтда бундай журъатли гашлар шовинистик кайфиятдаги хукуматга ёқмасди. “Қоралаш яхши эмас” нутқи(Тошкент округ маория ходимлари курултойи, 1927 йил)да жадидларнинг мустамлакачилар билан курашиш мақсади бўлгани, аммо большевиклар хукмронлик кила бошлагач, уларнинг йўлини жадидлар ҳам қувватлашганларини айтади.

20-йилларнинг ўрталарида бошлаб большевиклар халқ орасидан душман қидириш, кандай қилиб бўлмасин ерли халқларни кўркувда ушлаб туришга ҳаракат қилишлари авж олиб кетди. Бунда, энг аввало, жадидлар нишонга олинди. Мунаввар Қорига ҳам

⁷⁸ Мунаввар Қори Абдурашидхонов, Танланган асрлар. Тошкент, “Маънавият”, 2003, Б.177.

янги тузум душмани сифатида каралиб, унинг эркин илмий, ижодий, адабий фаолият олиб боришига тиш-тириқлари билан қарши туришди. 1922 йилда қамоққа олингандан унга асосли айблар кўя олишмагач, озод қилишга мажбур бўлишади. Аммо таъқиқ ва тазийклар багттар авж олади. 1930 йилда уни яна қамоққа олишади. 1929 йилда “Мунаввар Қори тўдаси” деган иш очилади ва 87 киши терговга тортилади. Ана шу даврдан бошлаб у ўзини ҳимоя қилиш мақсадида кўплаб мақолалар билан матбуотда чикишлар килди. “Хотиралар”га киритилган мақолаларда у ўз бошига келаётган кора булатларни ҳайдашга ҳаракат қилганилигини кўрамиз. Уларда буюк мутафаккир ишонган кишиларидан озор чекканини, бир маслак, бир мақсад йўлида курашишга аҳд қилганлар ўз жонлари қайғусида сотқинлик қилганларини ҳам яширмайди. Ўзини барча ҳолатларда миллат фидойиси, халқининг маърифатли бўлишини орзу қилган шахс сифатида намоён этади, Ватанга муҳаббати чексизлиги, ана шу Ватани озод ва обод кўриш ниятидалигини баён этади.

1930 йилнинг 30 майида қамоқда пайтида туриб Шарқий бўлим вакили Агидуллинга ёзган аризасида ҳам маърифатчилик фаолиятида миллат қайғусида ёнганилигини, айни пайтда большевиклар сиёсатини маъкуллашини айтиб, унинг сиёсий фаолиятига адолат билан баҳо беришни сўрайди. Халқини, миллатини севган фидойи инсон ҳали Ватан равнақи учун хизмати зарурлигини ҳис этиб, ифво ва бўхтондан иборат “айб”ларни бўйнига олишга мажбур бўлади. “Энди ихтиёrim сизнинг қўлингизда, ўлдирсангиз, мана бошим, агарда ўз ҳимоячангизга олиб ишлатаман, десангиз, қолғон умримни фирманинг ва шўроларнинг сиёсат манфаатигагина сарф этиб, эски гуноҳларимни ўз қўлим билан тозаламокка тайёрман”, дейди. Аммо бу тавба-тазаррулар эътиборга олинмайди.

Мунаввар Қорининг миллий уйғониш даврининг буюк кишиси бўлганлигини бир шогирдининг 1934 йил январь ойидаги “Ёш Туркистон” журналида босилган мақоласидаги эътирофдан яхши англаш мумкин:

“Тарихни шахслар яратади, Тарих таржимаи ҳоллардан, айниқса, атоқли кишиларнинг таржимаи ҳолларидан иборатdir, дейдилар. Менимча, биз ҳам Туркистон тарихининг ўтган аср сўнгидан бошланган уйғониш даврини бошлаб Мунавварқори яратди ва Туркистон тарихининг жадидчилар даври бошдан

охиригача Мунавварқорининг таржимаи ҳолидан иборатдир, десак янглишмаймиз”⁷⁹.

Миллатнинг буюк фидойиси авлодларга қолдирган илмий-адабий мероси, ижтимоий-сиёсий фаолиятдаги жасорати билан халқимиз қалбида абадий яшаб қолади.

Баҳром ИРЗАЕВ

Қатагон курбонлари хотираси давлат музейи, тарих фанлари бўйича фалсафа доктори

МУНАВVAR ҚORI АБДУРАШИДХОНОV ВА УНИNG ПЕДАГОГИК МАКТАБИ ТАРИХИДАН

Мунаввар қори Абдурашидхонов 1878 йил Тошкентнинг обрўли хонадонларидан мактабдор ва мударрис Абдурашидхон Сотиболдиҳон ўғли оиласида учинчи, кенжা фарзанд бўлиб дунёга келган. У отасидан эрта айрилиб, илк сабоқни онаси Хосият отин Хонхўжа эшон қизидан олган. Унинг болалиги Чор мустамлакачи маъмурларининг маҳаллий халққа жабру-зулми кундан кун ортган, миллий қадриятлар оёқ-ости бўла бошлаган бир даврга тўғри келди. Мунаввар қори бошланғич таълимни замонасининг етук муаллимларидан Усмонхон домладан олди ва қисқа муддатда Куръони Каримни тўлиқ ёд олиб, қори сифатида элнинг эъзозига муносиб бўлди. У олий таълимни Тошкентдаги Юнусхон мадрасасида бошлаган ва 1895 йилдан Бухорои Шарифдаги машҳур Мир Араб мадрасасида давом эттирган.

Мунаввар қори Тошкентда яшаган давридаёқ, татар тараккий-парвари Исмоилбек Гаспиралининг жадидчилик гоялари ҳақида бир қадар маълумотга эга бўлган. Бироқ, унинг узил-кесил тараккийпарварлар сафига киришида, жадидларнинг пешқадамига айланнишида айнан “ислом динининг куббаси” деб таърифланган Бухорои Шарифда кечган талабалик даврининг ўзига хос ўрни бор десак хато бўлмайди. Аввало, Мунаввар қори Абдурашидхонов боргандар ярим мустамлака Бухоро билан унинг тасаввуридаги “Бухорои Шариф” бир бирига умуман мос келмасди. Боиси, бу даврга келиб, устозлари “илмнинг машъали” деб таърифлаган

⁷⁹ Бсали Қосимов, Миллий уйғониши, Жасорат, Маърифат, Фидойилик, Тошкент, “Маънавият”, 2002 й. Б.234-235.

Бухоро мадрасаларида аллақачон таълим сифати пасайган, тала-балар китоб қолиб, унинг ҳошиясини ўкиш билан чекланишар эди. Халқ эса ҳар куни бир бидъатга гирифтор бўлиб, фиску фужур авжига чиқкан эди. Бухорода турли Шарқ давлатларидан келган талабалар, жаҳонгашта сайёхлар-у савдо аҳли билан кечган сұх-батлари давомида ёш Мунаввар қори яна бир карра англади-ки, бу замонга келиб, бутун Шарқ ғафлат уйқусига кетган, бундан фой-даланган мустамлакачилар унинг мулкига эга, эркига ҳоким бўлиб олган экан. Мунаввар қори бу шаҳарга келиб, ўзига ҳамфирк инсонлар билан ҳам танишди. Зеро, мутафаккир Аҳмади Дониш, домла Икромиддин Ўрок, Садри Зиёдек етук уламолар ўз асарла-рида, маърузаларида ўлкада юз бераётган миллий таназзулнинг бош сабаби айнан халқнинг илм-у маърифатдан узоклашгани ва жаҳолат ботқоғига ботганида деб кўрсатишар эдилар. Шундан сўнг Мунаввар қори Абдурашидхонов фақат маърифат билан миллият таназзулининг олдини олиш мумкин деган қатъий хуносага келади. Табиатан мулоҳозакор, ўта зукко бўлган Мунаввархон шахсининг шаклланишида юқоридаги омиллар мухим аҳамият касб этган.

Ҳақиқатан ҳам ўтган асрнинг бошларига келиб Туркистон дунёning энг қолоқ минтақаларидан бирига айланиб қолган эди. Қарийб, ярим асрдан буён давом этаётган Чор империяси мустамлакачилиги шароитида ўлкада иқтисодий талон-тарожликлар, иж-тимож зулм ва таҳқирларнинг кети узилмади. Натижада миллий иқтисод бутунлай инқирозга юз тутди. Ҳунармандлар касодга учради. Туркистонда вакфларнинг давлат томонидан мусодара этилиши билан асрлар давомида шаклланган маориф тизими издан чиқди. Халқнинг майший турмуши ночор, мадраса ва мактаблар абгор ҳолга тушди.

Бир замонлар жаҳон илм-фанининг маркази бўлган ўлкада XX аср бошларига келиб, яъни айрим ривожланган мамлакатларда саводхонлик юз фоизга яқинлашаётган бир пайтда Туркистонда мавжуд мактаблар худди ўрта асрлардагидек масжидлар айвонида, хужраларида, мозор ва қорихоналар кошида, айрим ҳолларда эса ўқитувчиларнинг ховлисида маҳалла аҳли томонидан ҳашар йўли билан курилган пастқам биноларда фаолият олиб бораар эди. Мактаблар учун маҳсус дарслик ва дастурлар бўлмасдан, ўқитувчилар ўз билимлари ва тажрибаларига таяниб иш кўрар эдилар. Ўқувчиilar одатда похол, бўйра, олача ёки кигизлар ташланган ерда

чўкка тушиб ўтирган ҳолда дарс олишарди. Бир гурухда турли ёшдаги, билим даражаси турли бўлган ўқувчилар “тактахон”лар, “абжадхон”лар, “ҳафтиякхон”лар биргаликда ўқир эдилар. Тўрда кўрпода ўтирган муаллим тонгдан пешингача вазифани тинимсиз тақрорлаётган ўқувчиларни назорат қиласр эди. Ўқувчилар пешинда овқатланишиб, кейин яна дарсни давом эттирганлар. Албатта, бу хил таълим ўқувчиларнинг тез чарчашига, безорланишига олиб келарди. Танаффуссиз муттасил олиб борилган дарслар жуда оғир бўлиб, кўпчилик ўқувчилар мактабни деярли саводсиз ҳолда битириб чиқар, ёдлаб олганларини ҳам тақрорламагани, амалиётга жорий этолмагани учун кўп ўтмасдан унутишга маҳкум эдилар. Мавжуд рус-тузем мактаблари ҳам миллий тарбия тизимига зид бўлиб, ўлкани зимдан руслаштиришга каратилган эди. Бу эса оддий халқнинг маорифга нисбатан ишончининг йўқолишига, уларнинг мактабдан безишига сабаб бўлиб қолаётган эди. Мавжуд вазият кўпчилик зиёлиларнинг жиддий норозилигига олиб келди. Ана шундай бир оғир тарихий шароитда Мунаввар қори Абдурашидхонов Исмоилбек Фаспирали жорий этган “усули савтия”ни кўллаган ҳолда ўзининг тўрт йиллик таълим дастурини ишлаб чиқади. У 1901 йил Шайх Ҳованди Тоҳур даҳасида Мирдодаҳожининг меҳмонхонасида биринчи босқич ибтидоий жадид мактабини очиб, унда Абдусомеъ қори Зиёбоев билан 15-20 ўқувчидан иборат гурухга дарс бера бошлайди. Мунаввар қори Абдурашидхонов бундай янги усулдаги мактаблар тажрибасини кенг ёйиш мақсадида ўзи яшаётган маҳаллада жойлашган Эшонкули додҳо мадрасасида яна бир мактаб очиб, унга Тошкентнинг энг машҳур муаллимларидан Тарновбоши маҳалласидан бўлган Муродхўжа домла Солиххўжа ўғлини таклиф этади. 1907 йил Мунаввар қорининг тоғалари Ҳасанхўжа ва Эшонхўжа Хонийларнинг “Хония” мактабида бўладиган имтиҳонга намангандлик мъарифатпарвар қози Исҳоқхон Ибрат таклиф этилади. Эндиғина фаолиятини бошлаган жадид матбуоти ҳам маҳаллий жадид мактабарининг тарғибот минбарига айлантирилди. Натижада 1909 йилга келиб, бундай мактаблар сони Тошкент шаҳрининг ўзида 9-10 тага етади ва уларда Рустамбек Юсуфбеков, Сайдулла қори Абдуллаев, Абдулла Авлоний, Мунаввар қорининг акалари Аъзамхон (1872-1919) ва Муслимхон (1875-1954) каби етук муаллимлар иш олиб бора бошлайдилар. Мунаввар қори ўз фаолият

кўламиининг фақат Тошкент билан чегараланиб қолмаслиги учун Туркистоннинг бошқа шаҳарларида фаолият олиб бораётган фидойи ўқитувчилар билан ҳам тинимсиз алоқада бўлди. Уларнинг тажрибаларини ўрганди ва барча тараққийпарварларни жадид мактаблари учун дарслклар ёзишга чорлайди.

Мунаввар қори шу йиллар ўзининг икки босқичли таълим дастурини яратади. Унга кўра биринчи босқич беш синфлик бўлиб, унда ижтимоий фанлар билан бирга, табиий ва аниқ фанларни ўргатиш ҳам кўзда тутилган эди. Хусусан, мазкур дастурга кўра тил ва адабиёт фанидан 1-синф ўқувчилари учун дастлаб, Саидрасул Саидазизийнинг 1902 йил чоп этилган “Устоди аввал”, Калининнинг “Муаллими соний” китоблари асосий дарслик вазифасини ўтаган. 1907 йилдан Мунаввар қори Абдурашидхонов томонидан нашр этилган “Адиби аввал” ва “Адиби соний” китоблари пайдо бўлди. Шунингдек, кейинги синфларда ўқувчиларга Авлонийнинг “Иккинчи муаллим”, Мухаммаджон Мўминовнинг “Насойих ул-атфол”, Мулло Аҳмадхўжа Эшоннинг “Насойих ул-атфол” ва Мунаввар қорининг топшириғи билан Абдула Авлоний томонидан тузилган “Адабиёт ёхуд миллий шеърлар” китоблари ўқитилган. 5-синфга келиб ўқувчилар Мунаввар қори томонидан тартибланган “Сабзазор” тўплами, шунингдек миллий матбуотда зълон қилинган шеърлар ва замондош шоирларнинг ижодий намуналарини ўрганар эдилар.

Мунаввар қори Абдурашидхоновнинг бевосита ўзи раҳбарлик қилган мактабларда кўпинча камбагал оиласларнинг фарзандлари таълим олар эди. Ўқувчилар учун дарслик ва зарурий жиҳозлар Мунаввар қори ташаббуси билан ташкил этилган маорифга хомийлик қилувчи “Жамияти имдодия” томонидан берилар эди.

1914 йилдан икки йиллик иккинчи босқич (рушдий) “Намуна” мактаби иш бошлайди. Номидан кўриниб турибдик, мактаб бутун минтақа учун намуна бўлиб хизмат қилиши керак эди. Уни битириб чиқкан талабалар асосан кейинги босқични хориж билим масканларида давом эттириши кўзда тутилди. Мунаввар қорининг педагогик маҳоратини кўрган Махмудхўжа Беҳбудий “Ойина” журналининг 1914 йил 41-сонида “Муҳтарам ёшларга мурожаатнома” номли мақолосида муаллимликка ҳавасманд кишиларни Тошкентга Мунаввар қорига боришлиарини тавсия этган эди.

“Намуна”ни битирган ўқувчилар махсус дастур асосида илм олиб, бу ёшлар ҳар қандай давлатда ўқиб кета олиши шарт бўлган. Бунинг учун ўқувчиларга рус тили ва бошқа ҳориж тилларидан бири мукаммал ўргатилар, уларнинг илмий салоҳияти, уддабуронлиги ва психологик тайёргарлиги учун алоҳида аҳамият қаратилар эди. Мунаввар қорининг “Намуна” мактабининг илк қалдиргочлари Абдулҳай Тожий, Мирмуҳсин Шермуҳаммедов, Лутфулла Олимий, Файзулла Усмоновлар Уфадаги Олия мадрасасида ўқишини давом эттирганлар. Кейинроқ “Намуна” мактаби битиравчилари Боку, Туркия, Миср олий таълим даргоҳларига йўналтирила бошланди. Шунингдек, Германияга йўлланган ёшлар орасида ҳам улар етакчилик қилди. Жумладан, Абдуваҳҳоб Муродий, Аҳмаджон Иброҳимов, Вали Қаюмхон, Тўлаган Мўмин, Тоҳир Шокир, Собир Иброҳимов каби “Намуна” ўқувчилари узоқ ҳорижда қисқа муддатда ўзларини тиклаб олиб, илм ва амалиёт соҳаларида катта ютуқларни кўлга кирита олдилар.

Мунаввар кори Абдурашидхонов февраль инқилобидан сўнг фаол сиёсий курашга киришади, бирок, айни пайтда азалий мақсади бўлган маориф соҳасидан ҳам чекинмади. У ҳар қандай улуғ мақсадга факат ва факат етук кадрлар орқали етишиш мумкинлигини чукур хис этар эди. 1917 йил август ойида Мунаввар кори Абдурашидхонов ташаббуси билан Тошкент шаҳрида саккиз ойлик муаллимлар курси очилди. Муродхўжа домла Солиҳхўжаев мудир бўлган бу таълим даргоҳи ўлкада олий таълим сари қўйилган илк қадам эди. Унда табиатшунослик фанидан Америкада олий маълумот олган Бурҳон Ҳабиб, тарихчи Заки Валидий Тўғон, жаҳон тарихидан озарбайжонлик Муҳаммад Амин Афандизода каби кўпгина ўз даврининг етук олим ва мударрислари дарс бериш учун жалб этилади. Бирок, курс фаолиятини бошлаши билан қатор иқтисодий муаммолар бўй кўрсатади. Мазкур таълим муассасасининг изчил фаолиятини йўлга қўйиш, унинг иқтисодий таъминоти, энг муҳими ўқитувчиларни доимий маош билан таъминлаш учун яхшигина дастмоя зарур эди. Мунаввар кори Абдурашидхонов 1917 йил 24 сентябрь куни мажлис чакириб, унга Тошкентнинг йирик бойлари ва таъсири кучли инсонларини таклиф этади. Шу кунинг ўзида 45 кишидан каттагина пул тўпланади ва мажлис якунида янги бир жамоат ташкилоти “Муаллимлар жамияти” тузилганлиги эълон қилинади. Мазкур жамиятта биринчилардан

бўлиб Муродхўжа Солиҳхўжаев, Рустамбек Юсуфбек ҳожи ўғли, Абдусомеъ Зиёбоев, Шокиржон Раҳимий, Абдулла Авлоний, Мунаввар кори Абдурашидхоновлар кирган эдилар⁸⁰.

1918 йил 12 май куни Мунаввар кори раҳбарлигига Туркистон халқ Дорулфунуни очилгани расман зълон килинади. Уч босқичли таълимга асосланган Дорулфунун қошида яна беш йиллик Дорулмуаллимин ҳам иш бошлаган. Дорулмуаллиминга Мунаввар қорининг шогирди Шокиржон Раҳимий раҳбар этиб тайинланади. “Улугбек”, “Турон”, “Ватан”, “Зебу Нисо”, “Навоий”, “Ҳаёт”, “Урфон”, “Учкун”, “Мухторият”, “Машраб” каби ўнлаб мактаблар Дорулмуаллимин тасарруфиға олиниб, уларга Сайдрасул Сайдазизов, Илҳом Одилов, Мухаммадрасул Расулов каби кўп йиллар рус-тузем мактабларида тажриба орттирган педагоглар жалб этилди. Айни пайтда аниқ ва табиий фанларни ўтишда, миллӣ мактабларда жисмоний тарбия ва ҳарбий таълим фанларни жорий этишда ўлкага келган турк зобитларининг хизматидан ҳам кенг фойдаланилди.

Дастлаб, Мунаввар кори Абдурашидхонов асос солган “Намуна” мактабига турк зобитларидан Ҳайдар Шавқий ўқитувчи сифатида қабул килинган эди. Мактаб қошида Ҳайдар Шавқий раҳбарлигига “Темур” тўдасига ташкил этилади. “Темур” тўдасига Тошкентнинг йирик бойларидан Сайдулла Турсунхўжаев ҳомийлик қилиб, унга Низомиддин Хўжаев, Мухиддин Турсунхўжаев, Қайюм Рамазон, Машриқ Юнусов (Элбек), Ҳамдам Тоҷиев, Зиё Сайд, Комилжон Алимов, Ақбар Аскарий, Тўлаган Мўмин каби иқтидорли ёшлар аъзо бўлиб кирган эдилар. Шунингдек, “Темур” тўдаси қошида катталар учун бухгалтерия курси очилди. Курсда Ҳайдар Шавқий, Муҳаммад Одилий, Усмонхон домулла каби Тошкентнинг машҳур муаллимлари дарс бера бошладилар.

1918 йил март-апрель ойларида Туркияда таҳсил олган ва ўша ерда ҳарбий хизматга кириб, зобит унвонини олган асли хўжандлик Сайд Аҳрорий ҳам Тошкентга қайтиб келади. У “Турон” мактабига ишга киради ва шундан сўнг бу мактаб Абдуваҳҳоб Муродий таклифи билан “Ватан” мактаби деб атала бошлаган. Мактаб ўкувчилариға турк зобитлари гимнастика ва ҳарбий тайёргарлиқдан таълим берар эдилар. Мактаб қошида катта ёшлилар учун олти ойлик муаллимлар курси ташкил этилади. Унда Сайд

⁸⁰ “Турк эли”, 1917 йил 4 октябрь.

Ахрорий, Акмал Икромов, Абдулваҳҳоб Муродий, Салимхон Тиллахоновлар дарс берганлар. Шунингдек, тўда ҳузурида “Қаюхон” номли театр тўгараги ҳам ташкил этилди. Тошкентнинг Эски шаҳар қисмида жойлашган труппа саҳнасида Маннон Рамзийнинг “Туркистон хонлиги” каби ватанпарварлик руҳида ёзилган бир нечта пъессалар қўйилди. Тўда аъзолари Тошкент кўчаларида кўлига қизил қийиқча боғлаган ҳолда юрар эдилар.

Шокиржон Раҳимий мудирлигига иш бошлаган “Улутбек” мактаби Тангириқул ҳожи Мақсадий, Усмонхўжа Тўхтахўжаев каби ном қозонган ўқитувчиларга эга эди. Тошкентнинг Себзор даҳасида жойлашган бу мактабга Шукрибей мудир бўлгач, ҳарбий тайёргарлик дарслари ҳам жорий этилади. “Улутбек” ва “Мухторият” мактаблари қошида Тальятбек раҳбарлигига “Турк кучи” тўдаси иш бошлади. Мактаб тезда машҳур бўлиб, ўқувчилар сони 300 дан ортиб кетди. Ҳаваскор ўқувчилардан иборат мактаб труппаси мактаб саҳнасида пуллик театрлар кўяр эди. Мактаб ўқувчилари ҳар куни муаллим Тангириқул ҳожи ёзган турли ватанпарварлик руҳидаги шеърларни ёд айтиб, дарсни бошлишар эдилар. Улар Тошкент кўчаларида маршлар уюштириб, намойишкорона юришлар ташкил этишарди. Мактаб қошида катта ёшли кишилар учун почта-телеграф курси ҳам очилади. “Турк кучи” тўдаси аъзоси, Туркистон почта-телеграф комиссари Гулом Икромовнинг шахсан ўзи курсга раҳбарлик қиласи ва мазкур соҳа учун миллий кадрлар тайёрлашга киришади. Курс тингловчиларига Обид Сайд, тарих фанидан Тангириқул ҳожи Мақсадий, она тили ва адабиёти фанидан Усмонхўжа Тўхтахўжаев, табиатшунослик фанидан Усмонхўжа Эшонхўжаев, аник фанлардан турк зобити Чакирӯз Рожий ва бошқалар дарс беришар эди. Шунингдек, Мажид Қодирий дарс берган “Турон” мактаби қошида турк зобити Голиббей раҳбарлигига “Турон тўдаси”, Фози Олимнинг “Турк ўчоғи” тўдаси, “Ирфон” мактабида “Тараққёт дернаги” тўгараклари ташкил этилди. Эшонхўжа Хонийнинг “Ҳаёт” мактабида Камол Шамсибей мудир бўлиб, унда ҳам турк зобитлари дарс берганлар. Тошкент шаҳри ҳудудида мавжуд еттига тўданинг ҳаммаси ўзига мустакил бўлган ва уларнинг ҳар кайсиси ўз мадҳияларига эга эди. Умуман, Тошкент шаҳрида бу вақтда мавжуд бўлган 72 та жадид мактабининг кўпчилигига турк зобитлари муаллимлик қилганлар. Бирок, 1919 йилнинг охирига келиб

Туркбюро томонидан бу тўдаларнинг фаолиятига кескин қаршилик кўрсатилиб, 1920 йил охирига келиб барча турк зобитлари “харбий асиirlарнинг қайтарилиши” деган баҳона билан советлар мамлакатидан чиқариб юборилади. Факат “Изчилар тўдаси” Акмал Икромовнинг раҳбарлиги остида 1921 йил сўнгигача ишлашга эришади.

1920 йил сентябрь ойида Боку конференциясига борган Мунаввар қори Абдурашидхонов Тошкентта қайтгач, совет ҳукумати маъмурлари томонидан Бухорога “йўлланади”. Бухорода вакф идорасида бор йўғи икки ой чамаси ишлагач, яна Тошкентта қайтарилади. 1921 йил март-октябрь ойларида эса муфти Садриддинхон Шарифхўжаев “иши” билан боғлик деган баҳона билан совет турмасида сақланади. Мунаввар қори Абдурашидхонов камоқдан озод бўлгач яна бир муддат даволанишга тўғри келади.

1922 йил май ойида талаба ёшлиар ташаббуси билан тузилган “Кўмак” уюшмасида Мунаввар қори Абдурашидхоновнинг шогирди Салимхон Тиллахонов раис бўлди. Уюшманинг асосан чет эл таълим даргоҳларига талабалар йўллаш ва уларга ахолидан пул ва мадад тўплаш билан шуғулланар эди. Бироқ, совет маъмурларининг жиддий қаршилигига дуч келган уюшма кўп ўтмай амалда ўз фаолиятини тўхтатишга мажбур бўлади. Шундан сўнг 1923 йил январда Мунаввар қори Абдурашидхонов ташаббуси билан Маннон Рамзий, Шокиржон Раҳимий, Захириддин Аълам, Элбек, Шоҳид Эсон, Салимхон Тиллахонов, Абдулҳамид Сулаймон Чўлпон, Холмуҳаммад Охундийлар Тошкентнинг Эски шаҳар ҳалқ маорифи бўлимида “Нашри маориф” ташқилотининг уставини қабул қиласи ва унинг тузилганини эълон қиласидилар. 1923 йил 18 январь куни бу хабар “Туркистон” газетасида эълон қилинади. “Нашри маориф”га раис этиб, Тошкентнинг Эски шаҳар ҳалқ таълими бўлими мудири бўлган Шокиржон Раҳимий, унинг ўринибосари этиб Мунаввар қори, котиби Миркомил Алиев, ғазначи сифатида Сайдносир Миржалиловлар тайинланадилар.

“Нашри маориф” нафакат миллий жадид тараккийпарварларини, балки, ўз даврида совет ҳукуматининг юкори лавозимларида ишлаган Абдулҳай Тожиев, Фани Ҳамидхонов, Абдулла Раҳимбоев, Инъомжон Хидиалиев, Усмонхон Эшонхўжаевларни ҳам ўз атрофида бирлаштирган эди. Жамиятнинг бевосита аззо-

лари бўлган Чўлпон, Ҳолмуҳаммад Охундий, Толибжон Мусобоев, Абдулла Авлоний, Салимхон Тиллахонов, Зуфар Носирий, Салоҳиддин Муфтизодалар “Нашри маориф” томонидан амалга оширилган тадбирларда фаол иштирок этадилар. “Нашри маориф” кисқа муддатда Туркистоннинг кўплаб шаҳар ва қишлоқларида мактаб ва билим юртлар фаолиятини изчил йўлга кўяди. Ўқувчи ва талабалар учун моддий ва маънавий кўмак беради. Катор кутубхоналар очди, китоб ва дарсликлар нашр этди. “Ҳақикат” журнали чоп этишни йўлга кўйди. Шундай хайрли максадлар йўлида “Маҳкамай шаърия” билан ҳамкорлик қиласиди. Бирок, кўп ўтмай унинг фаолиятига ҳам совет маъмурлари томонидан жиддий тўсқинликлар амалга оширилди ва аъзолари очиқласига таъкиб этила бошлади. 1924 йил январь ойига келиб ташкилотда раис Мунаввар кори Абдурашидхонов ва котиби Ғози Олим Юнусовдан ташқари ҳеч ким қолмаган эди. 1924 йил 30 январда “Нашри маориф” ва “Кўмак” бирлашади деган баҳона билан чакирилган мажлисда Шокиржон Раҳимийнинг ташаббуси орқали “Нашри маориф”нинг тагатилганилиги расман эълон қилинади.

Мунаввар қори томонидан 1914 йилда ташкил этилган “Намуна” мактаби шўролар даврига келиб, 1925 йилгача ҳам минтақадаги энг мавқеи баланд мактаб сифатида фаолият олиб борарди. Унда ҳамон Мунаввар қори Абдурашидхонов, Шоҳид Эсон Мусаев, Шорасул Зуннун, собиқ мударрислар, миллий куй ва қўшиқлардан Али Ардобус каби фидойи муаллимлар дарс берар эдилар. Тоталитар тузум қатағонларидан омон қолган Ойбек, Иззат Султон каби мактабнинг юзлаб ўқувчилари кейинчалик совет даври Ўзбекистоннинг барча соҳаларида энг илфор инсонларига олиму муҳандисларига айланганлар.

1925 йилдан Мунаввар қори Абдурашидхонов фаолиятига қарши шўро матбуоти қаттиқ ҳужумга ўтади. У 1924-28 йилларда фақат ўқитувчилик фаолияти билан чекланади. 1928 йил совет матбуоти жадид тараққий парварларига қарши ҳужумнинг янги тўлқинини ташкил этади. Шундан сўнг Мунаввар қори педагогик фаолиятини умуман тўхтатишга қарор қиласиди. Таъкиб ва тайзиклар натижасида қолган Мунаввар қори Абдурашидхонов 1929 йил 5 ноябрь куни кўхна Тошкентнинг Шайхонтохур даҳа, Дархон маҳалласи 17-йдан қамоқقا олинди...

Мунаввар қори Абдурашидхоновнинг педагогик фаолиятининг бу кадар самарали бўлишини таъминлаган омилларнинг энг муҳими бу унинг шогирдлари. Шу ўринда уларнинг айримлари ҳақида қисқача тўхталиб ўтишни жоиз деб билдиқ.

Салимхон Тиллахонов 1899 Тошкент-нинг Девонбеги маҳалласида ҳунарманд оиласида туғилган. Дастроб эски мактабда, сўнг Абдуваҳҳоб Муродий билан бирга Эшонхўжа Хонийнинг жадид мактабида ўқиган. Шундан кейин Мунаввар қорининг иккинчи босқич “Намуна” мактабига ўқишга кириб, 1914-17 йилларда мактабнинг кичик синфларида ўқитувчилик ҳам қиласди. 1917 йил охирида Салимхон дўстлари Абдуваҳҳоб Муродий, Каюм Рамазон каби бир неча йигитлар билан бирга Боку орқали Туркияда ўқишни давом эттириш учун йўл оладилар. Бироқ, ҳокимиятга келган большевиклар уларни чегарадан ўтишда кўлга олиб, ортга қайтаради. Улар бир муддат Бокудаги зироат мактабида ўқиб, иқтисодий муаммолар туфайли 1918 йил бошида ватанга қайтишга мажбур бўладилар. Шундан сўнг Салимхон Тиллахонов Кўқон Мухторияти тугатилиши билан миллий тарақкыйпарварлар томонидан ташкил этилган “Миллий иттиҳод” ташкилотига аъзо бўлиб киради ва устози Мунаввар қори Абдурашидхоновнинг энг ишончли одами сифатида фаолият юргиба бошлайди.

1920 йил С.Тиллахонов Бокуда Анвар пошшо билан учрашувда иштирок этади. 1921 йил Бухорога борган Салимхон ўролар мамлакатининг қудратини, унинг нақадар хийлакор ва золимлигини ўз кўзи билан кўради. Тошкентга қайтгач, сиёсий фаолиятига бутунлай чек қўяди ва фақат маориф соҳасида иш олиб бора бошлайди. У 1922 йил Туркистон ҳукумати расмийларининг розилиги билан “Кўмак” уюшмасига етакчилик қиласди. 1922 йил С.Тиллахонов “Кўмак” уюшмаси орқали 30 дан ортиқ ўзбек ёшлиарни Бокудаги ҳарбий, зироат, архитектура ва педагогика билим юргларига ўқишга юборади. Уларнинг ичидан кейинчалик машҳур генерал бўлиб етишган Собир Раҳимов, зиёлилар Носир Сайд, Баҳром Ҳайдарий, Абдумажид Иброҳимов кабилар бор эди.



1923-25 йиллар “Нашри маориф” тадбирларида фаол иштирок этади. Бирок, Салимхоннинг бу харакати яна ГПУнинг таъкибига учрайди. Хатто, 1925-26 йилларда у “Туркистонлик” лақаби билан ГПУга ёлланишга мажбур бўлади. С.Тиллахонов 1927-28 йиллар Тошкентдаги молия курсида мудир бўлди. Айни пайтда САГУнинг З-курс талабаси бўлган Салимхон Тиллахонов 1929 йил 6 ноябрь куни Девонбеки маҳалла, 169 уйдан қамоққа олинади...

Усмонхўжа Тўхтахўжаев 1886 йил Тошкентнинг Эгарчи маҳалласида эгар ясовчи хунарманд Тўхтахўжа Рафесъхўжаев хона-донида туғилган. У дастлаб ўз маҳалласидаги эски мактабда савод чиқарди. Сўнг беш синфлик рус-тузем мактабини ўқиган Усмонхўжа Тўхтахўжаев Тошкент мадрасаларидан бирида таҳ-сили давом эттиради. У мадраса талабалиги давридаёқ, Эгарчи маҳалласида мактаб муаллимни сифатида танилди. У.Тўхтахўжаев 1914 йилдан Мунаввар кори Абдурашидхоновнинг “Намуна” мактабида таҳсил олади ва Муродхўжа Солихов, Самиф кори Зиёбоев-лардан муаллимлик касби маҳоратини ўрганади. Усмонхўжа Тўхтахўжаевдан кейинчалик ССРР МИК раисининг ўринбосари бўлиб етишган Абдулҳай Тожиев, ЎзССР Олий Суди раиси бўлган Сайдулла Қосимов, ўзбек романчилиги мактаби асосчиси Абдулла Қодирийлар ҳам илм сирларини ўргатган эдилар.

Усмонхўжа Тўхтахўжаев 1917-21 йилларда Обидхўжа Шарифхўжаев, Тангирикул ҳожи Мақсадовлар билан жадид тарақ-қийпарварларининг “Улугбек” мактабида ўқитувчилик килади. 1918 йил Сайд Афанди Ахрорийнинг “Ватан” мактабида “Изчилар” тўдаси томонидан ташкил этилган икки йиллик педагогика курсда ҳам дарс беради. 1918 йил Усмонхўжа Тўхтахўжаев ўзи дарс берәётган “Улугбек” мактабида “Арман ваҳҳийлиги” пьесасини ёзип, ўқувчилар билан саҳналаштиради. 1919 йил 25 сентябрь куни ўзи ёзган “Қаҳрамон чавуш” фожиасини мактаб ўқитувчилари ва ўқувчилари ижросида Тошкентнинг Эски шаҳар кисмидаги жадид-ларнинг “Қаюхон” театри саҳнасига олиб чиқади. Ватанипарварлик туйгулари билан тўлиб топган бу асарнинг дунёга келишида, албатта, мактаб мудири Турди Шукрибей ва бошқа турк ҳарбий офицерларининг ҳам таъсири катта бўлган.

1921 йил Усмонхўжа Тўхтахўжаев, Обидхўжа Шарифхўжаев ва Тангирикул ҳожи Мақсадийлар Тошкентда совет маъмурлари то-монидан маълум тазиикларга дуч келгач, Мунаввар кори таклифи

билин Бухорога йўл олади. Усмонхўжа Тўхтахўжаев Бухоро Ҳалқ Республикаси Маориф Нозирлигига мактаблар бўлимида услубият бўйича мудир бўлиб иш бошлайди. Бироқ, касалликка чалингани туфайли кўп ўтмай Тошкентга қайтишга мажбур бўлади. Усмонхўжа Тўхтахўжаев 1921-22 йиллар Тошкентдаги хотин-қизлар билим юртида директор, 1922-24 йилларда Тошкент шаҳар ижроқўмининг сиёсий оқартув бўлимида мудир, Тошкент уезд вакф бўлими қошида ташкил этилган қишлоқ ишчилар тайёрлов курсида мудир ўринбосари ва муаллим вазифаларида иш олиб боради. Айни пайтда 1923 йил Мунаввар қори Абдурашидхонов томонидан ташкил этилган “Нашри маориф” жамиятида ҳам фаол иштирок этади. Жамият қисқа муддатда катта ишларни амалга оширади. У.Тўхтахўжаевга Германияда ўқиётган собиқ ўкувчиси Абдуваҳҳоб Муродий кўплаб хатлар ёзди. Унда Туркистонда маорифни ривожлантириш юзасидан ўз мулоҳазаларини баён этади.

Усмонхўжа Тўхтахўжаев 1926 йил ноябрь ойидан Сирдарё вилоятининг Ховос туманида ижроқўм раисининг ўринбосари лавозимида ишлаб, компартияга аъзо бўлди. Бироқ, унинг партия соҳасида ишлаб кетишига ҳам маълум тўқсингиллар бўлади. У 1927 йил август ойи бошларида Тошкентга келиб, яна хотин-қизлар педагогика билим юртида жамиятшунослик фанидан дарс бера бошлайди. 1929 йил 28 сентябрь куни Эгарчи маҳалласи №42 ўйдан Мунаввар қори Абдурашидхоновнинг шогирди, сафдоши Усмонхўжа Тўхтахўжаев қамоқقا олинди...

Шорасул Зуннун 1899 йил Тошкентнинг Себзор даҳаси, З-Кадиобод маҳалласида савдогар оиласида таваллуд топган. У дастлаб эски мактабда савод чиқарган, сўнг рус-тузем мактабида ўқиган. У Мунаввар қори Абдурашидхоновнинг “Намуна” мактабини битириши билан муаллимлик фаолиятини бошлаган. Ўқувчиларда миллий рухни оширишга интилган Ш.Зуннун дарсларида Зиё Кўкалпининг “Туркчилик асослари”, Купрулизоданинг “Турк адабиёти тарихи” китобларидан, Чўлпон, Фитрат, Элбек, Ойбек, Жулқунбойларнинг ижодидан кенг фойдаланган. Унинг ҳар бир дарси баҳсу-мунозараларга бой бўлиб, ўқувчиларнинг бир умрга ёдиди қолар эди. Шорасул Зуннун тилшунос сифатида 1925 – 1926 йилларда Мунаввар қори Абдурашидхонов, Шоҳид Эсон Афандилар билан бирга “Тил қоидалари” асарини чоп эттирадилар.

Тошкент тараққийпарварларининг фаол вакили Ш.Зуннуннинг 1928 йил Эски шаҳар комсомол конференциясидаги чиқиши жиддий мунозарага сабаб бўлди. Совет ҳукумати унинг тўғри танқидини қабул кила олмади, аксинча матбуотда уни миллатчиликда айблаб кўплаб мақолалар ташкил этилди. Ҳеч бир айбловсиз, тушунтиришсиз Ш.Зуннун мактабдан четлаштирилди.

1929 йил 5 ноябрь куни фидой ўқитувчи ва ватанпарвар инсон Шорасул Зуннун қамоққа олинди...

Тангриқул ҳожи Максудий 1991 йил Тошкентда туғилган. Тангриқул б ёшида отасидан етим қолиб, тоғаси Мухиддинхўжа Мирзәёкубов қўлида тарбия топди. Аввал эски мактабда, сўнг Бегларбеки ва Кўкалдош мадрасаларида таҳсил олди. У 1911 йил Афғонистон, Хиндистон орқали ҳажга бориб, қайтишда Хиндистон олий таълим даргоҳларидан бирида ўқишни давом эттироқчи бўлади. Бирок, унинг иқтисодий томонини ҳал этишда имкон топилмайди. Тошкентта қайтгач, Содик Абдузаторовнинг жадид мактабида, сўнг Мунаввар қорининг “Намуна” мактабида ўқиб, жадид тараққийпарварлари сафига қўшилади. 1916 йил “Ислоҳ” журналида “Европалашув керак” деган мақоласи билан кўпчиликнинг тилига тушди. Тангриқул ҳожи 1917 йилдан Усмонхўжа Тўхтахўжаев, Каюмхўжа Алиевлар билан “Улуғбек” мактабида дарс бера бошлади. Фитратнинг “Чигатой гурунги”да ҳам фаол иштирок этиб, кўплаб шеърлар битди, “Эски мактаб” номли пъесса ёзди.

Тангриқул ҳожи Максудов факат ўқитувчилик фаолияти билан чекланмади. У ватанпарвар инсон сифатида Туркистоннинг хом ашё базаси бўлиб қолаётганига чидай олмади. Айниқса, 1925 йил муаллимлар институтининг умумтаълим курсида ўқиши жараённида шўро ҳукуматининг Ўзбекистонда амалга ошираётган қизил мустамлакачилик сиёсатига қарши кескин мулоҳазаларини илгари суради. Шу жараёнда Тангриқул ҳожи Максудий ҳам совет ҳукумати маъмурларининг “душман”лари рўйхатидан жой олди. С.Тиллахоновнинг қайд этишича, жадид тараққийпарварлари орасида Тангриқул ҳожи ўзининг ҳар жиҳатдан комиллиги билан факат Мунаввар қоридан кейинги иккинчи ўринда туар эди...

Тангриқул ҳожи Максудов 1929 йил 6 ноябрь куни Шайхонтохур даҳаси, Раис кўча 63-йдан қамоққа олинади...

Абдуваҳҳоб Муродий 1901 йил 29 май куни Тошкентнинг Эгарчи маҳалласида таваллуд топган. Дастлаб Эшонхўжа Хонийнг “Хония” (кейинчалик “Ҳаёт”) мактабида, сўнг Мунаввар қорининг “Намуна” мактабида ўқиган. Мунаввар қори томонидан Абдуваҳҳоб Муродий 1915 йил Наманган шаҳрига ўқитувчи сифатида йўлланади ва бир йил у ерда ўқитувчи бўлиб ишлайди. 1916 йил мардикорликка қарши ҳалқ кўзгалонида тарғибот ишларида иштирок этади. Муродий 1917-18 йилларда



Тошкент мактабларида ўқитувчилик қилган. У 1919-20 йиллар “Машраб” мактабида мудир бўлиб ишлайди. Шундан сўнг “Муаллимлар жамияти” кўмагида хорижда таълим олиш учун йўлланади.

Абдуваҳҳоб Муродий 1920-21 йиллар Афғонистонда бўлиб, 1921 йил июлида Германияга етиб келади. Бу вактда Германияда на татар, на қозоқ, на ўзбек талабалари бор эди. 1922 йил Германияга Туркистондан талабалар етиб келадилар. А.Муродий 1921-26 йиллар Берлинда қишлоқ хўжалиги олий мактабида олий маълумот олади. Тўрт ой давомида Мисрда пахтачилик соҳасида амалиёт ўтаб, 1927 йилда Ватанга қайтиб келади.

Муродий Ўзбекистонга қайтгач, совет ҳукумати идоралари томонидан ишонсиз деб топилади ва бир ярим йилга яқин деярли ишсиз қолади. Бу вактда “Ўздавнашр” раиси бўлган Саид Аҳмад Назирий А.Муродийга ўз хизматини таклиф этади. Келишувга кўра А.Муродий нашриётга “Ботаника”, “Пахта етиштириш усуллари” каби бир нечта китоблар ёзив беради. Нашриёт уларни чоп этиб, А.Муродийга Тошкентдаги дўконидан хоҳлаган китобини олиши учун имтиёз беради.

Муродий Германияда таҳсил олган Туркистон ёшлирининг мақсади ҳакида ўзининг сўроя баённомасида: “... Биз Германияда факат бир нарса ҳакида ўйлар эдик. Аввало хорижий тилларни ўрганиб, Оврўпо илм-фани ютуқларини мамлакатимизга олиб кирамиз дер эдик. Шу мақсадда тил курсларини тутгатиш билан тездан энг иқтидорли йигитларни имкон қадар турли-туман саноат ва илм-фан жабхаларига кенгрок тақсимладик. Шу билан бирга ўша илмларнинг асосларини мукаммал эгаллаш, туркий тилда

уларнинг терминологик лугатларини тайёрлаш, керак бўлганида ўзимизда янги авлодни етишириш учун ўша фан ва ҳунарларнинг ўқитиш усулларини ўзлаштиридик. Китобларини тўплаб кенгроқ маълумотларни ўзлаштиришга, таржималар қилишга интилдик. Мақсад Ватанга катта илм билан қайтиш эди. Бироқ, бизга нисбатан тайзиқни кун сайин кучайтириб бориши. Ҳатто, бир қисм ёшлар мамлакатга қайтиб бориш фикридан қайтиш даражасида кўркиб қолдилар..

Мен Туркияда кўплаб танишлар орттирганман, менга у мамлакатнинг паспорти берилган эди. Бироқ, Оврўпога Ватан равнақи учун хизмат киласман деб йўл олган эдим. Мени Ватанга ҳам фақат унга фойдам тегади деган мақсад етаклаб келди. Ватанимда осон бўлмаслигини билганим ҳолда қайтдим. Тирик қолсам Ватанимда яшайман, акс ҳолда унга хизмат килиб ўламан ...” дейди. Албатта, ватанпарварликка бундан улуг мисолни келтиришнинг бошқа имкони бўлмаса керак.

Сайд Аҳмад Назиров 1904 йил Тошкентнинг Занжирилик маҳалласида таваллуд топган. Сайд Аҳмад Мунаввар қори Абдурашидхоновнинг “Намуна” мактабининг энг иқтидорли ўқувчиларидан бири бўлган. У мактабни битиргач, акаси жадид тараккийпарварларининг фаолларидан Отахон Назировнинг савдо дўконларини юритиш учун Андижонга юборилади. У 1916-17 йилларда “Шўрои ислом”нинг Андижон бўлимига қарашли “Умид” кутубхонасида ишлаган. Бир мuddат Кўконда ўқитувчилик ҳам қилади.



Сайд Аҳмад Назирий 1918 йил Тошкентда Сайд Аҳрорий раҳбарлигидаги “Ичилар” тўдаси томонидан очилган муаллимлар курсида ўқыйди. 1921 йил Тошкент ишчи факультетига кирди. Айни пайтда Усмонхон Эшонхўжаев раҳбарлигидаги фаол ёшлар гурухида советларнинг “қизил империя”ча сиёсатига, шахта яккахокимлигига қарши чиқади ва кадрларни маҳаллиялаштириш масаласини илгари сурадилар. Бу пайтда Сайд Аҳмад Назирий мухаррирлигида нашр этилган “Армуғон” журнали ҳамон кўпчиликка манзур.

1922 йил “Кўмак” уюшмасининг энг фаол ташаббускорларидан Саид Аҳмад Назиров Кўқонда бўлиб, “Кўмак” уюшмаси фойдасига пул йигишда иштирок этади. Сентябрь ойига келиб, бошқа ёшлар катори ўзи ҳам Ленинграддаги Зиновев номидаги комуниверситетда ўқишини бошлайди. Бирок, кўп ўтмай дипломат бўлиш ниятида ўқишини Ленинград жонли Шарқ тиллари институтида давом эттиради. У 1924 йил таҳсилни якунлаб, Ўзбекистонга келади. Саид Аҳмад аввалига Маориф халқ комиссарлиги хузурида Элбек раҳбарлик қилаётган билим кенгашида котиб бўлиб иш бошлади. Сўнг ГУСда коллегия аъзоси ва раис бўлади. Ўта шижаотли Саид Аҳмад Маориф халқ комиссари Раҳим Иноғомов томонидан коллегия аъзолигига қабул қилинади ва 1927 йилгача Ўзбекистон давлат нашриётига раислик қилади. У ўз атрофига Фитрат, Элбек, Санжар Сиддик, Қаюм Рамазон, Чўлпон, Абдулла Қодирий, Шорасул Зуннун, Бўлот Солиев каби етук мутахассисларни жамланган эди. Шу йилларда Чўлпоннинг “Ёрқиной”, “Тонг сирлари”, “Булоклар” каби шеърий тўпламлари, Фитрат, Элбек А. Қодирий каби миллӣ зиёлиларимизнинг катор асарлари катта нусхада чоп этилади. У раҳбарлик қилган вақтни “Ўздавнашр”нинг “олтин даври” дейишар эди. Саид Аҳмад Назиров “Инкилоб”, “Маориф ва ўқитувчи” журнallарининг таҳрир ҳайъатида бўлди, “Қизил қалам” уюшмасига кириб, унга Фитрат, Элбек, Чўлпонларни жалб этди. Бирок, унинг авжи фаолияти “қизил мустамлакачи”ларнинг максадига мос келмас эди. Саид Аҳмад Назиров СредАзбюро раҳбарияти томонидан “Ўздавнашр” раислигидан ишдан олиниб, Москвадаги Плеханов институтига ўқишига юборилади. 1928 йил унинг Москвага келиши билан ўзбек талабаларининг илмий тўгараклари яна ривож топади. Саид Аҳмад Назиров барча ўзбек талабаларни уюштириб ўз йўлига солади.

Саид Аҳмад Назиров Москва текстил институтининг муҳандис-иктисодчи факультетининг 4-боскичини тугатиш арафасида Москва шаҳри, Большой Патриотский переулок, 4-ий, 15 хонадондан қамоқقا олинади...

Ходиев Маҳмуд Максудович Боту 1904 йил Тошкент шаҳрида туғилган. Боту аввало жадид мактаби ва “Намуна”нинг ўқувчиси. Рус-тузем мактабида рус тилини ўрганди. XX асрнинг энг ёркин истеъоддларидан бўлган Ботунинг шаклланишида қайнок Тошкент мухити, Мунаввар қори Абдурашидхонов мактаби

ва Фитратнинг адабий оламининг таъсири катта бўлди. 1919 йил комсомолга кириб, совет бошқарувига аралашди. Жуда ёш бўлишига қарамай, 1920 йил сўнгида Бухоро компартиясида котиб ҳамда 1921 йилдан Тошкент туман ёшлар кўмитасида мухаррир, 1921-22 йилларда Фарғона вилояти партия кўмитаси газетаси мухаррири вазифаларида иш олиб борди. 1922 йил. Туркистон Республикаси Миллатлар халқ комиссарлиги раёсати мурожаати билан Москвадаги Покровский номидаги ишчи факультетига ўқишга қабул қилинади. У рабфакни 1923 йил 6 июлда муддатидан аввал тугатиб, олий таълимни 1922-26 йилларда Москва давлат университетининг ижтимоий фанлар факультети иқтисод бўлимида давом эттиради. 1926 йил 9 декабрда МДУ дан олий маълумот тўғрисидаги дипломни кўлга киритган Боту ишни 1927-28 йилларда Самарқанд шаҳрида ЎзССР компартияси Марказий кенгашининг нашриёт бўлими мудири вазифасидан давом эттиради. 1928-29 йиллар Самарқанд округ компартиясида ишлаб чиқариш маъмурияти мудири, 1929 йил февраль ойидан август ойигача “Аланга” журналининг бош мухаррири ва 1929 йил август ойидан ЎзССР Маориф халқ комиссари ўринbosари лавозимларида фаолият кўрсатди.

Собир Қодирий 1900 йил Тошкент шаҳрида таваллуд топган. Мунаввар қори Абдурашидхоновнинг бевосита шогирди, аввалига унинг ибтидоий мактабида, сўнг “Намуна”да ўқиган. 1918-20 йилларда Тошкентда биринчи босқич ибтидоий мактабида ўқитувчи, сўнг мудир вазифаларида ишлаган. 1920-23 йиллар Тошкент муаллимлар институтида ўқиди. 1923-24 йиллар Москвадаги педагогик курсларни ўқиб келган. 1924-27 йилларда Тошкент муаллимлар институтининг директори, 1927 йилдан Самарқандада НКП профобразованияда бўлим мудири бўлди. 1929 йил апрелдан ЎзССР Маориф комиссар бўлиб фаолият олиб бора бошлайди. Бирок, 1929 йил июл ойида ишдан четлатилиб, қамоққа олинди...



Шокиржон Раҳимий 1898 йил Тошкент шаҳрида туғилган. Отасидан жуда ёш айрилган Шокиржон ва Собиржонларни онаси Шарофат ая тикувчилик қилиб оёққа кўйди. Мунаввар қори Абдурашидхоновнинг беш синфлик биринчи босқич ва рушдий “Намуна” мактабларида таҳсил олган Шокиржон Тошкентнинг энг илғор ёшларидан бирига айланди. У дастлаб Муҳаммадхон Поншахўжаев раҳбарлик қилган тараққий парварларнинг “Турон” жамияти тадбирларида фаол иштирок этди.



1917 йил “Турон” жамияти негизида Туркистондаги илк сиёсий партия “Турк адам марказияти” дунёга келди. Шокиржон Раҳимий 1917 йилининг охиригина ойларидан Тошкент уламоларининг энг илғор кисмини ўзида бирлаштирган “Фуқаҳо” жамиятининг котиби сифатида иш олиб борди.

Жадид матбуотида ўз қалами билан танилиб улгурган Шокиржон “Туркистон мухторияти”ни жон жаҳди билан ҳимоя қиласиди. Бироқ, у большевиклар томонидан конли бостирилгач яна маорифга қўйтди. Мунаввар қори томонидан очилган Дорулфунун қошидаги Дорулмуаллиминга раҳбарлик қиласиди. 1922 йил Тошкентда очилган маориф институтини битириб, олий маълумотли педагог, тилшунос дипломини қўлга киритди. Аввалига кўрлар мактабида ўқитувчи ва услубиятчи бўлган Шокиржон, 1923 йил Тошкент вилоят халқ таълими бошқармаси мудири лавозимига тайинланади. Айни пайтда Мунаввар қори Абдурашидхонов ташаббуси билан ташкил этилган “Нашри маориф” жамиятига ҳам раҳбарлик қиласиди. Ш.Раҳимий 1927 йилдан Тошкент ишчи факультети директори, 1928 йилдан ўзи таҳсил олган муаллимлар институтида мудир, “Ўзбекистон” нашриётида мудир лавозимларида меҳнат қиласиди.

Ш.Раҳимий 1924 йил биринчи миллий календар яратди. Мактаб ўқувчилари учун биринчи ўзбек алифбеси “Совға” ва “Ислом тарихи” китобларининг муаллифи бўлди. У ўлкада саводсизликни тугатиш мақсадида “Катталар йўлдоши”, “Яшасун Туркистон”, “Батраклар алифбоси” каби кўплаб тўпламларни нашр этди. Ш.Раҳимийнинг тилшунос сифатида ҳам каттагина илмий

мероси мавжуд. Жумладан, О.Хошимнинг таклифи билан ўзбек тилида сингормонизм ҳодисасини ўрганди, шунингдек, ўзбек тилининг терминлар лугатини яратиш устида ишларни олиб борди.

Мусаев Шоҳид Эсон 1884 йил Тошкентда оддий ҳунарманд оиласида дунёга келган. Эски мактаб ва мадраса таълимидан сўнг Шоҳид Эсон Мунаввар қори Абдурашидхоновнинг ёнига кириб, бевосита унинг раҳбарлиги остида унинг ибтидоий мактабида дарс бера бошлайди. Шоҳид Эсон олий таълимни давом эттириш мақсадида 1917-1922 йилларда Туркияда бўлиб, Истамбул университетининг педагогика факультетини битириб қайтади. Туркиядан қайтгач, дастлаб, Тошкент вилояти муаллимлар билим юргида ишлаб, “Қўмак” ва “Нашри маориф” ташкилотлари тадбирларида фаол иштирок этди. 1926 йилдан “Навоий” мактабида дарс бера бошлаган Шоҳид Эсон Мусаевга карши совет матбуотида уни миллатчиликда айблаб бир нечта мақолалар босилади. У муаллимлик фаолиятини умуман ташлаб Тошкент шаҳар кутубхонасида ишлай бошлайди. Бирок, бу ҳам Шоҳид Эсонни куткариб қола олмади. У 1928 йил 12 ноябрда “Миллий иттиҳод” ташкилоти аъзоси сифатида қамоққа олинади...



Биз юқорида номларини келтириб ўтган инсонларнинг барчаси Мунаввар кори Абдурашидхоновнинг илмий жамоасини юзага келтирган ва уларнинг ҳар бирининг алоҳида ва жамоавий ҳолда амалга оширган илмий-ижодий, педагогик фаолиятлари ҳақида афсуски ҳамон жуда кам ахборотга эгамиз. Албатта, бу биздан жиддий тадқиқотни талаб қиласи. Қўйида Шоҳид Эсоннинг Туркистон мабуотида нашр этилган айрим мақолаларини эътиборингизга тақдим этамиз. Унинг “Ҳақиқат” журналида чоп этилган “Тарбия” мақоласида “*Наби муҳтарам ҳазратлари: Ҳаммангиз чўпонсиз ҳаммангиз подаларингиздан масъулсиз*” демак ила гоят кенг бир тарзда тарбия асосини ўн тўрт аср бурун қургандирлар деб бўладир. Демакки, бир биримизнинг тарбияларимизга алоқадор, бир биримизнинг тарз ҳаракатимизнинг жасият

аъмолига, умумий вижданга тўгрилаб ишламакка чақирилганмиз” деб тарбиянинг нақадар муҳим ишлигига тўхталади. Фикрини давом эттириб, тарбияни таълим билан узвий ҳолда кўради ва “Бу нуқтада мутафаккирларга эҳтиёж бордир. Мураббий ва муаллимлар эрса мутафаккирларнинг кўрсатган йўларидан юрмоққа мажбурдирлар. Шундоқ бўлганда умумий ва назарий қисмни мутафаккирларга, тадбиқ жиҳати эрса мураббий ва муалимларга қолур. Муаллим ва мураббийларни бир қўшинга ўхшатсак мутафаккирларни ҳам бу қўшиннинг қўмондонларига ўхшата оламиз. Қўшуннинг қўмондонга эҳтиёжи қандай бўлса, мураббийларнинг ҳам мутафаккирларга эҳтиёжи шунчаликдир. Қўшун фардолари ҳарбий қўзғолишни бошқаролмаганидек ҳар бир мураббий ва муаллим ҳам тарбия ва фикр ишларини тамоми билан идора қила олмас. Негаким тарбия масъаласи ижтимоий ва руҳий масъаладир. Биноалайҳ кўп кенг ва қоришиқдир. Бу йўлда аҳлият ва маҳорат эгаси бўлмоқ учун узун замон тиришмак лозимдир” дейди. Мавжуд вазиятни жаҳон билан таққослаб, “Бу кун маданий мамлакатларнинг ҳар бирисида тарбия тўгрисида ҳисобсиз кўп китоб ва мажмуалар ёзилмоқда ва нашр этилмакда. Улуг мутафаккир олимлар иш бошида ўтириб юрт ва элларида фойдалик йўларини кўрсатмоқдадирлар. Сўз биз Туркистон турклари устига қўчирилганида эрса тарбиявий ҳаракатларимизда раҳбарлик қила оладирган на бир мутафаккир ва на бу йўлда ёзилган бир асар бор. Шунинг ила баробар биз бугун тириклигимиз ва яшашимизнинг ўзгариши тўгрисида эҳтиёжларимизни сеза бошлидик. Лекин, қай иўсинда ўзгаришимиш, қайси йўлда ва қайси мақсадга қараб кетмагимиз керак? Мана бу масъалалар ҳануз бизга очиқ эмас, хейли мавхум ва мажхулдир.

Ушибу янги ҳаёт йўлида бизга ёрдам қиласидирган раҳбарликка эҳтиёжимиз улугдур. Ажабо, бизга чин мутафаккирлик қайси йўсинда ва қайси муассасалардан етишур. Бу кунги муҳим ишларимиздан биттаси ушбуни ҳал қильмоқдир. Маҳкамани шаърияларимиз ҳам мадрасалар ислоҳотига киришмасдан илгари бу масъалани текширмак ва қатъий бир натижага боғламоқ мажбуриятидадир. Ислоҳотнинг самарали бўлиши бўлмаслиги ҳам бу тўгррида берилатургон қарорга боғлиқдур. Нима бўлса ҳам бир мақсадга келайлик (Таъкид бизники – муаллиф). Шундан сўнг муаллиф мақсадга кўчади ва Тарбия нимадир? Нима деган сўздир?

Ажабо? Тарбия демак одоб маошаратни билган мутавозеъ, назокатлик, зариф киши демакмидир? Тарбия усулини тайин этмасдан илгари бу усулни турлик кимсалар қандай англадилар” деб савол кўяди. Айни вақтда жавоб топиш мақсадида инсоният тарихига юзланади. Бу нуктада олим сўзни ибтидоий эскимос кабилалари турмуш анъаналаридан бошлаб, унинг фан даражасигача кўтирилишигача эсга олади ҳамда мавжуд тарбия назарияларини тахлил этиб, улар билан баҳс олиб боришга киришади: “Тарбия башарият билан баробар тугулгандир, башарият баробарида эскидир. Энг ибтидоий бир қавмдан бошлаб то маданийсигача ҳаммасида ҳам тарбия шини мавжуддир. Эскимоларнинг ҳаёти ҳам бу фикрни тасдиқ этар... Тарбия шини кўп эски бўлса ҳам бу ҳодисалар ҳақида назария ва мулоҳазалари янги бўлиб юон қадим ҳикмасидан бошланадир. Масалан, Афлотун – “яхши тарбия бир вужуд ва руҳ зътибори шла инсоннинг таомилига қанча истеъдоди бор эрса шунча тугалиштиратурган нарсадир”, дейди. Афлотун ўзининг бу таърифи билан тарбиянинг нима эканлигини кўрсатмаса ҳам, лекин яхши тарбиянинг гоясини англатадир. “Тугалиштирадурган” ёки мукаммаллаштирадурган нарса нима деган сўздир? Вужудда мукаммаллашмакни вужуднинг томлиги десак ҳам руҳнинг мукаммалиги нима деган сўздир? Сўнгра мукаммаллаштирадирган таъсирга тарбия деб мукаммаллаштирамайдирган таъсирга тарбия демайдир. Биноалайҳ, бу таъриф илмий эмасдир. Илман мукаммаллик берган ҳам нуқсонлик берган таъсирларнинг иккиси ҳам тарбиядир. Тарбия доимо мукаммал бўлмай нуқсонлик ҳам бўлур, яхшиси бўлганидек ёмони ҳам бўлур.

Чичерин: “тарбия боланинг мукаммал инсон бўлишига хизмат қўладирган қоидаларнинг ҳайъат маъмуасидир” дейди. Бу ҳам етарлик таъриф эмас. “Мукаммал инсон” нима деган гап? Ҳар ким ўзининг сифати, маслаги, мавқеига қараб мукаммал инсонни бошқача англайдир. Масалан, ҳаммолнинг ўйлашибча энг мукаммал инсон ботмон юк кўтарувчи кишидир.

Штейн: “тарбия малакаларни текис ва оҳангдор (уйғун) бир суръатда ўстирмоқдир” дейди. Штейннинг бу таърифига қараганда малакалар орасидаги оҳанг ва текисликини бузатирган нарсалар тарбиядан четда қолур. Ҳолбуки, тарбия малакаларнинг оҳанг ва текислиги билан эмас, балки оҳангсиз ва текис бўлма-

гаплигидан бўлур. Бир мусиқийшунос маслагида мувофиқ бўлмоқ учун эшитиши малакасини қутлантириб бошқа малакаларини заиф қолдирар. Демак, оҳангиззлик ҳосил бўлади. Шунга ўхшаш бир рассомнинг ҳам кўриши малакаси кучланиб бошқа малакалари ила текислик ва оҳанг қолмас. Бу ҳоллар мусиқий ва ё расм тарбияси олмоқ учун мажбурийдир. Бу мисоллардан англашиладир ким тарбия учун текиссизлик оҳангиззлик биринчи шартдир.

Энг юқоридаги таърифларнинг учтасини бирдан ўйласак, диккат билан текширсак ҳар учтаси учун шу мулоҳаза ва шу васфлар бордир. Бу таърифларнинг уччови ҳам мусбат амалларнинг усулларига мувофиқ эмас. Яъни, жорий бўлиб турган ҳаётдаги тарбияни танитмайдир. Балки, муаллифларнинг ўз фикр ва массовурларидағи хаёлий тарбияни кўрсатадир. Алҳосил, бу таърифлар тарбия қандай нарсадир деб эмас, қандай нарса бўлиши керак деб бошлагандир.

Шундан сүнг Шахид Эсон ўзининг фикрини юкоридаги мутафаккирлар гоялари билан қиёсан таҳлил этади ва ҳуласалаб “... ҳар уч таърифда ҳам мукаммаллик ва ё оҳанглик таъбиrlари ила бирдек ва бир хил тарбия қабул қилинибdir. Бу тарбияни қайси мұхит, қайси жасиятда бўлса ҳам бутун инсонларга таобиқи мумкиндир ва инсонларда ҳам бу навъ ва бир хил табиат ва қобилият бордир. Инсондаги бу табиат авсоф(сифатлар) ва қобилиятини ёлгуз таъсир ва тарбия майдонга чиқарур. Яни, боланинг моддият ва маънавий узвиятида азалда бирлаштирилиб бу кунгача ёширин бир ҳолда турган қудратларни юзага чиқарур, дерлар. Бундан шу натижса чиқодур. Тарбия табиий, фитрий (туғма) истеъоддога ўзидан ҳеч бир нарса қўша олмас, янги ҳеч бир нарса ҳам яратса олмас. Ёлгуз ул фитрий қобилияtlарни ийқолмаслигига, ахлоқи рангини ўзгармаслигига хизмат қилар, дейшидир. Шундоқ бўлгандан кейин замон, макон, жасият ила тарбиянинг алоқаси ийқ дейшидир. Яни, тарбия ҳар вақт ва ҳар ерда бирдир, ўзгармас деган сўздир. Модомики, инсоннинг тараққий ва такомилининг мояси ўз фитрий қобилияtlаридир. Бу малаканинг табиат ва қонуни ўрганилса уни инкишиоф этдиrmак ийли ҳам кашф этилди демакдир. Инсоннинг фарди (алоҳида) табиати маънавиясини эрса илми руҳ текширадир. Биноалайҳ, бутун тарбия масъалаларида илми руҳияга мурожсаат қўимоқ кифоядир деган сўз чиқар” дейди. У фикрининг якунида тарбияга нисбатан ўзининг шахсий муносабати

батини илгари суреба, “Холбуки ҳеч бир замон ҳеч биң ерда бутун инсонларга қобили табдиқ бир тарбияни тадқиқот ва тажрибалар шу вактгача кўрсатмади. Ҳар бир қавмнинг тарбияси бошқадир. Дунёда қанча қавм бўлса, шунча тарбия ҳам бордир. Бирининг ҳиссиётни иккинчисига ўхшамас. Мусулмонлар салага, христианлар шапкага ҳурмат этганидек икки мазҳаб, икки қабила, хос ила авом ораларидаги тарбия фарқларини доимо кўриб турамиз.

Ҳеч қайсимиз тугулган вақтимизда бир ахлоқ бир бадиий ҳис келтирган эмасмиз. Буларнинг ҳаммасини муҳитимиздан, жамиятимиздан олганандирмиз. Жамиятимизнинг тўғри деганини тўғри, эгри деганини эгри, кўхлик (чиroyili) деганини, кўхлик деб кетганимиз. Шубҳа йўқки ва бу жамиятнинг ичida тугулмасдан бошқа бир жамият ичida дунёга келган бўлса эдик, албатта, уларнинг тарбияларига ўрганар, уларнинг тамойилларини қабул қиласр эдик. Бу кунда кўриб турган одатларимиз, урфларимиз, ахлоқи ҳаётимиз, хуласа тарбиямиз биз тугулмасдан бурун ҳам бизнинг жамиятда бор эди. Биз уни муҳитнинг тасири, тарбияси билан кейин олгонмиз. Мана шу ҳолларнинг биздан бурун бор бўлғонлиги бизнинг фитратимизнинг, бизнинг ҳалқимизнинг маҳсули ва асори эмаслигини кўрсатмасми?

Агар тарбиямиз Афлотун, Штейн ва Чичериннинг деганларидек фитрий қобилиятимизнинг маҳсули бўлса эди, иштаҳа, майл, газаб, хавф ва уйқумиз ўхшаши, урф-одат, ахлоқ ва бошқалар ҳаётимиз ҳам ўз ўзидан ҳосил бўлар эди. Холбуки, бу ҳиссиёт биз муҳитнинг таъсири ила тарбия ила ҳосил бўлтур. Савқ табиийларимизга ҳеч ўхшамас. Шу мулоҳазаларимизни тарбиянинг манба эътибори ила ижтимоий бир кайфият бўлиб, аммо фардий бир ҳодиса эмаслигига инонтирадир⁸¹ дейди. Шубҳасиз, бу хуласалар жуда теран ва ҳамма замонлар учун ҳам алохида эътиборга моликдир.

Шахид Эсоннинг “Биз ва маориф” номли маколаси “Энг иссиқ, қизғин ва қумли бир чўлда тирикчилик қиласрарон кишига сув, салқин ҳаво қанча керакли бўлса бу кунги миллатлар орасида яшайтурган қавмлар учун мактаб ва маориф ҳам шунчалик керакдир” деб бошланади. “Асримиз ҳаёт ўйли устинда юксак, ёрқин, қатор тозлар, кенг ва қутурган денгизлар яратди. Бизга ўхшаши заиф

⁸¹ Шахид Эсон. Тарбия // Ҳакиқат, 1922 йил. 2-сон. 8-11 бетлар.

қавмлар – на бу тоғлардан ўта оладир, на у денгизлардан ошуб мурод соҳилига ета оладур. Балки, бир бечора япроқ ва ё сомон чўтидек қаттиқ ва оғир тўлқунларнинг забун ва асири бўлиб қоладур. Кўшиналаримиз табиат ва ҳаёт ҳодисаларининг асрор ва қонунларини топиб чикордишлар ва бу сояда табиатга ҳокум бўлди-лар. Сувдан, ҳаводан, ўтдан тилаганиларича фойдаланаадилар. Кўкда қушлар сингари учуб юрмоқ унлар учун энг кичкина бир иш бўлиб қолди. Ижтимоий ва маънавий ҳодисаларнингда айни суръатда қонун ва асрорини кашф этдишлар. Бундан сўнг ишлар ва асрларнинг орқасида бекиниб турган ижтимоий, сиёсий воқеаларни кўз олдида тургани каби кўрмакка ва унларни идора қўлмоққа бошлидилар. Бу суръатла унлар моддий ва маънавий табиат қонунларидан туганмас куч ва қудрат топдишлар. Биз эсак ўз данкасалигимиздан сафолат ва мискинат (қашишоқлик) балчигига ботиб қолдик. Эмди йиқилган еримиздан турмоққа танамизда куч қолган эмас. Асрлардан бери кўкларимиз қўёшиз ва юлдузиз қолди. Қалин бир қоронгулиқ ичидা йўлимиздан адашдик. Ҳар қадамимизда бошимиз қаттиқ бир тошга тегди. Кундузларимиз қоронгу кечларга айланди.

Бир замонлар башариятнинг ўйлбоиҷиси ва раҳбари эдик. Бутун дунё бизнинг ёққан машъялаларимиздан ёргулиқ олар эди. Бу кун эса башариятнинг шол (фалаж) бўлиб қолган бир қўлими. Шу ҳолда фақат ўзимиз учун эмас, инсоният учун ҳам бу ҳолимиз буюк фалокат саналса керак. Умумий ва инсоний гоя, амаллардан узоқда қолишишимизга юрагида озгина башарият муҳаббати бўлган киши чидаб тура олмаса керак. Мана ишининг шу ёгидан қарагандо энг қонли яраларимиз билан қаршилашамиз ва ҳаёт ҳам белимишни буқкан оғир бир юкка, бошимизда айланган тегиримон тошига ўхшаб қоладир. Агар шунча замондан бери кўзларимизни ҳадсиз фалокат ичидা очиб, бир оз сўнгра турли турли изтироб ва алам билан юмганимиз етишган бўлса, бундан кейин ўзимизга келмогимиз ва ҳар нарсадан аввал бизни жаҳолат ва гафлат гирдобига судраб турган қўлларни қайириб синдиримогемиз керак эди. Шундан сўнг муаллиф мақсадга қўчиб, “Ҳайҳот! Бу шараф ва саодатдан ҳам кўп узоқдамиз. Масалан, шу вақтгача ҳам мактаб ва маорифга ҳурракатик ва шубҳа билан боқмоқдамиз. Бунлар – маънавият ҳиссиётимизни бузатурген нарсалардир, деб ҳаёл қиласиз” дейди. Бу сўзлардан асосий муддао ўтган асрнинг 20-йилларида

ўлкада большевиклар хукуматининг мустаҳкамланиб бориши билан совет маорифи атайлаб асрий қадриятларга, айниқса, динга қарши кескин қурашни бошлаб юборади. Махаллий халқ эса совет мактабларидан умуман воз кечча бошлайди. Ҳатто, “бургага аччик қилиб...” деганларидек умуман таълимдан болаларини чиқариб ола бошлайди. Шундай бир шароитда Шоҳид Эсон халққа мурожаат этиб, диндан ҳам асл мақсад илмидир деган фикрларни қўйидагича баён этади: *Бизнинг қаноатимизга қарагандা ўрганмоқ билан инсоннинг иймони заифлашмас ва инсон динсизликка тушмас. Чунки, улумнинг чин ва биринчи иши коинот ҳақида бир фикр ва талқин эгаси ўлмоқдир. Шу гоясига бормоқ учун энг кичик ҳодисоти табиатгача мукаташиф (кашф этиши) жиҳатидан тадқиқ қилинмоқдадир. Айни замонда улумнинг мавзуи тадқиқи бўлган ҳодисот билан бу ҳодисотнинг тажсаллийгоҳи бўлган борлиқ, қиёси мутлақнинг бирор ояти тақвани(исботи)дир. Вужуд асрори алайҳга тегшилиқ маънолар бу табиат саҳифасида мундариж (мавжуд)дур. Бу даъвони Шайх Саъдий ҳазратлари гоят яхши бир ифода билан кўп аввалдан сўзлаганлари ҳар кимга маълумдир:*

“Барги дараҳтҳойи сабз дар назар ҳушёр,

Ҳар варақаш дафтаришт маърифати коргар”... (Тангрини танимоқ учун ақилли кишиларга оғоч япроқлари бирор китоб манзиласиндадир).

Агар ҳақиқий диндорлик ҳиссиёти диния билан мутаҳсис ўлмоқ бўлса, азимати алайҳни энг аъло ҳис этганилар улум билан шугул ва табиат саҳифаларини ўқимоқ билан машгул бўлганлар бўлса керак. Ҳолбуки, улумнинг бу даражаси аълоси ҳануз бизда вужудга келган эмас.

Мавжуд ибтидоий ва рушдий мактабларда эса диндорлик на да динсизлик асосли суръатда мавзуи баҳс ўлинмас. Зоро, отини “ҳақиқат қидирмоқ” деб қўйилган энг муҳим бир масъала марҳум Зиё пошонинг “бу кичкина торозу била у катта ва оғир юклар тортила олмас” деганидек, ибтидоий ва ўрта даражали мактабнинг эшигидан киролмас. Ҳатто, бизнинг энг катта санъаткор ва доҳий шоиримиз Мирзо Бедил эса

“Ҳасти бетапиш рафт ва асар нист нафасро,

Фарёд аз ин қофила бурданд жасарсо” (Борлиқ ҳаяжон ила кетди аммо нафас асарини кўрсата олмади, эссизгина бу карвондан қўнгирогини олиб қўйшишлар) демак билан ҳеч ким боласига бу

салоҳиятини бермайдир. Бунинг учун ибтидоий маориф жараёни ҳақидаги шубҳалар тўғри эмасдир деб фикрини хуласалайди. Шундан сўнг эса ҳолатдан чикиш йўлида ўзининг мутафаккирона ғояларини илгари суриб, “... Эмди бизнинг маориф ташкилотининг асослари ҳақида ўйлаганларимизни қисқача сўзлаб ўтмоқчимиз. Бизда Ғарб усули билан очилмоққа бошлиган янги мактаблар билан эскидан бери давом қилиб келган мадрасалар бордир. Мактаблар оврупога, мадрасаларимиз мозийимизга очилган бирор туйнук ва ё даричаларимиздир. Демак ки, мактаблар ташкилот эътибори ила кўпроқ ҳорижийдур. Тарих ва анъаналаримизга бир оз ёввойи кўринадур. Бу сабабдан шахсиятимизга энг лозим бичимни бермакдан ожиз қолса керакдир.

Бир минтақанинг ўт ва ё оғочлари бошқа минтақада кўкаролмаганидек машаъри (шариат) вижедонла муносабати бўлмаган, янги таомиллар ҳам кўтинча яшамас. Бу таомиллар яшаса ҳам тақлид маҳсулидир. Тақлид эса тараққийдан узоқ ва унинг зиддидир. Бир қадам илгари кетолмай еринда саймоқ (турғунлик) демакдир. Тараққий ва таомил деган нарса мозийга суюнмоқ тарихий пояларни босиб юқорилемоқ билан бўлур. Таърих пояларига илтифот қилмасдан юқорига сакраган кишилар аввалги ерларига кайтиб тушмакда кечикмаганлар (таъкид бизники - муаллиф).

Янглии англашилмасун, ижтимоий ҳодисаларда “ҳатлама” йўқдур демоқчи эмасмиз ... Балки тарих ва мозий, ҳаёт ва ҳолимизга бир шакл бермак учун бир воситадир демакчимиз. Дунёда ҳар бир киши учун шуур ва ҳофиза қанча керак бўлса бир миллат учун ҳам мозий ва тарих шунча керакдир. Ўз мозийсидан юз ўғирган бир миллат билан акл ва ҳофизасига алавидо деган бир киши орасида ҳеч бир фарқ йўқдир. Чунки акл ва ё мозий демак тажриба демакдир (таъкид бизники - муаллиф). У вазиятни куйидаги мисол билан тушунтиради: “Бир ёй ўқи отадирган вақтингизда ишини кейинга қанча кўп тортиб сўнгра қўйоб юборсангиз ўқ ҳам ўшанча узоққа кетар, суръати ҳам кўп ўлур. Бунга ўхшаш таомил ва тараққий ўлчилигида мозийингизга қанча тисланиб, тарихингизга қанча орқа бериб сўнгра илгарига ҳатласангиз, шунча кўп ва ҳам суръат билан йўл ола биласиз.

Эмди мадрасаларимизга келайлик, бу муассасамиз тарихнинг энг узоқ, энг манзуви гўшасига чекилган ҳаётдан ҳол ва истеъмолдан алоқасин узган жонсиз бир муассасадир. Бу муассаса ёлгуз

бошига бизим ҳаётимиз ва муваффакиятимиз учун лозим бўлган ярге ва қуролиар билан бизни тажхиз (қуроллантириш) этмакдан ожиздур. Бизим ҳаёти маънавиямизни на ёлгуз Гарбдан келган, на да ёлгуз Шарқдан келган зиё ёруглата олур. Балки, ҳар иккисининг бирлашмоги билан ҳосил бўлган бир нур ёруглата олур деб ўйлаймиз. Бизнинг ҳақиқий мутафаккир ва муршиидларимиз мактаб ва мадрасанинг имтиҳоди имтиёзийсидан тұғса керакдир. Шу муҳим нуқта ҳам унұтылmasун ким бизнинг бу мутолааларимиз ҳирс (культура) билан алоқадор улуми маънавия мадрасаларига оиддир. Йўқса маданиятга мутааллук улуми масбита ва моддия мадрасалари мавзуи баҳс эмасдир. Чунки, улуми моддия замон ва маконга тобеъ эмасдир. Масалан, ... икки карра икки мозийда ўлсун, ҳолда ўлсун истиқболда ўлсун түртдур. Ҳеч бир вақт замон ва ё маконга кўра ўзгармас. Бунинг учун моддий улумнинг таърих ва мозий билан муносабатлари йўқдур⁸². Шахид Эсоннинг юкоридаги фикрлари уни нафақат жадид тараққийпарварлари вакили, балки буюк бир тафаккур соҳиби ва жадид мафкурасининг шакллантирувчиларидан бири эди, деб англашимизга имкон беради.

Хуллас, юкоридаги рўйхатни яна узоқ давом эттириш мумкин. Дарҳақиқат, Мунаввар қори Абдурашидхоновнинг бевосита тарбияси остида Мажид Қодирий, Салимхон Тиллахонов, Қаюм Рамазон, Абдуваҳҳоб Муродий, Шорасул Зуннун, Шокиржон ва Собиржон Раҳимиylар каби кўплаб етук педагоглар етишиб чиқди. Шунингдек, Абдулҳай Тоғиев, Боту, Сайд Аҳмад Назирий, Маннон Уйғур, Саъдулла Қосимовлардек кўпгина йирик сиёsat ва маданият арбобларни тарбиялаб етиштириди. Шу ўринда айтиб ўтиш керак Мунаввар қори Абдурашидхоновнинг илмий-ижодий мероси, педагог сифатидаги фаолияти, унинг маҳорат мактаби кўлами ҳам ниҳоятда кенг. Унинг “Адибус - соний” (Тошкент, 1907), “Ер юзи” (Тошкент, 1917) “Ҳавойижи диния” (Тошкент, 1912) дарслик китоблари бугун ўзбек ўқувчилари эътиборига ҳавола этилган. Бироқ, “Адиби аввал” (Тошкент, 1907), “Усули хисоб” (Тошкент, 1911), Тажвид – (Оренбург, 1911), “Тарихи қавми турқ” (Қозон, 1911), “Тарихи анбиё” (Тошкент, 1912), “Тарихи исломия” (Тошкент, 1912), “Даҳрун нажот” (Қозон, 1912), “Сабзазор” (Тошкент, 1914) каби дарслик ва тўпламлари ҳамон ўқувчиларимиз кўлига етиб борган эмас. Айниқса, унинг

⁸² Абдушахид Эсон. Биз ва маориф // Ҳакикат. 1922 йил 10 август. № 1. 4-6 б.

Шокиржон Раҳимий, Шоҳид Эсон Мусаевлар билан бирга ёзган 4-жилдлик “Ўзбекча тил сабоқлиги” (Тошкент, 1925) дарслиги мухим. Ундаги Мунаввар қори томонидан ёзилган “Орзу”, “Куз”, “Киш”, “Ялковлик ёвумиздир”, “Дев печак” каби кўплаб шеър ва ҳикоялар ўқувчиларнинг нафақат бадиий дидини, балки уларда мустакил тафаккурни шакллантиришга қаратилгани билан аҳамиятлидир. Шунингдек, Мунаввар қорининг Туркистон миллий матбуоти саҳифаларида чоп этилган кўплаб мақолалари, нутқ ва хитобларини қайтадан тадқиқ ва тарғиб этиш ҳам жуда мухим ҳисобланади. Бугун тарих фани олдида Мунаввар қори Абдурашидхонов ва унинг педагогик мактабини янада чукуррок ўрганиш зарурияти мавжуд.

*Бахтиёр ЭГАМОВ
ЎзМУ, География факультети*

МУНАВVAR ҚORI АБДУРАШИДХОНОВ – ЗАМОНАВИЙ ГЕОГРАФИЯ ДАРСЛИКЛАРИ МУАЛЛИФИ ВА МОҲИР ПЕДАГОГ

Туркистон жадидчилигининг марказий нуқтаси – Тошкентда туғилиб ўсган, Ватан ва миллат тараққиёти учун куйиб ёнган, ҳаётини шу мукаддас ишларга баҳшида этган карvonбоши жадидларимиздан бири Мунавваркори Абдурашидхоновdir. У Исмоил Гаспиринский, Маҳмудхўжа Беҳбудий, Абдула Авлоний каби ўз даври ҳаётидаги ижтимоий-сиёсий ва маданий ҳаракатда энг фаол иштирокчигина эмас, балки йўлбошли бўлгани тарихдан маълум. Ўша даврда миллий ғоя ва мафкура ҳаётга чуқур сингишига Мунаввар қори бошқалардан-да кўпроқ ҳисса кўшгани ҳозирги илм аҳлига аён. У ҳам ўз даврида худди Маҳмудхўжа Беҳбудий каби жамият ҳаётининг деярли барча соҳаларида қизғин фаолият олиб борган педагог, адаб, шоир, географ олим ҳамда жамоат арбоби сифатида маълум ва машҳурдир.


Мунаввар қори Абдурашидхонов барча жадидлар қатори чоризм ва коммунистик мустамлакачилик зулмининг жуда оғир ва таҳликали сиёсий тазиики, шунингдек, маҳаллий мутаассиблклар авж палласига чиқкан бир даврда яшаб-ижод қилди. У ўзининг

сўнгти имкони, сўнгги қони ва сўнгти ақлу заковатигача маърифат, илм-фан, озодлик ва эрк йўлидаги кураш харакатида фаол бўлди.

Мунаввар қори мактаб ва мадрасаларда толиби илмларга араб тилида эмас, балки, ўз она тилида сабок бериш, диний билимлар билан бирга ижтимоий-табиий фанларни (география, математика ва б.) ўқитиш масаласини кўндаланг кўяди. Сабаби, миллат тафаккурида, фикрлашида, маорифида ўзгариш, янгиланиш қилмай туриб, озод ва обод ҳаёт куриб бўлмаслигини у жуда яхши англаған эди.

Мана шунинг учун ҳам, у мохир педагог ва географ олим сифатида жадид мактаблари учун ўз маслакдош ва сафдошлари каби бир катор, мутлако янги диний-дунёвийликка асосланган дарсликларни яратиб чоп эттирди. Булар “Адиби аввал” (алифбо, 1907), “Адиг ус-соний” (ўқиш китоби, 1907), “Ер юзи” (1908) ва “Усули хисоб” (математика, 1911) ҳамда Шорасул Зуннун билан ҳаммуаллифликда “Ўзбекча тил сабоклиги” (тўрт қисм бўлиб, I-III қисмлари 1925 йилда, IV қисми 1926 йилда чоп этилган).

Буларнинг орасида Мунаввар қори Абдурашидхоновнинг географияга оид “Адиг ус-соний” ва “Ер юзи” номли дарсликлари алоҳида аҳамият ва юксак қадр-кимматга эга.



Мунаввар қори Абдурашидхоновнинг “Адиг ус-соний” дарслиги биринчи бети фотонусхаси

Гап шундаки, умуман олганда жадидчилик харакати даврида юз берган миллий уйғонишнинг асосий кўринишларидан бири бўлиб, ўша пайтда география фани ва таълими шаклланди.

Хозиргача ҳам жадидшунос олим ва тадқиқотчилар “Адиб ус-соний”ни унинг ўзида таъкидланганидек, “Адиби аввал” алиф-бодан кейин ўқиладиган ўқиши китоби деб таътиф ва тавсиф бериб келишмоқда. Бу, албатта, тўғри. У биринчи синф болалари хатсаводи чиққанидан сўнг ўқийдиган ўқиши китобининг жадидчилик харакати давридаги кўринишларидан биридир. Бу болалар ўқийдиган дастлабки ўқиши китобига тарихда биринчи бўлиб жадидлар асос согланлигидан далолатдир.

Шу ерда яна бир янги фикрни айтиш жоиз бўлмоқдаки, “Адиб ус-соний” географияни бошлангич синфлардаги “Атрофимиздаги олам”, “Табиатшунослик” фанларининг илк кўриниши десак нотўғри бўлмайди. Дарсликнинг “Фаний дарслар” деб номланган бўлимида бошлангич табиий географияга оид билимлар, яъни йил (сана), ой йили ойлари, қуёш йили ойлари, асрлар, фасллар, кунлар, ҳаво ва булут каби кичик мавзулар юзасидан билимлар баён қилинган. Дарсликда “Жўтрофия” деб номланган маҳсус мавзуда оддий тилда, аммо ўта чукур илмий маънони англатувчи география фанининг қуидаги илмий таътифи ва тавсифи берилган: “Ернинг ахволини биладурғон илмни жўтрофия дейилур. Ер бизим кўзимизга текисга ўхшаб кўринса ҳам, аслида текис эмас. Балки пўртхахолға (апельсинга – Б.Э.) ўхшаш юмaloқdir. Аввалларида “Ер ҳўқизнинг шохидатурдур”, деган сўзларға ҳар ким ишонғон бўлса ҳам, ҳозирги замонда андоғ сўзларнинг аслсилиги ҳар кимға маълумдир. Ер ҳеч нарсанинг устида турмас. Балки ҳавонинг ўртасида муаллақ турадур”.

“Пўртхахол (апельсин)нинг юзи ўзининг пўсти ила қоплонғонига ўхшаш ер юзининг ҳам тўртдан уч бўлаги шўр сувлар ила қопланмиш, қолғон бир бўлаги тош, кум ва туфроғлар ила қопланмишдур.

Сув ила қоплонғон ўринларини денгиз, кўл ва дарё дейилур. Тош, кум ва туфроғлар ила қопланмиш ўринларини куруглиқ дейилур”⁸³.

Мунавваркори “Адиб ус-соний” дарслигида сана тизимига ҳам алохида тўхталиб ўтган. Йил, ой, ҳафта кунлари ҳақида аниқ

⁸³ Абдурашидхонов М. Танланган асарлар. - Т.: Маънавият, 2003, 76–77-бетлар.

билимлар манбаини келтириб ўтади. Вакт ўлчови, тақвимларга тааллукли билимлар тизими содда ва тушунарли тарзда баён қилинганд. У тақвим ҳақида фикр юритар экан, шундай деб ёзади: “Йилнинг икки хил ҳисоби вордур. Бири офтобнинг қўринишидан ҳисобланур, буни санаи шамсия (Қуёш йили) дейилур. Иккинчиси ойнинг қўринишидан ҳисобланур. Буни санаи қамарий (ой йили) дейилур”⁸⁴.

Дарсликнинг “Асрлар”⁸⁵ деб номланган қисмида милодий ва хижрий тақвимлар ҳақида муфассал фикрлар баён этилган. Унда шундай илмий ҳақиқат кўрсатилган: “Ҳар юз йилни бир аср дейилур. Пайғамбаримиз (салаллоҳу алайҳи васаллам)нинг Маккандан Мадинага хижрат қилған кунларидан бошлаб саналған асрни асри хижрий дейилур.

Ҳазрати Ийсо алайҳиссаломнинг тугилғон кунларидан саналған асрни асри мелодий дейилур”⁸⁶.

Мунаввар кори “Адиб ус-соний” ва “Ер юзи” дарсликларида бутунги кун география таълимидаги долзарб муаммолардан бири – дунё океани ва уни қисмларга ажратиш масаласига аниқ ва тўғри ёндашган. У дунё океани ҳақида тўхталиб, “Денгизлар беш бўлак бўлиб, Баҳри мұхити кабир (Тинч), Баҳри мұхити атлас (Атлантика), Баҳри мұхити ҳинд (Хинд), Баҳри мұхити мунжамиди шимолий (Шимолий муз) ва Баҳри мұхити жанубий (Жанубий Муз) деб аталур”⁸⁷, – дейди. Зеро бу каби районлаштириш бугунги кунда жаҳоннинг ривожланган давлатлари география таълимида ўз аксини худди шундай топган.

Дарслиқда 26 та топоним (географик ном)лар кўлланилган бўлиб, шулардан 11 тасини макротопонимлар, 18 тасини гидронимлар ташкил этади.

Мунаввар қорининг “Адиб ус-соний” дарслигини яратишидан асосий мақсади болаларнинг саводи чиқиши биланоқ, уларга географик билим беришдан иборат бўлган. Бу унинг миллат болалари тезрок табиий билимларни ўзлаштириб олишлари зарур деб билганилигидан, миллатни мутаассиблик ва ижтимоий

⁸⁴ Қаранг: ўша китоб, 84-бет.

⁸⁵ Мунавваркори бу ерда “аср” атамасини, ўз ўрнида, яъни юз йил маъносида кўллаш билан бирга, тақвим маъносида ҳам кўллаган.

⁸⁶ Ўша асар, 86-бет.


⁸⁷ Ўша асар, 77-бет.

жаҳолатдан уйғотишига ахд қилганлигидан ҳамда унинг юксак педагогик маҳоратидан, географ олимлигидан далолатдир.

Мунаввар кори Абдурашидхонов томонидан 1908 йилда ёзилган “Ер юзи” дарслиги маърифат ва, айникса, география фани ва таълими соҳасидаги ҳаракатнинг йирик намуналаридан бири бўлди.

У жадид мактабларининг 3–4-синфлари учун география фанидан жадидлар тарихда биринчи бор яратган дарсликлардан бири бўлиб, ilk маротаба 1908 йили нашрдан чиқкан. Дарслик Туркистондаги география ўқитувчилари ўртасида муҳокама қилиниб, уларнинг таклиф ва мулоҳазалари асосида тўлдирилиб ва тузатилиб, 1915 йилда қайта нашр этилган ҳамда барча мактаблар учун дастур ва дарслик сифатида қабул қилинган.

“Ер юзи” Ер ҳақидаги афсона ва уйдирмалардан холи бўлган, аниқ илмий асос, билим ва фактларга таяниб ёзилган. Унинг илмий-амалий жиҳатдан ўта мукаммал эканлиги ўз вактида ва ундан кейин, ҳатто коммунистик мустабидлик йилларида ҳам Мунаввар қорининг номи кўрсатилмай илмий кишилар томонидан тан олинган. “Умуман “Ер юзи” октябрь (1917) тўнтаришигача



Мунаввар ?ори Абдурашидхоновнинг “Ер юзи”

дарслиги фото нусхаси

янги усул мактаб дарсликлари ичида энг мукаммалидир”⁸⁸, – деб ёзади О.Мўминов. “Ер юзи”нинг нафақат жадид мактабларида, балки ўша пайтда ўзича илғор саналиб, аслида мусулмонларни руслаштириш максадида Туркистон генерал-губернаторлиги томонидан ташкил этилган рус-тузем мактабларида ҳам ўқитилганлиги унинг киммати юқори бўлганлигини исботлаб турибди. Бу дарслик Ўзбекистон мактабларида 1928 йилгача ўқитилганлиги ҳақида маълумотлар мавжуд⁸⁹. Бу эса, уни кўп марта қайта-қайта нашр этилган ҳамда ўта кимматли ва тарихий аҳамиятга молик дарсликлардан бири бўлган, деган фикримизни яна бир бор исботлайди.

“Ер юзи” 88 дарс, яъни мавзудан иборат. Биринчи мавзуу она сайёрамиз Ер ҳамда география ўқимоқликнинг миллат маънавияти, маданиятини юксалтиришдаги ўрнига бағишиланган. Мунаввар кори география илмини ўқиган миллат дунёнинг маданий миллатлари сафидан ўрин олишини алоҳида таъкидлайди⁹⁰.

Иккинчи мавзуу “Ернинг суврат ва ҳаракати” деб номланган. Бунда Ернинг шакли, ҳаракатига доир билимлар оддий мисоллар ёрдамида берилган. Масалан, унда Ернинг “суврати” (шакли) ҳақида: “Ер тарвуз ёки апельсинга ўхшаш юмалоқдир. Ер ҳеч нарсанинг устида турмас, балки Аллоҳи таъолийнинг кудрати илиа отигилган тўп замбаракиға ўхшаш ҳаво орасида (муаллак) юруб туродур”,⁹¹ – деб ёзилган. Географ олим бу билан ўзининг “Адид ус-соний”да келтирилган Ер ҳақидаги фикрларини янада мукаммлаштиради. Яъни, бунда Ернинг коинотда ўз орбитаси бўйлаб Күёш атрофида айланиб юришини болаларга жуда осон ва эсда коларли усулда тушунтиради.

Дарсликда Ер шарининг ҳаракатларига алоҳида тўхталиб, шундай дейилади: “Ернинг икки хил ҳаракати вор: бири – юмаланиш (ўз ўки атрофида – Б.Э.), иккинчиси – айланиш (Күёш атрофида – Б.Э.). Юмаланғонда... бу ҳаракатни ҳар бир 24 соатда бир маротаба тамом қилур. Бундан бир кеча-кундуз (сутка) ҳосил бўлур... Айлонғонда эса, Күёшнинг атрофида айланур. Бу ҳаракатни 365 кун ва олти соатда тамом қилур. Бундан йил ҳосил бўлур”.⁹²

⁸⁸ Мўминов О. Табиий география таълими методикаси. – Т.: Ўқитувчи, 1976, 14-бет.

⁸⁹ Қаранг: Шу китобнинг ўзи ва ўша бости.

⁹⁰ Абдурашидхонов М. Танланган асарлар. – Т.: Маънавият, 2003, 97-бет.

⁹¹ Ўша асар, 97-бет.

⁹² Ўша асар, 97-98-бетлар.

“Асбоб ва атрофларнинг исмлари” деб номланган учинчи мавзуда география дарсларида фойдаланиладиган ўқув қуроллари ва дунёнинг томонлари ҳакида баён этилган. Унда глобус, харита, яримшарлар харитаси, атласлар ҳамда уфқнинг асосий тўрт томони: Шимол, Шарқ, Жануб ва Farb тушунчалари ҳақидаги билимлар ўз ифодасини топган.

Мунаввар қори ушбу мавзуда атлас ҳакида: “*Бир неча хариталарни йиғуб дафтар қилингон бўлса атлас дейилур*”⁹³, – дейди. Атласнинг ушбу қиска ва содда таърифи бугунги кунда ҳам мазмунан ва моҳиятан асло ўзгаргани йўқ.

Мавзуда уфқнинг тўртта асосий томонидан ташқари яна тўртта оралиқ томонларини ҳам кўрсатиб, таърифлаб ўтган. Уфқ томонлари ҳакида гап кетар экан, у шундай ёзади: “Ернинг кун ботғанға ўхшаб кўринғон тарафини Farb, кун чикқанға ўхшаб кўринғон тарафини Шарқ дейилур. Farb ила Шимол орасини Farбишимолий, Farb ила Жануб орасини Farби – Жанубий, Шарқ ила Шимол орасини Шарқи-шимолий, Шарқ ила Жануб орасини Шарқи-жанубий дейилур”⁹⁴.

Шарқ ҳалқлари учун қадимда уфқнинг асосий томони Күёшнинг чиқиши ва ботиши тарафи ҳисобланган. Бу эса, Шарқдаги илмий географик таълимотлар асосан Күёшнинг чиқиши ва ботишига асосланишидан далолат беради. Шунинг учун ҳам, Мунавварқори мўлжал (йўналиш)ни аниқлашда Шарқ ва Farбни асос қилиб олган. Бироқ, бугунги кундаги география фани уфқ томонларини аниқлашда Шимол ва Жанубга таянмоқда. Аммо ҳар иккала асосда, яъни биринчиси Күёшнинг чиқиши ва ботиши ҳамда иккинчиси, Шимолий ва Жанубий қутбларга таянишда ҳам ҳақиқат бор. Чунки Күёшнинг чиқиши ва ботиши ҳамда Шимол ва Жануб ўзининг катта илмий-амалий аҳамиятига эга.

Дарслернинг навбатдаги тўртинчи ва бешинчи мавзулари “Ер юзи” ва “Сувлар”га бағишлиган. Уларда Ер юзининг тузилиши, яъни қуруқлик ва сувликка тааллукли фактик маълумотлар келтирилган. У “Ер юзининг тўртдан бир бўлаги қуруғлиқ ва уч бўлаги сув ила қопланмишдур” деб, бугунги кун ҳолатига жуда яқин маълумот беради. Аммо қитъаларга тааллукли маълумоти бироз бошқачароқ. Яъни “Куруғлиқ беш парчаға бўлинур: Оврўпо, Осиё,

⁹³ Ўша асар, 98-бет.

⁹⁴ Ўша асар, ўша бет.

Африқо, Амриқо, Австралиё. Буларнинг ҳар бирини китъа дейилур”,⁹⁵ – деб ёзади. Бироқ бугунги кун табиий географик районлаштиришда қитъалар олтита деб қабул қилинган. Юқоридаги китъалардан бошқа яна Антарктида китъаси ҳам мавжуд.

Мунаввар қори ушбу мавзуни ёритишда қуруқликларни инсон яшаш-яшамаслигига, давлат ва жамият шаклланганлигига эътибор берган бўлиши керак. Зоро, Антарктида материги XIX асрнинг 20-йилларида сайёҳ олимлар Ф.Беллинсгаузен ва М.Лазеревлар томонидан қашф этилишига қарамай, унга етарли эътибор берилмаган. Антарктидада кенг кўламдаги мукаммал тадқиқотлар 1957–1959 йилларда Халқаро геофизик дастурнинг жорий килиниши билан бошланди. Масаланинг яна бир томони шундаки, у пайтда араб, турк, форсий адабиётларда Антарктидага оид билим ва маълумотлар ҳали етарли даражада шаклланиб улгурмаган эди. Шу боисдан бўлса керакки, Мунаввар қори дарсликни яратиш вақтида Антарктида китъасига доир билимларга эга бўлмаган. Шунинг учун ҳам, Антарктида китъаси дарсликка киритилмаган.

Ушбу мавзуда қуруқлик ва сувликнинг қисмлари бўлган: орол, ярим орол, бурун, денгиз, кўл, дарё, бўғиз, кўлтиклар ҳақида ҳам кенг ва батафсил билимлар тизими акс этган. Шунингдек, дарсликда қуруқликдаги рельеф шакллари (тоғ, тепалиқ, вулкан ҳосил қилган шакллар, қир, дара, соҳил)га доир ҳамда ер юзасининг тузилиши, кўриниши (яйлов, чўл)га оид фикрлар ҳам баён этилган.

Умуман, дарсликнинг мазкур бешинчи мавзусигача бўлган қисмини шартли равишда биринчи қисм деб олса ҳам бўлади. Сабаби, уларда умумий ва бошлангич географик билимлар тизими акс этган. Дарсликнинг иккинчи қисми эса, қитъалар ва мамлакатшунослик географиясини ўз ичига олади. Бунда ҳар бир қитъа ва давлатларларга алоҳида тўхталиб ўтилган. Ҳар бир қитъа ва давлатларнинг табиий, ижтимоий географияси ҳақидаги билимлар ўрин олган.

Олтинчи мавзудан бошланган дарсликнинг иккинчи қисми 83 мавзуни ўз ичига олган. “Оврўпо” мавзусида қитъанинг умумий географиясига оид билимлар жой олган бўлиб, унда қитъанинг географик ўрни, кенглиги, иқлими, рельефи, ўсимлик ва ҳайвонот олами ҳамда аҳолиси, давлатлари, ижтимоий соҳалари ёритилган. Бу ўринда жумладан, шундай сўзлар битилган: “Оврўпо қитъаси

⁹⁵ Ўша асар, 99-бет.

бошқа қитъаларнинг кичиги бўлса ҳам, ўзининг ободлилиги ва халқининг маориф, ҳунар, саноат, тижорат, зироат ва сиёсатдағи тараққийсиға қараганда, энг биринчи (си) ва ҳокими (лидери)дир...

Ер юзидағи энг зўр ҳукуматлар, мадраса ва дорилфунулар, фабрик ва завудлар, темир йўл ва паражўдлар, шаҳар ва мамлакатлар жумласи (хаммаси) бу қитъададур”⁹⁶.

Ушбу мавзуда, бундан ташқари, қитъанинг табиий ресурслари (олтин, кумуш, темир, кўмир ва дарёлар)га ҳам алоҳида эътибор берилган.

Мунаввар қори Европа аҳолиси ҳақида гапирав экан, “...тўрт юз милёнга яқин аҳолиси бордур. Аҳолисининг барчаси оқ жинсдан (европоид) бўлиб, 25 милёнчаси мусулмон, колғонлари христиан ва бир юзи яхудийдур”⁹⁷ – деб ёзади. Бу ерда қитъага доир комплекс географик ёндашув ўз ифодасини топган.

Еттинчи “Русия императўрлиги” мавзусида Мунаввар қорининг кўрсатишича, “Русия мамлакати ерининг кенглиғи жиҳатидан Ер юзидағи мамлакатларнинг (Англатардан сўнгра) энг улуғидир”⁹⁸.

Кейинги саккизинчи мавзу Россиянинг денгизи, кўрфази, кўл ва дарёлари ҳақида бўлиб, унда бу давлат атрофидаги ҳавзалар ҳам ажойиб тарзда баён этилган.

Тўққизинчи мавзу еттинчи ва саккизинчи мавзуларнинг мантиқий давоми бўлиб, унда Россия империясининг маъмурӣ тузилиши ва бошқарув шакли ҳамда йирик, машҳур шаҳарлари тавсифи ўрин олган. Дарсликда Россия империясининг бошқарув шаклига оид шундай сўзлар битилган: “Мамлакат низомларини (қонун ва қоидаларини – Б.Э.) қарамак (тартибга солиш, ишлаб чиқиш – Б.Э.) учун Государственный дума (Мажлиси мабъусон) ва Государственный совет (Мажлиси аъён) исмли маҳкамама (орган)-лари вор. Бунга қараганда идораси машрута (парламентар)дур”⁹⁹. Шунингдек, мазкур мавзуда Россиянинг давлат тили, дини, миллий таркиби, пойтахти, машҳур шаҳарлари ҳамда атрофидаги денгизларда жойлашган ороллари ҳам эътибордан четда қолмаган.

⁹⁶ Ўша асар, 100-бет.

⁹⁷ Ўша асар, ўша бет.

⁹⁸ Ўша асар, ўша бет.

⁹⁹ Ўша асар, 101-бет.

Россия давлатига учта мавзуу ажратылган. Бунинг сабаби оддий. Яни, ўша пайтда Туркестон Россия томонидан босиб олинган. Шу боис бўлса керакки, Мунаввар қори Россияни чуқурроқ ўрганишнинг илмий – амалий аҳамияти катта эканлигини яхши билган. Қолаверса, рус ерларини ўрганиш ҳам давр, ҳам тақдир такозоси эди.

Ўнинчи мавзуу “Финланда” (Финляндия) бўлиб, унга ҳам комплекс географик ёндашув бўлган. Бунинг сабаби маълум, албатта. Чунки бу пайтда Финляндия Россиянинг автоном худуди бўлган. Шу сабабли, Мунаввар қори Абдурашидхонов бу давлатга ўз дўстлари Абдусамиғкори Ҳидоятов ва Ҳаким Саримсоқовлар билан бирга 1911 йилда бориб, унинг идора (бошқарув) усулини ўрганиб, тегишли хулосалар билан келган. Мунаввар қори ўз дарслигида Европа қитъасидаги 25 та давлат ҳакида жуда қизикарли, илмий – амалий географик маълумотлар келтиради. Бу маълумотлардан XIX аср охири - XX аср бошларидағи Европанинг геосиёсий манзарасини билиб олиш мумкин. Жумладан, муаллиф Буюк Британия ҳакида “Шимолий Оврўпадағи ҳукуматларнинг тўртинчиси Англатара (Буюк Британия) кироллигидур. Бу мамлакат Баҳри мухити атласда (Атлантика океани ҳавzasидаги – Б.Э.) Британиё, Ирландиё ва Шотландиё каби бир неча ата (орол)лардан иборатдур. Англатара ҳукумати мамлакатининг кенглиги (кўплаб мустамлака ерларининг мавжудлиги – Б.Э.) ва аҳолисининг кўплиги уруш ва суро порохўдларининг кўплиги илиа дунёнинг энг улуғ ва зўр ҳукуматидур. Беш қитъанинг ҳар бирида мустамлакаси вор...”¹⁰⁰. – деб, ўша даврнинг энг курдатли давлати ҳакида анча мукаммал маълумотлар келтиради.

Дарсликнинг ўттиз биринчи мавзуси “Осиё қитъаси”га бағишланган. Бунда ҳам худди юкоридагидек қитъанинг географик ўрни, майдони, иклими, рельефи каби билимлар ўрин олган. Кейинги ўттиз иккинчи мавзуда мазкур қитъанинг машҳур денгизлари, кўрфаз ва бўғизлари ёритилган бўлиб, унда Осиё қитъасини ўраб турувчи денгизлардан ташқари ички Каспий ва Орол денгизлари ҳам қайд килинган.

Осиё қитъасига бағишлиланган ўттиз учинчи мавзуда қитъанинг табиий шароити, қишлоқ хўжалиги, ороллари ҳакида ҳам тўхталиб

¹⁰⁰ Ўша асар, 103-бет.

ўтилган. Ниҳоясида эса китъага хос ҳайвонот оламининг тавсифи келтирилган.

Ўттиз тўртингчи мавзу “Осиёнинг саканаси” деб номланган. Бунда қитъанинг сакана(аҳоли)си кенг ва батафсил ёритилган. Мавзу матнида китъа аҳолисига доир шундай ёзувлар бор: “Осиёнинг бутун аҳолиси 900 милёнга яқиндур... Дин юзасидан буларнинг 180 милёнчаси мусулмон, бир ози христиан ва яхудий, қолғонларининг жумласи маъжусий ва мушриклардир”¹⁰¹.

Ўттиз бешинчи мавзудан бошланиб китъа мамлакатлари тавсифи берилган. Бу мамлакатлар ичida мустакил ва мустамлакалари ҳам алоҳида-алоҳида баён килинган.

Дарсликнинг ўттиз саккизинчи мавзуси “Туркистон” (Ўрта Осиё) ҳақида. Туркистон ўлкасига яна учта мавзу ажратилган бўлиб, “Туркистон идораси”, “Бухоро ва Хева ҳонликлари” ва “Туркистонда темир йўллар” деб номланган. Буларда Туркистон ўлкасининг барча географик жабҳалари аниқ ёритилади. Масалан, “Туркистонда темир йўллар” деган мавзуда шундай жумлалар бор: “Туркистонда темир йўлларнинг биринчиси Ўрта Осиё темир йўлидур. Бу йўл... узунлиғи 1748 чақиримдур. Бу йўлнинг икки бутоғи (тармоғи) вордур. Кушка (Туркманистон) бутоғи ва Андижон бутоғи.. Иккинчиси Тошканд – Ўренбурғ темир йўлидур... Бунинг узунлиғи... 1736 чақиримдур”.

Бу фикрлар орқали Мунаввар кори транспорт географиясига ҳам маълум маънода катта эътибор берганлигини кўриш мумкин. У “Туркистон идораси” ҳақида тўхталар экан, Туркистонни “идора жиҳатидан беш областга бўлинадур” дейди-да, “Бу областларнинг жумласи бир генерал-губернатор ва ҳар бири бирор военний губернатор тарафидин идора қилинур”¹⁰², – деб ёзади.

Бу ўринда буюк миллат ва Ватан фидойиси бўлган Мунаввар кори Абдурашидхонов Россиянинг мустамлакачилик ва ҳарбий диктаторлик, бошқарув тизимини болаларга аниқ ва равшан қилиб кўрсатмоқда. Бунда ўзликни англашга даъват этувчи сиёсий мақсад яширин баён этилганлигини англаш қийин эмас, албаттга.

Ўша пайтда ярим мустамлака ҳисобланган Бухоро ва Хива ҳонликлари алоҳида бир мавзуда кўрсатилиб, уларнинг асосан ижтимоий-сиёсий аҳволи, аҳолиси ва миллий, диний таркибла-

¹⁰¹ Ўша асар, 112-бет.

¹⁰² Ўша асар, 114-бет.

ригина ёритилади. Мана шу тариқа кейинги мавзуларда Афғонистон, Эрон, Покистон, Ҳиндистон, Туркия, Хитой, Япония ҳамда Ҳиндихитой ярим оролидаги давлатлар тұғрисидаги билим ва маълумотлар келтирилган.

Осиё қитъасига бағищланган мавзуларда қитъага тегишли машхур ороллар, тоғлар, күллар ва дарёлар акс этган. Бу мавзуларда жами бўлиб 60 дан ортиқ орол, тоғ, кўл ва дарё номлари келтирилган.

Шу тариқа Африка, Америка, Австралия қитъалари ҳам биринкетин, алоҳида-алоҳида мавзуларда берилган. Ҳар бир қитъа ва давлатларга катта эътибор берилиб, уларнинг сиёсий, ижтимоий, маданий, миллий ҳамда табиий хусусияти ва жиҳатлари кенг баён этилган.

Умуман олганда, ушбу дарсликда 720 га яқин жой (географик) номлари эътироф этилган. Шулардан 360 таси машхур шаҳарларга, 100 дан ортиғи давлатларга, яна 100 дан ортиғи оролларга, 26 таси тоғларга, 56 таси денгизларга (кўлтиқ ва бўғизларни кўшганда), 38 таси дарёларга, 15 таси кўлларга тўғри келади. Макротононимлар ҳам 20 тадан ошади.

Дарсликда жуда кўплаб географик ном ва атамалар ҳам мавжудки, уларни ўрганиш, таҳлил килиш бугунги кунда долзарб муаммо бўлиб турган топоним ва атамаларнинг ўзбекча муқобилини топишга ёрдам беради, деган умиддамиз.

Хуллас, “Ер юзи” дарслиги география фани ва таълимидаги ўта қимматли ва илмий меросимизнинг бир нодир намунасиdir. У Туркистанда бундан роппа-роса бир аср олдин жадидчилик ҳаракати – Миллий уйғониш деб аталувчи ижтимоий ҳодиса юз берган бир пайтда география фани ва таълимига асос солинганлигини исботловчи ўзига хос илмий-маданий ва маърифий мерос бўлиб ҳисобланади. Чунки, тарихан миллат ва ижтимоий ҳаёт уйғонишида география илми ва таълимига ҳам эҳтиёж тугилиши табиий бир ҳолдир. Демак, “Ер юзи” дарслиги ҳозирда миллий уйғониш жараёни кучайган, ўзликни англаш, миллий гоя ва мафкура шакланаётган Истиқлол даврида биз учун жуда фойдали манба. Ундан ҳозирда энг долзарб масала бўлиб турган “Ватан географияси”ни яратишда андоза олиш мумкин.

Шуни дадил айтиш мумкинки, Мунаввар қоридан қолган ўта мўътабар ва қимматли “Адиб ус-соний” ва “Ер юзи” дарслклари

география фани ва таълими ўқитилишининг бошланишига манбавий асос бўлган, улар бу соҳанинг хозирги ривожланишига ҳам дастлабки туртки бўлиши мумкин.

*Дилноза ЖАМОЛОВА
ЎзР ФА Тарих институти таянч докторанти*

МУНАВВАР ҚОРИ АБДУРАШИДХОНОВ: ВАҚФ МУЛКЛАРИ ҲАҚИДА

Туркистон минтақасида XX асрнинг дастлабки чорагида рўй берган мураккаб сиёсий жараёнлар, ҳарбий ҳаракатлар ва тарихий воқеалар силсиласида миллат озодлиги учун курашган юз минглаб фарзандлари бор. Ватан озодлиги ва тараққийси учун курашган ана шундай юрт фидойилари ўргасида Туркистон жадидчилик ҳаракатининг таникли намоёндаси, миллий озодлик ҳаракатининг ғоявий раҳнамоларидан бири Мунаввар қори Абдурашидхонов (1878-1931) мухим ўрин эгаллайди.

Мунаввар қорининг ҳалқпарвар фаолияти ҳакида унинг янги мактабида таҳсил олиб, хорижда олий таълим олиш учун кетган шогирдлари Абдуваҳоб Исҳоқ (1904-1968) ва Тоҳир Чифатой (1902-1987)ларнинг “Ёш Туркистон” журналида устозларига берган таърифларини ўқишнинг ўзи кифоя қиласди. Абдуваҳоб Исҳоқ “Ёш Туркистон” журналининг (1934) 50-сонида зълон килган “Устозимиз Мунаввар” мақолосида: “Мунаввар қори бизнинг Туркистонда миллий маориф, миллий нашиёт ва миллий мафкурачиликнинг соглом тухумларини сочган ва минг турлик оғирлик ва тўсқинликларга қарамасдан, буларни кўкартиришига муваффақ бўлган бир зотдир. Унинг очган миллий мактаблари Туркистоннинг мингларча болаларига миллий руҳ берган ва уларни юрт ҳам миллат севгисида қуроллантирган.

Мунаввар қори “жадидчилик даври” деб аталган уйгониши давримизнинг энг буюк сиймоси ва бизнинг Туркистонда миллий маориф, миллий нашиётимизнинг боисидир. У Туркистоннинг тараққийпарвар, миллатпарвар наслининг ишк устози, илк моҳир газетачиси, илк мутафаккиридир. Мунаввар қори бизнинг Туркистоннинг энг ишлашиб бир жамоат ҳодимидир.

Унинг фикрий зakovatligidan сочилган нурлар Туркистоннинг қора муҳитини кўпдан ёргулатиб, халқимизнинг уюшиқ кўзларини кўпдан очмишадир. Ўйгониқ халқимиз ўз йўлини ортиқ аниқ белгилаб, ўз миллий аъмоли орқасидан югурмоқдадир”¹⁰³, - деб ёзган.

Тохир Чигатой эса “Устозимиз Мунаввар қори” ва “Йўлбошлимиз Мунаввар қори” мақолаларида ушбу шахснинг Туркистондаги маърифатчилик ва миллий истиқлолчилик харакати тарихидаги улкан ролини алоҳида қайд этган ҳамда: “1917 йил инқиlobи билан ташкил топган “Шўрои исломия” ташкилотининг асосчиси Мунаввар қоридир. Большевик инқиlobидан сўнг Туркистон миллий бойлигини танитиши, ташвиқ қилиши йўлида босилган дастлабки қадамлар ва бажарилган бутун ишлар бошида Мунаввар қори турганинги кўрамиз. У бошлаган ишларини умрининг охиригача мудаффакият билан давом эттириди. Биз Мунаввар қорини сўнгги ўттиз йиллик миллий ҳаракатимизнинг жонли ҳайкали, деб қадрламоқдамиз”¹⁰⁴, – деб ёзган.

Ушбу мақолада жамиятнинг барча соҳаларини ислоҳ қилиш, ривожлантиришни ўз олдига буюк мақсад килиб кўйган Мунаввар қорининг вақф мулкларини қўллаб-қувватлаши ва улар билан боғлиқ масалалар юзасидан даврий матбуотда эълон қилинган мақолалари ва хабарномалари таҳлил қилинади.

Вакф¹⁰⁵ мулклари ўрта асрлардан бошлаб Шарқ мамлакатларининг аграр, иқтисодий, илмий-маданий, диний-маърифий ривожида муҳим ўрин эгаллаб келган. Туркистонда вакфлар 2 хил бўлиб, биринчиси диний вакфлар, иккинчиси маданий ва маърифий ишларга белгиланган вақфлар ҳисобланган¹⁰⁶. Маориф ва маданиятнинг моддий таянчи бўлган вақфлар ватанпарвар ва маърифатпарвар бойлар инъоми ҳисобидан ошиб борган. Мунаввар қори вакфларни: “Туркистон илгари ўз замонасига кўра маданиятга эга эди. Ўша даврда Туркистон ҳукмдорлари, уламолар ва зиёллар маданий-маърифий ишга жиiddий аҳамият берар эдилар, ҳар бир

¹⁰³ Бу ҳақда қаранг: Баҳодир Карим. Абдуваҳоб Ўқтойнинг “Устозим Мунаввар” мақоласи // “Гулистон”, № 1, 2001. – Б. 55.

¹⁰⁴ Тохир Чигатой. Устозимиз Мунаввар қори. // “Ёши Туркистон”, 1934, № 1. – Б. 17-18, 21.

¹⁰⁵ Вакф – арабча сўз бўлиб, “турмоқ”, “кўзгалмас”, деган маъноларни англатади. Вакф қилинган мулк доимий бўлиб, уни сотиш, сотиг олиш, совға қилиш ёки бирор йўл билан эгалик қилиш таъкидланган.

¹⁰⁶ Хидир Алиев. Вакфлар тўғрисида // “Туркистон”, 1923 йил 1 февраль, № 53.

киши халқ маориф ишига бор нарсаси билан ёрдам беришни савоб деб биларди. Ана шунинг учун Туркистонда улкан мадрасалар, мактаблар, кутубхоналар ва корхоналар тогдек қад ростлаган эди. Ҳар бир киши ўқитувчи ва ўқувчиларни моддий таъминлаш учун вақф таъсис этар, бунинг учун ўз ерлари, саройлари, дўконлари ва умуман берииши мумкин бўлган барча нарсаларини ўқув юртларининг тўлиқ мулки қилиб берарди. Шу боис мударрис ва талабалар вақф томонидан таъминланганилиги сабабли ўша даврда ҳеч нарсага муҳтожслик сезишмаган... Ўша пайтдаги тараққиётга вақфлар сабаб бўлган”,¹⁰⁷ – деб таърифлайди.

1920 йил 2 сентябрда Бухорода амирлик тузуми ағдарилиб, БХСР (Бухоро Халқ Совет Республикаси) ҳукумати ўрнатилгандан сўнг А.Фитрат ва Ф.Хўжаев Бухоро ҳукумати фаолиятини яхшилаш мақсадида Мунаввар қори¹⁰⁸, Саид Ахорий, Чўлпон, Маннон Уйғур, Абдураҳмон Исмоилзода ва Гулом Зафарий каби зиёлиларни Бухорога чақириб олади. Улар зиммасига вақф ва миллий маданиятни тиклаш иши юкландади.

Амир Олимхон билан Бухорони тарқ этишга мажбур бўлган кўплаб диндорлар ҳамда амалдорларга тегишли бўлган ер-мулк, мачит ва мадрасалар дастлабки кунларданоқ қаровсиз қолган эди. Мачит ва мадрасаларнинг кўпчилигига қизил армия аскарлари жойлашиб олиб, баъзилари отхоналарга айлантирилган эди.

Мунаввар қори ва Саид Ахорий маслаҳати ҳамда тавсияси асосида тайёрланган, Бухоро Марказий Инқиlobий Кўмитасининг раиси Абдуқодир Мухиддинов ва котиб Собир Юсупов имзоси билан 1920 йил 29 сентябрда эълон қилинган 13-рақамли буйруқда: “Бухоро жумхуриятигининг ичидаги ҳамма ҳукумат маҳкамалари ва бошлиқлари эски идоралар ва ҳарбий дасталарга амр қилинадурки, мамлакат ичинда бўлган мачитларнинг ҳеч бирини ўзларининг ишлари ва кишилари билан ишгол қилимасинлар. Кимки шу буйруқнинг хилофинда мачитларни ишгол қиласа, қаттиқ жазо кўрадир”,¹⁰⁹ – қайд қилинган. Буйруқда диний муассасаларни ноқонуний эгаллаб олганларга, 48 соат муҳлат кўйилиб, агар кимки

¹⁰⁷ Мунаввар қори. Туркистон вақфлари ҳақида. Танланган асарлар. Тошкент: Маънавият, 2003. – Б. 161-162.

¹⁰⁸ Мунаввар қори Бухорога келгунга кадар Тошкентнинг Эски Шаҳар маориф бўлимида инспектор, кейинроқ Маориф халқ комиссарлиги қошидаги Вақф ишлари бўлими мудири вазиғасида ишлаган.

¹⁰⁹ Буйруқ // “Бухоро ахбори”, № 3, 1920 йил 29 сентябрь.

унга риоя қилмаса, ҳукумат унга қарши қатъий чора кўриши таъкидланган.

Вақф ер мулкларини азалдан ишлаб турган дехқонлар қўлида қолдириш, уларни “хирож”, “амлок” солиқларидан халос этиш баробарида ижарачиларга ижара ҳақини тўлашдан ҳам озод этишга фармон берилган¹¹⁰. Зироат нозири зиммасига мавжуд ер фондларини ҳисобга олиш, вақф ерларини сотиш, совға килиш, гаровга кўйишга йўл қўймаслик маъсулияти юклатилган. Махсус “Вақф шўроси” ташкилотини тузиш билан боғлиқ қонун қабул қилинган¹¹¹.

Мадрасалар илм даргоҳлари сифатида ҳукумат томонидан Маориф нозирлиги ихтиёрига берилган. Болаларни янги тартибда ўқитиш учун мадраса муаллимларига олти ойлик “Дорилтадрис” курси очилган. 40 кишилик бўлган бу курсда бирин-кетин барча эски мадрасаларда дарс берган мударрислар қайта тайёрловдан ўтган. Вилоят ва маҳаллаларда вакф идоралари ташкил этилган. “Мадрасаи тарбия”да вакф идораси томонидан курслар: кўзи ожизлар учун 45 кишилик корихона очилиб, ҳар 15 кишига 1 муаллим белгиланган.

Бухоро ҳукуматида иш бошлаган Мунаввар қори “Миллий иттиҳод”¹¹² ташкилотининг марказини ҳам Бухорога кўчирган эди¹¹³. Бухорода йигилган маҳаллий зиёлилар ҳамда Фитрат ва Ф. Хўжаев гурухи фаолияти тинимсиз кузатув остида эди. Айрим кишилар ўлим билан кўркитилиб, ГПУнинг “кулоғи”га айлантирилган эди. Ҳар бир аниқланган ва аниқланмаган хабар Москва ГПУ (Шўронинг темир панжараси)сининг Шарқ бўлимига ва Тошкент ГПУсига етказиб турилар эди. Шу аснода “Миллий иттиҳод”нинг Бухоро бўлимидан Тошкентта юборилган Ориф Каримий Юсуфбек Курбонов ва Ниёзбеков Рустамлар билан хорижий

¹¹⁰ Мухиддинов Абдуходир. Фуқаро ҳукумати // “Бухоро ахбори”, № 8, 1920 йил 21 ноябрь.

¹¹¹ “Вақф шўроси”ни тузиш тўғрисинда қонун // “Бухоро ахбори”, № 12, 1920 йил 3 декабрь.

¹¹² Миллий Иттиҳод (Иттиҳоди тараққий) – Туркистон жадидлари томонидан ташкил этилган яширин ташкилот бўлиб, Мунаввар қори ва Садриддин Шарифхўжаев ташаббуси билан 1920 йилда Тошкентда тузилган. Бу ташкилот большевиклар режимига қарши курашида совет муассасаларида хизмат қилаётган миллий раҳбар ходимларга таянган ва ўз олдига Туркистонда миллий мустақил давлатни барпо этишини бош мақсад қилиб кўйган. “Миллий иттиҳод” 1925 йилнинг бошларида ўзини тарқатилган, деб эълон қилган.

¹¹³ Мунаввар қори Абдурашидхонов. Танланган асарлар. – Б. 51-52.

давлатлар билан алоқа ўрнатиши мақсадида ёзилган махфий хатни олиб, Қашқарга жўнайдилар. У ерда Англия ва Япония вакилларига Бухоро, Хоразм ва Туркистон ҳукуматлари номидан ёзилган хатни топшириши тайинланган эди. Аммо Алматага яқин жойда улар қўлга олинади ва Ориф Каримий махфий хатни ГПУчиларга бериб, “Миллий иттиҳод” ташкилотининг хорижий давлатлар билан алоқа ўрнатмоқчи эканлигини фош қиласди. Тошкентда ўтказилган судда Ориф Каримий отувга, Юсуфбек Курбонов ва Ниёзбеков Рустам турли муддат билан қамоқ жазосига ҳукм этилади. Бу жараёнга алоқадорликда гумон қилинган, 1921 йил февралида Бухородан Тошкентта қайтган Мунаввар қори ҳам 30 мартадан 1 декабргача ҳибса сакланади¹¹⁴. Мунаввар қори бу муддатда кўпгина миллий, ижтимоий, сиёсий масалаларни мулоҳаза қиласди. Даълатни бошқариш учун миллий кадрларни тайёрламасдан туриб, истиқлолга эришиб бўлмаслигини англаб етади.

1923-1925 йилларда Навоий номидаги мактаб, Наримонов номидаги педагогика техникуми, аёллар педагогика институтида муаллимлик, 1927-1928 йилларда Самарқанд шаҳар музейида иммий ходим, Ўзбекистон осори-атиқаларини саклаш қўмитасининг Тошкент-Фарғона бўлимида масъул котиб бўлиб ишлаб юрган вактида даврий нашрларда “Вақф масаласи”га бағишлиланган мақолалар ва хабарларни эълон қилиб турган.

“Ҳақиқат” журналининг (1922) 2-сонида Мунаввар қорининг “Туркистонда вақф ишлари” мақоласи чоп этилган бўлиб, унда Туркистондаги вақф ишлари билан боғлиқ муаммолар таҳдил килинади¹¹⁵. Муаллиф Туркистон ҳукумати олдида турган мухим вазифалардан бири вақф ишлари бўлиб, 1917 йилдан бери юзларча комиссия тузилиб, турли лойиҳалар амалга оширилган бўлса-да, кутилган натижага эришилмаганлигини таъкидлайди.

Унинг ёзишишича, ТуркЦИК ташаббуси билан Самарқанд, Фарғона, Сирдарё вилояти ва Тошкент шаҳрида вақф шўролари тузилган. Аммо вақфларни сарф килиш ва бошқариш тўғрисидаги фикрлар турлича экан, вақф шўролари кутилган натижага эришмаслиги, бешқа тараккӣ этган ислом мамлакатлари бу масалада бир фикрга келганилигини айтиб: “Вақф ишларини маълум бир йўлга қўйиб, маориф бюджетининг буюк бир қисмини вақфдан

¹¹⁴ Мунаввар қори Абдурашидхонов. Таъланган асарлар. – Б. 53.

¹¹⁵ Бу ҳақда қаранг: Мунаввар қори Абдурашидхонов. Таъланган асарлар. – Б. 169-172.

керагича истифода қылмоқ, вақфларнинг руҳларини шодлантирмоқ бўлсак, аввало бу тўгеридаги ихтилофларни бир ёзиқ қилиб, фикрларни бирлаштиришимиз керак”¹¹⁶, - деб уктиради.

Вақфнинг асл моҳиятини бузиб кўрсатувчиларни тўртга бўлиб, уларни: ҳасадчилар; тафритчилар; ифротчилар ва мўътадиллар деб атайди. Ҳасадчиларни “мусулмонлар тарафидан дин, маориф ва маданиятни ривожлантириши учун таъсис этилган хос ва холис миллий сармоя”ни бутунлай давлат хазинасига ўtkазиш тарафдорлари бўлиб, улар маҳаллий ҳалқнинг доимо жаҳолатда қолиб, қул бўлиб туришини истаган мустамлакачилардир”¹¹⁷, - деб таърифлайди.

Тафритчилар вақфларни илгаригидек ҳар бир мадрасанинг ўзига бериб, у ерда талаба ўқиса-ўқимаса, 2-3 мударрисга вақф хисобидан маош беришни ёқлаб чиққанлар. Мунаввар қори ислоҳотта карши бўлган бу гурӯҳни “замондан ҳабарсиз, ҳалқни қоронеуда қолдирувчилар”¹¹⁸, - деб атайди.

Ифротчилар (узокни кўра олмайдиганлар) вақфларни мадрасалар сарфламасдан, ибтидоий мактабни ривожлантиришга сарфлаш тарафдорлари бўлиб, Мунаввар қори уларни “янги қилиб бераман, деб уддасидан чиқа олмай, ҳалқни эскидан махрум этиб, ялангоч қолдирувчилардир”¹¹⁹, деб ёзади.

Мунаввар қори мўътадиллар гурӯҳи ҳакида журналнинг келгуси сонида маълумот беришини айтиб ўтган, аммо журналнинг бошқа сонлари чикмагани учун ушбу мақоланинг давоми босилмаган.

“Туркистон” газетасининг 345-сонида босилган “Вақф шўъбасининг ишлариндан” номли хабарида Мунаввар қори Тошкент вақф шўъбасининг фаолиятига тўхталиб ўтади. Тошкент муаллимларининг малакасини ошириш учун диний вақф шўъбаси томонидан Кўкалдош мадрасасида 60 кишилик таълим-тарбия курси очилгани ва ушбу шўъба ҳомийлигига таълим-тарбияга оид янги журнал чиқариш режалаштираётгани ҳакида маълумот беради¹²⁰.

Ушбу газетанинг 346-сонида Мунаввар қорининг “Ўрток Жексон билан мусоҳаба” номли мақоласи чоп этилган бўлиб, унда

¹¹⁶ Мунаввар қори Абдурашидхонов. Танланган асарлар. – Б. 170.

¹¹⁷ Мунаввар қори Абдурашидхонов. Танланган асарлар. – Б. 170.

¹¹⁸ Мунаввар қори Абдурашидхонов. Танланган асарлар. – Б. 171.

¹¹⁹ Мунаввар қори Абдурашидхонов. Танланган асарлар. – Б. 172.

¹²⁰ М. Кори. Вақф шўъбасининг ишлариндан // “Туркистон”, 1924 йил 7 сентябрь, № 345.

МОПР¹²¹ (Инкилоб курашчиларга ёрдам халқаро ташкилоти) ташкилотининг вакили ўрток Жексоннинг вакф масаласида Тошкент вақф бўлими ходимлари билан сухбати хакида хабар беради. Маколада ёзилишича, Ўрток Жексоннинг “Вакф нима?” деб берган саволига Тошкент вақф шўйбаси раиси Ҳожи Зуфарий “Вакф – илгари ҳам ҳозирги кунда маданият ва маорифнинг бойлиги”, – деб жавоб беради. Бош вақф идорасининг раиси муовини Алиевдан маориф ишлари бўйича; Зоҳириддин аъламдан Туркистон уламо-руҳонийлари тўғрисида маълумот олгач, “Ислом дунёсини биз Амириқо, Чикаго аҳолилари жуда севамиз, чунки биз мусулмон дунёсидан ҳеч вақт зарар кўрмадик. Мен Амириқо мусулмонлари томонидан сизга салом айтаман, ҳам Туркистон уламоларидан ўз фикрларини ёзib бериб эзилган қардошлар учун инқилобий раҳбар бўлишиларини сўрайман”¹²², - дейди.

“Туркистон” газетасининг 358-сонида Мунаввар корининг “Эски Тошкент вақфи ҳакида” хабарномаси нашр қилинган бўлиб, унда ўзбекларнинг маорифи учун вақф мухим эканлигини таъкидлаб: “Эл учун зарур бўлган мактаб ва интернатларнинг таъминоти ва давоми учун давлат бюджетидан маҳаллий бюджетга ўтгандан кейин даромадидан олинадурган 25 фоизлик ақча етмаслиги аниқ бўлди. Колган харажатлар вақф мулклари ҳисобидан қопланмоқда”¹²³, – деб ёzáди. Тошкент вақф шўйбаси мустақил ташкилот сифатида фалият юритиши, маориф бўлими билан биргаликда бир мақсад йўлида ишлаши кераклигини уткиради.

Мунаввар қори Бош вақф идораси¹²⁴нинг фаолиятига танқидий муносабат билдирган маколалари ҳам газетада чоп қилиб борилган. “Туркистон” газетасининг 366-сонида эълон қилинган “Тошкент вақф шўйбасининг кирим-чиқими” мақоласида Янги Тошкентда вақф мулклари борлиги, аммо ундан Янги Тошкент колхози

¹²¹ МОПР - Международная организация помощи борцам революции.

¹²² М. Кори. Ўрток Жексон билан мусоҳаба // Туркистон, 1924 йил 8 сентябрь, № 346.

¹²³ М. Кори. Эски Тошкент вақфи ҳакида // “Туркистон”, 1924 йил 23 сентябрь, № 358.

¹²⁴ Туркистон шўролар жумхуриятининг Ижроқўми томонидан чикарилган 173-сонли декретга мувофиқ 1923 йил 11 январда Маориф комиссарлигининг бир бўлими сифатида Бош вақф идораси ташкил қилинган.

фойдаланиб келаётгани, шу пайтгача Бош вақф идораси у ерларни инвентарга ўтказмаганлигини айтиб ўтади¹²⁵.

Бунга жавобан Бош вақф идорасининг мудири Охунов Янги Тошкентдаги Хўжа Аҳрор мадрасасига қарашли ерларнинг борлиги, ҳатто унинг вақфномаси Бош вақф идорасида бўлса-да, у ерларни олишда кийинчиликлар юзага келаётганини ёзди¹²⁶.

Мунаввар кори бу жавобга эътиборан ТуркЦИКнинг 1921 йил 28 декабрда қабул қилган 173-сонли қарорининг 3- ва 4-моддалари, Туркистон Бош вақф идорасининг 1923 йил майда қабул қилган декретининг 2- ва 3-моддаларини айнан келтириб, Бош вақф идораси ўз ишига нисбатан сусткашликка йўл кўяётганини таъкидлайди¹²⁷.

“Қизил Ўзбекистон” газетасида (1924) нашр қилинган “Ўзбекистонда вақф” мақоласида Мунаввар кори Бош вақф идорасининг қелгусидаги фаолияти билан боғлик масалалар ҳакида фикр юритади¹²⁸. Миллий жумҳуриятларга бўлиниши муносабати билан Бош вақф идораси олдида мухим ишлар турганини айтиб, идора Ўзбекистон доирасидаги вақф сармояларини хусусий фондда сақлаш харакатида эканлигини таъкидлайди. Бош вақф идорасининг сармояси 700 минг бўлиб, мамлакат мулклари рўйхатга олиниб бўлинса, вақф даромади ўн марта ошиши мумкинлигини айтиб ўтади. Вақф таъминотида Хоразм ва Бухородан ташқари 85 та бошлангич мактаб, 6638 нафар ўқувчи, 2-3 босқич мактаб, 400 нафар ўқувчи, 10 та саводсизлар курси, 6 та таълим-тарбия курси, бундан ташқари клуб, қироатхона, хотин қизлар билим юрти ҳамда 25 нафар стипендия олувчи борлиги ҳакида маълумот берилади. Бош вақфнинг умумий даромадининг 89,5 фоизи илмий ишларга, 11,5 фоизи идора ишчиларига маош қилиб берилаётгани ҳакида маълумот беради¹²⁹.

Бош вақф идораси томонидан қелгусида бутун вақф мулклари инвертарга олинса, ундан келадиган даромадни Бухоро ва Хоразмда таълим-тарбия курслари очиш, янги мактаб бинолари қуриш ва

¹²⁵ М. Кори. Тошкент вақф шўйбасининг кирим-чиқими // “Туркистон”, 1924 йил 7 октябрь, № 366.

¹²⁶ “Туркистон”, 1924 йил 24 октябрь, № 381.

¹²⁷ М. Кори. Янги Тошкентдаги вақфга қарашлиқ мулклар // “Туркистон”, 1924 йил 21 ноябрь, № 402.

¹²⁸ М. Кори. Ўзбекистонда вақф // “Қизил Ўзбекистон”, 1924 йил 11 декабрь.

¹²⁹ М. Кори. Ўзбекистонда вақф // “Қизил Ўзбекистон”, 1924 йил 11 декабрь.

чет элдаги талабаларга кўпроқ ёрдам беришга сарфлаш мумкинлигини айтиб ўтади.

Аммо орадан 4 йил вақт ўтиб, 1928 йил кузида ЎзССР Марказий Ижроия Кўмитаси ва Халқ Комиссарлар Советининг “Вақф мулкларини бекор қилиш” тўғрисидаги қарорнинг чиқарилиши билан Ўзбекистонда вақф мулклари тугатилган¹³⁰ ва Мунаввар кори сингари фидойи инсонларнинг маорифни ривожлантириш борасидаги саъй-харакатларига нуқта қўйилган.

Хулоса қилиб айтганда, Мунаввар кори Абдурашидхонов ўрта асрларда Мовороуннахрда илм-фанинг ривожланишига ва мамлакатнинг тарақкӣ этишига вақфларнинг мавжудлигини сабаб қилиб кўрсатган. Ҳар қандай маданиятли халқнинг ҳукумати вақфларни оқиллик билан бошқариш орқали давлат ҳазинасиغا зарар келтирмай, мадраса ва маориф даражасини кўтариши ҳамда ўкув ишини тўғри йўлга қўйиши мумкин деб ҳисоблаб, даврий нашрлардаги чиқишлари орқали вақф мулкларидан таълим тизимини ривожлантириш учун фойдаланиш заруриятларини асослаб берган. Ҳақиқий миллатниарвар ва фидойи инсон Мунаввар кори Абдурашидхоновнинг бу хизматлари маълум маънода XX аср бошларида Туркистонда таълим соҳасидаги айrim ижобий ўзгаришларда муҳим аҳамият касб этгани шубҳасизdir.

¹³⁰ Алимов И.А. Ўзбекистонда вақф мулкларининг тугатилиши (1917-1929 йиллар). Тошкент: Фан, 2009. – 222 бет.

**НавДПИ “Тарих ўқитиши методикаси”
кафедраси ўқитувчиси И.Кулджонов.
НавДПИ тузилмасидаги Қатагон қурбонлари
хотираси музейи ходими Д.Саибов.**

НУРЛИ ИНСОННИНГ ПОРЛОҚ ХОТИРАСИ МАНГУ ҚАЛБИМИЗДА ЯШАЙДИ.

**Жамият тараққиётининг асоси,
уни мукаррар ҳалокатдан қутқариб
қоладиган ягона куч-маърифатдир.**

Одамзод борки, авлод-аждоди кимлигини, насл-насабини, ўзи туғилиб вояга етган қишлоқ, шаҳар, хулласки, Ватанинг тарихини билишни истайди. Чунки, Мустақилликка эришганимиздан кейин ҳалқимизнинг ўз тарихини билишга, ўзлигини англашга кизиқиши том маънода янада ортиб бормоқда.

Муболағасиз шуни айтиш мумкинки, Ўзбек ҳалқи тарихининг сўнги 130 йилига яқин даври “оқ” ва “қизил” салтанатлар таркибида кечган. Ўзбек диёрининг моддий ва маданий бойликларини талон-тарож этишни ўз олдига мақсад қилиб қўйган чор ва совет давлатлари ҳалқнинг шу даврида яшаган пешқадам вакиллари-уни хур ва озод кўришни истаган, шу йўлда фаолият кўрсатган кишиларни услуксиз равишда маҳв этиб келган. Бундай мудҳиши сиёsat оқибатида авлодлар ўзбек ҳалқи ичидан XX асрда етишиб чикқан буюк сиймоларни узоқ йиллар мобайнида билмай-танимай келдилар.

“XX аср бошидаги маърифатчилик харакатининг намояндалари бойлик учун, шон-шуҳрат учун майдонга чиқишимади. Махмудхўжа Беҳбудий, Мунаввар қори, Фитрат, Таваллоларга мактаб очганлари, ҳалқни ўз ҳақ-хукукларини танишга даъват этганлари учун бирор маош тўлаганми? Бирор уларга ойлик берганми? Албатта, йўқ! Улар ўт билан ўйнашаётганларини, истибоддога қарши курашаётганлари учун аёвсиз жазоланишларини олдиндан яхши билишган. Била туриб, онгли равишда мана шу йўлдан борганлар. Чунки виждонлари, иймонлари шунга даъват этган”¹³¹.

¹³¹ И.Каримов. Унтуилмас сиймолар. “Жадидчилик харакатининг намояндалари”. Т. “Академия” 1999. 2-бет

Мунаввар қори Абдурашидхонов ўзбек халқининг машаққатли XX асрда дунёга келган Файзула Хўжаев, Абдула Қодирий, Чўлпон, Фитрат сингари буюк сиймоларидан биридир.

Адиб, мураббий, муҳаррир, маърифатпарвар, жамоат арбоби Мунаввар қори Абдурашидхон ўғли 1878 йилда Тошкент шаҳрининг Шайх Хованд Тохур Даҳаси Дархон маҳалласида мударрис оиласида туғилиб, яъни “Мунаввар”- нур олган дегани. Туркияда ҳозир ҳам бу сўзни зиёли ўрнида кўллайдилар. “Қори” деб Куръонни маромига етказиб ўқийдиганни айтганлар¹³², Мунаввар қори исмига муносиб ҳолда вояга ётди. Мунаввар қори Абдурашидхон ўғли Тошкентдаги Юнусхон мадрасасида ўқигач, сўнгра таҳсилини Бухорода давом эттиради ва кейинчалик Тошкентга қайтади ва Дархон масжидида имомлик вазифасида ишлай бошлайди.

“Мунаввар қори XIX асрнинг охиридан бошлаб жадидчилик ҳаракактларида фаол иштирок эта бошлайди. 1901 йилда ўз ҳовлисида, кейинчалик Тошкентнинг турли даҳаларида жадид мактабларини очади.” Бу мактаблар учун 1907 йилда “Адиби аввал”, “Адиби соний” дарслекларини яратади. “Тажвид ал-Куръон”, “Ер юзи” сингари кўлланмаларни тузиб, нашр этади. Болалар учун қатор щеърий ва насрый ҳикоялар ёзади.

Мунаввар қори ва унинг яратган мактаби ўз даврида юксак нуфузга эга эди. Масалан, шундай бир далилни келтириш мумкин. “Ойна” журналининг 1914 йил сонларидан бирида муштариylарнинг Туркистонда олий миллий таълим истиқболи ҳакида берган саволига Беҳбудийнинг жавоби босилган бўлиб, “Беҳбудий унда Тошкентдаги Мунаввар қори мактаби мана шундай олий таҳсилга замин бўла олиши мумкинлигини айтган эди. Дарҳаққат, Мунаввар қори ташкил қилган мактабида 1901-1904-йилларда Эшонхўжа ва Ҳасанхўжа Хонийлар, Абдусамиъ қори, кейинчалик Шокиржон ва Собиржон Раҳимийлар дарс берганлар, Салимхон Тиллахонов, Фузайл Жонбоев, Қайюм Рамазоновлар шу ерда ўқиганлар. Шайхонтохурда очган “Рушдия” (ўрта) мактаби “Намуна” аталиб, исмига мос эди”¹³³.

Ўзбек матбуотининг ривожланишида Мунаввар қорининг хизматлари жуда катта аҳамиятга эга. Чунки, ўзбек миллий матбуо-

¹³² Бегали Қосимов “Миллий уйгониш”Т. “Маънавият” 2002. 236-бет.

¹³³ Бегали Қосимов “Миллий уйгониш”Т. “Маънавият” 2002. 237-бет.

тининг илк намунаси 1906 йилда чиққан бўлиб, “Тараққий” газетасининг ташкилотчилиридан ва муаллифларидан бири эди. Ўша йили Мунаввар қорининг ўзи ҳам “Хуршид” газетасини чиқарди. Газетанинг энг яқин муаллифларидан бири Худоёрхоннинг ўғли Фансуруллобек эди. Кейинчалик Мунаввар қори 1909 йили Тошкентда “Жамияти хайрия” уюшмасини тузади ва “Турон” номли жамиятни очади. Умуман, ўзбек матбуотининг майдонга келишини ҳам, тарихий тараққиётини ҳам Мунаввар корисиз, унинг юзлаб эктиросли мақолаларисиз тасаввур қилиб бўлмайди.

Мунаввар қори XX аср бошидаги ижтимоий-сиёсий ҳаракатчанликнинг, миллий озодлик курашининг энг эътиборли вакилларидан биридир. 1921 йилда унинг номзоди яширин “Туркистон миллий бирлиги” ҳаракатининг раислигига қўйилгани бежиз эмас эди. Бирок, гал шундаки, у ҳеч қачон исёнга, қўзғалонга давват килган эмас. Тўғри, у “Ҳақ олинур, берилмас”¹³⁴, деб ёзган эди. Лекин у бу ҳакни илм-маърифатни, фан-техникани эгаллаш, маърифий-маданий воситаларни ишга солиш орқалигина қўлга киритишини ақлга мувофиқ деб топғган. Мунаввар қори ёшларни ривожланган мамлакатларда ўқитиш, шу орқали миллат ва ватанини фарзандларига танитиш, дунёни англаш ишларига алоҳида эътибор берган. 1908 йилдан 1923 йилга қадар унинг ғайрат ва ташаббуси билан юздан ортиқ туркистонликлар четга ўқиб келишган. 1920-1923-йилларда бу ташаббусни Бухорода Фитрат ва Файзулла Хўжаев қўйлаб-куватлаганлар. Маълумотларга қараганда, биргина 1922 йилда Германияда ўқиётганларнинг сони 60 нафарни ташкил этган. Шулардан бештаси - Абдулваҳоб муродий, Саттор Жаббор, Саидали Хўжаев, Аҳмад Шукурий, Вали Қаюмхон-тошкентлик эди.

Мунаввар қори илм-фан, маърифат ва маданиятимизнинг турли соҳаларида фаолият юритган бўлиб, гарчи у театр асарини ёзган бўлмаса-да, Туркистондаги театрчилик ишларининг йўлга кўйилишида Абдулла Авлоний ёнида туриб, 1913 йилда тузилган 73 моддадан иборат бўлган “Турон” жамияти уставида театрчилик ишлари алоҳида таъкидланган бўлиб, унинг заминида “Театр ҳаваскорлари труппаси” ташкил топгани бежизга эмас. 1914 йилнинг 27 февралида Тошкентдаги Колизейда мана шу труппа томонидан “Падаркуш” драмаси биринчи маротаба сахнага

¹³⁴ Бегали Қосимов “Миллий уйғониш” Т. “Маънавият” 2002. 238-бет.

кўйилган бўлиб, томоша олдидан Мунаввар қори театр ва унинг аҳамияти ҳақида нутқ сўзлайди. Матбуот бу кунни “тариҳий кун” деб эълон килади ва шоир Тавалло эса ушбу кун муносабати билан шеър ёзади. Унда шундай сатрлар бор эди:

Чўқ мунаvvар этти оламни Мунаvvар қоримиз,
Кўрдимиз равшанигдан феълимиз, авторимиз.
Ибрат олинг, ёшлар, деб тўқди кўздин ёшлар,
Нутқда таҳрир эдуб, бизларни йўқу боримиз.
Чин кўнгулдан биз эшигдук, чин-ачиг айтган сўзи
Шунча бидъатларни билдуқ, вой, биз икрормиз.

Мунаvvар қори адид сифатида ҳам маълум эътибор ва нуфузга эга бўлган бўлиб, хусусан унинг “Адиби аввал”, “Адиби соний” китоблари дарслик-мажмуа сифатида ёзилган бўлиб, кўплаб шеърий ва насрий ихчам ҳикояларини ўз ичига камраб олган. Ҳар бирининг сўнгига “хисса” - хулоса чиқарилган. Улар мавзууга кўра хилма-хил бўлиб, кўпчилиги тариҳий мавзуда. Йўл-йўналишига кўра ибратомуз пандлардан ташкил топган, тили содда, ўқилиши қизиқарли бўлиб, ҳикоялари орасида XX аср бошидаги тариҳий воқеалар, ижтимоий-маиший турмуш манзаралари ҳақида ёзилганлари ҳам мавжуд. Мунаvvар қори Ватанимиз тариҳида, миллатимиз тариҳида, биринчи навбатда, жамоат ва сиёsat арбоби сифатида ўчмас из қолдирган. Адид ўтган асрнинг 90-йиллари охиридан умрининг сўнгигача миллат ва ватан равнақи, озодлиги йўлида кураш олиб борган бўлиб, унинг бутун ижоди ва фаолияти мана шу икки муқаддас мавзу атрофида кечган.

Ўткан асрнинг 20-йиллари ўрталарига келиб жадидчиликка муносабат ўзгариб, Мунаvvар қорига хужум бошланган пайтда ҳам у ўз йўлидан қайтмади. 1927 йилги Тошкент округ маданиятчилярининг курултойида жадидчиликни ҳимоя килиб чиқди. Мунаvvар корини 1929 йилда иккинчи марогаба қамоқقا олишган бўлсада, Мунаvvар қори сиёsat билан жиддий шуғулланган бўлиб, 1917 йилда тарих туркистонликларга мустақилликни ўз кўлига олиш ва муносиб идора усулини ўрнатишдек ноёб имкониятни берганида бир гурӯҳ кишилар хонликни тикилаш, олайлик, Худоёрхоннинг ўғли Муҳаммад Аминбекни хон қилиб кўтариш фикрида бўлсалар, иккинчи бир гурӯҳ ривожланган мамлакатлардан ўрганиш, андоза олиш йўлларини излайдилар.

ЎзР МХХ архивида сакланаётган ҳужжатларда яъни, “Мунаввар корининг 1917 йил воқеаларидан анча илгари Абдусамиъқори Зиёбоев ва Абдухакимбайвачча Икромовлар билан биргаликда Финляндияга бориб, идора усулини ўрганиб келгани тўғрисидаги”¹³⁵ маълумотлар кайд этиб ўтилган. 1917 йил феврал воқеаларидан кейин Тошкентда жамиятлар кўпайиб кетди: Муаллимлар жамияти, Эски муаллимлар жамияти, Рус-тузем мактаби муаллимлари жамияти, Қассоблар жамияти, Савдогарлар жамияти, Приказчилар жамияти, Бинокорлар жамияти, Ишчилар жамияти ва ҳоказо. Лекин улар орасида энг машҳурлари “Шўройи Ислом” ва “Уламо” эди. Мутаасиб руҳонийлар Шерали Лапиннинг “Уламо”си атрофида уюшган бўлсалар, тараққийпарвар зиёлилар Мунаввар кори раҳбарлик қилган “Шўройи ислом”да тўпланганлар. Мунаввар қорининг фаолияти мазкур ташкилотлар билан чегараланиб қолган эмас, албатта. Унинг шўро матбуотида кенг муҳокама килинган “Нашри маориф” (1923-1926) даги ишлари, Анвар Пошподан Мусо Бегиевгача, Афғон амири Омонуллохондан Заки Валидий, Қози Абдурашидгача бўлган шахсий алоқалари бунга мисол бўла олади.

Мунаеввар кори ва бошқа жадидчиларимиз, жадидчиликнинг моҳиятини Миллат ва Ватанни англашдан улар манфаати учун курашишгача бўлган қизғин ва ҳаяжонли жараёнли жараённи ташкил қиласди. Айни пайтда, бу ҳаракат миллатни ҳам тарбиялаб борган. Уни ўз бошига ёғилган ҳар бир оғатни тақдир деб таъбир этишдан таҳлил қилиб, чорасини излай олиш даражасигача қўттарган. Хусусан, жадидларимиз миллатнинг яшамоғи, тараққий топмоғи учун, биринчи навбатда, озод, мустақил бўлмоғи лозимлигини англаб етганлар ва кенг ҳалқни уйғотишга алоҳида эътибор берганлар.

¹³⁵ Бегали Қосимов “Миллый уйғониш” Т. “Маънавият” 2002. 241-бет

МИЛЛИЙ МАКТАБ АСОСЧИСИ

Ўзбекистон Республикаси Президенти Ш.М.Мирзиёев ўз нуткларида ўтмиш маданий меросимизни ўрганиш, истиқолимиз йўлида жонларини курбон қилган буюк сиймолар хотирасини эъзозлаш, улар яратган асарларни қайта-қайта нашр этиш ва мутолаа қилиш зарурлигини таъкидлаб келади. Шундай буюк сиймолардан бири атоқли журналист, педагог, жамоат арбоби, истиқол учун толмас курашчи Мунаввар кори Абдурашидхоновdir.

Мунаввар кори халқимиз тарихининг ғоят мураккаб бир даврида яшади. У дунёга келган пайтда Туркистон истибодд исканжасида азоб чекарди. Мустамлакачилар маҳаллий халқни энг оддий ҳукуклардан ҳам маҳрум қилиб, жаҳолатда тутиб келишга интиларди. Вояга етиб, оқ-корани таний бошлиганда у бу фожеанинг сабаби халқнинг саводсизлиги, маърифатсизлигига деб билди. Зиёли оиласда түгилган, акалари Аъзамхон ва Муслимхонлар халқни саводли қилиш учун жон куйдирадиган кишилардан бўлганликлари сабаб у ҳам ана шу йўлни танлади.

“Мунаввар кори илм-фан, маърифат ва маданиятимизнинг турли соҳаларида фаолият юритди. Унинг қаламига оид талайгина асарлар ҳали газета ва журнал саҳифаларида сочилиб, ноширларини кутиб ётибди”¹³⁶, деб ёзади Наим Каримов. Дарҳақиқат, мустақиллик шарофати билан халқ ва миллат келажаги, озодлиги йўлида жонларини фидо қилган асил фарзандлар хотиралари тикланди, улар колдирган илмий, адабий, маърифий мерос халққа қайтарилди, асарлари қайта-қайта нашр этила бошланди. Истиқюл фидойиларининг ҳаёти ва ижодига бағишланган кўплаб илмий тадқиқотлар амалга оширилди. Аммо ҳали бу борада бажарилган ишлар тўлақонли эмас. Хусусан, Мунаввар кори Абдурашидхонов ҳаёти ва илмий-ижодий фаолияти ниҳоятда сермазмун ва жўшқин кечганки, фаолиятининг ҳар бир қирраси ҳали янада чукур тадқик этишини талааб этади. Айниқса, унинг педагогик фаолияти ўзбек миллий педагогикаси тарихида алоҳида саҳифани ташкил этади ва

¹³⁶ Наим Каримов, Муҳаррирдан, Мунавваркори Абдурашидхонов, Ташланган асарлар, Тошкент, “Маънавият”, 2003 й. Б6.

уни ўрганиш, тадқик этиш замонавий илғор миллий педагогика ривожида мухим аҳамиятга эгадир.

Мустамлакачилар маҳаллий аҳоли орасидан саводли кишилар этишиб чиқишини истамаганлар. Чунки халқ қанча саводсиз, дунёқараш тор бўлса, уни асоратда сақлаб туриш осон бўлишини билганлар. Шунинг учун жадид маърифатпарварларининг ҳар қандай илғор қарашларига тиш-тирноклари билан қарши туришган. Бу эса маърифатпарварларни курашнинг турли усулларидан фойдаланишга, ҳатто баъзи ўринларда ён беришга, мустамлакачилик сиёсатининг талабларига бўйсунишга мажбур этган. То 1917 йил воқеаларига кадар жадид маърифатпарварлари ана шундай шароитда фаолият олиб боришиб, миллий мактаблар ташкил этиш, ёшларни илм-фанни эгаллашга қизиқтиришда кўпгина эзгу ишларни амалга оширишга муваффак бўлишди. Уларнинг олдинги сафида Мунавварқори борди ва унинг шу йилларда олиб борган педагогик фаолиятини чинакам қаҳрамонлик деса бўлади.

Унинг педагогик фаолиятини ўрганишда мазмун-моҳиятига кўра шартли равишда икки қисмга ажратиш мумкин. Булар:

1.Ижтимоий ҳаётдаги нохушликлар, миллатнинг оғир ҳаёт кечиришига илмсизлик, маърифатсизлик сабаб бўлаётганлигини англаб етган миллат фидойисининг усули савтия мактабларини ташкил этиш йўлида олиб борган амалий ҳаракатлари.

2.Илмий педагогик фаолият. Мунаввар кори янги усулдаги мактабларда диний билимлар билан бирга ижтимоий фанлар ўқитилишини замон талаби деб билди ва бунинг учун ўзи дарслерлар ва кўлланмалар яратди.

Зиёли оиласда тарбия топган, Тошкент ва Бухоро мадрасаларида узоқ вакт ўқиб, Куръони каримни хатм килиб, қори унвонига сазовор бўлган Мунаввар кори фақат диний билимлар билан киши маърифатли бўлолмаслигини, миллатни зулмат бағридан ёргуликка олиб чиқиш учун дунёвий илмларни ўрганиш зарурлигини теран англаб етди. Мадрасаларда дарсларнинг асосан араб тилида олиб борилиши, диний билимлар бериш билангина кифояланиш маърифатсизликни келтириб чиқараётганлигини хис этди ва янги усул мактабларини ташкил этиш, уларда дарсларни она тилида олиб бориш, диний билимлар билан бирга ижтимоий фанларни ҳам ўқитиш зарурлиги масаласини кун тартибига чиқарди. Ҳаққикатан ҳам у яшаган давр халқ, миллат тақдирни учун ана шундай

фидойи шахсларни талаб қилганди. Чунки “онгда, фикрлашда, маорифда ўзгариш қилмай туриб, сиёсатда ўзгариш қилиб бўлмасди. Вижданни уйғотмай туриб, ғафлатдан кутилиб бўлмасди. Душманни енгиш, ўзини ҳар жиҳатдан химоя қилишнинг энг асосий қуроли маърифатли одамлардан ташкил топган янги жамиятни ташкил қилиш эди. Бунга эса мактаб ва мадраса тизимида инқилоб ясамай туриб эришиш мумкин эмасди”¹³⁷.

Буни чуқур англаған Мунавварқори 1901 йилда Тошкентда янги усули савтия мактабини очди. Ўша пайтда бундай мактабда ишлайдиган ўқитувчилар етишмаслиги туфайли уларга татарлар ва кримлик муаллимлар жалб этилган. Мактаб йишини ислоҳ қилишга жиддий киришиб, ўзи ташкил килган мактабда ҳусниҳат, жуғрофия, турк қавмлари тарихи дарсларини ўқитади.

“Мунаввар қори ва унинг мактаби юксак нуфузга эга эди. Масалан, шундай бир далилни келтириш мумкин. “Ойна” журналининг 1914 йил сонларидан бирида муштаријларнинг Туркистонда олий миллый таълим истикболи хақида берган саволига Беҳбудийнинг жавоби босилган. Беҳбудий унда Тошкентдаги Мунаввар қори мактаби мана шундай олий таҳсилга замин бўла олиши мумкинлигини айтган эди. Дарҳақиқат, унинг мактабида 1901-1904 йилларда Эшонхўжа ва Ҳасанхўжа Хонийлар, Абдусамиъ қори, сўнгроқ Шокиржон ва Собиржон Раҳимийлар дарс берганлар, Салимхон Тиллахонов, Фузайл Жонбоев, Қаюм Рамазонлар шу ерда ўқиганлар. Шайхонтоҳурда очган “Рушдия” (ўрта) мактаби “Намуна” аталиб, исмига мос эди”¹³⁸, деб ёзди профессор Б.Қосимов.

Бу билан хам кифояланмасдан у Ҳалқ ўкув юртлари директорига ўзи ишлаётган Тошкентнинг Шайхонтоҳур даҳаси Тарновбоши маҳалласидаги мактаб муаллими сифатида талабнома билан чиқади. Унда у ўқувчиларга рус тилини ўқитишга руҳсат берилишини сўрайди. Бунда у душманни енгмоқчи бўлсанг, уни ўрган, ақидасига амал қиласди. Аммо ўлкани руслаштириш сиёсатини олиб бораётганларга бу ёқмайди. Чунки уларга маҳаллий аҳоли орасидан рус тилини чала-чулпа биладиганлар бўлса кифоя

¹³⁷ Сирожиддин Аҳмад, Йўлбопчи(сўзбоши), Мунаввар қори Абдурашимхонов, Танланган асарлар, Тошкент, “Маънавият”, 2003 й. Б.15.

¹³⁸ Бегали Қосимов, Миллый уйғониш: жасорат, маърифат, филология, Тошкент, “Маънавият”, 2002 й. Б.237.

эди. Шунинг учун Мунаввар қорининг талабини рад этишади ва унга мантиқсиз жавоб беришади. Бироқ жавобдан қаноатланмаган Мунаввар қори бўш келмайди ва мактабида рус тилини ўқитишига ниҳоят рухсат олади. У педагогик фаолияти давомида том маънода миллий мактаб яратиш ниятидан асло қайтмайди. Тошкент шаҳар думасига аъзо этиб сайлангач, бу ниятини амалга оширишга яна ҳам қаттиқ киришади. У шу масалада шаҳар маъмурлари билан жиққамушт бўлади. Куропаткин ҳузурига болаларни бошлаб бориб, усули жадид мактабларига кенг йўл берилишини талаб этади. Бундай ҳаракатлар уни мактаб ишининг чинакам жонкуяри сифатида эл орасига танидти. Унинг астойдил ҳаракатлари натижасида 1917 йил 10 сентябрда дума мажлисида рус-тузем мактаблари ўрнида б синфлик миллий мусулмонлар мактаби ташкил этиш муҳокама этилади. Бу мажлисда Мунавварқори маъруза қиласди. Бу воқеалар хақида хотиралар ёзган Н.Остроумов Мунаввар қорининг амалий педагогик фаолиятига катта баҳо беради. Уни маҳаллий ахоли Тошкентнинг Эски шаҳар қисмидаги мактабларнинг ягона директори деб ҳисоблашлари, Мунаввар кори б синфлик янги миллний мусулмонлар мактаблари учун ўкув дастури тақдим этганлигини, унинг халқни маърифатли қилиш учун олиб бораётган фаолияти самарали бўлаётганлигини қайд этади. Чунки Дума мажлисидаги муҳокамадан сўнг 1917/1918 ўкув йилида очилажак миллний мактаб учун кредит очишга ҳам рухсат берилади. Бу ҳаракатлари билан Мунаввар кори миллний мактабга асос солди.

Янги усолдаги мактаблар фаолиятини йўлга кўйиш учун унда ўқитиладиган дарсларнинг қандай фанлардан бўлишини, шу мақсадга мос дарсликлар зарур эди. Буни яхши англалан Мунаввар кори мадрасада олиб борилаётган факат диний мазмундаги дарслардан мутлақо қониқмайди ва усули жадид мактаблари ташкил этиб, уларда кўпроқ ижтимоий фанларни ўқитишига эътиборни қаратиш лозимлиги мақсадини илгари сурди ва бунинг учун қатъий кураш олиб борди. Мустамлакачи маъмурлар мактаблар фаолиятини қаттиқ назоратга оладилар, уларда ўқитиладиган дарслар улар кўйган талабларга жавоб бериши лозим эди. Усули жадид мактабларида рус тилини ўқитиши, ўкув дастури ва дарсликлар номларини тақдим этиш шарт қилиб қўйилади. Шу каби чеклашлар бўлишига қарамай Мунаввар кори 1907 йилда “Адиби аввал” дарслигини яратди ва бу дарслик С.Азизийнинг

“Устоди аввал” китоби билан бир вактда рус-тузем мактабларида ўқитилган. Ўша йилнинг охирида “Адибус-соний” деб номланган иккинчи дарслитгини нашр эттиради. Бу дарслик-мајмуалар унинг адаб сифатида ҳам катта истеъдод эгаси эканлигини кўрсатади. Улардан кўплаб шеърий ва насрый ихчам ҳикоялари ўрин олган. Ҳикоялар сўнгидга “хисса” – хулоса берилади ва бу хулосалар тарбиявий-маърифий аҳамияти жиҳатидан бекиёсdir. Ҳикоялар мавзу жиҳатдан ҳам ранг-баранг бўлиб, кўпчилиги тарихий мавзудалиги билан ҳам диққатни тортади. Профессор Б.Қосимов шундай дейди: “Йўл-йўналишига кўра ибраторумуз пандлардан ташкил топган, тили содда, ўқилиши кизиқарли. Ҳикоялари орасида XX аср бошидаги тарихий воқеалар, ижтимоий-маиший турмуш манзаралари ҳақида ёзилганлари ҳам анчагина”.¹³⁹

1910-1911 йилларда Тошкент, Кўкон, Фарғона, Наманганда кўплаб усули жадид мактаблари фаолият олиб борган. Бу мактабларни Мунаввар қорининг акалари Аъзамхон ва Муслимхон, шунингдек, Ҳасан кори Хоний, Эшонхўжа Хоний, Низомиддин Ҳусанинов, Рустамбек Юсуфбеков, Саъдулла кори Абдуллаевлар ташкил этишган. Бу мактабларда А.Ибодов ва А.Шукуров яратган китоблардан фойдаланилган. Мунаввар қорининг яратган иккита дарслиги ҳам мактабларни ўкув манбалари билан кўпроқ таъминлашга ёрдам берган. Ҳатто Мунаввар кори 1-4 синфлар учун ўкув дастури тузиб, мактаблар фаолиятига жорий этилган. Дастраслабки усули жадид мактабларида ўқитиши куйидаги дарслардан иборат бўлган:

Мактабларнинг 1-синфида “Адибус-соний”, “Ҳавоийижи диния” ҳисоб (юздан юқори сон ва барча амаллар), 3-синфда Сўфи Оллоёр китоби, ўқиш ва ёзиш, Куръон(тажвид билан танишиш), “Ҳавоийижи диния”(II қисм), “Тарихи анбиё”, Шапочников ва Вольцовнинг “Арифметика”си, “Насиҳати атфол”, “Тажвид”, 4-синфда Куръон, “Тарихи анбиё”, “Даҳр ун-нажот”(Мунавваркори асари), Р.Фахриддиновнинг “Насиҳат”, “Ҳисоб масаласи”, араб тили, “Дур-ул-шифоҳия”, Абдушукуровнинг “Форс тили” китоблари ўқитилилган. Мунаввар кори педагогик фаолиятида мактабларнинг дунёвийлигини ошириб бориш, уларда ижтимоий фанларни кўпроқ ўқитилишига эришишга ҳаракат қилди. Унинг илмий

¹³⁹ Бегали Қосимов, Миллий уйғониш: жасорат, маърифат, фидойилик, Тошкент, “Маънавият”, 2002 й. Б.239.

педагогик фаолияти серкірра истеъдодининг алоҳида сахифаларини ташкил этади. Матбуотдаги чикишларида, театр ишларини ташкил этишда кўрсатган ёрдамларида ҳам у ўзининг тарбия ҳақидаги қарашларини илгари сурди, мактаблар фаолиятини намуналий йўлга қўйиш миллиятнинг уйғониши ва тараққиётнинг тўғри ва нурли йўлига тушиб олишида муҳим аҳамиятга эга бўлишини қатъийлик билан уқтиришга ҳаракат қилди. Тарихнинг ғоят мураккаб, ҳалқ ва миллат учун ниҳоятда қийин бўлган долғали бир даврда, фожеалар гирдобида яшаган буюк маърифатпарвар Мунаввар қори Абдурашидхонов бугунги кунда том маънода миллий мактаб асосчиси деган шарафга лойиқ сиймодир.

*Абдуавли ЙЎЛДАШЕВ
кичик илмий ходими
Эркин РАЖАПОВ
воиз –экспкурсоводлар раҳбари*

МУНАВВАР ҚОРИ АБДУАШИДХОНОВ ФАОЛИЯТИНИНГ ЎРГАНИЛИШИ

XX асрнинг 30-йилларигача бўлган Туркистон маърифатпарварлиги тараққиёти ўлка тарихининг муҳим даврларидан бири ҳисобланади. Бу даврда Туркистонда кўплаб сиёсий арбоблар, маданият ва санъат намоёндалари, матбуот ва маориф етакчилари етишиб чиқди. Афсуслар бўлсинки, совет ҳокимиятининг ўтган аср 30-йилларидаги қатағон сиёсати маърифатпарвар зиёлиларнинг катта қисмини турли айбловлар билан жисмонан маҳв этди. Улар амалга оширган ишлар ва яратган моддий, маънавий бойликларини ҳалқ истеъмолидан чиқариш ишларини амалга ошириди. Номларини тарих сахифаларидан ўчиришга уриндилар. Мунаввар қори Абдурашидхонов ҳам 30-йиллар қатағони исканжасига сохта айбловлар билан тушган ўзбек миллий зиёлиларнинг йирик вакили ҳисобланади.

Мунаввар қори Туркистондан етишиб чиққан буюк ислоҳотчилардан бири эди. У Туркистоннинг миллий озодликка эришиш йўлида фаолият кўрсатган педагог, матбуотчи ва жамоат арбобидир. Мунаввар қори “усули жадид” мактабларини очди, ўқи-

түвчилик қилди, дарслеклар яратди, дастлабки миллий газеталарни нашр эттириди.

ХХ асрнинг 30-йиллари гача бўлган фаолияти давомида Туркистонда бошланғич таълимдан токи олий таълимнинг шаклланиши ва ривожланишигача иштирок этди. Матбуот ва миллий театр санъатининг тараққий этиши, ўлжада турли жамиятлар тузиш ҳамда унинг фаолиятини олиб бориш, қолаверса, Туркистонни ижтимоий-иқтисодий, маданий жиҳатдан тараққий этиши, миллий кадрлар билан таъминлаш мақсадида хорижда ёшлиарни ўқитиши ишларига бош-қош бўлди. “Адиби аввал”, “Адиби соний”, “Ўзбекча тил сзбоклиги”, “Ер юзи”, “Ҳавойижи диния”, китобларини, кўплаб публицистик мақолаларни¹⁴⁰ яратди-ки, бугунги кунда унинг асарлари миллий маънавий меросимизнинг бир кисмига айланди.

ХХ асрнинг 20-йиллари охирига келиб, Мунаввар қори фаолияти таъқиб остига олинди. Ҳукмрон мафкуранинг сиёсати Туркистонда мавжуд бўлган “Миллий иттиҳод” ташкилоти ва унинг аъзоларини аксилиниқилобчилик ҳаракатида айблади. “Мунаввар қори Абдурашидхонов ва Салимхон Тиллахоновлар иши” номли иш очилиб, 1929 йилда гумон қилинган шахслар ҳибсга олиниб, тэрговга тортилди. ОГПУнинг қарори билан 1931 йил апрелида 15 киши отувга, 19 киши 10 йил, 19 киши 5 йил, 14 киши 3 йил камоққа, 1 киши бир йилга Омскка сургунга, 3 киши юртидан бадарға қилинди¹⁴¹.

Мунаввар қори Абдурашидхоновнинг тақдиди 1931 йил 23 майда Москвада бўлиб ўтган суд хулосасига кўра, отувга ҳукм этилди. Лекин жамиятнинг Мунаввар қори фаолияти ва шахсига бўлган қизиқиш уни тарих саҳнасидан бутунлай ўчириб ташлай олмади. Мунаввар қори Абдурашидхоновнинг шахси, фаолияти, ижоди ва унга алоқадор масалалар унинг замондошлари ҳам кейинги авлодлар томонидан хорижда ўрганилди, у ҳақида туркум мақо-

¹⁴⁰ Абдурашидхонов М. Никоҳ тўғрисида. // Ўрта Азиянинг умргузаронлиги Тараққий .1906 йил 3,9 февраль, 7 март.; Бизни жаҳолат – жаҳали мураккаб. // Тараққий. 1906 йил 14 июнь.; Тошкент Мусулмон жамияти. // Самарканд. 1913 йил 20 август.; Жамият ҳандай очилур. // Садойи Туркистон. 1914 йил 27 июнь.; Ҳужумми мунозарами. // Қизил ўзбекистон. 1922 йил 2 феврал, 7 март.Ўзбекистонда вакф. // Қизил Ўзбекистон. 1924 йил 11 декабрь.

¹⁴¹ Косимов Б. Миллий уйғониш: жасорат, маърифат, фидонийлик. – Т., Маънавият, 2002. – Б.235.

лалар эълон қилинди. Филология фанлари доктори, профессор Бегали Қосимовнинг ёзишича, Мустафо Чўқай ўғли муҳаррирлигига 1934 йилда Парижда фаолият олиб бораётган “Ёш Туркистон” журналида Мунаввар корига бағишлиланган илк ҳорижий мақола чоп этилади.

“Миллий Туркистон” журналининг 1952 йил 76-сонида Боймирза Ҳайит томонидан “Мунаввар кори – ватанпарвар ва ислоҳотчи”¹⁴² номли мақола эълон қилинди. Мақолада Мунаввар корининг Туркистондаги педагогик ва ижтимоий фаолиятига катта эътибор қаратилган.

Мунаввар қорининг “Намуна” мактабини тамомлаб (1913-1915 й.й.), 1921-1922 йилларда Туркистон Давлат Университетининг муҳандислик факультетини, 1922-1923 йилда Москва даги қишлоқхўжалиги академиясини ўқиган, кейинги илмий фаолиятини Германияда давом эттириб, зироат профессори даражасига эришган Иброҳим Ёрқиннинг “Турк култури араси ташкилари” тўпламида Мунаввар кори фаолиятига аталган мақола¹⁴³си чоп этилган. Мақолада муаллиф Туркистонда XX аср бошларида рўй берган миллый уйғониш, маънавий-маърифий жараёнлардаги ўзгаришлар ҳақида маълумот беради. Туркистонда ташкил этилган янги усул мактаблари, уларнинг фаолиятида Мунаввар қорининг ўрни, мактабларнинг моддий таъминоти ҳамда Тошкентда ташкил этилган “Жамияти имдодия” жамияти ёрдамида четга чиқиб таълим олишга муваффак бўлган туркистонлик ёшлар ҳақида маълумот беради. Муаллиф мақолада шунингдек, Туркистон жадидчиллик ҳаракатида Мунаввар қорининг ўрни бекиёс эканлигини кўрсатиб берди.

Совет ҳокимиятининг хукмрон мағкураси Ўзбекистонда Мунаввар кори Абдурашидхоновнинг на фаолиятини, на унинг асарларини тилга олишга йўл қўйиб берди. Шу боис ҳам мустакиллик йилларигача бўлган даврда Мунаввар кори фаолияти ёки унинг асарлари ҳеч бир манбада кўзга ташланмади.

1989 йил 16 январда СССР Министрлар Олий Совети томонидан 30-40 ва 50-йиллар бошларидаги қатағонлар ишини ўрганиб чикиш қайта очилади ва Мунаввар қорининг иши ҳам киритилди.

¹⁴² Boymirza Hayit. Munavvar korı bir vatansever ve reformcu // Milli Türkistan. 1952. № 76(8). – S. 14-17.

² Yarkın İbrahim. Türkistan'da uyanış-Milli hareketler ve Münevver Kari, Türk Kültürü, sayı 1946. – S.78-86.

Россия матбуотининг “Вечерняя Москва” газетаси 1990 йил 6 декабрдан бошлаб 1930-40 йилларда отилиб, махфий дағи этилган Сталин қатагон қурбонлари рўйхатини эълон қила бошлади. Газета Вагонъково қабристонига кўмилган 600 дан ортиқ, Донской қабристонига кўмилган 250 дан ортиқ қатагон қурбонларининг рўйхатини эълон қилди. Газетанинг 1992 йилдаги май сонида 9 та қатагон қурбонининг суратлари ва қисқача маълумот келтирилган холда мақола чоп этилди. Келтирилган тўққиз киши орасида 5 нафари – Саид Ахорий, Мунаввар кори, Салимхон Тиллахонов, Мақсуд Тангикулхожи ва Нажмиддин Шермуҳаммедовлар эди¹⁴⁴.

Мустакилликнинг дастлабки йилларидан Мунаввар кори ҳақидаги мақолалар ва уларнинг асарларидан намуналар ўзбек матбуот саҳифаларида эълон килина бошланди. “Шарқ юлдузи” журналининг 1992 йилги сонида Сирожиддин Аҳмаднинг “Мунаввар кори”¹⁴⁵ мақоласи чоп этилди. Мақола муаллифи шу пайтгача номи тилга олинмаган Мунаввар кори шахсияти ва фаолияти, асарлари ҳақида ишончли илмий манбалар асосида маълумот беради. Буни албаттда тарих фанида янги бир илмий истеъмол неъмати дейиш мумкин. Мақола қатагон қурбонларидан бўлган Тўлаган Хўжамёров (Тавалю)нинг Мунаввар корига бағишиланган шеъри билан бошланган.

Нормурод Авазов томонидан Мунаввар корига бағишиланган “Миллат фахри” номли мақолада адаб фаолиятига қисқача дебоча қилиниб, бутунги кунда ҳам долзарблигини йўқотмаган “Шўрайи Исломия” ташкилотининг қарорномасини китобхонга ҳавола этади¹⁴⁶. Муаллиф яна бир “Тараққийпарвар”¹⁴⁷ сарлавҳали мақоласида XX аср бошларидаги Туркистон маърифатпарварлик ҳаракатига мурожаат қилиб, Мунаввар кори шахси оркали жадидчилик ҳаракати аҳамиятини очиб беришга ҳаракат қилган. “Машхур маърифатпарвар”¹⁴⁸ номи билан “Бошланғич таълим” журналида чоп этилган Йўлдош Абдуллаевнинг мақоласида Мунаввар кори Абдурашидхоновнинг таълим тизимидағи амалга оширган ишларига тўхталиб ўтилган. Мақолада муаллиф М.Абдурашидхонов

¹⁴⁴ Вечерняя Москва. 1992 йил 25 май.

¹⁴⁵ Ахмедов С. Мунаввар кори. // Шарқ юлдузи. 1992 йил. № 5. –Б.105-119.

¹⁴⁶ Авазов Н. Миллат фахри. // Гулестон. 1992 йил № 5-6. –Б. 11.

¹⁴⁷ Авазов Н. Таракккийпарвар. // Маърифат. 1995 йил. 23 август.

¹⁴⁸ Абдуллаев Й. Машхур маърифатпарвар. // Бошланғич таълим. 1992 йил. №11-12. –Б.52.

ҳаёт йўлининг маълум даврини “ёзувчи Ойбекнинг “Улуғ йўл” романидаги Умарали тимсолининг ҳаётий мукобили прототипи бўлган”, – дея таъкидлайди. Шунингдек журналнинг муковаси ички кисмида Мунаввар кори Абдурашидхоновнинг рассом Қаҳрамон Курбонов томонидан чизилган портрети акс этган.

Професор Иброҳим Алимов “Эски мактаб ислоҳоти ташаббускори”¹⁴⁹ номли мақоласида Туркистонда 1920 йил июнь ойида Туркистон жумҳурияти ҳалқ маорифи бўлими мудирларининг курултойида биринчи марта диний мактаблар, мадрасалар, эски усулдаги мактаблар масаласи кўтарилгани ва бу жараёнда М.Абдурашидхоновнинг фаолиятига тўхталиб ўтилган. Шунингдек мақолада Туркистондаги янги усул мактабларига тўхталиб, “1917 йил Февраль инқилобидан аввал Тошкентнинг эски шахар кисмидаги 11 та янги усул мактабининг энг каттаси Мунаввар кори Абдурашидхоновнинг мактаби эди. Унда 160 нафар бола ўқиб 3 нафар домла болаларга дарс берган”¹⁵⁰ – деган маълумотни келтириб ўтади.

Мунаввар кори Абдурашидхонов ва “Миллий истиқлол” ташкилоти аъзоларининг хибсга олиниши ва бу иш бўйича олиб борилган тергов жараёни юзасидан ёзувчи Нуруллоҳ Мухаммад Рауфхоннинг “Бир сотқин ва унинг чақувларида жўмардларнинг тарифлари”¹⁵¹ номли мақоласи кенг қамровни ўз ичига олади. Мақолада Мунаввар кори ва “Миллий истиқлол” ташкилотига аъзо бўлган бир қатор зиёлиларнинг қўлга олиниши, уларни тергов қилиш жараёнида ГПУ хуфиялари етказган маълумотлар, ҳамда миллий зиёлиларимиз Мунаввар кори, Эшон Хўжа Хоний, Ҳасан Хўжа Хоний, Муродхўжа домла, Юсуф Иноғомов каби бир канча шахслар устидан амалга оширилган чақув баёни акс этган.

Жадидчилик харакатида Мунаввар қорининг педагогик фаолияти масаласини Нурхон Иргашеванинг мақоласида ҳам кўришимиз мумкин. У “Жадидчилик харакати ва Мунаввағ қори”¹⁵² ва

¹⁴⁹ Алимов И. Эски мактаб ислоҳоти ташаббускори. // Ҳалқ таълими. 1993 йил. 10-сон. – Б.5-8.

¹⁵⁰ Алимов И. –Б.6.

¹⁵¹ Нуруллоҳ Мухаммад Рауфхон. Бир сотқин ва унинг чақувларида жўмардларнинг тарифлари // http://kh-dayron.uz/_kutubxonalar/_uzbeck/tarix/_munavvar-qori-ustidan-chaquv-yozgan-sotqin.html.

¹⁵² Иргашева Н.А. Жадидчилик харакати ва Мунаввар кори. // Ҳалқ таълими. 1996 йил №5. – Б. 67-71.

“Буюк тараққийпарвар”¹⁵³ номли мақолаларида М.Абдурашидхоновнинг Туркистон ўлкасини тараққий этишдаги хизматлари, педагогик фаолияти тарихий материаллар ва ўзининг мулоҳазалари асосида очиб берган. Нурхон Иргашева адабининг педагогик қарашларини тадқиқ қилиб, 1997 йилда “Мунаввар қори Абдурашидхоновнинг маърифий-педагогик қарашлари (1878-1931)”¹⁵⁴ мавзусида педагогика фанлари номзоди илмий даражасини ёқлади. Тадқиқот ишида Туркистон жадидларининг ижтимоий-маърифий фаолиятида Мунаввар қорининг етакчилик ўрни ва М.Абдурашидхоновнинг янги усул мактабларида таълим-тарбиянинг такомиллашувидаги педагогик гояларига алоҳида эътибор қаратилган.

Тарихчи Сотимжон Холбоевнинг “Мунаввар қори”¹⁵⁵, “Фидойи”¹⁵⁶, каби мақолалари маърифатпарварнинг фаолияти ва асарлари таҳдилига мурожат қилинган ҳолда чоп этилган. Хусусан, “Фидойи” мақоласида муаллиф Мунаввар қорини маданий-маърифий, ижтимоий-сиёсий ташкилот ва уюшмалар асосчиси сифатида кўрсатиб, адаб иштироки, етакчилигидаги ташкилот ва уюшмалар рўйхатини келтиради. Мунаввар қорини ўзбек миллий матбуотининг асосчиси дея у иштирокидаги газета ва журнallар номини санаб ўтади. Туркистонда олий таълим асосчиларидан бири сифатида кўрсатиб муаллиф “ўлкамиз тарихида унинг раҳбарлигида 1918 йили Туркистон мусулмон дорулфунуни ташкил топди”¹⁵⁷ – деб ёзади. Мақола давоми сифатида журналда Мунаввар қорининг “Хотираларимдан” асаридан парча ҳавола этилади¹⁵⁸. 2001 йилда шу муаллиф томонидан нашрга тайёрланган “Хотираларимдан”¹⁵⁹ китоби “Шарқ” нашриёти томонидан чоп этилди. Дастлаб ушбу

¹⁵³ Иргашева Н.А. Буюк тараққийпарвар // Ёшлик. 1996 йил 4-сон. – Б.22-23.

¹⁵⁴ Иргашева Н.А. Мунаввар қори Абдурашидхоновнинг маърифий-педагогик қарашлари (1878-1931). Педагогика фанлари номзодини олиш учун ёзилган диссертация. –Тошкент, 1997. 169 бет.

¹⁵⁵ Холбоев С. Мунаввар қори. // Мулоқот. 1997 йил №1. –Б.24-25.

¹⁵⁶ Холбоев С. Фидойи // Жамият ва бошқарув журнали. 1998 йил. №2. –Б.64-66.

¹⁵⁷ Холбоев С. – Б. 65.

¹⁵⁸ Холбоев С. – Б. 67-68.

¹⁵⁹ Абдурашидхонов Мунаввар қори. Хотираларимдан. Нашрга тайёрловчи Холбоев С. – Тошкент, Шарқ. 2001. 128 бет.

асар муаллиф томонидан “Турон тарихи” номли журналинг 1993 ва 1994 йиллардаги сонларида эълон қилинган эди¹⁶⁰.

Маърифатпарвар адабнинг фожиали тақдири ҳақидаги маълумотларга эга яна бир мақола 1997 йил “Шарқ юлдузи” журналида чоп этилди. Унда Алиназар Эгамназаров муаллифлигида “Истиклолчилар қатл этилган жой”¹⁶¹ номли мақола эълон қилинади. Мақолада Сайд Ахорий, Мунаввар қори, Салимхон Тиллахонов авлодлари хотиралари ҳам жой олган. Мунаввар корининг жияни Муҳаммадхон Абдурашидхонов хотирасида уни қизил аскарларга қарши ташвиқот олиб борганлилиқда айблаб, 10 йилга қамашгани, аслида эса Мунаввар қори тарбиясида катта бўлгани учун қамалганлигини келтиради. Муҳаммадхон Абдурашидхонов Мунаввар қоридан қолган ягона суратга тўхталиб, уни Тошкент шахридаги “Ёш гвардия” театри рўпарасида кўчанинг ўнг томонида озарбайжонлик суратчи дўконида олинганлигини ҳикоя қиласди.

Олимларнинг илмий тадқиқотлари натижасида Мунаввар қорининг XIX аср охири – XX аср бошларидағи маориф, матбуот соҳасидаги ҳизматлари, ижтимоий-сиёсий жараёнларидаги фаолиятига оид ҳужжатлар, материаллар ва матбуот манбалари жамланди. Ушбу маълумотлар 2000 йилда чоп этилган “Ўзбекистоннинг янги тарихи” номли томлик китобнинг биринчи ва иккинчи жилларига ҳам киритилди.

“Қадрият” газетасининг 2001 йил сентябрь сонида ““Миллий иттиҳод” тақдири” номли мақола чоп этилди. Мақолада Мунаввар қорининг ташкилотдаги фаолиятига тўхталиниб “Икки чопарниң ГПУ томонидан қамоққа олиниши “Миллий иттиҳод”га катта зарар келтирди. Шунга қарамай Мунаввар қори Абдурашидхонов 1922-1923 йилларда ташкилотни қайта оёққа турғиза олди”¹⁶² – деб ёзади мауаллиф.

Нашрга тайёрловчи ва сўз боши муаллифи – санъатшунослик фанлари номзоди Сирохиддин Аҳмедов Мунаввар қори Абдурашидхоновнинг фаолияти устида узоқ йиллар изланишлари натижасида 2003 йилда адабнинг бадиий асарлари, рисолалари,

¹⁶⁰ Абдурашидхонов Мунаввар қори. Хотираларимдан // Турон тарихи журнали. 1994 йил август. – Б.13-14.

¹⁶¹ Эгамназаров А. Истиклолчилар қатл этилган жой // Шарқ юлдузи. 1997 йил. 1-сон. – Б.193-211.

¹⁶² Каримов Н. “Миллий иттиҳод” тақдири. // Қадрият. 2001 йил 1 сентябрь.

нутқлари ва мақолалари, ҳамда хотираларини ўзида жамлаган истиқлол қаҳрамонлари туркуми остида “Мунаввар қори Абдурашидхонов”¹⁶³ номли танланган асарлар тўплами чоп этилди.

Яқин йилларда Мунаввар қори Абдурашидхонов шахси хориж олимлари тадқиқотларида ҳам тадқиқ этила бошланди. Жумладан: Америкалик тарихчи Эдвард Олворд ўзининг “Замонавий ўзбеклар”¹⁶⁴ (Modern uzbeks) номли китобида Мунаввар қори ва унинг мактабдорлик фаолияти, у томонидан янги усул мактаблари учун нашр этилган дарслерлар борасида батагисил маълумотлар беради. Адид Холиднинг “Munavvar qori’s ‘Memories’: An Uzbek Confession-Testimony from the Files of the Secret Police”¹⁶⁵ (Мунаввар Корининг “Хотиралари”: Ўзбек махфий полиция хужжатларидағи тасдиқи – гувоҳликлар) номли иши ҳам бевосита Мунаввар қорига оид маълумотлар, фактлар ва манбалардан фойдаланилган ҳолда инглиз тилида баён этилган.

Мухтасар қилиб айтганда Мунаввар қори Абдурашидхонов фаолияти ва илмий меросини ўрганиш Ўзбекистон тарихининг XX аср бошларидағи ижтимоий-сиёсий, маданий маърифий жараёнларидаги воеа ҳодисотлар билан чамбарчас боғлиқлиги билан аҳамиятлидир. Қолаверса унинг илмий мероси келажак авлод қалбida миллат, ватан таушунчаларини англашда, аҳлоқан ва маънан тарбияли, ватанпарвар шахс бўлиб камол топишлари учун зарур манба бўлиб хизмат қиласи.

*Абдували ЙЎЛДАШЕВ
Катагон қурбонлари хотираси
давлат музейи кичик илмий ходими*

МУНАВVAR ҚОРИ АБДУРАШИДХОНОВ ЗАМОНДОШЛАРИ НИГОХИДА

XIX аср охири – XX аср бошларида Туркистон ўлкасида вуҷудга келган жадидчилик ҳаракати ўзининг олдига биринчи

¹⁶³ Мунаввар қори Абдурашидхонов. Танланган асарлар. Таҳрир ҳайъати: О.Шарафиддинов, Н.Аминов, Н.Каримов ва бошқалар. –Т., Маънавият 2003 й. – 304 б.

¹⁶⁴ Edward Allworth. The modern Uzbeks: from the fourteenth century to the present : a cultural history Hoover Institution. 1990.

¹⁶⁵ Adeeb Khalid. Munavvar qori’s ‘Memories’: An Uzbek Confession-Testimony from the Files of the Secret Police vol. 47, Presses de l’Inalco, 2016. S.195-213.

навбатда миллатнинг ўзлигини танитиш, бидъатлардан кутулиш, Миллат ва Ватан истиқболини қўлга киритишни асосий мақсад килиб кўйди. Бу йўлни ўлка зиёлларни маориф, илм-фан, матбуот ва маданият соҳаларини ривожлантиришда деб билдилар ҳамда шу соҳаларга катта эътибор қаратдилар. Улар матбуот билан ҳалқни ғафлатдан уйғотиш, маорифни тараққий эттириш йўли билан буюк мақсадларини амалга оширишга умид боғладилар. Бунинг учун тараққий этган миллатлар билан ҳамқадам авлодни тарбиялаб етиштириш керак эди.

Туркистон ўлкасининг ўша даврдаги ижтимоий, иктисолий, сиёсий ва маданий тараққиётини ўз ғами деб билувчи кишилар ҳаммаслаклигига, ана шу гояларни амалга оширишга катта эътибор қаратди. Уларнинг орасида Мунаввар қори Абдурашидхоновдек маърифатпарвар ҳам бўлиб, у кенг қамровли фаолияти, амалга оширган хайрли ишлари билан миллат тарихида ўзига хос ўринга эга.

У Туркистондан етишиб чиққан буюк ислоҳотчилардан бири эди. Мунаввар қори “усули жадид” мактабларини очди, ўқитувчилик қилди, дарсликлар яратди. Янги усулдаги мактаблар учун кадрлар тайёрлади. Бола тарбиясига жиддий эътибор қаратди. “Тарбияли бола улуғларни иззат ва ҳурмат қилур. Ўзи баробариға яхши муомала қилур. Ва ўзидан кичикларға шафқат ва марҳамат қилур. Ҳар кимнинг қадрини билур. Ўзидан рози қilmokғa ҳаракат қилур. Кўлидан келганича бошқа инсонларға ёрдам берур. Инсонликға ярашған ишлардан ўзини тортмас.... Кўлидан келмаган ишни устига олмас. Устига олган хизматини қилмай қолдирмас. “Миллат” деган сўзни жонидан ортиқ суръ¹⁶⁶, – деб ёзади “Адибуссоний”¹⁶⁷ китобида Мунаввар қори Абдурашидхонов.

Замонасилинг кўп илм эгалари уни ўзларига устоз сифатида билишган. Ўзбек адабиётида Тошқин таҳаллуси билан ижод қилган ёзувчи Мўминжон Муҳаммаджоновнинг Мунаввар қорига ҳурмати баланд бўлган. У ўзининг “Турмуш уринишлари” китобида Мунаввар қори билан учрашувлари ва унинг фаолиятига доир маълумотларни келтириб ўтади. Мунаввар қори кўмагидан фойдалан-

¹⁶⁶ Адибус-соний. Ахлоқ дарслари: тарбияли бола. Мунаввар қори Абдурашидхонов. Танланган асрлари.–Т.: Маънавият, 2003. –Б.50

¹⁶⁷ Адибус-соний- Мунаввар қорининг бу асари 1907 йилда чоп этилган. Боймирза Хайтнинг ёзишича бу асар 1965 йилда Туркистонли муҳожир Мавлоно Аъзам Ҳошимий томонидан Карочи (Покистон)да қайта нашр этилган.

ган, маслаҳат олиб турғанлигини баён қилади. Тошқин Мунаввар қори билан танишиш шарафини қуидагича тасвирлайди. “Миробод маҳалласининг имоми Мунаввар кори деган бир шоир билан танишиб қолдим. Бурун неча кишидан бу одамнинг таърифи ва тавсифини эшитиб юрган бўлсан ҳам сұхбатини кўрмаган эдим. Унинг юмшоқ табиат ва сўзга усталиги, бир-икки соатнинг ичидা Навоий, Умархон¹⁶⁸, Фазлий¹⁶⁹ каби шоирларнинг шеърларидек шеърларни ёзib ташлаши билан бошқа муллабаччалардан кўбкина айирмаси (фарқи) бор эди¹⁷⁰”. М.Муҳаммаджонов учрашувларида Мунаввар қори фаолиятини кузатиб бориб “Ул “Таржимон” деган мен тушунмайдирган бир газет ўқиб юрганини кўб кўраман. Бироқ менинг олдимда янгиликдан сира оғиз очқони йўқ. Қавмларининг орасида бир оз фикрлироғи Фозил Абзи дейдирган бир нўғай бўлиб, Мунаввар қори билан “Таржумон”да ёзилғон мақолалари устида фикр юргизишар эдилар¹⁷¹”, – деб ёзади. Мунаввар қори ҳар жиҳатдан эҳтиёт чораларини эътиборга олиб юрган. Чунки ўша пайтдаги империя охранкалари учун мустамлакадаги бундай зиёлилар фаолияти ҳафли ҳисобланган. Ҳар хил айловлар учун баҳона излашгани табиийдир.

Мунаввар қори ўз фаолиятида ёшларга замонавий таълим ва дунё илмини ўргатиши, янги авлодни тарбиялаш масаласига ўта долзарб масала сифатида қараган. У Тошкентда 1901 йилда усули савтия мактабини очади ва бундай мактабларни очиш ва уни оммалаштириш йўлида ўзи тузган ўкув дастурлари асосида жамоат олдида очиқ имтиҳонлар ташкил қилади. “Ҳар миллатнинг мактаб ва мадрасаси ўлдиғи каби, бизни ҳам мактаб-мадрасаларимиз гарчи бенизом ва беусул ўлса ҳам, йўқ демак даражада оз эмас. Ҳар миллат авлодини тарбиялаш ва таълими улумда кўрсатган ҳиммат ва ғайрати каби бизларда ҳам ўз маъсум авлодларини жаҳолат ва ғафлат зулматида қолмоқиға ҳеч бир ризолари ўлмай, кўлларидан келганча таълим ва тарбияти авлодда кусурлик кўрсатмакчи зотлар

¹⁶⁸ Умархон – Кўқон хони (1810-1822) “Амирий” таҳаллуси билан ижод қилган.

¹⁶⁹ Фазлий Наманганий – асл исми Абдукарим. XVIII асрнинг 2-ярми XIX асрнинг 1 – ярмида яшаган. Умархон хукмронлиги йилларида Кўқонга келади. Шеърий истеъоди туфайли сарой шоирларининг бошлиги - “Малик шуаро” номини олган. У 1921 йилда “Мажмууа шоирэн” (Шоирлар мажмуаси) тазкирасини тузган.

¹⁷⁰ Муҳаммаджонов М. Турмуш уринишлари. (Бир муллабаччанинг хотира дафтари). Т. 2015. –Б. 92.

¹⁷¹ Ўша китоб. 94 бет.

мавжуддирлар¹⁷², – деб ёзади “Бизни жаҳолат – жаҳли мураккаб” номли мақоласида.

ХХ аср бошларида Тошкентда кўплаб янги усул мактаблари ташкил этилиб, улардаги жиҳозлар ва ўкув куроллари янги тусга кирди. “Бу янги тартиб мактабларнинг Тошкент шаҳрида жорий бўлиб кетишига биринчи сабаб Мунаввар кори бўлиб, барчасининг прўграмини шул тузиб берган бўлса ҳам ўқитувчиларнинг кўплари ўқитиш тартиби – йўли (усули таълим) қандай эканини билмаганларидан ва прўграмдаги фанларнинг отини энди эшитганларидан хозирға анча қийналур эмишлар¹⁷³” – деб ёзади замондошларида бири.

Мунаввар кори мактабини ўқиб ХХ аср бошларида турли соҳаларда анчагина унинг шогирдлари етишиб чиқди. Унинг йўлини тутган шогирдлари Мунаввар кори мактаби андозасида мактаблар ташкил этиб ёшларга сабок бера бошладилар. Ўзи ва шогирдлари томонидан ташкил қилинган янги усул мактабларида таълим жараённида вужудга келаётган муаммоларни ҳа-т этиш учун зарурий чора тадбирларни таҳлил этиб, “Маориф ва маданият боғчасининг биринчи дарвозаси мактабдир. Ер юзиндаги маорифли миллатларнинг ҳар бирлари маданият боғчасина шул дарвозадангина кирмишлар, яъни маориф ва маданият йўлина сафар прогроми ясалганда, биринчи моддасини шул “Мактаб очмак” масаласини кўймишлар. Ишларини шул “мактаб”дангина бошлайлар. Мактаб очуб, билфеъл иш бошлагонларидин сўнгра ҳар тарафдин турли турли нуксонлар ва эҳтиёжлар кўрила бошламишдир” – деган холосага келади¹⁷⁴.

Ташкил этилган мактаблар, ундаги дарс жараёнини таркибини тузиб чикиш, янгиликлар киритиш масалаларига ҳам катта эътибор берган. Ҳадранинг юқорисидаги бир маҳаллада Мунаввар корининг шогирдларидан бўлган Низом кори деган домланинг имтиҳонида иштирок этган Мунаввар кори бошчилигидаги бир гурух зиёлилар имтиҳон якунида ўз фикрларини билдиришгач, Девонабўрк самоварида тўпланиб, “Мунаввар корининг кенгаши билан бурунғи прўграмларини бошқа қилмок, ўзгартирмак бўлди-

¹⁷² Мунаввар кори. Бизни жаҳолат – жаҳли мураккаб. // Таракқий. 1906 йил 14 июн.

¹⁷³ Муҳаммаджонов М. Турмуш уринишлари. (Бир муллабаччанинг хотира дафтари). – Т. 2015. –Б. 205.

¹⁷⁴ Мунаввар кори. Жамиятлар қандай очилур? // Садойи Туркистон. 1914 йил, 14 июн.

лар. Бошланғич мактабларнинг 3-синфида ўқуладирған “Фавзул најжот” китобини прўграмдан чиқариш-чиқармаслик түғрисида анчагина тортишув бўлди. Мен (яни Мўминжон Мухаммаджонов - муаллиф) уни чиқариб, ўрнига Сўфи Оллоҳёр тўранинг “Саботу-л-ожизий”¹⁷⁵ китобини киргизиш ёғида бўлдим. Чунки “Фавзул најжот”нинг байтларининг ўлчов (вазн)лари бузук бўлиши ила бирга хурофот ҳам ўқувчиларнинг қиликларини бузувчи сўзлари кўб эди. “Саботу-л-ожизий” сўфиёна бўлса ҳам ўлчовлари келишган ҳам қилиқ (хулқ) бузувчи гаплари оз эди¹⁷⁶.”

М. Абдурашидхонов таълим тараққиётида узокни кўзлаб иш кўрар эди. Болалар ўқишилари, илмий дунёқаралиги учун дарслик ва ўқув кўлланмаларни дастлабки йилларда Истанбул, Қозон ва Кримдан диний ва дунёвий ўқув рисолалар, алифбо ва ўқиши китоблари олади. У 5 синфли илк усули жадид мактаби қошида икки синфли “Рушдия” (юқори синф) синфини очади. “Намуна мактаби”ни биринчи бўлиб битирган собиқ шогирдларидан Афандизода унинг бу фаолияти ҳакида қўйидагиларни ёзди: “Мунаввар қори Туркистонни истило этганларга қарши курашнинг ягона йўли таълим деб билди. Халқни исёнга чорламади. “Бизнинг галабамизнинг биринчи шарти ва асоси билим ва техникадир”, - деган фикрлари билан биз ёшларга таҳсилни Истанбулда давом эттириш кераклигини таъкидлар эди”¹⁷⁷.

Доктор Иброҳим Ёрқиннинг “Хур Туркистон учун”* газетасининг 3-4 сонида “Эшон хўжа” номли мақолоси чоп этилади. Унда Эшонхўжа Хонийнинг шахси ҳакида сўз битилиб, бу киши маърифатпарвар Мунаввар қори билан ҳаммаслак киши эканлигини қайд этади. Мунаввар қори мактаби каби Эшонхўжа Хоний ҳам жадид мактаби очганлигини, Эшонхўжанинг Кўйи Девонбеги-

¹⁷⁵ Сўфи Оллоҳёр – 1630-1650 йиллар оралиғида Самарканддаги Каттакўргон беклигига карашли Минглар кишлоғида таваллуд топган. Унинг “Саботу-л ожизий” асари сўзларининг қиска ва лўндалиги ҳамда кўплаб маъноларга далолат қилиши билан ажralиб туради. Асарда ахли сунна вал жамоанинг эътиқодий қарашлари ўзбек тилида назмий услубда баён этилган. Шу сабабли далиллар келтирилмасдан улардан келиб чиқсан хуносалар назмга терилган.

¹⁷⁶ Мухаммаджонов М. Турмуш уринишлари. (Бир муллабаччининг хотира дафтари). –Т. 2015. –Б. 206-207.

¹⁷⁷ Долимов У. Жадид педагогикаси. – Тошкент. 2007. – Б.47. Манбавий асоси: //Ёш Туркистон. 1934 й. январь.

* Хур Туркистон учун газстаси – 1975-1977 йилларда Истанбулда чиқарилган. Ташкилотчиси Зиёвуддин Бобокурбон.

даги мактабида ўқиб, икки йиллик рушдий таълимини Мунаввар қорининг “Намуна мактаби”да ўқиганлигини ёзди¹⁷⁸. Ватан миллат озодлик ва хурлик тушунчаларини унинг мактабида ўрганганлигини такидлайди.

Мунаввар қори етиштирған шогирлар таълимини олган янги усул мактабида олти йиллик таълимни олган Абдулваҳоб Ўқтой (Исҳоқ ўғли) ва Тоҳир Чигатой (Шокирзода) ўрта маълумотни эгаллаш учун 1917 йилда Озарбойжонга боради. Ёзда қайтган Тоҳир Чигатой “Туркистон Миллий бирлиги”га аъзо бўлади. 1921 йил Тоҳир Чигатой, 1922 йилда эса Абдулваҳоб Ўқтой Озарбойжондан Туркистонга қайтиб олий таълим олиш учун Германияга йўл олади¹⁷⁹. Мунаввар қори бошлаб берган йўлдан етишиб чиқаётган авлодларнинг фаолиятини мана шу маълумотлардан ҳам хulosа қилиш мумкин. Лекин совет хокимиятининг ерил халқлар зиёлиларига муносабати салбий эди. Уларни ҳам жисмонан, ҳам маънан маҳв этиш учун таъқиб этди. Ва ниҳоят “Миллий иттиҳод” ташкилотининг фаолиятида айблаб дастлаб Мунаввар қори ва у билан бирга 37 киши ҳибсга олинди. Кейинчалик ташкилотга алокадор яна 41 киши қамоққа олинниб, жами 87 киши “Миллий иттиҳод” ташкилоти доирасида айблачди. Уларни “Халқ душмани”га айлантириш учун ОГПУ идораси турли йўллардан фойдаландилар.

Хужжатларда “студент” деб қайд килинган 19 ёшлик Мадхиддин Солихович Мухаммедовнинг ана шу иш юзасидан берган гувоҳлик Мунаввар қори, унинг сафдошлари ва шогирларини айбдорга айлантиришдаги Ички Ишлар Халқ Комиссарлигининг бир йўли эди.

Мадхиддин Мухаммедов берган гувоҳлик хужжатига кўра: “Мунаввар қори, Мурод Хўжа Домулла, Шорасул Зуннун ва Эсон Афанди бошчилигидаги кишилар эски нуктаи назарда турардилар. Эшон Хўжа Хоний, Ҳасан Қори, Салимхон, Мир Гейди ва Ваҳоб Муродий бошчилигидаги бошқалари эса ўз ғоя-мақсадларини

¹⁷⁸ Тоҳир Қаҳҳор Хур Туркистон учун. –Т. 1992. –Б.20.

¹⁷⁹ Ryosuke Ono. Muhacerattaki bir o'zbek Turku'nun mektuplarina gore Turk dunyasi – Abdulvahap Oktay ve mektupları. Ankara Üniversitesi Dil ve Tarih-Coğrafya Fakultesi Dergisi. 53, 2 (2013) - Б.565

совет ҳукуматидан фойдаланиб амалга ошириш йўлига ўтдилар”¹⁸⁰ – дейилади.

У Эшон Хўжа Хонийни шахсига тўхталиб, собик жадид, Туркистонда жадидлик ҳаракатида фаол иштирок этган, мафкура жиҳатидан ёт унсур. Совет ҳокимиётининг пахтачилик соҳасини кенгайтириш кампаниясидан ва буғдой етишмовчилиги каби тадбирларидан норози бўлган. У менга дердики, Ўзбекистонда ун тақчиллиги қаттиқ сезилиб турган бир маҳалда Масков дехқонларни пахта экишга мажбур қиляпти, боз устига, Масковнинг ўзи ваъдасига хилоф равища Урта Осиёга буғдой етказиб бермаяпти, натижада дехқонларни ун билан таъминашда мана шунака кийинчиликлар юзага келмоқда. Бир сўз билан айтганда, пахтачилик тармоғини кенгайтириш аҳолининг бошига битган бало, бундан фақат дехқонлар зарар кўрадилар. Бундан ташқари, биз Масковни пахта билан таъминлаяпмиз-у, ўзимиз етарли миқдорда саноат молларини, жумладан, мануфактура олмаяпмиз...

У жадид мактабларида сабок берарди, инқилобдан кейин 1926 йилгача совет мактабларида ўқитувчилик қилди, мактабларнинг мудири бўлиб ишлади. Эшон Хўжа Хоний мудирлик қилган “Ҳаёт” номли мактаб ўқувчиларининг менга айтишларича, у ўқувчиларга миллий ғояларини ўқитган, мактаб жамоат ташкилотлари ва комсомол ишларига тўсқинлик қилган. “Ўқувчилар мактабда факат ўқиш билан банд бўлсинлар, ҳар хил жамоат ишлари, таълимтарбия ишларига ҳалақит беради”, дерди.

Ҳасан кори Хоний ҳақида маълумот бериб, уни мафкура жиҳатдан Эшон Хўжа Хонга яқин. Узоқ йиллар жадидларнинг китоб дўконига мудирлик қилган. 1926-1927 йиллари ўзбек давлат нашириётининг дўконида ишлаган. Ўздавнашрда ишлаган чори ўрислар билан чиқишимаган ва шунинг учун ҳам уни ишдан ҳайдашган.

Наримонов техникумida ўқиган Ғулом Қодир Ҳикмат ва Ғулом Қодир Каримий Мунаввар кори ва Шорасул Зуннуннинг таъсирида бўлган. Ғулом Қодир Ҳикмат адабиётга қизиқади, ўзининг асарлари ҳам бор. Бир куни бир расм чизган, унда думли қуёш бўлиб, у илонга ўхшаб бўғаётгани тасвирланган. Ўзининг тушунтиришича, қуёш – Октябрь инқилоби, илон бошли дум эса –

¹⁸⁰ Ўзбекистон Республикаси Вазирлар Махкамаси ҳузуридаги “Қатагон курбонлари хотираси” давлат музейи жорий архиви

руслар. Расмда: “Миллат, эҳ, менинг миллатим”, деган ёзув битилган. Бу ҳодиса муҳокама қилинганда, у ўз ўқитувчилари Мунаввар Қори билан Шорасулнинг таъсирида бўлгани учун шунақа расмлар чизганини айтган.

Гулом Қодир Каримий ҳакида маълумот бериб, у Шариф Носир Хўжаевнинг (Каримийнинг курсдоши) альбомига икки дараҳтнинг расмини чизган. Биттаси катта, иккинчиси кичик. Каттаси кичигидан қўёш нурларини тўсиб турибди. Ўзининг тушунтиришича, катта дараҳт – руслар, кичиги эса – ўзбеклар. Бу фикрларни миллатчилик сифатида баҳолаб кўрсатма берган гувоҳ 1929 йил 15 ноябрдаги ёзилган ҳужжатда^{181*}.

Мунаввар қори Абдурашидхонов миллат тараққиёти йўлида ношир ва маорифчи, серкира олим, адабиётшунос шоир, узокни кўра олган сиёsatчи, миллатпарвар сиймо сифатида ўз миллати учун кўплаб ишларни амалга ошириди. У аслида миллатчи ҳам, исломпараст ҳам, туркпараст ҳам эмасди. Ўз ҳалқининг озод миллат сифатида шаклланишини, ижтимоий-сиёсий жихатдан баркамол бўлиши истагида ҳаракат қилди. Шунинг учун ҳам хайрли амаллари билан замондошлари эътиборини козона олди ҳамда миллатпарварлик фаолияти сабаб ҳукмрон синф учун хавфли шахсга айланди. Шўро ҳукумати унинг бу эзгу истагига тузоқ ташлаб, мана шунинг учун ҳам курбон қилишди.

¹⁸¹ Ўзбекистон Республикаси Вазирлар Маҳкамаси ҳузуридаги “Қатагон қурбонлари хотираси” давлат музейи жорий архиви

* Мунаввар қори ва “Милий истиқлол” ташкилоти айзолари устидан амалга оширилган Мадхиддин Мухаммедининг чакув ишини Нуруллоҳ Мухаммад Рауфхон муаллифлигига 1993 йилда матбуотда “Бир сотқин ва унинг чакувларида жўмарларнинг тарифлари” номи билан зълон қилинган. Макола ҳудди шу ном остида //http://kh-davron.uz/kutubxonai/uzbek/tarix/munavvar-qori-ustidan-chaquv-yozgan-sotqin.html сайтида ҳам мавжуд.

МУНДАРИЖА

<i>Наим Каримов.</i> Мунаввар қори Абдурашидхонов миллий мустақиллик учун кураш йўлбошчиси сифатида.....	3
<i>Бахтиёр Ҳасанов.</i> Мунаввар қорининг сиёсий фаолиятига доир...15	
<i>Дилором Алимова.</i> “Чин экан айтган сўзи” – Мунаввар қорининг тарихий башорати.....	24
<i>Сайдакбар Аззамходжасев.</i> Мунаввар қорининг ёшлиги ўтган маҳалла.....	29
<i>Нурбой Жабборов.</i> Мунаввар қори ва миллий маърифат.....	35
<i>Сироҗиддин Аҳмад.</i> Мунаввар қори Абдурашидхоновнинг Ўрта Осиё маданиятидаги тутган ўрни ва роли.....	44
<i>Нодира Мустафаева.</i> Туркистон жамиятининг маданий.....	52
<i>Сотимжон Холбоев.</i> Миллат фидойиси ва раҳнамоси тараққиётида Мунаввар қори Абдурашидхоновнинг тутган ўрни.....	62
<i>Абдуҳамид Холмуродов.</i> Миллатнинг буюк фидойиси.....	75
<i>Баҳром Ирзаев.</i> Мунаввар қори Абдурашидхонов ва унинг педагогик мактаби тарихидан.....	83
<i>Бахтиёр Эгамов.</i> Мунавварқори Абдурашидхонов – замонавий география дарслклари муаллифи ва моҳир педагог.....	110
<i>Дилноза Жамолова.</i> Мунаввар қори Абдурашидхонов: вакф мулклари ҳақида.....	122
<i>И.Кулджонов, Д.Саибов.</i> Нурли инсоннинг порлоқ хотираси мангу қалбимизда яшайди.....	131
<i>Насиба Турсунова.</i> Миллий мактаб асосчиси.....	136
<i>А.Йўлдошев, Э.Раджапов.</i> Мунаввар қори Абдурашидхонов фаолиятининг ўрганилиши.....	141
<i>Абдували Йўлдошев.</i> Мунаввар қори Абдурашидхонов замондошлари нигоҳида.....	148

«MUMTOZ SO‘Z»
масъулияти чекланган жамиятининг
матбаа бўлимида чоп этилди.
Манзил: Тошкент, Навоий қўчаси, 69.
Тел.: 241-81-20

Илмий-бадиий нашр

МУНАВVAR ҚORI АБДУРАШИДХОНОВ ТУРКИСТОН ТАРАҚҚИЙПАРVARЛАРИНИНГ САРДОРИ

*“Мунавvar қори Абдурашидхоновнинг илмий-педагогик мероси
ҳамда Ўзбекистонда таълим тизимини янгилаш ва
ривожлантириши муаммолари” маъзуидаги Республика илмий-
амалий анжумани материалари.*

2018 йил 26 апрель

Нашиёт мухаррири: Маҳкам Махмудов
Мусаххих: Хилола Болтабоева
Техник мухаррир: Беҳзод Болтабоев

**«MUMTOZ SO‘Z»
масъулияти чекланган жамияти
нашиёти**

Манзил: Тошкент, Навоий кўчаси, 69.
Тел.: (998 71) 241-60-33 E-mail: mumtoz_soz@mail.ru

Нашиёт лицензияси AI № 103. 15.07.2008
Босишига рухсат этилди 09.10.2018
Коғоз бичими 60x84 1/16. Офсет коғози
Times New Roman гарнитураси. Ҳисоб-нашиёти табоғи 8,0
Шартли босма табоғи 8,75. Адади 50
Бахоси келишилган нархда